

nis auctoritatem, partim etiam ob interpretationis significationem. Sequentem vero diem vocant diem Dominicum, tum propter Christi resurrectionem, tum propter Spiritus sancti e coelis missionem, vel quia Joannes evangelista in sua Apocalypsi sic ipsum nominavit. Ait enim ibi hoc pacto : *Fui in spiritu in die Dominica (Apoc. 1).* Sed diem qui proxime Dominicam sequitur, seriam vocant secundam, itemque et alias dies ad Sabbathum usque. Dicuntur autem seriae a feriendo, non quod a necessariis vitae operibus sit feriandum et abstinentium, sed quoniam toto vita nostra tempore a vitiis feriari debeamus. Dies festi porro sunt dies solemnies, qui, ut soli servarentur, quasi prescripto et quadam instituto recepti sunt. A sole enim vel a solito solemne dictum est. Unde solemnia festa vocat Ecclesia, quae certa sunt observatione constituta. Atque hinc etiam venit solemnitas, quae qua-
cripartita esse potest, videlicet festivitatum, statio-
num, litaniarum, et jejuniorum.

CAPUT IV.

De solemnitate festivitatum.

Primo igitur de festivitatum solemnitate agendum est, quae pluribus nominibus vulgo exprimi solet, nimisrum his : festivitas, festum, celebritas, existus, transitus, obitus, assumptio, depositio, dormitio, passio, dedicatio, nativitas, natalis, vel natale et natalitium. Festivitas dicitur, quasi festi sancti alicujus nativitas. Nativitas vero proprie appellatur festum illius nativitatis, quae est in carne et in mundo, ita ut hinc solum dicatur nativitas Christi, B. Mariæ et Joannis Baptiste, quod horum nativitates duntaxat ab Ecclesia celebrentur. Natalis vel natale et natalitium vocatur sanctorum ex hoc saeculo commigratio, quia ut saeculo et mundo moriuntur, ita tunc celo nascuntur. Indiferenter autem tria haec vocabula usurpantur. Dicitur porro transitus festum, quod est de morte beatorum, cum eorum animæ e corporibus exeuntes per varia loca sibi incognita transire debeant, nempe, si dicere licet, per cœlum aerium, æthereum, crystallinum, donec pervenerint ad cœlum empyreum. Obitus appellatur, quasi tum animis angeli veniant obviam, cujusmodi de B. Martino legitur. Passio autem nuncupatur, quasi tum maxime corpus patiebatur, cum inde anima excederet. Quapropter fieri etiam potest ut uniuscujusque obitus appelletur passio, cum ille discessus animæ ac distractio a corpore, non sine magno dolore fiat. Nec enim sine causa est, quod D. Hieronymus in Vitis Patrum de quodam viro sancto narrat, qui Dominum rogaverat ut sibi vellet ostendere quemadmodum e corpore excederet anima absque dolore et angustia aliqua. Nam cum hic quodam die forte fortuna ab suo veniret tuguriolo, vidit iuxta viam pauperem quendam ante se misere prostratum, ac jam animam agentem, cui aliquot, ut perspicue videbat, astabant angeli, qui ejus exspectabant animam, ut eam ad superos deportarent. Verum hi, posteaquam illie-

A multum diuque exspectassent, vox missa e coelis ad angelos illuc audita est : « Ad quid tandem moramini ? » Ad quam illi responderunt Dominum præcepisse ut animam illius sine corporis anxietate educerent, quod certe facere non poterant. Haud injuria ergo cujusque obitus et passio dici potest. Assumptio vero proprie dicitur transitus B. Mariæ, et depositio S. Joannis evangelistæ, qui virus sepulerum ingressus est, et se quasi in illud depositus. Tandem etiam dormitio mors appellatur sanctorum, quæ illis est velut optatissima quies. Sicut enim a somno validiores atque integriores surgere omnes soleamus, ita et sancti sine difficultate resurgent in corporibus glorificatis quasi e somno fuissent exppercti. Unde illud est quod Dominus de Lazaro dixit : *Lazarus amicus noster dormit (Joan. xi).*

CAPUT V.

De festis.

Festorum quædam sunt generalia, quædam particularia. Generalia sunt quæ generatim ab omnibus celebrantur, ut festa Trinitatis, B. Mariæ, Nativitatis Domini, Paschæ, Pentecostes, sanctæ crucis, apostolorum, evangelistarum, S. Joannis Baptiste et evangelistæ, Laurentii, Nicolai, Sylvestri, Martini, etc. Festa autem particularia sunt, quæ tantum in una coluntur provincia, ut festum B. Hilarii, quod in Aquitania duntaxat observatur. Vel etiam quæ in uno fiunt episcopatu, vel in una villa aut parochia, dicuntur festa particularia. Notandum interim obiter hic est, in calendis festis dignitatem quamdam et ordinem esse attendendum. Festa enim Trinitatis digniori cultu sunt celebranda, deinde festa B. Mariæ, præcipue tamen Assumptionis, ac tandem quoque festa S. crucis, quæ duo sunt. De aliis ante intelligenti facile est judicare. Quot sunt festa Trinitatis, tot B. Mariæ esse sciendum est. Causæ vero festorum quæ sint, et cur quædam non suo tempore, sed alieno celebrentur, sequentia commodius declarabunt.

CAPUT VI.

De stationibus.

D De litanis quidem modo non incommodè dicendum foret, nisi de iis tum paulo opportunius essemus dicturi, cum de festis juxta temporum varietates tractabimus. Operæ pretium igitur est, ut hoc tempore his supersedeamus, ac modo de stationibus agamus ubi sex sunt consideranda. Primo, quid sit statio, et quam ob rem sic appellata; secundo, unde initium sumpserit; tertio, quot sint earum species; quartu, quare hujusmodi solemnitatis stationum sit instituta; quinto, cujusmodi sint perficiendæ; ultimo demique, quæ sit differentia inter stationes, processiones et litanias. Et quidem statio, prout hoc in loco accipitur, est processio quæ fit ad aliam ecclesiam, ut Deo persolvantur gratias. Dicitur autem statio, quod stantes Deo agimus gratias, non flexis genibus sicut in litanis, nec in eis supplicationis utimur vocibus, sed laudem Deo

cantamus. Videntur tamen stationes a veteri lege ad nos fluxisse. Tum enim populus Judaicus, atque etiam complures ethnici Jerosolymam conveniebant in maximis solemnitatibus, veluti in Paschate et Pentecoste, ut in templo adorarent, ibique et munera offerrent, ac Deo tandem gratias pro innumeris beneficiis agerent. Ab hac ergo est consuetudine, quod etiamnum nostra Ecclesia observat, ut omnes pariter ab oppidis, villis aliisque locis suburbiorum in septimana Paschali et Pentecostes ad episcopalem ecclesiam convenient. Sunt item aliae stationes, quae a Romanis originem traxerunt, qui in ejusmodi frequenter admodum versabantur. Si quando enim diversis temporibus se ab hostibus undique obsessos animadvertebant, aut graviora sibi imminere pericula, sanctorum intercessiones implorabant, ut quidquid esset periculi tandem cessaret. Quo quidem facto processionibus ad ejus sancti ecclesiam convenient, cuius patrocinio fuerant liberati, ut tanto beneficio dignas gratias Deo agere possent. Atque ita sane fiebat statio ad S. Paulum illo die, quo per ejus subsidii invocationem eos liberaverat Dominus. Et sic de aliis. Stationum autem duas sunt species : Aliae enim sunt generales, aliae particulares. Generales sunt, quae in iis duabus septimanis, quas modo diximus, ad majorem semper ecclesiam fieri solent ; particulares vero sunt, quae in diversis ecclesiis ex causa quam statim attulimus fiunt. Quandoque etiam fiunt stationes causa venerationis, nulla alia causa interveniente, ut cum in alicujus sancti festo ad aliam ecclesiam itur processione a majori. Rursus interdum stationes fieri dicuntur, eum ob eamdem venerationis causam diebus festis ad diversa progredimur altaria. Quare ex iis quae diximus, satis constare arbitror quae sit stationum institutio. Quibus illud tamen addendum est, quod quemadmodum Romani in sua civitate ad pericula evitanda stationes annuatim fieri statuerunt, sic quoque in aliis civitatibus ob similem causam suas instituerunt stationes. Non est profecto, quod multum anxiis sinus circa vestes, quibus in stationibus uti oportet, cum ejusmodi esse debeant, quales in choro quotidie haberi licet, hoc semper observato, ut illi tempori maxime convenient, quo fiunt stationes. Non hic jejunatur sicut in litanis. Non hic flectuntur, ut dictum est, genua, sed latitiae voces cantantur, nimirum responsoria, ut dicimus, et antiphonae, vel his quidpiam simile. Fit nonnunquam ut, dum peraguntur stationes, in ea ecclesia, ad quam itur, missa celebretur, et interdum non. Ut ut tamen haec sunt, absoluta stationis oratione semper unde exierant redditur. Inter stationes vero, litanias et processiones hoc interest, quod stationes ex causis supra dictis, eo, quo expositum est, modo fiunt litanias quae supplications ac rogationes significant; ad vitanda quidem fiunt penitentia, atque omne effugiendum infortium, sed non sine jejunio et ueste humili aut habitu lugubri, vocibus in modum supplicatis. Unde profecto lita-

A niae dicuntur supplications. Sed evidentius haec omnia patebunt, cum eadem plenius paulo post simus tractaturi.

CAPUT VII.

De processionibus.

Processiones denique duæ sunt : una est, quam singulis annis observamus in Ramis Palmarum. Sic enim illam vocamus Dominicam, quæ proxime præcedit Pascha. Atque haec quidem illam representat processionem, quæ Domino suis exhibita a turbis Judeorum, et pueris cum ramis palmarum, cum insidens asinæ Jerosolynam veniret. Altera vero est, quam Dominicis diebus celebramus in ejus memoriam, quam discipuli Christo exhibuerunt ipso die Ascensionis, postquam cum eo simul ad montem Oliveti congregabantur, unde illis videntibus assumptus est. Non quod illud die Dominicum factum sit, sed processio et omnis istius diei celebratio in diem Dominicum translati est, ut a populo tunc maxime ad ecclesiam confugiente et simul et solemnius coli possit.

CAPUT VIII.

De jejunio.

Nunc videndum est quid sit jejuniu[m], unde dicitur, de auctoritate et laude, sive commendatione jejunii, atque ejus multiplici distinctione. Primum sane pertinet ad definitionem, alterum ad interpretationem sive originem, tertium ad confirmationem, quartum ad amorem, quintum denique ad cognitionem. Jejuniu[m] est communis omnia membrorum satisfactio, ut scilicet membra satisfaciant pro peccatis, quae admiserunt, ut si gula peccavit, jejunet ac sufficit. Qui solus est in culpa, solus sit in poena. Si oculus similiter. Unde Jeremias : *Oculus deprædatus est animam meam (Thren. iii).* Et : *Per fenestras oculorum meorum mors intravit in animam meam (Jer. ix).* Sic Augustinus : « Oculo nihil nequius. » Potest autem dici jejuniu[m] a jejunio, quod est intestinum quoddam, ut inquit anatomici, quod in homine mortuo prorsus vacuum reperitur. Nam et nos itidem cum jejunamus a vitiis omnino vacui esse debemus, idque tam in almo, quam in corpore. Unde plenius profecto Augustinus super Joannem jejuniu[m] definit hoc modo : « Magnum et generale est jejuniu[m] ab iniuriatibus et carnalibus voluntatibus abstinere. » Hoc enim jejuniu[m] omnibus numeris est perfectum et absolutum. Cui non absimile est quod Paulus ait : *Sobrie, et pie, et juste vivamus in hoc sæculo (Tit. ii).*

Nan quod, ut sobrie vivamus, inquit, ad nos plane pertinet ; quod pie, ad Dominum ; quod juste, ad proximum. Hinc pietas est cultus Deo exhibitus, cu[m] quo velut ex adverso pugnat impietas sive idolatria. Quare multi in hoc vocabulo pietatis errant, dum in eo vulgo assentiuntur, quod ille dicatur pius, qui e suis bonis libens pauperibus quidpiam partiatur ; contra ille impius, qui quæ pauperum sunt, ad se rapit. Verum ne diutius quadam similitudine labamur, et vicia impietati confinia, et vir-

tates, quae pietatis nomini non obsecare videntur respondere, breviter describemus. Multum sane interest inter flagitium, facinus atque impietatem. Nam flagitium in nobis metipsis est; facinus vero committitur in proximum, et impietas in Deum. Sic quoque magnum statuitur discrimin inter misericordiam, clementiam et pietatem. Ut enim misericordia maxime versatur circa nataram, sic clementiam esse dicimus erga justitiam, pietatem erga Deum. Verbi gratia, misericordia est, si quis ad supplicium aliquem juste damnatum duci videat, et ita natura inclinatione compatitur ac commovetur, ut ipsum a supplicio liberet. Quemadmodum etiam dicitur misericordia, si quod pauperi est sufforatum, ipsi restituimus. At vero clementia est, si quem injuste punitum viderimus, et nos periculis objecerimus, ut per vim illum eripiamus. Pietas denum est colere Deum, idque ex mero amore, quam Graeci vocant λαρπτιαν vel θροσειον; nos autem Dei cultum recte appellare possumus.

CAPUT IX.

De jejunii auctoritate.

Auctoritas jejunii triplex est. Nabel enim auctoritatem partim ab antiquitate temporis, partim a loci qualitate, partim denique a preeceptorum institutione et majestate. Ab antiquitate temporis, quod statim post orbem conditum in ipsa hominis creatione esse cœperit, cum dicebatur : *De ligno scientie boni et mali nè comedas* (Gen. ii). A loci vero qualitate, quia in paradiso fuit institutum. A preeceptore, quod non ab homine, sed a Deo ordinatum fuerit. Rursus commendatur a temporibus et personis. Et a temporibus quidem, quod in tempore ante legem, in tempore sub lege, et in tempore gratiae jejunium semper fuerit observatum. Ante legem a Mose; sub lege ab Elia; in tempore gratiae a Christo. Ejus autem commendatio plena est exemplis. Eva, quandiu abstinuit, virgo fuit incorrupta, mansaque in paradyso. Sed cum pœceptum jejunii viołasset, exemplo carnis sensit corruptionem, et sub viro est constituta, ac paulo post e paradyso turpiter ejecta. Ad eumden sane modum Adam, simul atque jejunium fregisset, ex delicis paradiſi in hanc mortalitatis miseriam detrusus est (Gen. iii). Moyses post jejunium cum Deo locutus est. Elias similiter post jejunium igneo curru in celum subiectus est (IV Reg. ii). Jerosolyma a Sennacherib tempore Ezechiae regis et Isaiae, centum octoginta quinque milibus celitus una nocte interfectis, fuit liberata, et ne inter cineratos feterent, solus Sennacherib cum decem tantum ausugit in Ninivem, ubi sexagesimo die post a propriis suis filiis fuit interemptus (II Paral. xxxii). Item, Jona iram Dei concionante, Ninivitæ in sacco et cinere jejunium paenitentiarum agentes consecuti sunt veniam (Jonas iii). Sic quoque Josue filius Nave jejunio, dum illud per integrum diem agebat ad Gabaon, solis et lunæ cursum cohibus, et hostes suos superavit. Ab his itaque personis jejunium commendatur; a loco vero, quod

De distinctione jejunii.

Jejunium sic primo dividi potest, quod aliud, sit
carnis, aliud mentis. Carnis est, cum quis abestines
a cibis; mentis vero quando quis jejunat a vitiis.
Vel etiam carnis jejunium dici potest, si quando
quispiam ob nimiam pinguedinem jejunat, ne cor-
pore supra modum pinguescat. Verum illud nullius
virtutis est, adeoque dicendum est potius esse atte-
nuationis. Quia ratione et mentis jejunium esse va-
lumus contra luxuriam, ne similiter plus aequo pin-
guescat, ac in multis luxurietur. Secundo jejunium
et hoc modo distinguitur, aliud videlicet esse insti-
tutionis, aliud devotionis, aliud paritatis, et aliud
dispensationis. Jejunium institutionis est Quadra-
gesima a sanctis Patribus olim instituta. Quiemad-
modum enim in lege veteri sancti Padres rerum su-
rum omnium decimas et primitias Deo reddere con-
sueverunt; ita nos quoque debemus ei decimas et
primitias offerre, non solum ex rebus nostris, nempe
ex frugibus, et aliis que possidemus, verum etiam
ex nobismetipsis scilicet jejunando, idque corpore
quidem a cibis, mente vero a vitiis. Est enim, ut
statim diximus, carnis pariter et mentis jejunium.
Offerimus autem Deo ex nobis primitias et decimas,
si quando bene operainur.

CAPUT XI.

*De institutione Quadragesimæ, et reliquis jejunandi
formis.*

C Instituta igitur sicut Quadragesima , pro dierum decima. Sed cur potius quadragenario numero , quam alio appelletur, evidens ratio est; cum quadraginta dies in anno pro decima liquido possimus invenire. Sicut Levitr ex decimis quae eis offerabantur, supremo sacerdoti partem reddebat decimam ; ita et nos decimam damus Christo vero pontifici ex triginta sex diebus, qui sunt in decima trecentorum et quadraginta dierum, et ex sex horis cum quadrante , quae sunt ultra dies trecentos et quadraginta. Cum ergo summatum sint dies quadraginta unus et quadrans, ex quadraginta habemus pro decima quatuor, quibus cum aliis triginta et sex computatis, exsurgunt quadraginta. Restat adhuc unus dies et quadrans, quae sunt horae triginta, quarum pars decima tres sunt horae , pro quibus in Sabbato Paschae jejunamus usque ad noctem. Sunt autem in anno dies trecenti et quadraginta sex, quorum decima pars triginta sex dies sunt, accepta decima quadrantis, pro qua voluit Augustinus ut in vigilia Paschae, ejus diei missa nocte celebraretur. Unde est, quod in oratione, quam collectam dicimus, illo die legimus : *Deus qui hanc sacratissimam noctem, etc.* Dicitur ergo Quadragesima, quasi cum decima quatuor. Diebus enim triginta et sex adduntur quatuor, qui sunt ex decima. Primus est sanctificationis, hoc est mundificationis, si sic dicere licet. Quia tunc homo mundatur et lavatur, tam anima quam corpore. Reliqui tres

sunt primitiarum. Primus dierum quadraginta est quarta Quadragesimæ. Tres alii sunt, ut dictum est, primitiarum. Et certe ignorandum non est tres dies jejuniorum in unoquoque tempore celebrari, qui appellantur primitiae, quod ita de iis sit dispensatum. Proinde jejunium dispensationis est, quod in magnarum solemnitatum vigiliis fieri dicitur. Solebant enim majores nostri illa nocte, quæ proxime festum præcedebat, vigilare, unde et vigilias appellabant dies festa proxime præcedentes, ad quas conveniebant juvenes et pueræ, cantores et lusores, sicut adhuc fit in plerisque regionibus, ut in Picavia, præcipue in festis patronorum ecclesiarum. Sed quoniam multa inde nascebantur incommoda, institutum fuit ut in locum vigiliarum succederent jejunia, ut eo deinde modo commissationes superflue et ebrietates quæ crebro contingebant, tollerentur et medio. Quod in ea forma ab Ecclesia ita dispensatum accepimus. Si quis tamen jejunaret et vigilaret, his utique haud male faceret. Nihil enim vetat bonum duplicare. Dicitur autem hujusmodi institutionis dispensatio, quasi in diversis, ut sic loquar, pensatio. Nam jejunium hoc fuit introductum in compensationem vigiliarum, quæ idcirco fuerunt abrigitæ, ne crebre illæ commissationes atque ebrietates posthac fierent. Aliquando tamen et canonici rigoris est dispensatio justa de causa ab eo cuius interest facta relaxatio, quemadmodum etiam in hoc loco. Viderunt enim quod melius erat jejunare quam vigilare. Jejunium porro devotionis est, si quando quis sua sponte jejunat, ut in vigilia B. Martini, et B. Nicolai. Jejunium paritatis est, cum in vigilia S. Jacobi, Bartholomæi, et aliorum apostolorum jejunamus, quibus ut jejunaretur, statutum non est. Facinus tamen ex eo, quod omnes apostoli in meritis ac præmiis pares sint. Quorum enim merita æqualia sunt, necessarium plane est ut eorum animæ in coelis sint æquales.

Ob quam sane causam Ecclesia consideravit dignum esse ut pariter omnes jejunia haberent. Ex apostolis autem sex tantum jejunium habent institutionis, quorum item quatuor cum conjunctim jejunamus, quatuor duntaxat in universum existunt apostolorum jejunia. Nam Petrus et Paulus unum communiter obtinenter, quoniam eodem die passi sunt. Sic Simon et Judas, qui ita simul duo jejunia efficiunt; tertium habet Matthæus, et quartum Andreas.

Cur vero his, et non etiam aliis jejunamus, ratio in promptu est. Ut hoc enim fieret in eorum vigiliis, ideo sancta Ecclesia statuit, quo sicut illi pro Christi nomine passi sunt, et nos quoque aliquo saltem modo cum eis patiamur, si beate cum eis vivere optemus. Eadem ratione etiam de aliis apostolis instituisset, nisi aliud quidquam impedimento fuisset. Impedimenta autem sunt hæc: Festum Philippi et Jacobi quod ipsis Kalen. Maii habemus, quæ semper sunt inter Pascha et Pentecosten, quod sit tempus letitiae, et gaudii, jejunandum non

A est. Nec obstant jejunia, quæ in diebus Litaniarum sive Rogationum occurrent, cum ea ob aliam sicut necessitatem, ut patebit dilucidius in sequentibus. Nam et tum jejunatur ab aliquibus propter Spiritus sancti exspectationem. Jacobus Zebedæi ab Herode obtruncatus est in diebus azymorum, ita ut neque jejunium habeat, neque illi festum celebrari possit. Festum namque ejus, quod septimo Kalendas Augusti observatur, non sit respectu illius passionis aut mortis, sed translationis. Tunc enim illi primo dedicata est ecclesia in Hispania, ut pleniū ostendetur eo in loco quo ejus festum attingemus. Quod autem non jejunatur Bartholomæo, cuius festum est octavo Kalend. Septembbris, aliud est impedimentum. Fertur enim uno die suis excostrati, et altero obiisse, quanquam in legenda seu Vita ejus illud minime habeatur. Quod si ergo ita sit, necessarium foret, ut ejus vigilia secundo die ante festum coleretur, quod esset contra normam aliorum jejuniorum festivorum. Ut de beato Thomæ jejunetur, non oportet, quia festum ejus est in Adventu Domini, in quo quasi continuum jejunium debemus observare. Barnabas propterea non habet jejunium, quod non sit ex numero apostolorum. Nec profecto dicitur apostolus, nisi quod, cum erat Pauli socius, ut ceteri ad prædicandum missus sit. Unde illud: *Segregate Barnabam et Paulum (Act. xiii).* Mathie ideo non est institutum jejunium, quia festum ejus in Quadragesima frequentius solet contingere, quando aliqui semper jejunatur. Vel etiam ob eam rem, quod ex primitivis apostolis non fuerit, sed post Christi passionem per aliorum electionem loco Judæ substitutus (*Act. 1*). De quo dicitur: *Eis eviscopatum ejus accipiat alter (Psal. cxviii).* Festum denique B. Joannis evangelistæ semper celebratur tertio die post Nativitatem Christi, quo jejunare non licet propter dies festos. Nihil interim vetat, quominus omnium apostolorum jejunia possint celebrari. Optime enim fecerit, qui jejunaverit, sicut in vigilia beati Jacobi septimo Kalend. Augusti jejunant hi, qui ipsum colunt. Sed istiusmodi jejunium vocatur paritatis, quod secundum merita suscipitur, non institutionis.

Et rursus jejunium aliud inspirationis, aliud circumspectionis. Inspirationis jejunium est, quale fuit in B. Nicolao, qui etiamnum infans in cunabulis bis in hebdomada ab uberibus matris abstinuit, ac tantum semel papillas quarta et sexta feria suxit. Jejunium circumspectionis est, quando præ imminente aliqua tempestate, vel hostium periculo, vel simili aliquo infortunio jejunamus. Deinceps vero jejunium aliud est rationabile, aliud irrationalabile. Rationabile appellatur quod ipsa ratio facile admittit, cum moderate cibum et potum sumimus, ne inde corpus debilitetur. Unde inquit Apostolus: *Rationabile sit obsequium vestrum (Rom. xii): Non in commissationibus et ebrietatibus, etc. (Rom. xiii).* Irrationalabile est, si quis velit jejunare duobus aut tribus diebus continuis, aut integrâ etiam septi-

mansa : cujuamodi Deus non approbat, qui ut vitia mori cogantur, nos autem ut natura dissolvatur vult esse jejunandum. Hinc illud jejunium posse prohiberi, quod nonnulli continuant a Cœna Domini usque ad Pascha, satis manifestum est.

Sunt item aliae jejuniorum formæ, quas eadem brevitate perstringimus. Nam aliud reperitur qualitatis, aliud quantitatis, aliud numeri, aliud summæ exactioñis, aliud alteritatis, ut sic dicam, aliud xerophagie. Qualitatis jejunium vocamus, cum carnis esum nobis in posterum indicimus ; quantitatis, cum quis ad certam mensuram sibi victum subtrahit, et omnino quantum quoque die comedat, quasi ponderatum habet. Jejunium numeri est, si quando quis ita secum statuat, ut quolibet die non nisi semel posthac cibam caperet, vel bis, idque ex eo quod qui idem sepius faciunt, sic ipsi se abjiciant ac prosternant ut nihil inter eos atque inter bruta animantia plane intersit. Hæc enim ut ad pastum nata sunt potissimum, ita sepius unoquoque die ventrem saturant. Bis sese reliçere humanum est, semel autem, ut fertur, angelorum. Quare cum sint, quibus semel duntaxat cum angelis quoque die vesci decretum est, hujuamodi jejunium habere putantur. Sed tolerabilius hoc est, illud vero strictius, quod summae dicitur exactioñis, cujuamodi habent hi, qui radicibus et herbis vescuntur, ut in deserto Joannes Baptista, et in eremo Maria Ægyptiaca, que cum duobus tantum panibus trajecit Jordanem, vi-tamque ansteram et solitariam egit annis quinque. C Alternationis esse dicitur jejunium, cum quis alternativi jejunat, nimirum si cum hoc die abstinerit, sequenti comedat Xerophagie adeo jejunium, et si quando quis cibum comedit aridum. Dicitur enim xerophagia a ἔρησις siccus, et σέργω, quod est comedo, quasi dicamus siccum comedionem, quale esse potest in pomis, pirus, castaneis, prunis, et id genus alii. Quidam tamen siccum comedionem esse arbitrantur legumina cruda sive cocta, si modo absque jure concedantur. Postremo invenitur quoddam jejunium vanitatis seu simulationis, ut in hypocritis, qui ob fictam sanctimoniam jejunant, ut ab omnibus suspiciantur ; quoddam necessitatis, ut in mendicis, et quoddam virtutis, ut in iis qui veram corpori inducent abstinentiam, cum a culpa animis abstinent, cum sese victu defraudantes, cibum egenis benigne partantur, quem suis ventribus detraheant, cum denique sese esurientibus velint alias sis satiari epulis. De jejunio igitur ejusque multiplici distinctione hactenus.

CAPUT XII.

De personis.

Postquam de temporibus Deo spiritualiter dicatis hunc usque a nobis dictum sit, res ipsa postulat ut eodem modo de personis divinis officiis addictis, hoc est ecclesiasticis, deinceps dicamus. Ad cuius rei maiorem declarationem sciendum est in primis tres esse sectas, quæ hominibus maxime probantur, quarum una est ethnicorum seu paganorum, altera He-

A brorum, tertia Christianorum. Prima est erroris, secunda veritatis, tertia salutis. In prima naufragium patimur, in secunda a periculo quidem eripimur, sed in tertia salvamur. Prima rursus nos a Deo secat et separat, secunda illuminat, tertia autem penitus salvat et liberat. Verum mos paganorum conversus est in ritum Christianorum. Quæ Dei Opt. Max. mutatio sane pulcherrima est. Christianorum enim personæ, tam sæculares quam ecclesiastice, ab aliis duabus sectis, nimirum ab Hebreæ atque ethnica, desumptæ sunt. Quemadmodum enim apud nos duo sunt personarum genera, laicales videlicet sive populares (λαϊκοί enim populūs est) et ecclesiastice: sic apud ethnicos et Hebreos, a quibus nostre habuerunt initium. Apud ethnicos personæ sæculares erant hæc: monarcha, scilicet Romanus imperator, patricii, qui et senatores dicebantur, quorum arbitrio universa ordinabantur; reges, duces, praesides, prefecti, tribuni plebis, tribuni militum, praetores, centuriones, decuriones, quaterniones, tribuni, questores, sediles, aule janitores. In ritu vero templorum erant archiflamines, flamines, sacerdotes in utroque sexu. Namque apud illos non aliter, atque modo apud nos, erant et mulierum et virorum religiosi conuentus. Inter poetas erant carminaui iudices, comoedi, tragœdi, historiographi. Apud Hebreos porro eadem fuit personarum diversitas. Erant enim quædam sæculares, quædam vero cultui divino in templis perpetuo addictæ. Et personæ quidem in templis erant hæc: summus sacerdos, et minores sacerdotes, levitæ, nathinæ, lumenum emunctores, exorcistæ, janitores vel seditui, et cantores. Inter sæculares vero in primis dux populi erat ad regendum Moses, et sub eo, quos ipse ad consilium socii sui Jethro constituerat, nempe erant hi: chilarchi, hecatotarchi, pentecontarchi seu pentecostarchi, et decarchi, hoc est, millenarii, centenarii, sive centuriones, quintagenarii, decani; χιλία enim millenarium numerum exprimit, ἀρχὴ principem, unde χιλιάρχος dicitur qui præest mille. Sic εἰκὼν significat centum, unde hecatonarchus est cui centum parent, et pentacontarchus cui quinquaginta. Nam τετράκοντα quinquaginta sonat. Qui autem decem in potestate habent, recte appellantur decani a δέκα decem, quod sint supra denos. Apud Christianos quoque personæ sunt partim populares, partim clericales. Populares non sunt diversa ab iis quas apud ethnicos esse dicimus, quænamvis non ubique clericales sunt, quæ administrant ecclesiam, dicunturque ἄρχοντες κλῆρον, quod sors interpretatur, quasi sorte sint electæ. In veteri namque testamento sacerdotes sorte eligebantur. Quemadmodum etiam, ethnici sortitione unum ex liberis suis ad clericatum eligebant. Possunt nihilominus dici clericales, quia ipsi accipiunt hereditatem Domini, nimirum decimas et oblationes. Nam κλῆρος Græcis non solum est quod nobis sors, sed et hereditas. Est ergo iis æquivocum, unoquoque nomine duo haec significat. Personæ autem clericales dividuntur in mona-

chos, quasi sint sibi viventes a *priore solus*, et *ixus* habeo, quod ab aliis scorsim soli habitare debeant, et ecclesiasticos. Quae sit porro personarum diversitas inter monachos eisdem satis notum esse existimo. Totum enim illud ab ordinum varietate pertendum est, quam alii albi sive candidi, alii nigri appellantur.

CAPUT XIII.

De personis ecclesiasticis.

Ecclesiasticarum personarum genera duo sunt. Aliæ namque sunt dignitatis, aliæ ordinis. Dignitatis sunt, ut papa, patriarcha, cardinalis, primas, archiepiscopus sive metropolitanus, quod ejusdem est significatio, episcopus, archidiaconus, archipresbyter. In choro sunt decanus, hypodecanus, cantor, subcantor, thesaurarius, scholaster. Ordinis, personæ sunt sacerdos, diaconus, hypodiaconus, acolythus, exorcista, lector, ostiarius. Sunt autem in ordine septem gradus, ad designandam septiformem gratiam Spiritus sancti, cuius munere illorum ordinum officia exsequuntur. Sed quoniam de ecclesiasticis personis juxta nostrum tempus tractare proponimus, videamus quemadmodum a veteri consuetudine tam ethnicorum quam Judæorum ad præsentis Ecclesie cultum facta sit personarum translatio, tum secundum ordinem, tum secundum dignitatem. Ac primo quidem secundum ordinem, in veteri testamento erant sacerdotes, quales fuerunt filii Aaron, qui pro populo sacrificia offerebant. Erant præterea aliqui in populo magistri, ut fuit C Nicodemus. In horum locum nostri successerunt sacerdotes, qui sacrificium altaris Deo pro nobis offerunt, quique ad hoc obligati sunt, ut verbum Dei populum sibi commissum doceant. Vocantur autem sacerdotes, quasi *sacra dantes*, et presbyteri, quasi *seniores*, non quidem ætate, sed eruditione et moribus. Ordo diaconorum, id est *ministrorum* (tantum enim sonat) vicem explet levitarum. Ut enim in veteri lege levitæ in sacrificiis inserviebant sacerdotibus testamenti veteris, ita hi in sacramento altaris ministrant sacerdotibus novi testamenti. Hypodiaconi in locum nathinæorum sunt substituti, qui sic dicebantur, quod in humilitate serviebant. Quemadmodum enim hi sub levitis saera administrabant, sic illi sub diaconis, unde et hypodiaconi sunt appellati. In templo erant emunctores lumen, qui candelas et accendebant et extinguebant. Hi sunt in nostra Ecclesia quos acolytos et ceroferarios dicimus, qui cereas candelas, thuribulum portant ac preparant. In tempore veteris legis exorciste, id est adjuratores, ex doctrina Salomonis demones ab hominibus abigebant : sed et nos similiter exorcistas habemus qui illos exorcizant qui efficiendi sunt catechumeni, nimis cum ab iis adjurando expellunt demones. In templo erant cantores; apud nos sunt lectores sive annostes. Ostiarii in nostra Ecclesia vicem supplent templi janitorum. Officium enim janitorum erat templum claudere et aperire, mundos recipere, immundos excludere. Ostiariorum

A autem officium est catechumenos baptizandos, et penitentes per episcopos jam reconciliatos in ecclesiam introducere

CAPUT XIV.

Quomodo personæ dignitatis a veteribus ad nos fuerunt.

Videndum modo est quemadmodum dignitatum personæ a veteribus ad nostram Ecclesiam pervenerint. Et dominus quidem papa, id est Pater patrum vel custos patrum, summi pontificis qui in lego fuit personam gerit, veluti Romanus imperator, monarchæ, senatoria potestas, et patriciorum dignitas, que forsitan apud Judæos observabantur, etiamnum in nostra Ecclesia permanet in tribus patriarchis, scilicet Antiocheno, Alexandrino et Constantinopolitano. Primates, qui tribus archiepiscopis presunt, vel præesse possunt, regem exprimunt, cuius potestas ad tres se extendit ducatus. Metropolitanus sive archiepiscopi comparantur ducibus, qui pluribus presunt comitibus. Nam et archiepiscopi pluribus episcopis præesse dicuntur. Episcopi habent similitudinem comitum. Coepiscopi, quorum jam abolita est dignitas, præfectis adæquantur. Abbes imitantur tribunos militum, cancellarii prætores, archidiaconi centuriones, decani decuriones. Archipresbyteri loco sunt advocatorum, presbyteri ædilium, diaconi quaternionum, hypodiaconi trihunorum. Denique exorcista questores representant; ostiarii, aule janitores; lectores, carminum recitatores; acolyti, carminum scriptores.

CAPUT XV.

De rebus quæ Deo potissimum debentur.

Nunc autem quod quarto a nobis fuit propositum aggrediamur, ut videlicet quæ res Deo spiritualiter debentur, breviter exponamus; quod abunde saltem patcent. Sunt etenim decimæ, primitiæ, vota, sacrificia, oblationes et donationes. Primitiæ et primæ hominibus initium habuerunt. Legimus enim Cainam et Abelem e frugibus suorum laborum primitias Deo obtulisse, sed Abelem agnos et Caina segetum manipulos. Horum tamen alter, quia et justæ et iusta fronte optimum quodque obtulit, Dei gratianæ abunde demeritus est, ejusque grex in futura maximæ secunditatis abundavit, ob quam rem innocens D sub Christi figura primus martyr exstitit. Alter vero, quoniam justæ primitias non solvebat, cuius pessima quæque daret, Deo displicuit, primusque in peccatum parricidii aut homicidii incurrit, quod latrissimæ sui proventum non habebat expectatum (*Gen. iv.*). Eodem modo et populum Israeliticum ex omni suo labore Deo primitias dedisse, ex Dei præcepto accepimus. Quare ipsa ratio exigit ut et nos Christiani similiter faciamus. Quid antem et quomodo dandum sit, satis cumulate docet nos eventus Abeli Caino.

Profecto non possumus ejus non meminisse, quod a Deo omnia accepimus, et quidquid habemus, quod ab ipso sit prefectum, ita ut vel ob id sequuntur, ei primitias offerre, et quodammodo de ace-

plus beneficiis reserue gratias. Sed si queratur cui dāndae sint primitiae, et in qua etiam quantitate, facile respondemus eas sacerdotibus esse largendas. Quod ita tamen accipendum non est, quasi necesse sit eas bis solis dandas esse, ac non etiam aliis. Nam eremitis et iis, qui in terrarum abditis latent et inclusi sunt, aliquisque religiosis, si placuerit, dare possumus. Nec vero certa et determinata in his quantitas est, adeo ut quantum visum fuerit, et non ultra largiri liceat, si modo ex affectu charitatis proficiscatur. In veteri lege praeceptum est ut ex omnibus bonis darent decimas, quod ex omnibus Deus sibi decimam voluit, quam tribui Levi in cœlēbratione sui officii appropriavit. Sic nos utique similiter facere debemus. Quod si vero a laicis inuste possideantur, nihil tamen minus eas teneatur solvere. Nec sane licitum est iis connivere, aut de his dispensare, sed illos tantisper reddere, donec Deus injustam eorum possessionem in melius emendaverit. Proinde si quis decimam retinere præsumperit, certe ille transgressor et prævaricator præcepti divini jam factus est, et mortaliter peccavit. Atque etiam qui hoc fecerit, sciat se non solum decimam retinere, sed quod et novem alias partes inuste non dubitet possidere. Tantum est non redere quod ad Deum pertinet!

CAPUT XVI.

De votis et sacrificiis.

Vota nostra Deo debemus. Unde illud : *Votete et reddite.* etc. (*Psal. LXXV*). Sed votorum aliqua sunt necessitatis, aliqua spontaneæ voluntatis. Necessitatis sunt, quæ sunt fideli annexa, cuiusmodi in baptismo facimus, dum nos fidem Christi observatores, et Satanæ operibus plane abrenuntiatores vovemus. Sic necessitatis voto astringimur ad observationem decem præceptorum. Atque hæc quidem vota omnino mutari non possunt, sed perpetuo sunt observanda. Vota spontanea, nonnulla sunt discreta, nonnulla indiscreta. Indiscreta sunt vota puerorum, dum necedum suæ sint potestatis, sed parentum. Atque hujusmodi lice omitti possunt, si videatur expedire, vel parentibus, in quorum potestate sunt constituti, placuerit contraire. Sic vota mulierum indiscreta appellantur, cum sunt in potestate virorum. Verbi causa : Si aliqua puerilla, quæ nondum esset nubilis, et ad annos suæ pubertatis adhuc non pervenisset, perpetuam vovisset castitatem, et paulo post parentes eam ut matrimonium contraheret cogere vellent, et posset utique nubere, nec teneretur voto satisfacere. Sic eodem modo, si aliquis uxor, marito ignorante, votum fecisset de Hierosolymitana profectione, posset maritus eam, si vellet, revocare, quod sub ejus manu sit constituta. Sed contra uxor in eo casu maritum non revocaret, nisi ipse vovisset castitatem. Illud enim neutri illorum permisum est, nisi quatenus in hoc utriusque consentiant. Alter igitur sine altero castitatem vovere non potest, nec debet, cum alter alteri debitu persolvere obligetur. Verum non in hujus-

A modi solam personis votorum indiscretio intelligitur, sed quandoque etiam in proiectilibus, et quæ omnino liberae sunt, vota sunt indiscreta, quæ poena potius digna sunt, quam ut ad effectum producerentur. Quale esse potest, si quis illud se facere voeat quod perfidere nullo pacto possit, vel ex quo ita debilis suam efficeret naturam, ut periculum sit, ne oneri succumbat, et sui ipsius occisor habeatur. Certe quæcumque vota cum consilio et animi ratione facimus, ea perpetuo sunt observanda, nec ullo mutanda tempore. Cum autem in lege veteri multiplex ageretur sacrificium, ut in Levitico habetur, in Christianorum seu fidelium Ecclesia unum duntaxat celebratur sacrificium, scilicet corporis et sanguinis Domini, de quo quoniam in sequentibus latius dicturi sumus, cum officium missæ exsequemur, modo supersedeamus.

CAPUT XVII.

De oblationibus et donationibus.

Nunc de oblationibus. Sicut in lege veteri populus Hierosolymam ad magnas quasdam solemnitates conveniebat, nimirum ad Paschatis, Pentecostes et Scenopegiarum festa, ut orarent in templo, ubi etiam ex debito universi offerre obligabantur, ita omnes Christiani, ex institutione sanctorum Patrum, tenentur offerre, juxta modum suarum facultatum, in quatuor principalibus solemnitatibus, nempe Natali Domini, Paschate, Pentecoste, et in festo Omnium Sanctorum, ut inde sibi victimam habeant sacerdotes. Præterea offerre debent, quo paschalis illa candela cerea ematur, quoque cum olecum, tum cera ad ecclesiarum illuminationem comparetur. Alias autem nemo ad oblationes compellendus est. Si tamen sunt, spontaneæ sunt, quemadmodum et illæ, quæ post confessiones dari consueverunt. Quod vero in quibusdam Ecclesiis vendantur sepulturæ, et pro campanarum pulsatione donaciones exigantur, perinde est ac si Ecclesiarum sacramenta venderentur.

CAPUT XVIII.

Quod officium et quotplex.

Cum ergo hactenus, ut propositum erat, de locis, temporibus, personis et rebus Deo spiritualiter dedicatis, expositum sit, sequitur ut de eo, quod quintum et ultimum in propositione fuit, nimirum de ecclesiasticis officiis deinceps dicamus. Et primo quidem videndum est quid sit officium, secundo unde dicatur, tertio quemadmodum de eo agendum sit. Officium est, ut ab Isidoro definitur, proprius vel conveniens unusquisque actus, secundum legos et mores civitatis vel instituta professionis. Alia enim officia habent monachi, alia canonici, alia solitarii atque eremiti, et sic de aliis. Dicitur autem officium, ut in libro Officiorum, inquit Hieronymus, quasi officium. Consentaneum enim est ut suum officium unusquisque efficiat. De officiis agendum hic est partim generaliter, partim vero particulariter. Sunt enim quedam generalia officia et uniformia, quæ tuto amo observantur, ut sunt

borarum preces, vespere, complertia, ac nonnullae missae et matutinae. Sunt autem, quedam specialia, que pro varietate temporum et solemnitatum distantia variantur. Pro varietate temporum, quoniam alia paschali tempore celebrantur, alia in Quadragesima, alia in estate, alia denique in Adventu; pro diastemate seu distantia solemnitatum cum aliter fiat in hac solemnitate, aliter in alia. Nam in ipso Paschate tres tantum lectiones recitantur, in Natali vero novem.

CAPUT XIX.

De officio generali.

De generali officio primo dicendum est, idque hoc ordine, ut primo quid canendum et psallendum sit videamus; deinde a quo fuerit institutum officium ecclesiasticum; tertio ad quid conducat, quamobrem et quando sit ordinatum; quarto deinde a quo fuerit canonizatum et confirmatum. Et in primis quidem dicimus generaliter nihil esse cantandum aut psallendum, aut etiam legendum quod a summo pontifice non fuerit approbatum. In primitiva Ecclesia diversi diversa cantabant, quisque pro suo libitu, ita tamen si illud quod canebant ad divinam laudem pertineret. Pleraque tamen officia observabant que ab initio erant constituta, vel a Christo, ut Oratio Dominica, vel ab apostolis, ut Symbolum. Postea Ecclesia velut scissa est per varias haereses et schismata. Quod quidem cum vidisset Theodosius imperator, qui suo tempore omnes haereses extirpavit, negotium dedit Damaso pontifici, ut aliquem sapientem et Catholicum ad se accenseret, qui ecclesiasticum officium ordinaret. Praecepit igitur Damasus Hieronymo, viro trium linguarum peritissimo, ut qui ad eam rem tum erat idoneus, ut quedam officia ecclesiastica in certum ordinem redigeret. Habitabat autem tum temporis Hieronymus Beethlemitæ cum Paula et Eustochio atque aliis virginibus religiosis, postquam iam antea Romæ sub septem apostolicis viris habitaverat. Ordinavit ergo hic quantum ad psalmos attinet, qui quibus diebus canerentur. Sed et evangelia et epistolas atque alia officia in ordinem quemdam redegit, ut quid quoque die cantandum esset, semel constaret. Nam omnes sere cantus composuit, illos exceptis quos alii Ecclesiæ doctores postea adjecerunt. Hieronymus itaque cum opus istiusmodi absolvisset, misit Roniam, ubi a Damaso papa fuit approbatum, et in communione concilio canonizatum. Postremo papa Damasus eam dedit operi auctoritatem, ut postea semper in omnibus Ecclesiis observaretur, quemadmodum in eo erat ordinatum. Quare ostensum modo est a quo officia ecclesiastica fuerint instituta, qua de causa, quando, in quem finem et quis ea canonizaverit.

CAPUT XX.

De ipso officio.

Illi ita consideratis operæ premium est ut ipsum officium persequamur, ordientes ab officio noctis.

A Hic enim ordo aptus et conveniens est, ne a luce ad tenebras veniamus, sed potius a tenebris prodeamus ad lucem. Sciendum igitur est olim tempore primitivæ Ecclesiæ usu receptum suisse ut nocte ter surgeretur ad divinum officium celebrandum: primo circa primi somnum habita ratione ejus temporis, quo vulgus se quieti dare consuevit; secundo circiter mediam noctem; tertio paulo ante diem, hoc nimur ordine, ut cum nocturni finiti essent, et lectiones cum suis responsoriis perfectæ, priusquam lucesceret aurora apparente, cum pulsu campanarum decantarent *Te Deum laudamus*, et sic deinceps laudes matutinas. Ad primam nocturnam surgebant tantum ministri Ecclesiæ, qui cum tempestivius ivissent cubitum, iam dormierant. Sed quoniam frequenter hoc nocturnæ vocabulo utimur, non incommode fecerimus, si quid per illud significetur exposuerimus. Accipitur ergo nocturna nocturnæ pro hora, et nocturna nocturnorum pro ipsis officiis. Vel nocturna nocturnæ psalmi appellantur, qui Dominicis diebus dicuntur, antequam recitantur lectiones. Similiter etiam illi, qui diebus profestis dicuntur, ut in secunda feria: *Dominus illuminatio* (*Psal. xxvi*), atque ita de reliquis. Nocturnæ nocturnarum, dicuntur tempora quibus psalmi cantantur. Nocturni nocturnorum, vocantur novem psalmi, et novem lectiones cum suis responsi.

B Nunc igitur pergamus. In solemnitatibus ad secundam nocturnam pariter surgebant ministri et conjugati, tam viri quam mulieres. Ad tertiam tandem nocturnam communiter surgebant omnes. Sed postea charitate erga Deum algescente, cum fervor ille cultus divini in hominibus tepesceret, ita ut iam pigiores essent, quam ut statim illis horis ad officium nocturnum surgerent tam ministri Ecclesiæ quam cæteri, consultum est, ut media saltem nocte omnes surgerent, juxta illud Prophetæ: *Media nocte surgebam*, etc. (*Psal. cxxiii*), atque ita tum continuo integrum noctis officium absolverent. Quod quidem etiam nunc plerique religiosoru[m] conventus observant. Verum et hæc institutio brevi abiit in desuetudinem, cum jam convivialis et luxui magis vacabant, quam Dei servitio. C Quapropter iterum aliter statutum fuit, ut vel tempore nocturnæ ultimæ universi circa diei crepusculum surgerent. Nunc autem eo divini cultus ratio demersa est, ut citius surgant pueri quam ministri Ecclesiæ, et prius cantent passerem quam sacerdotes. Adeo amor ille Dei in hominibus penitus refixit. In memoriam et recordationem prius illius tam laudabilis consuetudinis, etiamnum ecclesia æstivali tempore nocturnum officium celebrat, tempore nimurum primæ nocturnæ, quod nos vigilias vocamus, tametsi vero aliquando tempestivius. Fit autem illud dupli nomine, vel ad veterum commendationem, vel ad nostram ipsius exhortationem, ut videlicet sciamus quam illi essent sobrii in officiis nocturnis tempore hiemali, quos

cum ter quaque nocte surgerent, brevitas noctis aestivalis, haudquam tardabat. Quotus autem quisque nostrum est, qui jam sole radiante ad officium alacriter surgere quest? Usque adeo hic sponsi videmur Penelopes, nati in medios dormire dies. Sed quid dico de officio nocturno? Quot sunt numero, qui diurnum recte current officium? Certe, si quod res est, loqui licet, admodum pauci. Verum ne quis dubitet quibus festis vetus illa observetur consuetudo, sciendum est in tribus illis vigiliis, scilicet Joannis Baptiste, Petri et Pauli, et Assumptionis B. Marie. Quoniam haec sunt preceipue solemnitates, quas inestate habemus.

CAPUT XXI.

Cur ter nocte surgant.

Causa vero et ratio quare ter nocte surgerent hujusmodi afferri potest, quod quadam similitudine maiores nostri ad hoc moti fuerint. Quemadmodum enim ii, quorum civitas ab hostibus absessa est, facile ab incursione interdiu, cum communes vires conferunt sese defendere possunt, et non vero noctu, ob id noctem terris dividere solent excubis, ut in prima quiete vigilent omnes, quod illud tempus sit periculosissimum, ac paulo post tantum ii circa muros permanent, quorum primo sic vigilare usque ad canticinum; deinde vero ut illi surgant, quorum est secundo loco excubias agere, et pernoctare ad galli cantum usque; atque ita demum et tertii vigilis surgant, donec jam dies sit. Sic sancti Patres similem excubandi vicissim consuetudinem sumpserunt ad tutandam sacrosanctam Ecclesiam, quae una est omnium fidelium civitas, quam diabolus impugnat quotidie, quamque ut semel subvertat conatur modis omnibus, idque præcipue noctibus, quando nobis maxime insidiatur. Nox enim peccatis turpibus apta est, furtis, adulteriis, et compluribus aliis, cum homines sperant fore clam, et minus habent pudoris. Hinc est: *Qui male agit, odit lucem* (*Joan. iii*). Nam sicut aperta est lux, ita nihil opertum relinquit; sed contra, nox ut est obscura, sic erubescere nescit. Quare profecto nocte accusati excubare debemus contra inimici latentis insidias, ne iis ad turpia impellamur

CAPUT XXII.

De representatione trium temporum.

Hic quoque notandum est quod in his trium nocturnarum officiis, tria tempora representamus, tempus scilicet ante legem, tempus sub lege, et tempus gratiae, quorum quodlibet tribus variatur distinctionibus. Temporis ante legem prima fuit distinctio ab Adam usque ad Noe; secunda, a Noe usque ad Abraham; tertia, ab Abraham usque ad Mosen. Tempus vero sub lege has habuit distinctiones: a Mose usque ad Davidem, a David usque ad transmigrationem Babyloniae, a transmigratione usque ad Christum. Denique prima distinctio temporis gratiae, fuit tempus apostolicæ et evangelicæ prædicationis; secunda, tempus impugnationis, quod

A omnes peperit hereses; tertia, tempus pacis, quando omnis est heresis penitus extincta. His distinctionibus ita semel connumeratis, inveniemus novem fuisse temporum diversitates, quas non obscure in numero psalmorum quos in officio nocturno cantamus, invenimus. Diebus enim festis usurpamus novem psalmos, novem lectiones, novem responsiones, cum novem versibus. In unoquoque nocturno tres sunt psalmi, tres lectiones, tres responsiones, tres versus. Interim tamen sciendum est novenarium psalmorum, novenarium lectionum, novenarium responsorum, cum totidem versibus, pro uno eodemque accipi, quantum ad mundi figuram attinet. In his temporum diversitatibus, quas modo enumeravimus, optime vigilant sancti Patres, bonis operibus sedulo incumbentes. Quod quidem nos, ut eorum meritis quadam ratione similes efficiamur, in officio nocturno sub novenario numero psalmorum, lectionum, etc., in laudem Dei exprimimus, excitando nos matuo ab insidiis diaboli. Atque ideo sane in tribus nocturnis novem dicimus psalmos et lectiones cum ceteris, ut Trinitati in primis placeamus ac novem ordinibus angelorum queamus associari. Nec vero ab re est quod haec nocte potissimum facimus, cum praesens haec nostra civitas, Ecclesia nimirum, velut umbra quedam sit celestis istius Ecclesie ad quam divina gratia perveniemus. Celebratur autem officium hoc trium nocturnorum diebus maxime Dominicis, in solemnitatibus Trinitatis et in festis sanctorum; ideo quoniam certo credimus illos Dominicæ resurrectionis, quam dies Dominica significat, gaudia jam eos esse consecutos. Simili ratione in eorum festis novem psalmos cum totidem lectionibus ac responsoriis proferimus, quo eos novem ordinibus angelorum associatos esse ostendamus. In noctibus vero istorum dierum qui solennes non sunt, psalmi duodecim, quos vulgus dictam vocal, cum sex antiphonis canuntur, ac tres lectiones totidemque responsiones recitantur ea ratione, quod horas duodecim diei ascribantur et totidem nocti. Quo quidem sit, ut pro unaquaque noctis hora psalmum Deo offeramus, quo a nocte erroris et a mentis nostra cæcitate, ad quam nos per peccatum primi parentis detrusi diabolus, per innumeram Dei misericordiam liberemur. Sex antiphonæ designant sex opera misericordiae, que si recte observaverimus, ab hujus noctis tenebris ad veram lucem, id est Christum, haud dubie perveniemus. Ob id autem hic duos psalmos conjungimus, ut per eos ostendantur laudes et opera nostra sine charitate nihil valere, quæ consistit in dilectione Dei et proximi, inter quos nullum est medium. Verum duos psalmos ita connexos propterea una absolvimus *Gloria*, quia laudes nostræ tunc sunt Deo acceptæ, quando in charitate persistimus. Tres postremo lectiones tres connotant ætates, videlicet pueritiam, juventutem et senectutem. In his enim, ne a diabolo seducamur, optime vigilando Dominum laudare tenemur.

CAPUT XXXII.

De ordinatione S. Benedicti.

Beatus Benedictus multo aliter noctis officium instituit, non quod a superiori Ecclesie institutione dissentiat, sed ob aliam causam, quemadmodum statim dicemus. Nec sane in quoquam ei est contradictum, sed quidquid fecisset, fuit approbatum et corroboratum a B. Gregorio. Cum enim hic vir sanctissimus, et qui Spiritu sancto illuminatus esset vere habebatur, creditum fuit quod alio pacto officium non instituisse, nisi idem a Spiritu sancto accepisset. Beatus itaque Benedictus ad perfectioris vitae culmen aspirans, sex psalmos in nocturno primo cantari, et quatuor lectiones cum quatuor responsoriis instituit, totidemque in secundo, ut per hoc nobis duplarem vitam, contemplativam et activam aperte innueret. Nam senarius numerus psalmarum vitam nobis indicat activam, in qua sane conveniens est sex opera misericordiae exercere, si ad perfectionem vitae contemplativae feliciter pervenire velimus, quae itidem ut per quatuor evangelistas, ita hic per quatuor exprimitur lectiones. In tertio porro nocturno tria cantica in laude Trinitatis cantari instituit, a qua nobis omnem vitae perfectionem dari certe credimus et speramus. Finiuntur autem illa cantica per *Alleluia*, quod est celestis laetitiae canticum, ut per hoc evidenter notetur Trinitatem dignam esse celesti laude, nec ad eam plene perfecteque laudandam satis sufficere laudem humanam. Quæ vero quatuor sequuntur evangelicæ lectiones, significant laudatores Dei debere per doctrinam quatuor Evangeliorum, quatuor insigniri virtutibus, adeo ut hinc per quatuor responsiones designetur laudantium alacritas. Sed ne, dum hoc agunt, totum illud bonum sibi ascribant, verum ut potius laudi divinæ omne attribuant, et se servos Dei in omnibus esse agnoscant, commode subiungitur *Te Deum laudamus*. Postea legitur evangelium, quod denarium connotat, id est vitam æternam, quæ videlicet laudantibus digne reddetur. Per hymnum qui sequitur, ninum, *Te decet laus*, etc., gaudium, quod post laborem in denaril remunerationem labebunt sancti, denotatur. Sed quoniam officium monachorum nihil ad nos pertinere videtur, tantum de eo hactenus dixisse sufficiat, et nostrum propositum persequamur.

CAPUT XXIV.

De pulsu campanarum et matutini temporis initio.

Cum Ecclesie ministri ad nocturnum officium surgunt, quemadmodum in castris vigiles sese tubis excitant, ita hi primo pulsant campanas, in signum fidelibus ut pernoctent, et sese adversus insidiantem diabolum muniant, ac suum Creatorem laudibus extollant, per quem a peccatorum tenebris et ab iniuitate dæmonum se fore liberandos certissime sperant. Quemadmodum vero pulsandum sit in magnis solemnitatibus, diebus Dominicis, festis minoribus, et aliis diebus privatis, opportunius dicitur alias. Duni igitur pulsantur campanæ, ecclesia

A aperta est, quam simul atque ministri Ecclesie ingressi sunt, debent se ante omnia ad sanctorum altaria conferre, ibique pressa voce prostrati eos implorare, quatenus et se et suum gregem eorum auxiliis bene vigilando a principe tenebrarum valeant custodire et perpetuo in divinis laudibus persevere. Sed quoniam campanarum mentionem fecimus, facile illud nobis concedetur, si quod mysterium hic lateat, detractio velut cortice aperiamus. Campana enim significat concionatores, qui perinde nos ad divinas orationes adhortantur. Lignum vero quod ultra campanæ caput protenditur, crucem declarat Domini, et cavilla (sic enim ferrum illud pensile vocant, quod Graeci rectius πόκαλος nominant, cuius pulsu campana sonum reddit) mentem concionatoris. Nam ut campana pulsari non potest nisi mediante cavilla, ita quoque inutilis ille est concionator, qui mente non sit prædictus. Cæterum chorda quæ campanæ appenditur, sacram exprimit Scripturam, quia sicut chorda ex tribus potissimum conficitur funiculis, sic triplex omnino esse dicitur Scriptura, nempe historica, allegorica atque ethica. Quod autem campana elevetur ac deprimatur indicio nobis est sacram Scripturam loqui aliquando alte et aliquando submissa. Jam ergo redeamus, unde diverti cœpimus.

Pulsatis campanis, hebdomadarius (ita eum appellamus cuius est tota hebdomada in choro administrare officium) alta voce incipit : *Domine, labia mea aperies* (*Psal. 1*), id est aperi, ut sit enallage temporis. Domine, inquam, aperi, et os meum annuntiabit laudem tuam (*Ibid.*) At non et antea aperitum os habuit, cum orabat ? Habuit quidem, sed is est loquendi modus; non enim dicitur aperitum os habuisse, quandiu submissa voce orabat, sed tunc aperuisse, quando illius vox aperte incepit audiri. Vel needum os aperierat ad laudandum Dominum, licet aperuisse ad orandum. Vel etiam tangit religionem sacerdotum primitivæ Ecclesie, qui cura erant cubitum signaculo crucis se muniebant vocem comprimentes ad tempus usque matutinum, et tunc denum vocibus in laudem Dei proruinebant. Sed quia hoc habet homo a Deo, quod ipsum laudet, ideo ab ipso petit, ut sibi os aperiatur, inquiens : *Domine, labia mea aperies*. Verum enim vero cum diabolus semper odio habeat laudem Dei, et hominem, tunc acerrime impugnet, quando se Dominum laudare promittit, ne laudator Dei a diabolo superetur, cui hand facile est resistere, divinum implorat auxilium, cum ait : *Deus, in adjutorium meum intende* (*Psal. LXIX*). Unde profecto etiam nunc mqris est, ut tunc crucis fiat signaculum. Tum divino fretus auxilio, quod semper presto adest cum illud invocabimus, feliciter auspicatur promissam laudem non solum Patri, vel Filio, vel Spiritui sancto, sed toti Trinitati, cum inquit : *Gloria Patri et Filio et Spiritui sancto*. Inchoata ad eum modum Dei laude, cantor, qui est quasi præco Ecclesie, vel ejus vicarius, alios adhuc ante altare suis orationibus insi-

stentes ad laudandum Dominum hortatur, cum ait: *Venite, exultemus Domino, etc., (Psal. xciv).* In quo psalmus etiam quaedam causa, quamobrem Domino consultandum sit, continetur.

CAPUT XXV.

De hymno et de iis quae ad tertiam usque nocturnam fixit.

Finita exhortatione, quae ob id appellatur invitatorium, quod ceteros ad laudem Dei invitet, sequitur ipsa laus, videlicet hymnus, qui ideo stando cantatur, ut in elevatione corporum ostendamus quam in laudando Dominum corda sursum erigere debeamus.

Quia nisi mens lingue consonet, certum est vocem, quantumvis clamoriam, Deo non placere. Antiphona, quae sequitur, quaque suaviter modulando canitur, mentis devotionem, quam in laudando Dominum habemus, designat. Verum ideo illa primo incipitur, et finito psalmo, qui ei modeste accinuitur, tota cantatur, quia tunc recte laudem nostram modulamur, si ex bona mentis devotione incepta, simili devotione absolvatur. Antiphona autem sunt quasi quaedam cantilene ad animorum recreationem divinis laudibus insertae. Versiculus, qui postea cantatur, significat quod tunc ab officio psalmorum nos ad officium lectionum vertimus. A pueris hic canitur, ut tum demum intelligamus nostrum Deo placere servitum, si cum innocentia hoc agamus. Postea dicitur Dominicana Oratio, quae inter alias orationes habetur maxima auctoritatis privilegio. Atque haec ideo dicitur, ut per eam tentationes diaboli reprimantur. Cum enim diabolus sentit nos velle legere lectiones, in quibus sanctorum victoriae ab illis contra ipsum obtentas recitantur, vel quae ad morum instructionem et virtutum informationem maxime leguntur, tunc acrius impugnat nos. Quare ne ab ipius impagnatione devincamur, orationi magis quam voci incumbimus. Ultima autem pars orationis aperta voce recitatur, scilicet: *Et ne nos inducas in temptationem*, ut pateat ad quid illa dicatur oratio, ne videlicet qui lecturus est, id elationis gloria faciat, atque ita per diabolum seducatur et auditorum mentes lectionis intellectu ac prosectu per ipsius phantasticas tentationes defraudentur. Tunc itaque lector ad librum accedit, ac, priusquam legere incipiat, benedictionem tanquam legendi licentiam petit a sacerdote, inquiens: *Jube, domne, benedicere.* Per quod innuitur ne niminem debere in ecclesia legere, nisi petita venia, ut jussus sit, vel ad hoc ante concessus. Sed animadvertisendum est, eum, qui lecturus est, hic *domne dicere*, non *Domine*, quoniam ad hominem loquitur, qui ut est semiplenus et imperfectus respectu nostri Domini, ita syncopato utitur vocabulo. In fine vero lectionis plene inquit *Domine*, hoc modo: *Tu autem, Domine.* Quod prater ceteros maxime observant monachi, cum dicunt dominus abbas, non dominus abbas. Hinc etiam est, quod famuli dominis suis interventes, si quando illis pocula porrigunt, non

A deheant utrumque genu flentere, sed dubitaxit alterum, neunpe sinistrum, per quam partem significatur corporalis servitus, qua tantum debetur hominibus, et non spirituali. Nec est acclinandum principi seculari recta facie, sed ab aure sinistra capite flexo. Finita igitur lectione adjungit lector: *Tu autem, Domine, non domne, ut qui perfectum alloquitur dominum, et omnino talen qui perfecto et pleno vocabulo dignus est. Nec illud sane ad lectionem pertinet, aut premissae lectioni continuatur, sed lector absoluta lectione dirigens sermonem ad Dominum et sese excusans inquit: Tu, Domine, miserere nostri. Quorum verborum sententia haec est: Domine, forsitan ego peccavi in legendis modulatis pronuntians humanae laudis cupiditate, et fortassis etiam peccaverunt auditores, quod variis cogitationibus fuerint intenti et lectioni debitum non tribuerint auditum, sed, o tu Domine, miserere nostri. Quod autem a cunctis generaliter respondetur: Deo gratias, pertinet ad lectionem, et vox est Ecclesiae gratias Deo persolventis. Ac si dicerent: Deus patrit nos verbis salutis, quae sunt animae cibis, de quo beneficio vicissim nos Deo agimus gratias.*

CAPUT XXVI.

De tercia nocturna.

In tercia nocturna similiter recitantur lectiones, sed de homilia Evangelii. Quare autem hoc fiat, haec est ratio: quod tercia nocturna declarat tempus gratiae, ut praedictum est superius, quo tractabantur evangelicae. Notandum interim hic est fuisse quoddam tempus, quo veritas Trinitatis ab hereticis maxime impugnaretur; sed tantem heresitici confutata atque ejecta, ac populo ad veritatis cognitionem reducto, ordinaverunt S. Patres ut nonna lectione de Trinitate legeretur cum suo responsorio. Quod quidem aliquandiu fuit observatum, sed postea tamen negletum. Cum enim Ecclesiae lectionem de Trinitate legere non fuerat necesse, universis iam Christianis sane creditibus, eas legere omisit, sed ejus responsorium retinuit. Indo est, quod in aestate Dominicis diebus novum semper responsorium de Trinitate cantamus. Quanquam tunc proprie responsorium non dicitur, quod premissae lectioni non respondeat. Nam responsoria lectionibus, quibus subjunguntur, semper debent respondere, ita ut inde sic sint nominata. Quoadmodum et versus appellantur, quasi illis finitis vertuntur responsoria, id est revertantur et iterum cantentur, vel saltus eorum particula aliqua. Atque ita solvitur quæstio illa musicae quæ sit de versibus secundi toni, qui terminantur in c, cum secundus tonus super in d, finiatur. Dicimus enim quod istuc non est finis, sed in repetitione responsorii. Potest tamen dici quod communè appelletur responsorium, non quod premissa respondeat lectioni, sed illi, quæ de Trinitate legi solebat: Absolutis nocturnis, ecclesiæ lumina accendentur, et pulsantur campanæ, atque alta voce caniter *Te Deum laudamus*. Quo-quidem significatur letitia et gaudium ejus mulieris, quæ

incensa lucerna, drachmam quam perdidera, inventa. Quod aut istius cantici finis, videlicet, *Per singulos dies*, et alii versus qui sequuntur, paulo altius canantur, designat vicinarum congratulationem, qua mulieri ob repartam drachmam congratulabantur. Nam et compulsatio earumdem representat convectionem.

CAPUT XXVII.

De officio diurno.

Post noctis officium, agendum est de diurno, quod in septem partitur distinctiones, videlicet in laudes matutinas, horam primam, tertiam, sextam, nonam, vesperas, et completorium. Missa etenim ad officium tertiae vel nonae spectat. Nam his duabus horis missa regulariter celebratur. Quod autem diei officium septem horis distinctum agimus, a Propheto habemus, qui ait: *Septies in die laudem dixi tibi* (*Psal. cxxiii*). Sed cur, quæso, septies? Quia cum nocturnum officium misericordiæ tempus exprimat, quo genus humanum a diabolo obsessum misere servabatur, optime sequitur, ut diei officium tempus designet nostræ redemptionis, aut nostræ liberacionis factæ per Christum solem justitiæ, qui claritate suæ divinitatis tenebras nostras illuminavit, atque ex diaboli servitute nos extraxit, ita ut inde septies quoque die laudes Deo cantemus, quoniam nos tantum boni munere septiformis gratiæ sancti Spiritus accepimus. Quandoquidem vero à tenebris peccatorum per viam penitentie ad vitæ libertatem pervenitur, hinc natum est ut diebus profestis seu feriis ad laudes matutinas caneretur psalmus ille penitentialis, nimirum, *Miserere mei, Deus* (*Psal. 1*). Diebus autem festis, excepto Quadragesimæ tempore: *Dominus regnabit, decorem* (*Psal. xcii*). De quo ut de psalmis aliis, dicetur postea.

CAPUT XXVIII.

Cur septies in die laudemus Dominum.

Est et alia ratio quamobrem septies in die laudemus Dominum, quod quilibet dies uniuscujusque representet ætatem. Non quod eam omnis homo habeat, sed quam haberet, nisi peccaret. Hoc autem septem habet varietates, infantis, pueri, adolescentis, juvenis, viri, senis et decrepiti. Per matutinas laudes representatur infantia, per primam pueritia, per tertiam adolescentia, per sextam juventus, per nonam ætas virilis, per vesperas senectus, per completorium ætas decrepita ac finis humanæ vitæ. In his profecto omnibus ætatis Creatorem laudare tenemur. Quod autem infantie nostræ tempore Dominum laudare possimus, evidens nobis facit argumentum B. Nicolaus, qui quarta et sexta feria matris ubera virtute abstinentiae non sugebat. De aliis ætatis satis est manifestum. Sunt item quamplurimæ rationes, quare istarum horarum temporibus Dominum præcipue laudamus. Rubescente diei aurora cantamus laudes matutinas, quæ matutinæ nuncupantur, a mane quod bonum est, si lumen est bonum, atque nihil esse melius luce videtur: bo-

A num igitur est inane, cum eo tempore nobis lumen redditur. Appellantur vero laudes, quod officium laudem potissimum sonet divinam, quam ei damus, quoniam a tenebris erroris nos ad lucem veritatis reduxit. Hoc igitur tempore laudes Deo canimus, quia ejusmodi hora mundum creavit, et angelos, qui statim atque conditi sunt, suavi cantu ac modulamine Creatori suo laudes jubilarunt. Eodem quoque tempore populum Israeliticum per mare Rubrum transduxit in columem ac Egyptios submersit. Rursus eadem hac hora Christus vicit a morte surrexit.

CAPUT XXIX.

De aliis sex horis.

Sequitur de aliis sex horis, sub quibus item sex aliae comprehenduntur. Diei itaque duodecim horas attribuuntur, et totidem nocti. Sub prima hora duas complectimur, ipsam videlicet primam et secundam; sub tertia tres, ipsam tertiam, et quartam et quintam; sub sexta itidem tres, ipsam sextam, septimam et octavam; sub nona duas, ipsam nonam et decimam; vesperæ representant undecimam; completoriam duodecimam. At roget aliquis cur potius hisce diei horis diurnum celebretur officium, scilicet prima quam secunda, tertia quam quarta vel quinta, sexta quam septima aut octava, nona quam decima. Quoniam istæ horas quibusdam insigniuntur privilegiis. Prima enim hora Christus Pilato a Judæis traditus fuit, et a morte resurgens prima hora Mariæ Magdalene apparuit. Prima hora visus est in littore septem discipulis piscantibus, quibus dixit: *Pueri, habetis aliqsid pulmenti?* (*Joan. xxi*) Hora vero tertia crucifixus est linguis Judeorum et flagellatus, eademque hora Spiritus sanctus ipso die Pentecostes discipulis fuit datum; sexta hora Christus pro nobis ligno crucis clavis affixus est, atque eadem quoque hora, ipso die ascensionis, cum discipulis discubuit. Nona hora exclamans spiritum emisit, et lanceatus e latere corporis sui duo nobis eduxit sacramenta, aquam videlicet baptismatis et sanguinem redēptionis ac saluationis nostræ. Vespere de cruce depositus est, qua item hora in ultima cena cum discipulis suis conavit, ubi illis sacramentum corporis et sanguinis sui tradidit, quod nobis saluberrimum testamentum hinc discedens reliquit. Eadem rursus hora duobus suis discipulis proficiscentibus in Emmaus in fractione panis fuit agnitus.

Postremo in completorio Patrem pro suis discipulis oravit, qua etiam hora in sepulcrum positus est.

CAPUT XXX.

De psalmis qui hisce horis cantantur.

Qui psalmi hisce horis et quæ cantica debeant usurpari, equidem satis notum esse puto. Quia vero ad aliam spectent editionem, ac nos de generali officio hoc tempore tractare proposuerimus, paucis quæ hic sunt præcipienda tradamus. Sciendum ergo est generaliter in matutinis laudibus sex psalmos

semper cantari, atque in illis horis similiter, per quos sex opera misericordiae designantur, quibus operarii in vinea Domini laborantes intenti necessario esse debent, quæque si pie ac mundo corpore exercemus, a servitute diaboli liberati ad vitam libertatem procul dubio perveniemus, et pro mercede Ædelissimi laboris denarium divinum, hoc est sempiternam vitam recipiemus. Sane notandum hic venit quod in laudibus matutinalis duos conjungimus psalmos, scilicet *Deus, Deus meus, ad te de luce vigilo* (Psal. lxii), et *Deus misereatur nostri* (Psal. lxvi), quae una tantum *Gloria finimus*. Sed quare hoc fiat, hujusmodi potest ratio adduci: Quoniam alter horum Dei significat dilectionem, alter vero proximi, que duas dilectiones usque adeo inter se sunt annexæ, ut una sine altera in Christiana perfectione intelligi nequeat. Ad hymnum autem trium puerorum, scilicet *Benedicite, omnia, etc.* (Bar. iii), *Gloria Patri* non adjungimus, quod propter ejusmodi fidei confessionem in caminum ignis sint conjecti. Quo quidam factio maxime derogatum est Trinitati. Vel quod ejus hymni postremus versiculos idem significat cum *Gloria Patri*, ne quid in sacris Scripturis supervacaneum reperiatur. In matutinis vero laudibus non jubilamus, nisi in ultima tantum antiphona. Nam cum per laudes Domini intelligamus resurrectionem, in qua nil penitus desideravit; beatitudine et immortalitate jam consecuta; certe nullo hic opus est jubilo, qui rei alicuius significat desiderium. Nec etiam in completorio, quod octavam connotat resurrectionem. Non quod post resurrectionem jubilus esse desinat, quando verius cum ipsis angelis Creatori nostro jubilum simus cantatur, sed quod tum suam amittet significationem, qua alicuius rei dicitur esse desiderium. Tum enim nihil desiderabimus, ut inquit Dominus: *In die illa me non regebitis quidquam* (Joan. xvi). Pictis itaque ad eum modum psalmis cum antiphona, legit sacerdos lectionem, quam alio nomine appellamus capitulum, quoniam ex capite epistole istius diei sumitur. Legitur autem abeque *Jube, domine, benedicere*, et ab aliis sacerdotali benedictione, quod praeditis Ecclesiæ ac sacerdotibus proprium sit eam semper legere, qui legendi veniam non petunt, cum eam aliis dare debeant. Nec est quod quis nobis objiciat, si in nocturnis (quod sere fit) sacerdos lectionem legerit, an etiam sit necessarium veniam postulare ac dicere: *Jube, domine, benedicere*, quod ejus sit benedictionem et licentiam dare? Dicimus enim quod si hoc pacto lectionem legerit sacerdos, eum praeterea officium suum facere, cum sit lectoris. Verum si hic non sit, tum facile permittitur ut vel sacerdos, vel clericus sacerdotis, vel etiam quispiam alias ordinis minoris tanquam lecturas dicat: *Jube, domine, atque ei benedicere a sacerdote reddatur*.

Absoluto capitulo non subjungit, *Tu autem Domine, quia ratio postulat ut sacerdos sit perfectus, et qui suggestionibus diaboli haud facile succumbat. Sacerdos igitur in persona Domini per capitulum*

PATROL. CCII.

A nos sensu admonet, atque hortatur ore, ut in fide perseveremus, et operibus misericordiae perpetuus incumbamus.

CAPUT XXXI.

De hymno et aliis sequentibus.

Deinde canitur hymnus, per quem lætitia quam obsecutam habemus libertatem, exprimitur. Sed quia Christus nobis hanc lætitiam acquisivit, ne ingratis de beneficio accepto videamur, in laudem illius finito hymno prorumpimus, et quia nos liberavit, gratias ei referimus alta voce cantando, *Benedictus Dominus Deus Israel* (Luc. 1). Et quare, obsecro: *Quia nos visitavit existentes in miseria, et fecit redemtionem plebis sua* (*ibid.*). Hoc absoluто cantico cum antiphona, quæ notat dilectionem quam in laudando Dominum habemus, ait ad populum sacerdos: *Dominus vobiscum*. Quod sane sumptum est ex libro Ruth; sic enim legitur Boos et Obed suos salutare messores (*Ruth. ii*). Ac statim a populo responderetur: *Et cum spiritu tuo*. Quid ex Epistolis Pauli sumptum est (*Gal. vi*; *Philip. iv*). Ac si sacerdos diceret: *Laus nostra sit acceptabilis Deo, et gratiam sibi accipiat, ac nos præmio vitæ remuneret*. Cum autem populus responderet, *Et cum spiritu tuo*, idem est ac si diceret: *Tu pro nobis preces ad Dominum effundes, sed quia illas preces tantum approbat Deus et exaudit, quæ ex bono animo procedunt*, ipse, sine quo nullum bonum est, sit et cum spiritu tuo. Tum sacerdos quasi suæ bonitati diffidens, inquit ad populum: *Oremus*. Quod humilitatis et evidendæ arrogantie gratia dicitur, quasi dicat: *Orate simul tecum, ut quod postulamus citius impetreremus*. Tunc dicit orationem, caue dicta responderetur chorus: *Amen*; quasi dicat: *Ita nobis fiat, quemadmodum orasti; vel, feliciter tua sit oratio peracta*. Sumptum autem est Amen ex Apocalypsi Joannis (*Apoc. i, v, vii, etc.*). Atque ad eundem modum rursus populum salutat sacerdos, repetitive quod antea dixerat: *Dominus vobiscum*; quasi dicat: *Si gratiam Dei impetrastis, in ea perseverate*. Et iterum respondeat populus: *Et cum spiritu tuo*; quasi pollicetur: *Orasti pro nobis, et nos vicissim proteoramus*. Tum pueri canunt: *Benedicamus Domino*. Quod ex psalmo tertio acceptum habemus. Quibus rursum chorus respondeat: *Deo gratias*, quod Apostolo acceptum referimus (*Rom. vi*). Et autem significatur, quod usque ad finem vitæ in innocentia Deo inservire debeamus, ac illi benedicere, probeneficiis gratias persolvendo. Ultimo sequuntur suffragia sanctorum. Nam quandiu quidem vivimus, tamquam in lubrico solo et fragili glacie sumus constituti, in diesque cum dæmonibus vehementissime confligimus, ita ut sanctorum suffragiis non possimus non indigere. Post suffragia repetitur: *Benedicamus Domino*, non a pueris, sed a sacerdote, quemadmodum etiam in completorio et magnis solemnitatibus in quibusdam ecclesiis a majoribus. Quod quidem significatur nos fore in æterna beatitudine

cum Domino perfectos laudatores. In hac enim vita perfecti esse non possumus.

CAPUT XXXII.

De officio altaris.

Nunc de officio altaris dicamus. Et primo quidem de sacerdotum indumentis, eorumdemque significacione, ac deinde quid officium missæ, quid introitus, quidve tropi nominentur occurrit exponendum. Cætera vero breviter ordine veluti in summa quadam perstringemus. Res enim ardua est, et quæ ingenii nostri vires facile excedit. Sacerdos ergo tanquam advocatus et pugil cum antiquo hoste pugnaturus, vestibus sacris quasi armis induitur. Sandalia enim pro ocreis assumit, ne quid maculæ vel pulveris affectioni etiam inhæreat. Sic amictu pro galea caput contegit, pro lorica totum corpus cooperit alba, cingulum assumens pro arcu, et subcingulum pro pharetra. Vocatur autem subcingulum quiddam in stola, quod ligatur cum cingulo. Cum stola collum circumdat, quasi hastam contra retinensem vibrat. Manipulo pro clava uitur, casula quasi clypeo protegitur; manus armatur libro pro gladio. Atque ita instructus, ad postremum per confessionem diaboli renuntiat dominio.

CAPUT XXXIII.

De confessione sacerdotis ante missam.

Sacerdos enim priusquam cantet missam, confessionem pronuntiet oportet. Nam, ut inquit Salomon, *vir sapiens in principio sermonis accusator est sui* (*Prov. xviii.*). Debet autem peccata confiteri generaliter, nec mensuram excedere. Sic itaque ad certamen munitus contra spiritualia nequit in cœlestibus (*Ephes. vi.*), et pro sedanda judicis ira in subditos ad altare procedit, et populus, quasi pro suo pugile oraturus diebus profestis, terræ prosternitur. Cum vero cantat orationes, et reliqua recitat, tum quasi totis viribus adversus diabolum pugnat. Nam eum et casulam in humero plicat, velut gladium contra hostem præparat, ita ut, cum Evangelium legitur, diabolus tanquam gladio percutiatur. Subsistem autem pax datur, quo quies populo hoste devicto ac prostrato nuntietur. Exinde redeundi data licentia, populus Deo agit gratias, ac quisque ad sua revertitur.

CAPUT XXXIV.

De officio missæ.

Officium missæ, sive missa, appellatur totum illud quod ad principio usque ad finem dicitur, nempe ab introitu usque ad *Ite, missa est*, cuius mens et sententia hæc est: *Ite ad Christum et ipsum sequimini*, quia missa est pro vobis hostia ad Dominum placandum. Quandoque tamen restrictius et quasi speciosius pars, quæ prima canitur, nimurum introitus, officium missæ appellatur, quæ sic dicta est, quod isthinc mittatur angelus. Distribuitur autem missa in quatuor omnino partes, in obsecrations, orationes, postulationes et gratiarum actiones. Est enim missa omnis obsecrationis, postulationis et gratiarum actionis. Prima pars extenditur usque ad of-

fertorium, altera usque ad laudem Dominicæ Orationis, cum *Amen* respondetur; tercia usque ad communionem, quarta usque ad finem. Ac prima quidem est catechumenorum, vel neophytorum, quod fere idem est, cum catechumenus appelletur noviter instructus, sive baptizatus, sive nondum etiam; et neophytus quoque noviter instructus, sive baptizatus, sive non. Amplius enim aut diutius eis interesse non licet, non aliter atque Iudeis aut ethiis, quod necdum sint membra Ecclesiæ. Ob quam sane causam diaconus e pulpito alta voce dicere debet: *Exeant catechumeni foras.*

Hinc est quod pars ista nominetur missa, ab emitendo, quoniā tunc foras mittuntur. Cepit autem illud originem ab eo quod de Domino dicitur: *Jesus autem non credebat semel ipsum eis, sciens quid esset in homine* (*Joan. ii.*). Nam per catechumenos illi significantur, de quibus hoc dictum est. Vocatur itaque missa totum illud officium, quod est ab introitu, usque ad *Ite, missa est*, quanquam et interdum missam appellamus ea verba, quibus corpus Domini conficitur.

CAPUT XXXV.

De introitu, tropis et linguis quibus missa celebrari potest.

Introitus vero dicitur, quod sacerdos missam auspiciatur primo ad altare debeat intrare, sicut episcopus qui extra chorum quandoque diebus festis Dei armis induitur. Dum enim canitur introitus, intrat ad altare. Quamobrem etiam diebus profestis bis cani solet, in solemnitatibus vero ter. Quandoque intermiscentur tropi. Dicitur autem tropus a Græcis, quod nobis est conversio, quoniam isthinc quædam fieri solent conversiones. Animadventendum hic est tribus linguis missam celebrari, Hebraica, Græca et Latina, quod titulus Christi jam in cruce pendentis scriptus fuerit Græce, Hebraice et Latine. Unde est quod in unaquaque missa harum trium linguarum aliquid apponatur. Et ab Hebreæ quidem, quod sit præstantissima: *Alleluia, Amen, Sabaoth, Hosanna. Alleluia*, quoniam a diversis multis modis exponitur, quos et alibi sufficenter diximus, nunc præterire volumus. Juxta interpretationem tamen Hieronymi, quæ omnium est optima, interpretatur, *Laudate inuisibilem*. Quid *Amen* sit, D. satis constat. *Sabaoth* est exercituum sive militarium, virtutum et victoriarum. *Hosanna* denique est, *Salva, obsecro*. Et ubi, quæso? *In excelsis. Hosi*, id est *obsecro, anna*, id est *salva*. Inde *Hosanna*, quasi *Hosianna*, ex corrupto et integro.

CAPUT XXXVI.

De Kyrie, eleison, etc.

Sequitur *Kyrie, eleison*, et *Christe, eleison*, etc. quod ideo Græce canitur, ut ostendatur Ecclesia primo in Græcia cœpisse, ac inde Romanum postea delatam fuisse, unde reliqua sunt Latina. Cantatur autem ter propter Patrem et Filium et Spiritum sanctum continuo, idque ternis vicibus ut simul dicatur novies, propter novem ordines angelorum quibus associari petimus. In quibusdam Ecclesiis ad-

ditor apud, quasi dicant, o Domine, miserere nostri. A nunc septem, sed non ultra. Et unam quidem pro-Solemnibus diebus sequitur hymnus de Evangelio, sive evangelicus, *Gloria in excelsis Deo* (*Luc. 11*): quod antea solum ad missam dicebatur. Reliqua vero B. Hilarius Pictaviensis episcopus apposuit, scilicet, *Laudamus te*, et cetera, quae sequuntur, quae etiam ad missam cantari instituit. Verum enim vero tam illud consuetum est, cum festum agitur apostolorum, martyrum, confessorum et eorum quorum in honorem ecclesia est dedicata, quæcunque etiam illa sit. Eo autem finito sacerdos salutat populum, inquiens *Dominus vobiscum*. Quæ salutatio ex veteri sumpta est Testamento nimirum, ut dictum est, ex libro Ruth (*Ruth. 11*), pertinetque ad minores sacerdotes. Est enim et alia, videlicet *Pax vobis*, quæ ut est sumpta ex Evangelio (*Joan. xx*), ita solum spectat ad episcopos, et qui iis sunt superiores. Quo sane illud expresse innuitur quod novum Testamentum dignius sit Testamento veteri. Responsio vero populi: *Et cum spiritu tuo*, ex apostolo in Epistola ad Titum desumpta est (*Tit. iii*). Cum denique ait, *Oremus*, universalem ad se colligit Ecclesiam, quasi esset syndicus aliquis in persona multorum loquens. Hoc enim syndicus significat. Longa vetustate comprobatum est, quod *Oremus* dicimus. Antiqui enim, præmisso *Oremus*, exemplo orationem communiter subjungebant: *omissa ratione*, illud tantum, videlicet *Oremus*, reservavimus.

CAPUT XXXVII.

De oratione, et quoties se in missa veriat sacerdos.
 Oratio sive collecta statim subsequitur, quantumvis collecta proprie vocetur oratio illa quæ sit in processione, cum populus et universus cleris ab una ecclesia procedit ad alteram. Tum enim sacerdos aut episcopus, collecta omni multitudine, ita modi oratione super populum uti solebat quæ proprie dicebatur collecta. Nunc autem oratione illa praetermissa tantum, ut diximus, *Oremus* retinuimus. Notandum obiter hic est sacerdotem in qualibet missa se quinques convertere et septies populare salutare. Primo in ipso exordio; secundo in evangelio, quod non in altari, sed in assere vel aliquo lectorio versus aquilonem legi oportet, pliata in humero casula, quod diaconi tum fungatur officio, tertio cum ad dextrum cornu altaris reverteretur, unde venerat, dicto symbolo, si fuerit solemnitas: tum enim se convertit ad populum; quarto post offertorium, cum inquit: *Per omnia saecula saecula*, et consequenter: *Dominus vobiscum*, sed non verit se: nam, ut dici solet, nemo qui ad aratum manum applicuerit, retrorsum respectare debet (*Luc. ix*); quinto cum ait: *Pax Domini sit semper vobiscum*, nec tum se convertit; sexto post communionem, et ultimo in fine. Quod autem ad orationem attinet, sciendum est nunc manum legi eportare, nunc tres, nunc quinque,

priore quod una sit epistola atque unum evangelium, vel propter Dei unitatem. Tres vero propter Trinitatem; nam et Deus numero gaudet impare, vel quia Dominus ter in passione oravit. Sic quinque legi possunt propter quinquepartitam Christi passionem, vel quinque ejus vulnera. Verum septem ideo, quod septem in Oratione nostra Dominica habeamus petitiones, vel etiam propter septem dona Spiritus sancti, quæ apud Isaiam numerantur (*Isa. xi*). Septenarium enim numerum nullus excedere debet.

CAPUT XXXVIII.

De epistola, graduali, alleluia et prosa.

Deinde legitur epistola, quæ est sermo absentis missus ad absentem, a Græco verbo *ἐπιστολὴ*, quod *mittere* significat, sic appellata. Tales sunt Petri, Pauli, Jacobi et Joannis ad varios missæ, quæ hoc in loco ut plurimum leguntur. Sed si contingat (contingit autem sæpe) ut vel ex Apocalypsi vel ex prophetis aliquid hic legatur, nihilominus dicetur epistola, idque ob eam causam, quod tum evangelium quoddammodo mittatur. Summopere autem cavendum est ne quis epistolam legere presumat, nisi sit hypodiaconus, aut diaconus, aut etiam sacerdos. Melius enim est ut sacerdos legat, etiam si cantet missam, quam acolythus. Post epistolam vero cantatur responsorium cum suo versu, sive graduale, ut vocant. Appellatum autem est graduale, quod a minoribus in gradibus ante altare vel a majoribus, etiam diebus profestis cani soleat. In solemnitatibus vero in altioribus, hoc est in pulpito etiam a pueris. Vel quia gradatim cantatur, vel quia de gradu ad gradum procedere debemus, hoc est de virtute in virtutem ascendere. Dictum est idem responsorium, quod versui respondent, qui item a vertendo nominatus est, quoniam nos ad orientem vertimus, vel quoniam versu ad responsum sit regressio, aut ad officium aliud, ut in matutinis. Postea sequitur *Alleluia*, cuius interpretatio modo exposita est secundum Hieronymum. In hujus fine pneumatizamus, hoc est jubilamus, dum finem protrahimus, et ei velut caudam accinimus. Est enim differentia inter neuma neumas et pneuma pneumaticis. Neuma seminei generis est jubilus sicut in fine antiphonarum; pneuma vero neutrius generis est Spiritus sanctus. Postea versus dicitur, unde similiter conversio fit ad *Alleluia*. Sequitur deinceps sequentia quam nos proseam appellamus. Fertur Notgerus (1) abbas apud Sanctum Gallum, natione Teutonus, primo sequentias composuisse, atque eas postea in ecclesia cantari institutum fuisse per Nicolaum summum pontificem. Post hunc autem dicitur Hermannus Contractus inventor astrolabii fecisse duas has: *Rex omnipotens*, *die hodierna*, et, *Sancti Spiritus adieit nobis gratia*, etc.

(1) Hic episcopus fuit Leodiensis, circiter an. 850.

CAPUT XXXIX.

De evangelio.

Finita sequentia legitur evangelium, quod triplicem habet inchoationem; vel per *Initium sancti Evangelii*, sicut in principio quatuor Evangeliorum; vel per *In illo tempore*; vel per aliam determinationem regiae aut alterius alicujus magnae potestatis, ut, *Fuit in diebus Herodis* (*Luc. 1*), et, *Anno decimo quinto imperii Tiberii Cæsaris* (*Luc. III*). Dicitur autem Evangelium ab eū *bene*, *çyphos nuntius*, quasi dicitur bonum et lœtum nuntium. Froinde vero Evangelium aliquando esse dicitur secundum historiam, quandoque secundum allegoriam, quandoque secundum personam, quandoque secundum partem, et quandoque etiam secundum totum. Secundum historiam, ut illud: *Maria Magdalena et Maria Jacobi et Salome*, etc. (*Marc. xvi*), atque illud etiam quod cantatur in natali Domini ad secundam missam de pastoribus. Secundum allegoriam cuiusmodi illud quod in assumptione B. Mariæ legi consuetum est de Maria Magdalena et ejus sorore, Martha, nimirum: *Intervit Jesus in quoddam castellum*, etc. (*Luc. x*), quia cum per Mariam Magdalenam vita significetur contemplativa, per Martham vero, quæ administrabat, vita activa; hoc evangelio docetur in B. Maria Virgine utriusque vita suisse consummationem, contemplativa scilicet et activa. Secundum personam Evangelium canitur, ut in festo B. Thomæ apostoli, ubi dicitur *Thomas unus de duodecim*, etc. (*Joan. xx*). Secundum partem, quemadmodum est in festo S. Crucis. Tum enim illud recitat evangelium, quod est de Nicodemo propter ejus extremam particularum, quæ ejusmodi es: *Sicut Moyses exaltavit serpente in deserto, ita exaltari oportet Filium hominis* (*Joan. iii*). In hoc autem verbo Christus suam indicavit passionem, et sui corporis in cruce exaltationem. Quocirca evangelium hoc in quo hæc continetur particula, legitur in festo Sanctæ Crucis. Secundum totum denique, cuiusmodi est exiguum illud quod in circumcisione Domini observatur: *Postquam consummati sunt dies octo* (*Luc. ii*). Animadverendum ergo hic est quod diebus profestis una duntaxat candela cerea præcedat diaconum, cum ad legendum evangelium accedit. Nec id quidem injuria, cum per illud primus Christi significetur adventus, qui humilius fuit et occultus, et quem prævenit unus tantum præcursor, videlicet Joannes Baptista, qui fuit verbi lucerna. Festis vero diebus candela dæsi præcadunt cereæ, quod in secundo adventu, qui solemnis erit et manifestus, duo sint præmissi dæsi præcessores, Elias scilicet et Enoch. Vel ideo etiam quoniam Dominus ante faciem suam hinc conjunctum misit discipulos ad prædicandum. Illud quoque diligenter notandum est, quod simul atque evangelium inchoatur, universus populus, tam clerici quam laici, tam qui illud profert quam qui audit, crucis signum imprimere debeant in fronte, in ore et in pectore. In

A fronte, quod locus sit pudoris et veredanzie: unde impudicos homines effrontes dicimus, quasi sine fronte. Per hoc ergo quod fronti signum crucis imponimus, evidenter ostendimus nos non erubescere, quod credamus in Crucifixum, et eum habemus Deum et Dominum qui a Iudeis atque ethniciis nobis exprobatur. Unde mehercle Apostolus: *Nos. autem prædicamus Christum crucificum, Iudeis quidem scandalum, gentibus vero stoliditatem* (*I Cor. i*). In ore autem ideo, ut significemus nos audacter crucem Domini prædicare. Denique in pectore, ob eam causam quo nos paratos esse pro Christi nomine pati ingenuo ostendamus. Rursus in hoc quod os et pectus crucis signamus, aperte innuimus nos audacter ore fateri et corde credere Christum crucifixum, cuius liber legitur, Deum et Dominum nostrum esse.

Sacerdos itaque, vel diaconus, evangelium lectorus signat se in ore, fronte et pectore, quasi dicit: *Non erubesco crucem Domini, sed eam ore prædico et corde credo. Libro quoque crucem imprimit, tanquam si dixerit: hic est liber Crucifixi. Posset autem hoc loco queri quemadmodum crucis signum fieri debet, a dextrâ in sinistram, an vero a sinistra in dextram. Ac nonnulli quidecum sunt qui crucem a sinistra in dextram fieri velint, atque ex hujusmodi versu sumpserunt auctoritatem: Egressus est a Patre, etc. (Joan. xvi).* A Pater venit Filius in mundum, et ideo crucem inchoamus a parte superiori, per quam designatur Pater. Sed quod a parte absque ulla intercapdine in mundum venit, per quem sinistram partem intelligimus, ideo postquam a superiori parte descedimus, statim a sinistra in dextram perginus; nam et postea ad partem ascendit, quod designat dextera. Alii vero putant quod a dextra in sinistram fieri debet, quia Christus a dextra in sinistram, id est a Patre veniens, diabolum per crucem repulit, qui per sinistram significatur.

Dicto igitur evangelij titulo, respondet ab omnibus: *Gloria tibi, Domine.* Proposito namque evangelio ad legendum, in quo agitur de gloria partis Dei, partim nostra, quatenus videlicet Christus diabolum vicit, ac nos redemit, et victor ad Patris gloriam ascendit; auditores Evangelij letantes ad laudem sui Creatoris inquit atque exclamant, *Gloria tibi, Domine;* quasi dicant: *Gloria tua, quæ nobis in hoc evangelio prædicatur, in ævum nobis sine fine permaneat, semperque crescat et augeatur.* Lectio jani evangelio, quisque diverso debet, *Amen.* Vel ut alii volunt, recitato evangelio, statim dicamus oportet, *Deo gratias,* quemadmodum post qualibet lectionem sive capitulum. Sed melius est ut dicatur, *Amen*, ac nos cruce contra diabolum muniamus, ne ipse sermones Domini ex pectore nostro rapiat. Necessarium etiam plane est, ut dum legitur evangelium, velamina capitula deponantur. Evangelica enim prædicatio omnia legis velamina dimovit, atque homines, qui prius De-

minum in senigmate quodammodo et quasi per transennam videbant, modo ipsam veritatem aperta legis cognitione videre et intelligere fecit. Viri itaque aperto capite evangelium audire debent, ut quinque sensus ad audiendum magis sicut idonei. Iude est quod clericie non nutriant longos capillos, sed alte tensos, ut rectius ac perfectius possint audire. Verum enim vero propterea coronam habent, ut demonstretur inter eos et Dominum nullum esse medium. Non ergo longos habeant capillos clericie, si per longitudinem capillorum significetur multitudine peccatorum. Mulieres vero debent audire evangelium tecto ac velato capite, etiam si virgo, propter pomum vetitum. Et si eveniat ut virgo capite sit aperto, aut velamen non habeat, necepsa est ut mater aut quævis alia mulier capiti ejus pannum vel simile quidpiam imponat. Itemque erexit stare debemus, donec evangelium pronuntietur, aut capite inclinato, si modo non sedeamus, nisi cogente necessitate. In lege quidem præcipiebatur ut, dum comedenter agnum paschalem, baculos in manibus tenerent (*Exod. xii*) ; nos vero, diacono legente evangelium, baculos deponimus, quod Christo prædicante legales obseruantiae sint depositæ.

CAPUT XL.

Quid symbolum, quando canendum, et quot sint numero.

Post evangelium statim debet subjungi symbolum fidei, scilicet : *Credo in unum Deum Patrem, etc.*, si solemnitas fuerit. Nec tamen in omni solennitate, sed eorum tantummodo festis, quorum in symbolo fit mentio, ut in festo Trinitatis, in Natali, Circumcisione, Epiphania, Paschate, Ascensione, Pentecoste, in festo Omnium Sanctorum, Transfigurationis Domini, B. Mariæ, et omnium Apostolorum, S. Crucis, et omnibus diebus Dominicis. In aliis autem solemnitatibus dici non debet. Nec vero in solennitate angelorum cantari solet, quia illi non creant, immo jam sciunt, cum plenam et perfectam habeant scientiam. Nec præterea cani consuetum est in solemnitate duorum evangelistarum, qui non fuerunt apostoli, scilicet Lucæ et Marci. Sunt qui dicunt symbolum dici debere in festo B. Joannis Baptizæ, quia tum sicut commemorata Christi nativitas. Sed eadem ratione qualibet die fit mentio B. Mariæ, adeoque omni die canendum foret. Nonnulli etiam potant quod in eorum festivitatibus cantari debet qui illud compuserunt, atque ejus rei gratia hue illud afferunt quod in Evangelio Joannis inventum quod nimurum in dies fides apostolorum crescebat propter miracula quæ siebant (*Joan. ii*), quanquam alibi auctoritas habeat, sicut non habere meritum, cui humana ratio præbet experimentum. Pronuntiatio symbolo sub finem ipsius debet fieri signum crucis, quoniam verbum est evangelicum non secus atque ipsum evangelium, nisi quod sit verbum abbreviatum. Unde dictum est de eo : *Verbum abbreviatum faciet Dominus super terram* (*Rom.*

A ix). Et hoc modo : *Venit verbum abbreviatum super filios Dei (Isa. x)*. Similiter quoque in omnibus verbis evangelicis signum crucis fieri oportet, quemadmodum sub finem Orationis Dominice, *Gloria in excelsis, Benedictus, Magnificat, et Nunc dimittis*, quo omnia perinde atque evangelium stante audiri debent. Notandum est quatuor esse symbola, minimum quod a cunctis communiter in quotidiana oratione dicitur, et quod apostoli simul compesuerunt; secundum est quod in prima recitatur : *Quicunque vult salutis esse*, quod ab Athanasio patriarcha Alexandrino contra Arianos hereticos compositum est, licet plerique eum Anastasium fuisse falso arbitrentur; tertium est quod Constantiopolitana synodus edidit, videlicet quod in missa hactenus cani consuetum est; quartum est quod ex Nicæno concilio prodit. Scripsit vero B. Hilarius Pictaviensis episcopus librum De synodis, in quo et illud composuit, ac legi oportet in omni synodo, vel totum vel saltem ejus aliqua particula. Ex quo sane liquido apparet quam illi errant qui aliam ibi legunt lectionem.

CAPUT XLI.

De offertorio.

Dicto symbolo cantatur offertorium sive offerenda, ut aliqui dicunt. Appellatur autem offertorium ab offerendo, quia tunc offerimus. Sed necessariè hic considerandum est tria omnino esse quæ offerre debemus : primo, nosmetipsos, ac deinde ea quæ sacrificio sunt necessaria, scilicet panem, vinum et aquam, et si qua sunt alia sacrificio apta. Obiter tamen hic dicere possumus panem hunc quasi nominatum esse a Græco vocabulo πάτη, πάτησα, quod omne vel totum significat. Quoniam cum hic, tum in futuro sæculo panis iste tota vita nostra est. Vinum autem a vite simili fere modo deducere licet, cui Dominus in Evangelio se comparat, hoc pacto inquiens : *Ego sum vitis vera (Joan. xv)*. Nec denique ignotum esse puto aquam ab æqualitate dictam esse, quia per hoc sacramentum nos angelis æquales fore certo et credimus et speramus, quantum vero interdum aqua significet populum. Unde : *Aqua multæ, populi multi (Apoc. xvii)*. Quia nec sanguis sine salute populi, nec salus populi potuit esse sine sanguine. Tum vero aqua benedicitur, quando admiscetur vino : sed haudquam vinum, quoniam peculiarem suam exspectat benedictionem. In quibusdam Ecclesiis in magnis solemnitatibus pretiosa offeruntur ecclesiæ utensilia, et in altari ponuntur vel in locis competentibus. Tertio demum sequuntur manuales lacorum oblationes. Clerici enim non offerunt, nisi in exsequiis mortuorum et in nova celebratione sacerdotis. Nam in hūmanum videretur, si ii offerre tenerentur, qui ex oblationibus vivunt aliorum. In offertorio nulla ratione permittitur sacerdoti, ut pyxidem aut aliud hujusmodi manu teneat, quo omnem avaritiam effugiat suspicione.

CAPUT XLII.

De sacrificio.

Sacrificium dicitur quasi quo *sacrum* efficitur, ubi cognoscendum est quod olim sacrificium ab apostolis et viris apostolicis in primitiva Ecclesia vasis ligneis ac vulgaribus vestibus celebrabatur. Tum enim erant, ut dici solitum est, lignei calices et aurei sacerdotes. Nuno vero est econtra. Paulo tamen post, Severinus papa instituit idem vitreis fieri vasis. Sed quia erant fragilia, Urbanus papa voluit ut argenteis vel aureis sacrificaretur, vel etiam ob paupertatem stanneis, quæ tamen non facile æruginantur. Hostia secundum Hebræos ab ostio nuncupata est, quia ad ostium tabernaculi offerebatur. Secundum ethnicos vero ab hoste derivata est. Nam ab hostibus dormitis, ut ille ait, hostia nomen habet. Dicta est etiam victima a vincendo; et immolatio, quod isthic Christus sacramentaliter immoletur, quod in veritate semel pro peccatis nostris in cruce est immolatus. Appellata autem est immolatio a mela, quæ in sacrificiis conteri solebat genus quoddam frumenti, quod far vel ador dicitur. Unde :

. *Et adorea liba per herbam.*

(Vinc. Aen., I, vii, 109.)

Ponebatur enim inter cornua altaris vel animalis cultro isthic facto foramine. Mola vero in altari dicitur pars media sub qua reliquæ sigillantur, et cui in dedicatione ecclesiæ crux imprimitur, atque ubi corpus Christi consecratur.

CAPUT XLIII.

De secunda parte missæ.

Jam vero secunda pars missæ quæ proprie missa appellata est, proxime sequitur, minirum quam orationis esse diximus. Nam prima pars, de qua hactenus dictum est, vocatur obsecrationis. Hæc ergo pars missæ, ut missam appellemus totum officium ab introitu usque ad *Ite, missa est*, si strictè accipiatur, proprio nomine missa appellata est. Habet autem ea quatuor distinctiones. Prima dicitur secreta, altera præfatio, tertia canon, quarta oratio Dominicæ cum sua præfatione. Atque hæc quidem pars extenditur usque ad Dominicæ orationis finem, *Sed libera nos a malo, Amen*, quod tacite a sacerdote proferri debet. Hic itaque considerandum est tot debere dici collectas, eodemque ordine, ac de eisdem in secreta post communionem, quo præcesserunt in obsecratione ante epistolam in exordio missæ, nec plures, nec etiam pauciores, hoc semper observato, ne ultra septenarium numerum progrediatur. Summopere item cavendum est quod si forte collecta pro defunctis intermisceatur, ne finalis, sed penultima vel antepenultima dicatur. Quoniam finis ad suum debet retrorueri principium. Ad postremum generaliter cognoscendum est quod in missa pro defunctis nulla debeat pro vivis oratio intermiseri, hac tamen communis excepta, *Deus, qui vivorum dominaris simul et mortuorum.*

A

CAPUT XLIV.

De secreta.

Secreta dicitur, quia secrete pronuntiantur, cum tamen olim alta voce diceretur, ita ut omnibus facile laicis teneretur. Contigit ergo ut quodam tempore pastores panem super lapidem quemdam ponearent, qui, dum hujus secretæ verba proferrent, in carnem conversus est, et forsitan transubstantiatus, ut sic loquerat, in corpus Christi. In quos divinitus facta est acerrima vindicta. Nam ad unum omnes percussi sunt divino judicio cœlitus misso. Ex quo quidem facto statutum fuit, ut posthac tacite ac submissæ diceretur, aut ideo sane occulæ et quasi sub silentio dicitur, ne scilicet vilescat, sicut ob eamdem causam sacræ litteræ dicuntur esse obscuræ; aut tandem ne a laicis cognoscatur, ita ut hinc triplex silentii sit ratio. Cum autem ait sacerdos : *Orate, fratres*, statim incipit orare; et nos similiter hoc audientes secreto orare debemus, ac duos psalmos canere, nempe : *Exaudiat te Dominus*, et sequentem. Sed quando interim dicit, *Orate, fratres*, perinde est ac si diceret : *Dominus vobiscum tacite*, cum sese vertat ad populum. Quare meminerimus sacerdotem se quinques ad populum convertere dicendo *Dominus vobiscum*, propter quinque apparitiones quæ fuere ipso die Paschatis. Et quia una apparitio fuit non manifesta, quando apparuit B. Mariæ Magdalena, ut plerique sentiunt, ideo occulte et quasi sub silentio ait, *Dominus vobiscum*. Tunc, cum aperte satis dicit : *Orate, fratres. Per omnia sæcula sæculorum*, id est per sæcula sibi multo succendentia. Vel dicuntur sæcula per antonomasiam, sicut Cantica canticorum. Quæsitum est cur secreto dicantur orationes quæ sequuntur post oblationes. Sed nos ideo hoc fieri respondemus, quod Judæi post suscitationem Lazarī, statim Jesus voluerunt occidere, qui sese occultavit in civitate Ephrem in solitudine (*Joan. xi*), et a prædicatione ac miraculorum operatione penitus quievit et tacuit in Sabbathum usque, quod est ante Dominicam in Ramis palmarum, quo venit in domum Simonis leprosi, et aperte prædicavit (*Matth. xxvi*). Atque hoc quidem expresse indicat sacerdotis illa vocis exultatio, qua inquit, *Per omnia sæcula sæculorum*. D Cui subditur, *Amen*, propterea, ut quæ a sacerdote dicta sint, liquido confirmemus, quia per Christum sæculum creatum est. *Amen* namque nomen Dei est. Unde in Apocalypsi : *Ego sum Amen, testis fidélis* (*Apoc. iii*). Subjungitur porro, *Dominus vobiscum*, ac deinde, *Sursum corda*, quæ scilicet sursum habere debemus ad Dominum in cœlestibus, non in terrenis, ut non queramus benedictionem Esau, quæ ut caduca ac debilis est, ita in terrenis plane sita est. Idem prorsus nobis manifeste significant episcoli sandalia, quæ cum superius sint aperta, iis admonemur, ut semper corda hactenus erecta ad Dominum, cumque inferius sint solidâ, volunt ut habeamus in terrenis mentem omnino obtusam, quasi non debeamus querere benedictionem quæ in

terrenis est, sed benedictionem Jacob, quæ est in celis. Postea sequitur : *Gratias agamus Domino Deo nostro.* Quia pro omnibus beneficiis, quæ ille in nos benignè contulit, gratias ei merito rependere debemus. Invenitur autem ibi quedam figura (2) ad similitudinem nostrorum delta, D scilicet undique clausum, quod in parte precedenti V nostrum complectitur, quod in summitate apertum est, in quorum parte media tractulus per transversum dicitur, utramque in modum crucis partem copulans. Quod quidem non sine causa factum est. Per delta enim circulariter clausum, divina figuratur natura, quæ nec principium nec finem habuit. Per V exprimitur humana Christi natura, quæ principium in Virgine habuit, sed sine carebit. At vero tractulus in medio utramque partem conjungens, crux est per quam humana sociantur divinis.

CAPUT XLV.

De præfatione.

Præfatio dicitur quasi *prælocutio*, quæ est ad ministerium præparatio. Notantur enim isthic novem ordines angelorum, quos ibi præsentes esse certo credimus. Majestas quoque de qua hic sit mentio, appellata est quasi major stans, vel major potestas. Sciedum vero est in missa decem esse in universum præfationes, primam de Trinitate (3), alteram de Natali, tertiam de Epiphania, quartam de Quadragesima sive jejunio, quintam de Cruce Domini, sextam de Resurrectione, septimam de Ascensione, octavam de Adventu Spiritus sancti, nonam de Apostolis, decimam et ultimam de B. Maria Virgine. Post canitur ter, *Sanctus, sanctus, sanctus*, quod sumptum ex Veteri Testamento. Ait enim Isaías se vidisse Dominum super solium excelsum, et Seraphim clamantia : *Sanctus, sanctus, sanctus* (*Isa. vi.*). Sed quod sequitur : *Benedictus qui venit in nomine Domini! Hosanna in excelsis!* acceptum est ab Evangelio (*Math. xxi.*), ita ut, cum illud cantatur, signum crucis fieri debeat. Postremo hic cantica angelorum canimus, quia per hoc sacrificium terra jungi cœlestibus non dubitamus, et ideo cum eis in excelsis salvari clamamus.

CAPUT XLVI.

De canone.

Deinceps vero sequitur canon ; ita enim Græcis dicitur, nobis autem regula, quod per eam regulatiter sacramenti hujus fit confectio. Nuncupatur etiam actio, quia tunc cum Deo nostra agitur causa. Quæmobrem et in festis stantes oramus, in profestis vel jejunis prostrati. Sub silentio tribus de causis dicitur : primo, quoniam Deus non oris, sed cordis clamorem intendit ; unde et Mosi dixit : *Quid clamas ad me* (*Exod. xiv.*) ? cum tamen ipse taceret. Nihilominus tamen proferimus verba, ne quæ petimus, aut quæ petere debemus, penitus ignorare estimemur ; secundo, ob id submisso canon dici

(2) Fortassis hujusmodi figura depicta fuit in libris veterum.

A oportet, ne, si alta voce esset proferendus, longo clamore deficiamus ; vel tertio ob hanc rationem, ne tanti mysterii per usum quotidianum verba vi-lescant, et in locis competentibus passim indiscrete pronuntientur, atque ita tandem extinguantur ac- pereant, quemadmodum paulo ante de pastoribus narratum est. Prohibitum enim est per decretum, et sub anathemate datum, ut nullus nisi hæc sacra vestibus, ex libro in altari consecrato, hæc verba proferat. Dicit ergo sacerdos : *Te igitur, clementissime Pater*, etc. Alloquitur Dominum, tanquam præsentem. Incipit autem a littera thau, T, quæ in modum crucis effecta est. Quoniam per Christi passionem hæc omnia in cruce sunt completa, habentque suam efficaciam. Unde profecto est quod isthic Crucifixi imago adpingi debeat. Sequuntur postea multa, ut sunt nomina apostolorum, martyrum, pontificum, virginum, qui omnes pro Christo nostro se sacrificio exposuerunt. Atque item alia quedam, sequuntur, quæ nobis explicare non licet, nisi forte solis sacerdotibus, et ideo de illis facebimus. Unum hoc tamen addicimus, nulli hic concessum esse ali- quid vel detrahere vel addere, nisi quandoque no- men illorum pro quibus specialiter aut nominatio offertur sacrarium.

CAPUT XLVII.

De Oratione Dominicâ.

Nunc dicendum est de Oratione Dominicâ, in qua continentur septem petitiones. Quod autem præmit- titur, est quasi benevolentia captatio. Tres priores ad futuram vitam pertinent ; quatuor posteriores quæ sequuntur, ad præsentem. Media autem, ut nonnulli volunt, a communi sumi potest, ita ut ad utramque referatur, quam videlicet dicimus : *Panem nostrum quotidianum, quem benevolenter Græci, segola Hebrei, nos appellamus aut superessentiale, aut egregium, aut etiam familiare.* Sed animadvertere oportet, cum sacerdos ait : *Oremus, Præceptis, etc.* nos debere prostratos orare usque ad finem Orationis Dominicæ, si dies fuerint profesti. Si vero festum sit, aut dies paschalis, certe non prostrati, sed stantes orare debemus, ac respondere : *Sed libera nos a male. Amen.* Quod autem Dominicani hanc Orationem non tacite aut sub silentio dicat sacer- dos, ratio est quoniam ex Evangelio petitum est.

CAPUT XLVIII.

De pace.

Postea inquit sacerdos : *Pax Domini sit semper vobiscum* ; quod spectat ad tertiam partem missæ. Notandum tamen est quod tacite hic sacerdoteum quædam orationem dicere oporteat, quæ in Ambrosiana Ecclesia aperte pronuntiatur. Accepto itaque pacis osculo ab ipsa eucharistia, ut quibusdam placet, vel ut censem alii, ab ipso sepulcro et altari, impartit illud diacono aut subdiacono, ut per eos descendat ad alios. Sed cavendum est ne ab ipsis viris tradatur mulieribus, ne forsitan lascivæ quid-

(3) Undecima esse potest communis illa de S. Trinitate.

piam in animum, aut carnalitatis clanculum subrepat. *Agnus Dei* ter canitur. Hic est ille verus Agnus declaratus et adumbratus in paschali, de quo sic habetur in Evangelio : *Ecce Agnus Dei, qui tollit peccata mundi* (*Ioan. i.*). Ter autem ideo canitur, ut ejus corpus triforme intelligatur, illud videlicet quod in celo est glorificatum; mysticum, quod etiamnum in terra ambulat, et quod in sepulcris usque ad extremum judicii examen quiescit. Bis dicitur cum *Miserere nobis*, tertio cum *Dona nobis pacem*. In cena vero Domini ter debet dici, cum *Miserere nobis*. Sed horum neutrum adjungitur in missa pro defunctis, verum ter cum *Dona eis requiem*. Ubique observandum est, ut non continuo, sed interpolate ac sejunctim cum oratione interposita dicatur. Appare vero Graece dicitur purus et pius, quia sola pietate ut pura hostia nos redemit. Vel ab agnoscendo, quod sicut agnus solo balatu matrem cognoscit, ita Christus in passione matrem suam cognoverit, ac Virginem virgini commendaverit. Atque hinc quoque esse potest, quod ter cantatur *Agnus Dei* : quoniam Christus pendens in cruce Patrem suum cognovit, ei ad mortem usque obediendo, et eadem cruce sullus agnovit matrem suam, eamque virgini commendavit, ac tandem etiam ibidem humanum genus redimento agnovit. Quod autem hic bis repetitur, *Miserere nobis*, et tertio variatur per *Dona nobis pacem*, totum illud ex veteri Testamento depromptum est, ubi cum clamarent ad Dominum, dicere solli erant :

Parce, Domine, parce populo tuo (*Joel ii*), ac subjugere tertio : *Ne dederis hereditatem tuam in opprobrium* (*ibid.*). Cum igitur dicimus, *Agnus Dei qui tollit peccata*, expresse Joannem Baptistam imitamus, qui ait : *Ecce Agnus Dei, ecce qui tollit peccata mundi* (*Ioan. i.*). Illud certe ignorari non debet, et in primitiva Ecclesia singulis diebus qui canonice missae intererant solitos suisse comunicare. Sed postea, crescente multitudine fidelium, sicut institutum ut tantum Dominicis diebus communicaretur. Quod etiam paulo post, cum observari non potuit, abiit in desuetudinem, ac tertia subsecuta est institutio, ut saltem ter quoque anno, in Natali, Paschale et Pentecoste omnes Christiani encharistiam sumereat. Invento tamen tripli remedio, ut singulis nimis diebus osculum pacis daretur, ac Dominicis diebus eulogia, id est panis benedictus et consecratus, quod in Quadragesima et temporibus abstinentiae deputatis salvo jejunio observari non potuit. Quare tunc hujusmodi sicut promulgata institutio, ut collecta diceretur super populum sub finem missae, dicendo : *Inclinate capita vestra Deo*, cum videlicet minor aliquis sacerdos celebrat. Sed si episcopus, inquiet : *Hymiliate vos ad benedictionem*.

CAPUT XLIX.

De ultima parte missæ.

Ultima pars missæ modo sequitur, quæ dicitur gratiarum actio, atque incipit a communione. Vocabatur autem communio, quasi participatio, quam ideo

A canimus, ut per eam cum sanctis divine gratie participes efficiamur. Appellatur etiam completio, quoniam per illam missa, ut sic dicam, completetur. Tribus vero modis finitur missa, primo per *Ite, missa est* in solemnitatibus, quod est quasi abeundi licentia, ac sumptum est ab Exodo (*Exod. xiiii.*). Non quidem secundum verba, sed juxta mentem et rei intelligentiam, quando Israeliticus populus ex Aegypto permisso Pharaonis egressus est. Vel etiam quando e Babyloponica captivitate, permittente Cyro, ad propria regressus est, Deo referens gratias. Sic et nos accepta benedictione ultima, ad coelestem patriam remeare debemus, ubi in gratiarum actione semper feliciter vivemus. Dicitur autem, *Ite, missa est*, quoties cantatur, *Te Deum laudamus, Gloria in excelsis, et Alleluia*. Pronuntiato *Ite, missa est*, oportet nos respondere *Deo gratias*, quæ vox est gratulantis. Secundo vero diebus profestis, dicitur, *Benedicamus Domino*, ac petitum est ab Apostolo (*Ephes. i.*). Tertio denique in missa pro defunctis *Requiescant in pace*, quod ex sola consuetudine generali natum est. Cuin ergo dicitur, *Ite, missa est*, debet sacerdos vultum dirigere ad populum; quando autem *Benedicamus Domino*, vel *Requiescant in pace*, versus orientem. Necesse tamen est ut haec tria a sacerdote vel diacono tantum proferantur. Sed in prima missa Natalis Domini, non debet dici *Ite, missa est*, ne videatur populus licentiam habere redeundi.

CAPUT L.

Quibus horis celebretur missa.

Tribus horis tantummodo regulariter missa poterit celebrari, tertia nimis, sexta et nona. Et quidem tertia, ideo quod tum linguis Iudeorum sit crucifixus, dum instanter clamarent : *Crucifice, crucifice eum* (*Ioaz. xix.*), pertulerisque ludibria, maledicta, convicia, alapas, flagra, insultantium sputa, et coronam spineam. Sexta vero ob eam causam, quod tum in crucem actus ait, ac tolerare debuerit clavos rigidissimos et pocula felle tintcta, ut sie tandem pro nobis immolarentur. Nona demum, quia tunc animum exhalavit ac spiritum Patri commendavit. Poterit tamen fieri ut ante primam in Dominicæ resurrectionis memoriam missa celebretur, quod vicarii faciunt, et post primam ante tertiam in ejus rei commendationem, quod Christus inter primam et tertiam traditus fuerit Pontio Pilato Iudeis vociferantibus : *Crucifice eum*, ipso tacente. Cantatur ergo missa diebus festis hora tertia, profestis sexta, et nona in quadragesima ac aliis diebus jejuniorum. Nec tamen omnium, quia in Sabbatis jejuniorum Quatuor Temporum valde sero celebrari et potest et debet propter sacros ordines : quod etiam ad sequentem spectet Dominicam. In Sabbato Paschæ et Pentecostes sero canitur propter cercæ candelæ, quam cereum nominamus, consecrationem, quod ex eo facile perpendi aut colligi potest, ubi dicitur : *Hæc nox est*, atque ex ista oratione : *Deus, qui hanc sacratissimam noctem*, etc. Ipsò vero dic Natalis Æv.

mini prima missa cantatur nocte. Potest tamen licite cantari summo mane, sed tamen prima et tertia prius absolutis. Sic itaque ab illis horis excipitur dies qui Domini nativitati sacer est, cum noctu prima canatur. Nec id quidem sine causa, ut postea dicemus. Atque etiam Sabbatum Paschæ et Pentecostes, quoniam tum temporis expresse dicimus : *Hoc nos est; et: Deus, qui hanc sacratissimam nactum. Excipiantur denique dies jejuniorum propter sacros ordines.*

CAPUT LI.

Quæ missæ quibus diebus debeant celebrari.

Nunc dicendum est quæ missæ, quibus diebus debeant celebrari. Fuit enim quoddam tempus quo Dominicum officium needum erat ordinatum, ac varie passim bæreses pullulabant. Quo quidem factum est ut prima feria, ne divinum officium periret, de Trinitate, secunda de Charitate, tertia de Sapientia, quarta de Spiritu sancto, quinta de Angelis, sexta de Crucifixione, septima de B. Maria Virgine cantaretur. Sed postea sancitum est ut cessante causa et illud cessaret quod urgente necessitate factum fuerat. Quapropter sane Dominicano officio ordinato statutum est ut prima feria unum peculiare haberet officium de Trinitate, et secunda de Angelis, quod tum creati in bonis gratuitis fuerint, ac lux divisa a tenebris, hoc est boni angelii a malis. Nam eo tempore mali cecidere, et boni fuerunt confirmati; sed prima feria fuerunt angeli creati et in bonis naturalibus constituti. Cantatur autem alia de causa pro defunctis, ut nimurum iis adhibeamus suffragium angelorum; eodem quoque die missa pro defunctis celebratur, quoniam, ut plerique aiant, feria prima refrigerium habent ii qui sunt in purgatorio, statimque altero die post ad penas solitas et ad laborem redeunt, ita ut eodie, que eorum laboribus aliquo modo subveniatur, missa pro illis cantetur. Tertia autem feria oportet repeti introitum missæ diei Dominicæ. Præterea institutum quoque fuit ut quarta feria jejunaretur, ideoque Dominicæ diei missa tum caneretur. Sed et quinta feria similiter dicere convenit officium diei Dominicæ, videlicet introitum, epistolam atque evangelium, quoq; dies Jovis maxime cognata sit diei Dominicæ. Eiusmodi enim die fieri solebat processio in memoriam ascensionis Domini, quæ postea in diem Dominicam, ut supra dictum est, fuit translata. Porro autem sexta feria agitur de Crucifixione, et septima de B. Maria Virgine, quod non temere ita constitutum accepimus; miraculosum enim habet initium. Nam cum olim Constantinopoli in quadam ecclesia imago B. Virginis babebatur, ante quam velum quoddam dependentabat quo tota ea cooperiebatur, contigit ut sexta tempore feria velum hoc a vespere ab imagine nullo movente decideret, et divino miraculo quasi deserretur in celum, ita ut jam plene ac perfecte ab omnibus conspiciri posset, ac deinde rursus in

A Sabbatho vespere absolitus ac eandem imaginem descenderet, ibique permaneret usque in proximum diem Veneris. Hoc ergo miraculo saepius viso, sanctum est ut semper illo die de B. Maria in ecclesia caneretur. Potest tamen et aliam habere rationem, cur Sabbatho die officium cantetur de B. Maria. Nam cum ipsa nobis sit porta regni celorum, quod per diem Dominicam commodissime figuratur, certe ideo de illa solemnizamus eo die qui Dominicam proxime præcedit. Hactenus igitur officium missæ explicuisse satis sit, si intellexerimus nominem debere uno eodemque die duas celebrare missas cum uno sacrificio, vel cum duobus, sed unam cum sacrificio, et aliam siocam. Quare hisic rei sumem imponeamus (4) si duas adhuc questiones paucis enodaverim, quarum una est, an si sacerdos ante vespertas comedat, nec postea possit dormire, die postero debeat aut possit missam celebrare? Nam ipsu non debere aperte respondemus. Sic altera est, possitne celebrare secundam missam in eo casu quo in præcedenti, dum manus abluoret, aliquantulum aquæ degustavit? Certe enim et illud veitum esse sciendum est. Nunc ergo ad alia.

CAPUT LII.

De vespere.

In vespere a nobis cantantur quinque psalmi, qui sumus imperfecti, propter quinque sensus, videbunt quod per quinque sensus corporeos commissum est, per quinque psalmorum cantionem penitus demittatur. Hinc notandum est nos eadem ratione quinque digitis pectus tundere, quam quinque canimus psalmos. Monachi vero, in quo se perfectiores esse ostendunt, tantum quatuor dicunt. Quidquid enim quadratum est, in quacunque partem vertatur, manet semper idem, firmum ac solidum. Ad eundem sapo modum projectus, quocunque loco aut quocunque tempore, semper idem aliquo immobilia permanet. Finitis psalmis parva sequitur lectio sine Iude, domine, et sine Tu autem, domine, hoc est capitulum, ac deinde responsoriū vel ejus loco versus, cum hymnis et antiphona, ac deinceps *Magnificat*. Pierumque tamen hymnus beatæ Mariæ, videlicet *Magnificat*, loco hymni ponitur, ut præterea nullus aliud canatur. Sequitur tandem collecta, quam orationem diximus. Volumus autem, ut hoc usque a nobis factum est, conuetis et ecclesiasticis, ut qui officia tradamus ecclesiastica, deinceps uti vocabulis. Sciendum ergo est quod de eodem die eodemque festo rparva debet cantari lectio. Verbi gratia: Si de præcedenti Dominicæ unum, et reliquum; si de sequenti unum, et reliquum. Animadvertisse præterea est quod, quando fuerit solemnitas novem lectionum, illius vespere tota debent celebrari, ut in festo B. Stephani et B. Joannis evangeliste. Post vesperas necessario dicitur collecta de sancto cuius est festum sequens, vel antiphona cum *Magnificat*. Unum tamen excipitur,

(4) De consec. dist. 1, cap. Tribus.

festum videlicet S. Sylvestri, quod etiamsi novem habeat lectiones ejus, tamen vesperæ sunt festi sequentis.

CAPUT LIII.

Quot psalmi canantur in completorio.

Quatuor psalmi cantantur in completorio, ad significandam perfectionem: cum enim quodammodo ostendimus peccata, quæ per quinque sensus corporeos perniciosissimos satellites admiserimus, jam esse quinque psalmis precedentibus remissa. Alia ratio est, quod diabolus semper nostro insidiatur calcaneo, ita ut postea nec loqui cum aliis debeamus, nec aliud dicere nisi orationes. Quod monachi diligenter observant, qui postea non bibunt. Putat enim diabolus se viciisse, si tunc vicerit. Quare ut breviter quæ hic restare videntur, percurramus, post psalmos sequitur capitulum et versus, et deinde hymnus, eoque finito, antiphona ac *Nunc dimittis*. Postea vero Dominica legitur Oratio, ac fidei nostræ symbolum, quibus posteaquam nos collectam annexuimus, statim subjungi oportet *Benedicamus*. Atque hoc quidem in vesperis, ut a puer canatur omnino consentaneum est, ut per hoc demonstretur nos esse pueros, nimirum ad laudes Deo referendas.

CAPUT LIV.

Quomodo finienda sint orationes.

Ut autem evidens habeatur et plena cognitio quemadmodum orationes, quas collectas vocamus, sint terminandæ, prius nosse oportet quod in eis sermo interdum ad Patrem dirigitur, interdum ad Filium, interdum ad Spiritum sanctum, et interdum etiam ad totam Trinitatem. Quando ad Patrem, rursus considerandum est, num ita ad eum sermo sit institutus, ut fiat mentio ad Patrem de Filio, vel Spiritu sancto, an vero non. Et quidem si in oratione, quæ dirigitur ad Patrem, fiat mentio Filii, multum interest scire illane sicut ante partem finali, an ipso fine. Quæ ideo diximus, quod secundum has diversitates, diversimode orationis finis existat. Si ergo dirigatur sermo omnino ad Patrem absque intentione Filii et Spiritus sancti, finietur hoc modo: *Per Dominum nostrum Jesum Christum Filium suum, qui vivit et regnat in unitate Spiritus sancti, Deus, per omnia sæcula sæculorum, Amen.* Si da D Spiritu sancto mentio ibi fiat, dices: *In unitate ejusdem Spiritus sancti, Deus, cæteris remanentibus.* Si vero fiat mentio Filii, ante finali partem dicetur: *Per eundem Dominum, etc.*, ut supra. Si contra in ipso fine dicemus tantum: *Qui tecum vivit et regnat, etc.*, quemadmodum videri potest in hac collecta B. Stephani: *Omnipotens sempiterne Deus, qui primicias martyrum in beati levitæ Stephani sanguine dedicasti, tribue, quæsumus, ut ipse pro nobis perpetuus intercessor existat, qui pro suis etiam persecutoribus exoravit Dominum nostrum Jesum Christum, qui tecum vivit et regnat in unitate Spiritus sancti, Deus, per omnia sæcula sæculorum, Amen.* Si ad Filium oratio instituatur, ut in hac :

A *Excita, Domine, potentiam tuam et veni; ac in aliis de Adventu Domini, finietur hoc pacto: Qui vivis et regnas cum Deo Patre, etc.* Si autem ad Spiritum sanctum, dicemus sic: *Qui cum Patre et Filio vivis et regnas unus Deus, etc.*; et ad Trinitatem ita: *Qui in Trinitate perfecta vivis et regnas, etc.* At vero in exorcismis, et quæ sunt ad pueros efficiendos catechumenos, ac fontes consecrandos, quandoque fit aqua benedicta, et in id genus multis aliis, dicitur sane hoc modo: *Per eum qui venturus est judicare vivos et mortuos, et sæculum per ignem.* Hoc autem ideo fit, quia nulla vox ita terret diabolum, atque haec, *qui venturus est, etc.*, usque adeo ut statim fugere cogatur simul atque vocem hanc audierit. Maxime enim præter cetera judicium ignis extimescit, quod certus sit se post diem judicii æternō igne punitur Iri. Quare ob eamdem causam voluit D. Gilbertus ut simili modo finirentur orationes in officio mortuorum. Verum ei contradicit vulgare nostrum Collectarium, affirmans dici oportere: *Per Dominum nostrum, etc.*

CAPUT LV

De diversitatibus officiorum.

Jam ergo dictum est hactenus de ecclesiasticis officiis generaliter, ita reliquum modo sit eorumdem explicationem latius per totius anni sæculum aggredi. Nam pro temporum varietate ipsa variantur officia. Sed operæ pretium me facturum existimo, si priusquam ad ipsam expositionem veniam, distinctio quatuor temporum præmittatur. Ut ergo solaris noster annus quatuor temporum polissimum successione dilabitur, scilicet hiemis, in qua semina jacintur; veris, in quo semina prodeunt; æstatis, in qua ad messem albescunt, et falce succiduntur; autumni, in quo per ventilationem grana a se mutuo separantur, et in horrea reponuntur, paleae autem comburuntur; ita quoque magnus vitæ præsentis annus durans ab initio usque ad finem sæculi, quatuor temporum varietate mensurantur. Fuit enim tempus quoddam deviationis in humano genere, ab Adamo videlicet usque ad Mosen, quo declinaverunt homines a cultu divino ad idolatriam. Tunc enim homo reliquit Dominum suum Creatorem, ac lapidibus et manuum suarum operibus dixit: *Tu es Deus meus.* Hoc tempus haud male convenit nocti et hiemi. Quia sicut nox aut hiems nihil lucis habet, nisi contingenter et ex accidenti, ut ex igne vel candela, sic tempus istud plane erat cæcitatæ et ignorantiae. Alterum item tempus fuit revocationis, nimirum a Mose usque ad nativitatem Christi, quo edocti fuere homines pecches et prophetas de adventu Christi, de evitatione peccati, et unius Dei dilectione. Tum dixit Deus Israeli: *Audi, Israel: Deus tuus, Deus unus est, illum solum adorabis, et illi soli servies* (Deut. vi, vi.) Tertium vero tempus fuit regressionis, sive reconciliationis, vel justificationis, quod fuit a nativitate Domini usque ad ascensionem ejusdem, per quem facta est gratia hominibus, et prædicatio Evangelii.

Quartum denique tempus est peregrinationis, quod ab ascensione Domini fuit, et duraturum est usque ad finem iudicij, ubi erit consummatio saeculi. Haec eadem tempora solent aliis nominibus appellari. Tempus enim deviationis dictum est tempus culpae et poenae. Nam propter deviationem homo subjectus est culpae, et propter culpam poenae. Tempus revocationis nuncupatum est tempus doctrinæ et prophetiae. Et quidem doctrinæ propter Decalogum, per quem Deus humanum genus docuit, inquiens : Audi, Israel : Deus tuus, Deus unus est. Prophetiae vero, quoniam tum hujusmodi salutare accepimus vaticinium : Ecce virgo concipiet (Isa. vii). Tempus proinde reconciliationis appellatur gaudii et letitiae, ac denique peregrinationis, tempus luctus et pugnæ. Unde profecto necessarium est ut pugnemus aduersus carnem nostram, mundum atque aeras potestes. Maxime vero contra carnem, utpote quod multa cum nobis sit familiaritas, ae nulla sit pestis saevior quam hostem habere domesticum.

Præterea tempora haec possunt considerari secundum principales partes diei, ut sunt, nox quæ ad tempus spectat deviationis, mane ad tempus revocationis, meridies ad tempus reconciliationis, vel regressionis, vesperum ad tempus peregrinationis. Atque horum quodque proprium modo perpende epitheton, ut nox est obscura, et qui a veri Dei cultu aberrabant erant cœci. Eleganter sane quadripartita haec temporum divisio in homine notari potest. Ante siquidem baptismum nascitur homo et fit filius iræ; in baptismo renascitur, ac filius gratiæ; dehinc bene operatur, et justitia efficitur proles, cum fervore quodam charitatis Deum diligat in primis, et proximum; tandem cum Christo simul regnabit per mortem transiens ad vitam aeternam, factus modo haeres aeternitatis et gloriae. Atque in qualibet præmissarum partium expositione possunt intelligi hiems, ver, aestas, et autunnum. Eadem quoque tempora designantur per quatuor principales Christi actiones, quæ sunt hujusmodi nativitas, passio, resurrectio, adventus ad iudicium, cum omnium horum appendicibus; adeo haec humano generi convenient. Christi igitur vita nostra est doctrina, Christi actio nostra est lectio; universa denique Christi conversatio nostra et instruacio. Dixi autem cum suis appendicibus, quia ad nativitatem pertinent circumcisio, apparitio, baptismus, purificatio; ad passionem referuntur jejunium, tentatio; ad resurrectionem, in coolum ascensio, et S. Spiritus missio; ad adventum tandem iudicij spectant transfigurari et miraculorum operatio. Efficacior enim fuit ac plus potuit post mortem quam ante transfigurationem, quod tunc demum nobis ostendit quid simus futuri. Passio comparatur hiemi, nativitas veri, resurrectio aestati, iudicium autumno quando sedebit Vetus ille diem tenens ventilabrum in manu sua, permundabit aream, etc. (Matth., iii.) Item rursus Christi nativitas comparatur et concordat tempori revocationis,

A propter prophetas, qui eam multis modis praedixerunt; passio temporis deviationis; resurrectio temporis regressionis propter letitiam; adventus iudicij temporis peregrinationis, quia hujusmodi tempus durabit usque ad extremum diem iudicij. Unde Propheta : *Ego miser et peregrinus, sicut omnes patres mei* (Ps. xxxviii).

Haec ergo tempora magni istius anni considerans Ecclesia in servitium Dei transformavit, pro qualitate eorum et varietate singulis annis laudabiliter utens officiorum diversitate. Sed cum ita faciat Ecclesia, maluit incipere a tempore revocationis, quam a tempore delationis. Quare incipit : *Ad te levavi animam meam* (Psal. xxiv), aspiciens a longe, etc: Quandoquidem nos etiamnam quasi per speculum et cancellos aspiciimus. Et durat usque ad nativitatem Domini. Toto igitur tempore Adventuum usque ad Natale Domini, Ecclesia reminiscitur temporis revocationis, que facta est per legem et prophetas, malagma vulnéri apponens. Atque ideo tunc legit Ieremiah, qui cum incurabile vulnus ydisset, dixit : *Omne erupit languidum est, et omne cor mortens*, etc. (Ier. 4) Et rursus non est malagma apponere, etc. Malagma autem est genus emplastri, quod epithema appellatum est. Tum ergo inchoatur graduale : *Ad te levavi, ac si diceret : Tempore deviationis homines levabant manus et corda ad opus manuum suarum, atque agebant lapidi et ligno; tu es Deus meus, ego vero ad te levavi animam meam, Deus meus*, etc. Atque ita sane a tempore revocationis militare sunt auspicatur officia, non a tempore deviationis, ne videatur incipere ab errore. Bene itaque rem ipsam observat, sed ordinem non sequitur, quod frequenter etiam faciunt evangelista. Quare si bonam querat valetudinem, optetque quem optime curari, omnino fuit necessarium ut a medieis inciperet.

CAPUT LVI.

De ceteris temporibus.

Tempore vero Septuagesimæ, quæ est a Dominiæ vulgo appellata, Circumdederunt nos, usque ad octavam Paschæ, recolit Ecclesia tempus deviationis. Unde est quod tum legitur liber Genesios usque ad Regum, ubi de excessu agitur primorum parentum, et multorum aliorum, qui omnes cataclismate aut diluvio sunt submersi. Brevis ergo tum temporis Ecclesia orat, flectit genua, ac jejunat. Tempore autem paschali, quod est Pascha, vel potius ab octavis Paschæ usque ad octavas Pentecotes, tempus gaudii meminit, et reconciliationis, quippe in quo legitur Apocalypsis, ubi fit mentio de nova civitate Jerusalem, et epistola canonio cum Actibus apostolorum. Hinc pauca sibi Ecclesia indicet. Non jejunat, a genuflexione cessat, albis utitur vestibus, ternario numero psalmorum et lectionum contenta est, cum tribus responsoriis ac totidem versicolis. Ab octavis demum Pentecostes usque ad adventum Domini, recolit tempus peregrinationis. In hoc est nobis perpetua pugna et lucta adversus tres, ut dictum est, infestissimos hostes, mundum videlicet, carnem

et diabolum. Mundus est hostis sophisticus, caro hostis domesticus, diabolus hostis antiquus. Nullus tamquam istorum hostis est efficacior ad nocendum, quam inimicus noster familiaris, scilicet caro, quam severus indumentis, et reficiens alimenis, cui tanquam iunctamento tria debentur: cibus ne deficiat, onus ut mansuetat, virga ut non indirecte, sed directe incedat. Propter hujusmodi pugnam significandam, legit tunc Ecclesia librum Regum, in quo agitur de pugna. Et quia in pugna maxime opus est sapientia, ideo continuatur liber Salomonis. Sed quoniam cum pugna nihil tantoper habere debeamus, atque patientiam, apposite profecto Jobi liber subjungitur. Deinde porro et Tobiae liber sequitur, propter singularem misericordiam quam in hoc certamine requiriunt. Cui deinceps quoque subjungimus librum Judith, Ruth, Esther, propter fortitudinem, justitiam et temperantiam. Verum enimvero cum adhuc frequens sit lucta, necessario annexatur liber Machabaeorum, in quo crebra est adversus superbiam conficiatio. Nam devictis omnibus viciis, restat etiam vincenda superbia. Roget ergo modo aliquis, sub quo illorum temporum continetur illud quod est a Natali usque ad Septuagesimam? Verum facile istiusmodi quæstioni occurremus. Nam et ei non ineleganter per quodam satisfactionem esse accepimus. Ejus itaque pars una continetur sub tempore regressionis, quod est tempus gaudii, ut dictum est, a Natali usque ad octavam Epiphaniae. Unde in quibusdam Ecclesiis alibi tam dia utuntur vestimentis, sicut tempore Paschali, et neque tunc jejunatur, neque flectuntur genua. Pars vero altera, quæ est ab octava Epiphania usque ad Septuagesimam, complectitur sub tempore peregrinationis, et leguntur duodecim epistole Pauli, ubi agitur de labore ejus, quem luctando ac pugnando pertulit. Nec vero quantumvis ipso die Nativitatis Domini Isaiae legi soleat, credas diem illum pertinere ad tempus revocationis. Fit enim hoc alia consideratione, et ante evangelium in nocturnis et ante epistolam in missa, quod videbit velut basis columnæ supponatur, ut per utrumque Testamentum pativitas Christi perhibeatur.

CAPUT LVII.

Quis ordinaverit officia ecclesiastica de quibusdam diebus.

Hæc autem ecclesiastica officia, ut dictum est, instituit B. Hieronymus rogatu Damasi papæ, et quæcumque etiam alia ex Veteri et Novo Testamento leguntur in Ecclesia. Gregorius tamen quosdam capitulæ apposuit, Gelasius quosdam hymnos, et alii alia. Tempore siquidem Theodosii imperatoris inordinate peccabant, qui rogavit Damasum papam, ut curaret sapienter ordinare officium ecclesiasticum. Quod diligenter ille effecit, ut supra diximus. Sunt autem in predictis temporibus dies quidam duplices, ut pote si quando simul festa concurrant, in quibus illud observandum est quod in morali philosophia dici solet: « Cede majori, et occupa da melioribus. » Hoc est, ut excellentius

A celebretur officium, ac duntaxat de minori fiat commemorationis ipso die, et suum officium reservetur in crastinum; ut de Petro et Paulo in quibusdam Ecclesiis diebus Dominicis. Nam primo quidem celebratur de Petro, quod princeps fuerit apostolorum; sequenti vero die de Paulo. Sic de quibusdam aliis in diebus Dominicis, ita ut Dominicæ debeat quiescere, ac postea in hebdomada peragi. Quemadmodum sane factum videmus in Testamento Veteri. Cum enim Salomon templum dedicasset duodecimo die mensi, quo occurrebat scenopégia, celebravit dedicationem templi septem diebus continuis, et post dedicationem distulit scenopégiam. Sunt propterea in supra dictis temporibus quedam principales Dominicæ, quibus cetera cedunt festa præter Pascha et Pentecosten, quæ præter resurrectionem et S. Spiritus missionem sunt aliis longe superiores. Atque eaurum quidem aliquæ ut sunt præstantiores et solemniores, ita in iis mutantur officia, cujusmodi sunt Dominicæ in principio Adventus et Septuagesima, ac illæ quæ est in octava Paschæ. Aliquæ vero non sunt ita præstantes, quales duas haec sunt, videlicet quam vulgari nomine appellamus: *Lætare*, *Jerusalem*, et Dominicæ in Ramis palmarum. Nam si contingat dies Annunciationis in Ramis palmarum, aut ipso die Resurrectionis, de eo penitus tacebitur, ac dij sabbato, qui præcedit Dominicam, quam in Ramis palmarum vocatam diximus, universum Annunciationis sicut mysterium. Ipsum enī sabbatum jus suum majori facile credit. Ad eundem sane modum si eveniat ut ipsa Domini passione sit festum dedicationis, certe omni jure ejus mysterium celebratur in hebdomada sequenti, ut in Ascensione, si idem festum fuerit. Necesse enim est ut in aliud tempus differatur.

CAPUT LVIII.

Quomodo officia ecclesiastica fieri debeant, et qui sint eorum libri.

Ut igitur ab Adventu incipiamus, atque ita de ecclesiasticis officiis per totius anni circulum tractare pergamus, duo in universum nobis sunt diligenter in iis præcavenda, ne videlicet coacte flant et indiscretæ. Coacta esse non debent, juxta Prophetam qui ait: *Voluntarie sacrificabo tibi, etc. (Psal. LIII.)* Sic

D Obal qui et Berseel appellatus est, dicitur spontaneæ ædificasse templum Domino. Quanquam vero sint qui putant duos fuisse Obal et Berseel, et utrumque spontaneum in tempore indiscrete prohibentur esse, quia immundum est pecus quod ruminat et non sicut ungulam. Fissio autem ungulæ accipitur pro discretione. Qui ergo spontanea sacrificia facit et discreta, eum diligit Dominus. Hinc statutum est a sanctis majoribus quemadmodum Deo serviremus discrete. Statuerunt enim in unaquaque hora lectio nem, verbi gratia, in matutinis et in missa instiuerunt epistolæ et evangelia, in aliis horis parvas lectiones, quæ dicuntur capitula. Sed quoniam in lectione et cantu universum fere versetur officium ecclesiasticum, operæ pretium est scire quinque esse libros lectiōnum in Ecclesia, ac tres cantus, scilicet

Gradus, **Antiphonarium** et **Trophonarium**: A
Antiphonaries a digniori nomen sumposuit, hoc est
ab antiphonis, cum in eodem libro continentes
responsa et versus. Legitur enim in Tripartita hi-
storia Ignatii patriarchae Antiocheni audivisse
angelos cantantes antiphonas in monte, qui exinde
quoddam antiphonas in Ecclesia cantari instituit, et
psalmos iuxta antiphonas teniari. Unde etiam anti-
phonae sunt appellatae, respectu psalmodie sicut
responsum, historie. Et cum antea confuse et quasi
chorea cantarentur psalmi et antiphone, statutum
est a majoribus, ut seorsum chorus sederet, et al-
ternativum caneret, id est ut una pars chori unam
psalmi versum caneret, atque alia alium. Incipit ergo
antiphonarius hoc modo: *Aspiciens a longe*. Tametsi
vero non sit Gregorianum, hoc est, a Gregorio com-
positum, sed solammodo ab alio quodam mona-
happositum: quemobrem quidem non debet merito
procedere ex quo Gregorius composuit. Usu tamen
receptum est ut ab omni Ecclesia diceretur. Nec sa-
cile profecto est quo longo usu inolererint emen-
dere aut mutare. Externa vero sunt S. Gregorii.

CAPUT LIX.

De reliquis libris.

Secundus liber est **Gradus**, ita a gradibus appelle-
latus, eo quod diebus festis in gradus ascendi debeat,
atque isthic cantari in ambone. Dicitur autem **ambu-**
bis ab **ambio**, **ambis**, eo quod locus ille ambitorum
gradibus, vel ab **ambio**, **ambis**, **ambio**, quod nimissimum
duo sint vice isthac, hoc est in pulpito, quod situm
est ante eum locum, ubi recitatur evangelium. Opor-
tet itaque sint ibi duo paria graduum, unum a si-
nistra, quo fiat ascensus; alterum a dextris, quo
descensus fiat, juxta illud: *Per aliam viam regredi-
sus in regionem suam* (*Matth. 11*). Diebus autem
profestis canitur in medio chori ante gradus altaris.
Eius libri principium est: *Ad te levavi*. Tertius li-
ber dicitur **Trophonarius**, a Graeco nomine **epōnos**
quod est **conservio**. Nam a fine regredinatur ad prin-
cipium cantus, unde et tropheum zona nominatur,
quod ab uno latere vertatur in aliud, circumueniendo
usque ad umbilicium. Est autem **Trophonarius** li-
ber, in quo continentur ii cantus, qui cum introitu
missa cantari solent, et maxime quidem a monachis,
cajusmodi sunt **tropi**, **sequentiae**, **Kyrie eleison** et
neume. Tropi dicuntur, quia prius canitur versus,
ac postea eleison, et iterum versus, et eleison
deinde. Hic etiam notandum, quod semel diximus
neumam somnii generis abaque p, accipi pro jubilo;
pro Spirito autem sancto dicitur Graece hoc pne-
uma, pneumatikos, Hebraice Ruath, Latine spiritus.
Unde quidem in prosa: *Descendet in te sanctum
Pneuma*. Postremo **Trophonarius** non habet certum
principium, quod ad placitum canatur. Nemo enim
tenet potius hoc vel illud **Kyrie eleison** in aliquo
festo dicere, quam aliud. Contra vero **Antiphonar-**
ius certum habet initium, nimurum hoc: *Aspiciens
a longe*, quemadmodum **graduarii** principium est:
Ad te levavi. Ab Adventu enim incipit Ecclesia.

CAPUT LX.

De quinque libris lectionum.

Nunc de quinque libris lectiuum vidramus. Et
primus quidem est **bibliotheca** a fiducia quod liber
est, et **titula positio**. In eo enim totum continetur
utrumque Testamentum. Atque hinc propter excel-
lentiam, tanquam si dignior et major esset, solus
omnium librorum materiae nomen retinuit. Fiebat
enim omnes libri ex biblio: unde bibliopolie vendi-
tores librorum appellantur. Vel rectius ideo liber
hic dictus est **bibliotheca**, quod instar cuiusdam
bibliothecae multos et varios libros complectatur.
Secondus vero liber est **passionarius**, qui tamen
plures sunt. Tertius est **legendarius**. Quartus **homiliarius**.
Quintus denique **sermologus**, sive liber ser-
monum. Redeanus igitur ad primum, et singulos
pauci accuratius examinemus.

Bibliotheca vox est ambigua et homonyma, sive,
ut nunc loquuntur, **equivoca**. Unonamque nomine et
locum ubi libri reponuntur, nempe armarium signi-
ficat, et volumen aliquod magnum compactum ex
omnibus libris Novi et Veteris Testamenti. Sunt autem
viginti duo volumina Veteris Testimenti, quae
ibi continentur, et octo Novi, scilicet evangelistica
quatuor, Epistolæ Pauli, Apocalypsis, Epistolæ ca-
nonicae, et Actus apostolorum. Volumina Veteris
Testimenti sunt quinque libri Mosis, videlicet
Pentateuchus, qui propriè apud Judæos dicitur Tho-
ral, id est lex, vel libri legis, super quos jurans
illi, ut nos super Evangelia tanquam sauctiora
in novo Testamento. Sunt præterea qui hoc pacto
enumerantur, Josue scilicet, Judicum, cuius extrema
pericope pars est libri, Ruth, Samuel, Malaichim,
quæ duo volumina unum reputamus, videlicet Re-
gum, quod tamen quatuor habeat partitiones vel dis-
tinctiones. Postea in uno volumine sequuntur alii
quatuor: Isaías, Jeremias, Ezechiel et David. Sub
uno volumine comprehenduntur duodecim prophetarum
minores propter nimiam brevitatem. Noveinque
deinceps sequuntur reputantur hagiographa, ita ta-
men ut sint authentica, nimurum liber Psalmorum,
liber Jobi, tres libri Salomonis, scilicet Parabolæ,
sive mavis dicere Proverbia, Ecclesiastes et Can-
tica cantorum, liber Paralipomenon, Judith et
Esther. Quatuor tandem enumerant apocrypha, li-
brum videlicet Tobize, Machabæorum, Philonis, cu-
jus principium est. *Diligito justitiam*, et Iesu filii
Sirach, qui sic incipit: *Omnis sapientia a Domino*,
etc., appellatusque etiam Ecclæstasticus. Vereni hos
quatuor quidam non recipiunt, Ecclesia tamen eos
approbat, quod argumentum fere habeant librorum
Salomonis, etiamne eorum auctores pro certo ac
vere non sciatis. Alios duros creditus Esdras con-
cipiuit, qui totam bibliothecam Veteris Testa-
menti restituit, cum a Babylonis esset combusta.
Nos itaque bibliothecam nostram, scilicet Vetus et
Novum Testamentum diversis temporibus legimus
juxta varios historias singulis mensibus, ut sic tan-
dem cum totius anni circulo universa absolvatur.
Unde equidem non ignoro, quin illud in adventu

Domini primo sit assignandum et declarandum, sed facilius et dilucidius apparebit, si ab alio tempore incipiat assignatio.

CAPUT LXI.

Quid legi debeat in Septuagesima.

In Septuagesima ergo legimus totum Pentateuchum, quoad dies iisi sint, videlicet quindecim ante Pascha. Atque ita quatuor omnino cantantur historiae, nimirum ex libris Geneseos, et quartus de Exodo. Primus liber Mosis est Genesis, in quo agitur de origine mundi; secundus Exodus, in quo de exitu agitur populi Israelitici ex Aegypto; tertius Leviticus; Quartus est Numeri; quintus Deuteronomius, hoc est lex altera, cuius velut quamdam tradit anacephaleosin, sive recapitulationem. Per illos autem dies quindecim usque ad Pascha legitur Jeremias et liber Baruch notarii ejus, ut quidam testantur, sub eodem volumine. Et quidem Jeremiæ Threni, sive Lamentationes, recitantur per triduum illud ante Pascha, quod appellamus Tenebras. Dicuntur autem Threni, eo quod tripliciter exponantur a Paschasio, scilicet historicæ, allegorice et tropologice. Vel a monte Threnaro, ubi primo auditæ sunt animarum lamentationes. Vel ideo etiam Threni appellati sunt quod in iis post tertium quemque versum littera sit alphabeti. Scriptum enim est opus illud quadruplici alphabeto, hoc est in eo quater ipsum alphabetum de integro repetitur. Vel denique, quod verius esse puto, hæc lectiones propterea dictæ sunt Threni, quod lamentationes continent. Apud Græcos namque θρῆνος planctus est. Sic itaque historia, quæ quindecim illis diebus narratur, sumpta est partim ex libro Jeremiæ, partim ex passione Domini in Evangelio. Nunc transeamus ad octavam Pentecostes, ut ordinem Veteris Testamenti simili ratione persequamur.

CAPUT LXII.

Quid legi debeat ab octava Pentecostes usque ad Natale Domini.

Tunc ergo usque ad Kalendas Augusti legitur Samuel, Malachim, id est Liber Regum et Paralipomenon cum historia: *Deus omnium*. Solet tamen in octava Pentecostes cantari et legi de Trinitate, quantumvis Alexander papa interrogatus an etiam fieri debeat, dixerit se nescire diem peculiarem de Trinitate, nec de unitate. Sed officium ejus præcipue propter haereticos institutum fuisse credimus. Quare hic usque ad Kalendas Augusti meminerimus, quod paulo ante cavendum esse præcepimus. Si enim festum erit die Dominica, secure mutabimus historiam. Similiter si secunda feria, si tertia, si quarta Kalendæ fuerint mensis Augusti, præcedenti Dominica historiam libere mutabimus. Si vero quinta, sexta aut septima, idem facere poterimus Dominica sequenti. Atque hanc tanquam generalem habemus regulam. Quod si denique mensis Kalendæ fuerint die profecto, illa Dominica mutabimus historiam, quæ Kalendis sit proximior, sive ea prædicta, sive subsequatur. A Kalendis igitur Augusti

A usque ad Septembrem leguntur tres libri Salomonis et duo Sapientie, qui sunt apocryphi, ut ita media pars Cantici cantorum reservetur usque ad Nativitatem B. Mariae in Septembri, atque altera legatur in ejusdem Assumptione. Nam sermones qui ibi sunt, ut: *Cogitis me, o Paula et Eustochium*, et: *Approbata consuetudinis est*, etc., potius in triclinio, seu refectorio legi debent. Tunc cantatur historia: *In principio Deus (Gen. 1)*, *antequam terra*, etc., quod ad creationem pertinet. Nam istud aliud in principio, quod est in Sexagesima spectat ad creationem. Proinde a Kalendis Septembribus legitur Jobus per quindecim dies, et per quindecim alias dies Tobias, Esdras, Judith et Esther cum historia, *Peto, Domine*. In Octobri legitur liber Machabæorum cum historia: *O Adonai, Domine Deus*, et: *Adaperiat Dominus*. In Novembri Ezechiel, Daniel, duodecim prophetæ, cum historia, *Vidi Dominum*. Denique in Decembri Isaia totus usque ad Natalem Domini, nisi quod transire debeat idem lector id quod ipso Natali legitur, ut: *Populus gentium, Consolamini, Consurge, et quod recitat in Epiphania*, ut: *Surge, illuminare, Jerusalem*. Hæc namque pertinent ad Christum jani natum; cetera vero quæ in Adventu leguntur, ad Christum nascitum. Atque hinc est quod illa oporteat prætermitti usque ad Natale, quoniam tunc nova audiri debent. In jejuniis tamen Quatuor Temporum, quæ sunt in Adventu, et in vigilia Nativitatis Domini nihil Isaiae legitur, quoniam proprias habent lectiones, et propria officia. Unde C et alia jejunia ab his tanquam magis solemnibus officiis petre soleant.

Quare autem hæc habent et non illa, ratio est quod olim pontifex Romanus hisce jejuniis ordines conserne consuevit. Sed si festum Thomas evenierit in ipsis jejuniis, dicet Ecclesia lectiones de sancto et non de jejunio. Ita enim usus inolevit. Hoc ipsum tamen Romana Ecclesia non observat, ut quæ sex recitent lectiones de jejunio, et tres ultimas de homilia Evangelii ipsius festi. In Adventu aliquando tres sunt historiae, aliquando quatuor si ipse fuerit quatuor hebdomadarum, quod raro fit. Et tantum quidem habemus de Veteri Testamento, modo videamus de Novo. Ab octava Paschæ usque ad Pentecosten legitur Joannis Apocalypsis tribus septimanis, et Epistolæ canonicae dualibus sequentibus usque ad Ascensionem, quæ numero sunt septem. Prima est Jacobi Alphæi, tres sequentes Joannis evangelistæ, quinta et sexta Petri principis apostolorum, septima denique Thadæi, qui et Judas appellatus est, frater Simonis. Ab Ascensione Domini usque ad Pentecosten legitur Actus apostolorum: *Primum quidem*, etc. Historia est, *Dignus est, Domine*, ad omnia præmissa. Ab octava Epiphaniæ, usque ad Septuagesimam legitur quatuordecim Epistolæ Pauli, tam quæ sunt missæ ad personas quatuor, quam quæ ad decem Ecclesiæ, ut ad Titum, Corinthios. De Evangelii et Psalmis dicetur suo loco. Ad hunc ergo modum de utroque Testa-

mento dispositum ab Ecclesia habemus. Notandum interum obiter hic est, quatuor modis finiri lectiones, videlicet per : *Tu autem, Domine ; Hæc dicit Dominus: Convertimini ad me et salvi eritis; et in Threnis Jeremiæ per Jerusalem, Jerusalem, convertere ad Dominum Deum tuum* : atque ultimo in lectionibus mortuorum, per *Beati mortui, qui in Domino moriuntur*. Cujus tamen rei usus in Ecclesia admodum rarus est. Sed nos dicimus non quid fiat, sed quid fieri debeat. Ceterum homiliarius, quem quartum librum esse diximus, legitur in natali et in festis eorum, qui propria habent evangelia, ut in festo B. Thomæ, in Paschate, Pentecoste cum suis seriis, ac tandem etiam recitatur diebus Dominicis. Octo vero dies Paschæ computantur cum Septuagesima, quod illa septima sit septimana a Quadragesima, per quam idem designatur, quod per Septuagesimam in ejus septima decade filii Israel acceperunt redendi licentiam, et jam quasi liberi erant, ideoque diebus illis cantica letitiae inclamantur. In sabbato autem in Albis, gemitur *Alleluia*, quoniam finitur Septuagesima. Quo quidem significatur absoluto presentis hujus vite cursu nos duplicum accepturos stolam, cum ad nostram illam Jerosolymam pervenerimus. Vocatur autem Sabbatum istud in Albis, quod in paschali Sabbato baptizati tunc albas vestes deponebant, quas octavo die sumpserant. Proinde vero libri passionarii leguntur in ipsis diebus martyrum. Sed horum aliqui, teste Gelasio, apocryphi sunt, ut de B. Gregorio, de Quirico et Julita martyribus, ac qui omnino ejuamodi sunt, ut eos composuisse ferantur haeretici, ob quorum infamiam ab Ecclesia interdicuntur. Quod autem sint canonizati, suo loco dicetur. Nec quidem omnes bonitatem sunt approbatæ, ut quædam sunt Origenis, qui ad haeresin declinavit. Quædam tamen ejus leguntur ab Hieronymo castigatae, sed in iis subtiliter nomen auctoris propter infamiam haeresis. Quemadmodum etiam Salomonis nomen in lectionibus supprimitur ob notam idolatriæ, et Moysis propter haesitationem, quam habuit ad Aquas Contradictionis, quia Dominum exacerbavit. Non enim dicitur. Lectio libri Genesis Mosis legislatoris, sicut dicimus : *Lectio libri Apocalypsis Joannis apostoli*. Nonnulli tamen hoc pacto in principio homiliarum dicendum esse existimant : Homilia Origenis ab Hieronymo castigata. Atque in sequentibus quasi hoc modo : Homilia ejusdem. Sunt autem sere hi qui Homilias posteris reliquerunt : Augustinus, Gregorius, Beda et Origenes.

Breviter ergo passiones legi debent in festis martyrum : legende in festis qui propria habent evangelia, ut in B. Thomæ, tres ultime lectiones ex homiliis sint oportet, atque aliae ex passionibus. At vero legendarius appellatur liber, qui vitas et obitus tradit confessorum, cujusmodi sunt Hilarii, Martini et aliorum quos sacrosancta Ecclesia confirmavit, ita ut in eorum festis istiusmodi liber necessario legatur, ultimo tandem liber sermonum, qui et ser-

A mologus nominatur, legi convénit ab Natali usque ad octavam Epiphaniæ, quos Leo papa et complures alii composuerunt. Sed idem liber legitur in Purificatione B. Mariae Virginis, et præter festa alia, etiam ipso die Omnia Sanctorum. Proinde præcipuas homilias composuerunt Gregorius et Beda, qui tamen nullas, præterquam eas, quas ante Augustinus ediderat, composuit. Namque ille hoc unum de suo addidit, quod eas suis verbis quodammodo vestivit, usque adeo, ut cum in Augustino verba duntaxat essent disputationis, in Beda sint verba sermonis et lectionis.

CAPUT LXIII.

De libris cantuum.

Nunc redeamus ad libros cantuum, idque juxta dies adventuum. Primum itaque responsum sequitur tres versus, quod si per universum annum vagemur, non amplius fieri liquido compcriemus. Fit enim illud propter tria tempora antiquorum Patrum adventum Christi expectantium. Ac primum quidem tempus fuit ab Adamo usque ad Noe, nempe ad diluvium, secundum vero usque ad Moysen, et tertium usque ad Christum. Et quod terna fiat in eodem responso repetitio, prima videlicet ab altiori, secunda a minus remoto, et tertia rursum a minus remoto et minori, causam habet hujusmodi : Eo namque modo ostendimus Patres primi temporis remotius ab adventu Christi absuisse, quam partes secundi vel tertii, atque iterum longius fuisse partes secundi quam tertii. Sic quoque tria sunt tempora patrum novitiorum secundum Christi adventum expectantium. Nam horum primum fuit Ecclesie primitive de Judæis ad fidem conversis, et secundum modo præsto est, simul atque gentium sive ethnicorum facta est introductio. Sed tertium erit, cum omnis Israel salvabitur. Magis ergo remoti sunt, aut potius fuerunt primi quam ultimi, ut hoc pacto ad utrumque adventum allegoria hoc accommodari possit. *Gloria Patri* tribus versibus tandem subjungitur, quod omne nostrum desiderium et servitum ad trinum Dominum sit referendum. Non enim isthic fit repetitio alicuius partis, sed totius responsori, quoniam post hoc hanc praesentem vitam omnia tempora consummabuntur. Tunc Dens

D erit omnia in omnibus (*I Cor. xv*), hoc est consummatio omnium et sufficientia. Verum enim vero de qualitate officii videamus, deque temporis reverentia, continentia et abstinentia. Ad qualitatem pertinet quid tenendum sit vel omittendum. Et quidecum quid tenendum seu observandum sit jam aliqua ex parte docuimus, addiuusque sub finem Adventum cani debere septem antiphonas secundi toni, et unamquamque juxta ordinem suo die usque ad Natale. Quæ quidem omnes vel ob id secundi toni sunt, quod geminam nobis significant dilectionem, Dei videlicet et proximi, vel etiam propter duas naturas in Christo. Sunt autem septem, propter Spiritum septiformem, quo illuminati erant ii qui Christum expectabant. Sciendum tamen est his septem anti-

phonis quæ sunt de Sacramento, additas esse duas alias, unam videlicet de beato Thoma, aliam vero de B. Maria Virgine.

CAPUT LXIV.

Orae omittenda sunt in Adventu.

Omittenda sunt in Adventu, ut in Septuagesima, quædam cantica laetitiae, quemadmodum *Te Deum laudamus, Gloria in excelsis, Ite, missa est.* Verum enimvero cum tempus istud partim sit laetitiae, non subtiliter *Alleluia*, sicut in Septuagesima, quod tempus totum mœbris est. Quare considerare poterimus tria ista sese mutuo sequi quidem, sed non semper. Quædam enim Ecclesie in cathedra B. Petri, etiam si in Quadragesima festum istud, dicunt *Te Deum laudamus*, cæteris vero laudibus tacitis, quia hoc cantico solemus uti ad inthronizandos aliquos in suas sedes. Nam et eodem die Petrus in cathedra Antiocheno fuit constitutus. Rursus *Gloria in excelsis*, et *Ite, missa est* dicitur ipso die solemnis Cœnæ si episcopus præsens sit, et celebret officium de tribus Olearis, sed *Te Deum laudamus* non dicitur, quoniam surgitur ad Tenebras. Ob quam etiam causam subtiliter in psalmis et in responsoriis hisce diebus *Gloria Patri*, quia tunc missum dehonesta est Trinitas, maximeque ille triduo. Item in prima missa Natalis Domini canitur *Gloria in excelsis*, nec tamen dicitur, *Ite, missa est*, donec et tertia missa sit absoluta. Alioquin enim recederet populus, et non audiret matutinas. Unde nonnulli sacerdotes reservant collectam sive orationem finalem primæ missæ donec cantentur matutinæ, ac postea dicunt et concludunt missam cum *Benedicamus Domino*. Deinde vero incipitur missa secunda, et pari modo finitur, vel per *Eccœ completa sicut*, in quibuscum Ecelesiis, ne populo licentia abeundi detur, sciatque se adhuc debere tertiam audiro missam, sed cuius finem exprimitur, *Ite, missa est*, quæ laus pertinet ad Resurrectionem, sicut *Gloria in excelsis* ad Matriitatem. Atque haec quidem est ratio, quameðrem utrumque in Adventu subtiliceatur, quod tunc utrumque avide exspectetur, sed *Te Deum laudamus* ideo facetur, ut cum majori ardore resumatur ipso die festo, vel, quia nondum præsens est quem exspectamus, cum ad præsentes hoc cantico uti solcamus. Sic et pro *Dominus regnabit* (Psat. xxvii), dicitur *Miserere mei, Deus* (Psat. 1), et cantica illa, quæ sunt Anna, Moysis, Ilubacue, at quo alia quæ isthie sunt, ut : *Ego dixi* (Iea. xxviii); et : *Audite, ecclæ* (Deut. xxviii), quæ per singulas hebdomadas dicuntur. Hora vero B. Virginis idcirco subtilicentur, quod totum illius temporis offertum ad ejus laudem sit.

Hinc etiam animauertendum est quod in festis novem lectionum, si quæ sunt, in Adventu, ad tertiam debeat celebrari missa solemnis, cum *Gloria in excelsis*, et, *Ite, missa est*. Unde etiam in plures ecclesiis nigras cappas deponunt ad missam illum tanquam in paschali tempore, nec genua tunc fleent debent. Missa vero absoluta cappe resumuntur, et sexta ac nona cantata, auspicatur missa de jejuniis

A atque tum diaconus pronuntiare debet ad hujusmodi missam, et in omni tempore jejuniorum, *Fletiantes genua, exceptis feris illis quæ Pentecosten proxime sequantur, in quibus propter reverentiam festi cantica laetitiae non subtilentur, scilicet *Alleluia, Te Deum laudamus**; atque *Ite, missa est*. Proinde vero neque hic ullius sancti commemorationi fieri oportet, sive Christi Adventuri præcesserit (cum ejus temporis omnes ad inferos descenderint, unde et pro eis non 'solemnizat Ecclesia), sive secundus fuerit Christi Adventum cum coram singulis diebus hic commemorationi fieri debeat. *Ecce Dominus veniet, etc. (Isa. lxv)*; antiphona est, quæ canitur post *Benedicamus Domino*, et sequitur oratio hujusmodi, *Conscientias nostras, quæsumus, Domine, visitando purifica; ut veniente Dominus nostet Iesum Christum; cum omnibus sanctis paratem sti in nobis intentiat mansionem, qui tecum, etc.* In antiphona ponitur, *omnes sancti ejus cum eo, et in oratione, cum omnibus sanctis, ita ut hinc necessarium non sit fieri speciatim aliquorum sanctorum commemorationem.* Sed oportet intelligamus hanc orationem pertinere ad secundum adventum, qui efficitur in mente hominis, cum videlicet legitur : *Ut veniens Dominus Jesus Christus parvum sit in nobis mansionem inseriat.* Verum tunc addi non debet cum omnibus sanctis. Nam si illud adjiciatur, jam ad tertium adventum videbitur pertinere. Est enim adventus Christi triplex : in carne, in mente; qui singulis diebus in humanis animis contingit per Spiritum sanctum, et tertius in maiestate, qui adventus erit in die judicii. De secundo adventu, qui sit in humana mente, inquit Salomon : *Dominus, misse sapientiam tuam, ut mecum sit, et mecum labore* (Sep. ix). Est rurus et alia ratio, quæ ejusmodi est, ut duos nobis significet adventus, nimicrum : *Excite, Domine, potentiam tuam, et veni, ut ab imminentibus peccatorum nostrorum periculis, etc.* Ad primum adventum pertinet, cum dicitur : *Te protegente mereamur scripsi; ad secundum vero, cum legimus : Te liberante salvari*

CAPUT LXV.

De temporibus quibus non debent nuptias celebrari.

In Adventu non debent celebrari nuptiae, sicut nec in Septuagesima, quod hujusmodi tempora orationi potissimum sint deputata, at tunc potius ab utorio lecto quilibet debeat abstinere, quam eidem adjungi. Pari modo faciendum est in saeris solemnitatibus, cum earumdem fieri, sicut in Pascha et Pentecoste. Et certe quidem diebus quoque Dominicis, ac in festis apostolorum præcipue continentur. Solemnitates namque instituta sunt, ut liberi vacari possit orationi. Verum enimvero rustici contra libertatis illis diebus convenienter, ut vident pötationi. Sed in omnibus his cautum oportet esse sacerdotem. Separumero enim accidit ut mutuus pecus doceat animal divinum, hoc est laicos clericum. Ac generatim quidem observandum est quod quocunque tempore abstinetur a nupliis, abstinetur

dem sit ab amplexu conjugis, si nisi quando ob fragilitatem incontinentiae poscat debitum ab uxore, vel illa a viro. Illud enim exigenti persolvendum est, quia *vir*, ut inquit Apostolus, *non habet potestatem suæ carnis, sed mulier* (*I Cor. vii*), et contra. Secundum has ergo rationes, non debent nuptiae celebrari, etiam tribus illis septimanis, quæ festum S. Joannis Baptizæ præcedunt. Verum hoc in quibusdam Ecclesiis jam prideum in dissuetudinem abiit. Fuit tamen ratio, quare Ecclesia constituerat jejunandam esse Quadragesimam ante festum S. Joannis, sicut ante Natale. Sed propter fragilitatem humana, duæ illæ Quadragesimæ redactæ sunt in unam, atque illa tunc bipartita fuit in tres septimanas præcedentes Natalem, et tres præcedentes festum S. Joannis. Quoniam igitur tempora hæc orationi sint maxime dedicata, quam ideo instituimus, ut ad cœlos perveniamus, quod tamen efficere non possumus sine duobus aliis, scilicet jejuno et eleemosyna, quæ ad cœlos hominem facile deferrunt, ideo ordinatum est jejunium, ut quod nobis remanserit propter jejunium pauperibus erogetur, ideoque et sponsus debet abstinere a lecto uxoris, ut liberius ac comnioidius vacet orationi. Atque ita non fiunt nuptiae a prima Dominica Adventus, usque ad Epiphaniam, nec etiam fierent nisi ad octavam usque Epiphaniæ, nisi Dominus nuptias, tum sui presentia, tum miraculo decorasset. Præterea in Adventu sciendum est quemlibet versum dici posse, si sit de Adventu, ut : *Egredietur Dominus de loco sancto suo in maiestate sua, et veniet ad iudicandum* (*Isa. xxvi*). Et : *Veni, Domine, ad liberandum nos* (*Isa. xxvi*), quod potest dici de quolibet adventu. Adventus enim qui fuit in carne liberavit animas nostras a servitute diaboli; adventus vero in mente liberat animas a peccato; adventus denique in maiestate, liberat corpora. Postremo obiter notandum est festum B. Lucie hic adjunctum habere Italice *chartar*: quia tunc maxime carnes solent deponi, quemadmodum secunda Dominica Septuagesima dicitur vulgo carnisprivium.

CAPUT LXVI.

De festis et jejunis Adventus.

Deinceps modo videamus de iis quæ accidenti Adventui, ut de ejus festis et jejunis. Et in primis quidem hic cognoscamus, si festum S. Andree contigerit prima Dominica, id persequendum esse u seria. Idem observari volumus, de quolibet festo tam apostolorum quam martyrum, si contingat Dominicis privilegiatis, quos paulo post commemo rabimus. Sic quoque si festum ejusmodi ipso Dominicō contigerit, quod vigiliam habeat, ejus secunda feria celebrabitur officium eritque jejunium in Sabbato, si videlicet inoficiata sit vigilia, id est, si proprium habeat officium. Item si qualibet alia Dominica ex privilegiatis, festum apostoli, vel præcipue alieius martyris, vel alterius sancti, qui proprium habeat officium evenerit, restat videre an septimana sequens sit inoficiata, hoc est, an proprium singuli

A ejus septimanæ dies habeant officium. Quod si non habeant, illius Dominicæ officio supersedebimus, atque ejus loco festum hospitis, id est sancti advenientis ad Dominicam celebrabimus; si vero habeat, manente officio Dominicæ festum transferetur ad secundam feriam, atque hoc pacto dies Dominicæ interdum cedit festo, interdum vero non. Et quidem quare? Quoniam ibi officium renovatur. Proinde jejunia Quatuor Temporum, in tertia septimanæ adventuum oportet celebrari. Adventus autem debent viginti et unum diem, id est tres septimanas integras habere, præter vigiliam Natalis Domini. Cum ergo adventus semper incipiant a die Dominicæ, si etiam simili die videlicet, Dominicæ Natalis Domini contigerit, necessarium est, ut adventus protrahantur quatuor hebdomadis. Alioqui vigilias Natalis Domini, et jejunia Quatuor Temporum concurrerent quorum utrumque peculiare habet officium, et ad diversa pertinent tempora. Nam vigilia spectat ad tempus gaudii, cum non sit de adventu, sed de Nativitate, quare ad eundem modum non haberet adventus viginti et unum dies, excepta, ut dicimus, vigilia. Si autem contigerit Natalis Domini in u seria, vel deinceps usque ad Dominicam, tunc præter dies viginti et unum, facile habebimus diem, quo faciamus vigiliam, quia ipso die Dominicæ, qui proprium officium non habet, celebrabitur vigilia et *alleluia* canetur propter Dominicam. Sed jejunabitur Sabbato præcedenti, tam pro jejunio Quatuor Temporum quam pro vigilia Natalis Domini. Quantum vero attinet generaliter ad jejunia, cognoscendum est cum jejunia vernalia primo instituta sint in prima septimana veris, aestivalia in secunda Junii, autumnalia in tertia Septembribus, hiemalia in quarta Decembribus: id omne propter multas confusiones; quæ inde nascebantur abrogatum esse et regulariter definitum quo tempore eorum quodque fieri debeat. Et de hiemalibus quidem dictum est, quod semper in tertia septimana Adventus fiant. Sed de aliis regulariter sciendum est quod in primis septimana Quatuoragesimæ semper incipient vernalia, in septimana Pentecostes semper aestivalia, autumnalia veterem servent institutionem, cum semper in tertia septimana Septembribus fiant. Cavendum interim diligenter est ne in computatione illarum septimanarum fallamur. Nam si Kalendas illius mensis, hoc est ipse mensis incipiat prima feria, vel secunda vel tertia, vel etiam quarta, tum illa ejus mensis septimana computabitur, et in ea quæ est ab illa tertia, fient jejunia. Si vero mensis incepit quinta, vel sexta, vel septima feria, tres illas septimanas numerare ordiemur a sequenti Dominicæ, et eodem modo in tertia fient jejunia. Atque ita sane dies præcedentes quoad computationem septimanarum plane erunt inutiles. Sic igitur hujusmodi habemus regulam, ut ab illa Dominicæ, quæ propinquior fuerit Kalendis Septembribus, id est pridie mensis semper numeranda sit prima septimana, sive subsequatur, sive præcesserit.

CAPUT LXVII.

De anniversariis mortuorum, et vigiliis sanctorum.

De anniversariis vero mortuorum dicemus, quod si contigerit Dominica die, vel alia quamvis celebri solemnitate, non debeant mutari, et in sequentem diem differri, quemadmodum de festis sanctorum diximus, sed potius sicut die praecedenti, ut citius succurratur eorum poenis, quas igne purgatorio sufferunt. Ut enim sancti non indigent nostro auxilio et beneficio, ita ceteris defunctis omnino est necessarium. Omni tempore potest celebrari missa pro defunctis praesente cadavere, nisi Parasceve. Tunc enim non debet corpus Christi immolari, nec missa cantari, sed die crastino, id est Sabbato poterit missa pro eo cani, et corpus sepeliri. Par modo etiam faciendum est ipso die Paschae. Si enim quis tunc moriatur, postero die missa est celebranda, servato corpore tantisper super terram. Nam fieri non debet ut sepeliatur absque missa. Porro autem de vigiliis sanctorum generaliter dicimus, quod si propriam habeant collectam in missa, eam debere dici ad vespertas. Et si Dominica sit in vigilia, dicemus vespertas de Dominica, et post alias de sancto, vel cum *Magnificat* legimus duntaxat collectam, ut Moguntina facit Ecclesia, et monachi; vel cum sola antiphona dicemus orationem sive collectam de festo, si propriam et peculiarem non habeat vigiliam, cui ad postremum subjungemus: *Benedicamus Domino.*

CAPUT LXVIII.

De vigilia Natale Domini.

Sequitur vigilia Natale Domini, quæ propriam habet missam, et propriam in ea collectam, quæ item in vesperris dici debet, quod item observatur in aliis vigiliis. Sin contra fuerit, hoc est, si vigilia peculiare officium non habuerit, collecta in vesperris de sequenti festo dici oportet. Cantantur ergo in vigilia Natale Domini hi Psalmi: *Laudate, pueri, Dominum (Psal. cxii)*, *Laudate Dominum, omnes gentes (Psal. cxvi)*, *Lauda, anima mea, Dominum (Psal. cxlv)*, *Laudate Dominum, quoniam bonus (Psal. cxlvii)*, *Lauda, Jerusalem; Dominum (Psal. cxlviii)*, sed in completorio cani debet hymnus *Veni, Redemptor gentium.*

CAPUT LXIX.

De Nativitate Domini.

Nunc de ipso die Nativitatis agamus, quo ante primos nocturnos tres pannos super altare ponii consuetum est, ad declarationem trium temporum singulisque nocturnis unum auferri. Et primus quidem niger erat, pro tempore ante legem; secundus subcandidus, pro tempore revelationis; et tertius ruber, pro tempore gratiae: propter dilectum sponsum candidum et rubicundum. Poteris alibi facile invenire quemadmodum veteres interpolate et diversis vicibus ad nocturnos surgere solebant, videbile in conticinio, nocte media, et in antelucano. Post tertium nocturnum incenduntur lumina ecclesie, et recitato Evangelio, *Liber generationis (Matth.*

A 1), cantatur *Te Deum laudamus*, ad consignandam congratulationem, quæ facta fuit ob inventam drachmam quam mulier perdidera, in cuius inveniendæ gratiam ea lucernam incendit totamque domum evertit, hoc est, Ecclesia triumphans ex inferno per Christum omnino extrahitur. Quatuor autem illo die leguntur Evangelia, unum Matthei, alterum et tertium Lucæ, quartum Joannis, ut de Nativitate Christi quatuor testes perhibeant testimonium. Quanquam sane duo, vel ad summum tres sufficere possunt, cum in ore duorum vel trium testimoniū stet omne verbum (*Deut. xvii*). Quamobrem vero Isaías legatur in primo nocturno, supra a nobis ostensum est. Verum diligenter hic animadvertere debemus, triūm præcipue Scripturas hoc tempore in Ecclesia frequentari magis, quam aliorum. In primis nimis Davidis prophetae qui fuit homicida, proditor et adulter; deinde Matthei apostoli, qui et publicanus dictus est, et hoc ipso nomine infamis, postremo Pauli apostoli, qui persecutus est Ecclesiam. Quod quidem non abs re ita institutum fuit, ne videlicet desperent alii, quantumlibet peccatores, propter facta præcedentia, eleemosynas vel orationes Deo displicere, quin si pœnitent, certo sciant se veniam facile consequi posse, quantumvis gravi noxa perplexi sint. Post *Te Deum laudamus*, dici oportet a sacerdote jam e vestiario egresso, *Confiteor*, atque inchoari prima missa, ubi de æterna Christi generatione obscura et ignota agitur. Quo quidem fit ut illa etiam nocte cani debeat. Absoluta vero illa dicuntur laudes, et finiuntur eadem oratione cum missa, ut hanc atque illas idem plane officium innuere exprimamus. Apparente aurora, statim incipitur secunda missa, in qua agitur de completione sive impletione promissorum de Christo nascituro. Unde profecto sic illam auspicamur: *Lux fulgebit*, cum illucente die, ac matutino apparente inchoetur. At dixerit hic semidoctus aliquis grammaticus: Ergo deberet ibi esse lux fulgens; quod verum non est, quia tunc rubet. Sed intelligendum est, ut diximus, de impletione promissorum, quasi dicamus tum, *lux fulgebit*, cum Christus advenerit, qui vera et æterna lux est, cumque omnia quæ de ejus adventu jam multo tempore dicta sunt, complebuntur. Proinde haec missa, ut et ante dictum est, finitur hoc modo: *Ecce completa sunt*, etc. Prima ergo pertinet ad generationem ex Patre sine matre, videlicet æternam; secunda ad eam quæ fuit ex matre sine patre, ut temporalem; tertia autem quasi compacta et conjuncta est, tradit enim utramque. Nam quod in ejus exordio dicitur: *Puer natus est nobis (Isa. ix)*, ad temporalem spectat generationem; ad æternam vero Evangelium Joannis: *In principio erat Verbum (Joan. i)*. Pars tamen illius Evangelii, postrema nimis: *Verbum caro factum est*, etc., ad temporalem nativitatem referenda est. Dicitur autem hujusmodi duplex nativitas, ut nos haud obscure intelligamus nativitatem Christi ter restrem nobis procul dubio contulisse nativitatem

celestem. Unde illud est quod in festo B. Stephani dicitur : *Huius natus est Christus in terris, ut hodie Stephanus nasceretur in cælis.* Denique neumæ quæ sunt in missa, gaudium repræsentant, quæ potius per e., ut *Kyrie*, vel per a., ut *alleluia* fieri solent, quam per alias vocales, ut per has significemus gaudium spirituale quod restitutum est nobis in partu Virginis, cum facta est immutatio hujus vocabuli Eva, salutante angelo et dicente : *Ave, Maria* (*Luc. 1.*). Ejus enim nominis, scilicet Evæ significatio manserat usque ad salutationem angelii. Hanc autem significationem, nempe luctus Adæ et Evæ, nascentes exprimunt pueri, si nimirum puella nascatur profert, ut vulgus quidem existimat e., cum masculus a. Ille igitur neumæ repræsentant dolorem, quem nobis contulit transgressio Adami et Evæ. Sed gaudium plane restitutum est in B. Virgine cui non dictum est Eva, sed Ave.

CAPUT LXX.

De festis Nativitatem sequentibus.

Deinceps sequitur ordine convenienti, ut de iis festivitatibus modo tractemus, quæ Christi Nativitatem proxime sequuntur. Debent ergo vesperæ Natales primo integre celebrari, ac postea convenienter diaconi quasi in tripudio, cantantque *Magnificat* cum antiphona de S. Stephano, sed sacerdos recitat collectam. Nocturnos et universum officium crastinum celebrant diaconi, quod Stephanus fuerit diaconus, et ad lectiones concedunt benedictiones, ita tamen, ut ejus diei missam celebret hebdomadarius, hoc est ille cuius tum vices fuerint eam exequi. Sic eodem modo omne officium perficiunt, sacerdotes ipso die B. Joannis, quod hic sacerdos fuerit, et pueri in ipso festo Innocentium, quia innocentibus pro Christo occisi sunt. Sed ignorandum non est passionem beati Stephani factam fuisse in Augusto, illo die, quo ejus celebratur inventio; econtra inventionem ejusdem fuisse postero die nativitatis Domini. Verum enimvero cum dignius et præstantius sit festum Passionis inventione, idcirco translatum est ad tempus Natales Domini. Vel etiam ob hanc rem, quod ei eodem hoc die dedicata sit basilica. Poterit tamen et alia esse ratio, quoniam Stephanus post Domini passionem pro Christo primus martyrum perpessus est, quod nasci dicitur in cœlis, cuiusmodi natalem nobis Christi nativitas in carne contulit. Consentaneum ergo fuit ut Nativitati Christi continuaretur Natale S. Stephani, quo per hoc notaretur, nativitatem unam sequi ex alia. Unde etiam est, quod in ipsius Vita legitur : *Huius Christus natus est in terris, ut Stephanus hodie nasceretur in cælis.* Eodem fore modo de festo S. Joannis Evangelistæ censendum est, quod cum ille dies quo se depositus in soveam post celebrationem sacerorum, Natales fuerit sancto Joanni Baptista, hic tamen cum illi cessit, de quo dictum erat a Domino : *Inter natos mulierum non surrexit major*, etc. (*Luc. 7.*), atque festum hujus translatum est ad tertium diem

A Natale Domini, ut omnes suos comites haberet sponsus, qui rubicundus est et candidus. Vel ob id etiam, quod eo die ipsi dedicata sit basilica, vel tandem quia eo die insulatus est : Fuit enim patriarcha Ephesus. Tunc autem scripsit Evangelium de quo Beda inquit : « Quod si paulo altius intonasset, uniusversus mundus vix capere potuisset. » Ita ut hinc quoque Hieronymus eum vocet vocem aquilæ. Simili ratione Innocentes non statim quidem quarto die post passi sunt, sed quarto die anno revolutio, quandoquidem, cum Herodes a filii suis accusatus erat, debuit Romam proficisci, ibique coram Augusto Cæsare causam suam defendere, ita ut simul atque causam obtinuisset, ac jam rediisset, immagine istud facinus perpetraverit, omnes interimens B pueros a bimatu et infra (*Matth. 11.*). Credebat enim puerum natum magnum fore, cui astra famulabantur, et timebat ne per illum regnum suum amitteret, de quo plenius in Matthæo legitur. In festo itaque Innocentium penitus subtinetur cantica lætitiae, quoniam ii ad inferos descenderunt. Si vero contingat eorum festum die Dominica, tunc nullum subtinetur, propter diem resurrectionis. Nec etiam in illorum octavis aliqua cantica lætitiae supprimuntur, ut significemus gaudium, quod accepturi sunt in octava, id est in resurrectione.

CAPUT LXXI.

De Circumcisione.

In Circumcisione duo simul facta concurrunt, parentis scilicet et partus, propter octavas. Unde sane est quod eo die duas missas celebrare debeamus : prima de Beata Virgine, scilicet, *Vultum tuum*; aliam de Octavis, nimirum *Puer natus est nobis*, et dicitur illo die evangelium Lucæ : *Postquam impleti sunt dies octo* (*Luc. 11.*), etc. Sunt nonnulli alii, qui tria huc festa concurrere arbitrentur, de B. Virgine, de octavis, et de Circumcisione. Nam etiamsi tum circumcisus non fuisset, nihilominus tamen fierent octavæ. Sed quoniam modo de octavis mentionem fecimus non incommodum erit, si eas paulo plenius persequamur. Sunt enim nonnullæ octavæ institutionis, ut sunt eorum qui habent vigilias, nonnullæ devotionis, cuiusmodi fieri possunt in honorem cuiuslibet sancti; nonnullæ etiam venerationis, ut sunt eæ quæ solius Dei esse dicuntur. Nam octavæ Nativitatis, Paschæ et Pentecostes sunt venerationis Christi. Sunt item et octavæ significationis, ut Innocentium, per quas nostra significatur resurrectio, quo quidem fit ut tunc lætitiae sive laudis canantur cantica. Nam tametsi quidem ad inferos descendenterint, resurgent tamen nobiscum in gloria. Quoniam nihilominus et de quibusvis aliis sanctis octavæ significationis dici possunt. Totum interim tempus, quod est ad purificationem usque tractat infantiam Salvatoris, ita ut hinc aliorum sanctorum commemorationes fieri non debeant, et quidem maxime sanctæ crucis, juxta illud vulgare dictum : *Non coques haedum in lacte matris* (*Exod. xxxiv.*)

CAPUT LXXXII.

De festo hypodiaconorum.

Festum hypodiaconorum, quod vocamus stultorum, a quibusdam perficitur in Circumcisione, a quibusdam vero in Epiphania, vel in ejus octavis (5). Funt autem quatuor tripudia post Nativitatem Domini in Ecclesia, levitarum scilicet, sacerdotum, puerorum, id est minorum ætate et ordine, et hypodiaconorum, qui ordo incertus est. Unde sit ut ille quandoque annumeretur, inter sacros ordines, quandoque non, quod expresse ex eo intelligitur quod certum tempus non habeat, et officio celebretur confuso.

CAPUT LXXXIII.

De Epiphania.

Post hæc sequitur dies apparitionum, sive epiphaniarum, quæ plures leguntur fuisse eodem die, annis tamen diversis. Quarum quidem una effecta est per stellam decimo tertio die a nativitate Christi. Atque hæc proprie dicitur Epiphania, a Greco verbo ἐπιφάνεια, quod est *appareo*. Altera vero facta est per vocem Patris, eodem die anno trigesimo, et appellatur θεοφανία, a Θεός, quod nobis est Deus. Tertia denique nominata est Bethania, nomine conflato ab Hebreo et Greco, videlicet a *beth*, quod *domus* est, quæ item alio anno eodem die contigit. Apparuit enim in domo per transformationem aquæ in vinum. Atque hæc quidem tres epiphaniæ leguntur in Evangelio tanquam eodem die factæ. Quartam addidit Beda in Commentariis in Lucam eodem die fuisse factam anno revoluto, videlicet quæ fuit de refectione panum, diciturque phagiphania a φάγω, quod est *comedo*. His omnibus manifestatus est Christus esse Deus. Quatuor ergo festa sunt uno die. Si queratur qua ratione tam cito reges venire potuerint, cum ipso die nativitatis primo eis stella visa sit, ita ut difficile fuerit ab exteris regionibus spatio dierum tredecim itinere terrestri venire Jerosolymam. Sed huic nos bifariam respondere possumus, quod nimirum ut plerique affirmant eis ante nativitatem stella apparuerit, vel quod, ut alii putant, dromedariis venerint. Est autem dromedarius animal paulo minoris staturæ quam camelus, cum tamen eurus sit multo velocior. Potest enim uno die tantum itineris confidere, quantum equus diebus tribus. Si rursum roget quis quonam stella illa evanuerit, respondebimus iterum duobus modis, quod vel cederit, ut quibusdam placet in puteum, ubi etiamnum facile sit conspicua iis tantum qui sunt virgines; vel quod, ut alii opinantur, in priorem materiam sit dissoluta. Cæterum ipso festo Epiphaniæ ad primum nocturnum non dicimus: *Venite*, idque duplice de causa, tum quia reges ad adorandum Christum non invitati venerunt, tum ne videamur Herodem imitari. Ipse enim omnes regni sui sapientes ad consilium convocavit, non ut Christum adoraret, quemadmodum falso dicebat, sed magis

A ut ipsum perderet. Ad eadem profecto ratione et proditori hoc profectum est, quod triduo ante Pascha osculum pacis non damus, ut prodiit Judæ nos dissimiles esse ostendamus. In secundo autem nocturno ad sextam antiphoniam canimus: *Venite, exsultemus* (*Psal. xciv*), quia in sexta mundi ætate gentes ad Christi fidem pervenerunt, quarum primi fuerunt tres illi reges, qui ad Christum adorandum e regnis suis profecti sunt. In tertio denique nocturno cantamus antiphonam: *Fluminis impetus lætitificat civitatem Dei* (*Psal. xlvi*); et psalmum, *Deus noster refugium* (*ibid.*), ordine psalmorum retrogrado, quod amplius in toto anno non sit, nisi in festo Omnium Sanctorum. Sed quare tunc sit, dicetur alibi. Ideo tertio nocturno, quia tertio tempore, id est, tempore gratiae fluminis, baptismatis scilicet, impetus, civitatem Dei, nempe sanctam militarem Ecclesiam, lætitificat, hanc mundando et ab omni labore purgando, ut ad septimam ætatem quiescentium feliciter pervenire possit, ubi tum plenus ac cumulatius lætificabitur. Et quoniam quidem Dei civitas in ætate septima quiescentium quasi plenum recipiet statum, cum ab omni poenitentia eximetur et sui Conditoris gratissimo fruetur aspectu, ideo istiusmodi antiphona septimo loco cantatur. In tertio nocturno *Alleluia* propterea frequentamus, ut in tertio tempore per baptisma lætitiam advenisse monstremus. Ad hunc ergo modum incipi debent matutinæ: *Domine, labia mea aperies* (*Psal. l*). Deinde sequitur hymnus si sit monachalis Ecclesia. Si vero non, exemplo subjungitur: *Afferte Domino, filii* (*Psal. xxviii*); et: *Deus noster refugium* (*Psal. xlvi*). Ad postremum igitur, ut progrediamur ad cætera, facile suspicendum est reges non venisse solos, sed eos secum magnum advexit principum comitatum.

CAPUT LXXXIV.

De evangelis Apparitionis.

Sunt autem tria Evangelia bujus festivitatis, unum de baptismo, scilicet *Factum est, cum baptizaretur* (*Luc. iii*), secundum de magis, nempe *Cum natus esset Jesus* (*Matth. ii*); tertium de nuptiis (*Joan. ii*), atque hoc quidem legitur Dominica sequenti. Cæterum illud nos latere non debet duo evangelia de Christi generatione legi nocte, alterum videlicet in Nativitate, alterum vero in Epiphania. Quoniam ultraque Christi generatio erat nocte, hoc est, obscura et quæ primorum Patrum sensibus percipi non poterat. Una generatio fit descendendo, altera ascendendo, quod una sit carnalis, altera spiritualis. In una ponitur, *Genuit* (*Matth. i*), ut carnalis et temporalis generationis exprimatur successio: in altera ponitur, *Qui fuit* (*Luc. iii*): ut donecatur spiritualis generationis adoptio. Prima terminata est in Virginis partu, secunda inchoata est per baptismum. Inter octavas Epiphaniæ et Septuagesimam, legunt quidam responsoria de psalmis quo-

(5) Vide Innocentium papam III, const. 79.

sic dicuntur, quoniam lectionibus debent responderet et convenire, cum tamen psalni non debeant legi nisi illo triduo ante Pascha.

CAPUT LXXV.

De festis sanctorum.

Nunc ergo ad festa proxime sequentia breviter transcurramus. Ac de B. Agneta quidem, cuius Vitam composuisse dicitur Ambrosius, hoc solum scire sufficiat quod octavas non habet institutionis. Cetero quin octavas habet alterius significationis causa. Ejus autem solemnitas celebrari coepit est propter quoddam miraculum, quod octavo die suis contigit parentibus, ad ejus tumulum lamentantibus. In festo B. Pauli cantantur quidam versus cum antiphonis, quemadmodum etiam fit in festo B. Laurentii et B. Stephani. Paulus enim plus omnibus laboravit in concionando et praedicando. Laurentius gravius ceteris passus est, et Stephanus pro fide Christi primus martyr exstitit. Idem etiam fieri oportet de B. Maria, quod privilegiata sit in virginitate, quia Virgo virginum et fuit et dicta est.

CAPUT LXXVI.

De Dominica post octavas Epiphanie.

Dominica post octavas Epiphanie canitur: *Omnis terra adoret te* (*Psalm. lxxv.*). Quare autem hoc fiat, rationem tradunt hujusmodi: Cum enim Augustus universo orbi imperaret ad gloriam Romani imperii, hujusmodi edictum proposuit et promulgavit ut quoque anno e singulis mundi civitatibus Romam aliquis veniret, tantum terrae secum afferens quantum complexu pugni comprehendere posset. Quod quidem ideo factum est, ut per hoc certo atque evidenter constaret omnes subjectos esse Romano imperio. Sed postea cum ex illa terra factus esset quasi monticulus quidam, in hoc a Romanis ad fidem conversis, Ecclesia in honorem Dei fundata est illa Dominica. Ad cujus dedicationem Christiani ex diversis regionibus convenerunt. Quia ergo ex omni terra factus est monticulus ille in quo hujusmodi Ecclesia sit collata, ideo in dedicationibus illius diei cantatur officium, *Omnis terra adoret te*, etc.

CAPUT LXXVII.

De Septuagesima, Sexagesima, Quinquagesima, et Quadragesima.

Postquam dictum sit de illo tempore, quod est inter Natalem Domini et Septuagesimam interjectum, ordo postulat ut deinceps de ipsa Septuagesima et ejus gratia, de Sexagesima, Quinquagesima et Quadragesima dicamus, idque hoc potissimum ordine: Primo quid significant, secundo ubi incipiunt et ubi finiuntur, tertio de earum institutione et quarto de officiis. Septuagesima igitur representat tempus deviationis, sive poenae et culpæ. Unde statim ipsa prima Dominica incipit legi historia libri Geneseos, et legitur usque ad Dominicam, quæ præcedit eam Dominicam, quæ in Ramis palmarum appellata est, ubi agitur de deviatione et errore primorum parentum. Deponimus hic etiam *Alleluia*, in quo scien-

A dum est illud nonnullos facere Sabbato, eo quod præcedit ad horam sextam, nonnullos ad nonam, nonnullos ad vespertas, nonnullos etiam nocte ad nocturnos, nonnullos denique ipso die Dominico ad primam; quæ quidem varietas nata est ex varia diuinorum inchoatione. Sunt enim quædam nationes, quæ diem auspicant a meridie, eumque finiunt meridie diei sequentis; alii vero ad nonam, et terminant in sequentem nonam; alii rursus a vesperris, et eum deducunt in alias vespertas, qui rectius faciunt; alii denique inchoant a media nocte, et sequenti nocte media eundem finiunt, quod etiamnum observatur, secundum decreta Romanorum. Si enim quis alterius pactum fecerit ad certum diem, non videtur pactum fregisse ante medium noctem sequentem, si ei tum satisficerit. Sunt nonnullæ Ecclesiæ, quæ cum magno tripudio deponunt *Alleluia*. Inchoatur autem Septuagesima a Dominica qua cantatur *Circumdederunt me* (*Psalm. xvii.*), et finitur Sabbato in Albis, quod est post Pascha.

B Et, ut nos simul de omnibus expediamus, Sexagesima incipit sequenti die Dominica post *Circumdederunt me*, et terminatur in quarta feria post Pascha. Quinquagesima quoque inchoatur tertia Dominica post *Circumdederunt me*, et ipso Paschate finitur. Quadragesimam vero auspicamur Dominica quæ canitur in Ecclesia: *Invocavit me*, atque eamdem finimus in *Cœna Domini*. Septuagesima autem dicitur, quod septies decem habeat dies. Verum enim vero haec Septuagesima dierum, quam præsens observat Ecclesia, indicat nobis septuaginta illos annos quibus Israel fuit in servitute Babylonica. Nam quemadmodum illi deposuerunt sua organa, dicentes: *Quomodo cantabimus canticum Domini in terra aliena* (*Psalm. cxxxvi.*)? ita et nos quoque deponimus cantica laudis. At vero postea sibi data a Cyro sexagesimo anno redeundi facultate, cœperunt lætari, quemadmodum et nos in Sabbato Paschæ resumimus et cantamus *Alleluia*, eorum innuendo lætitiam, quam ipsi habuerunt ob redeundi licentiam sibi præstatam. Sed quemadmodum illi in apparatu redditus, suas colligendo sarcinulas multum laboraverunt, sic nos quoque post *Alleluia* hujusmodi statim tractum subjungimus: *Laudate Dominum*, D quo labore significamus. Illi rursus quemadmodum cum lætitia redeuntes, itineris tamen labore vexabantur, ita nos per totam paschalē septimanam graduale cum *Alleluia* cantamus. Per graduale enim laborem exprimimus, per *Alleluia* lætitiam. Præterea ut illi patriam ingredientes plenam acceperunt lætitiam, sic nos Sabbato quo Septuagesima terminatur, Domine canimus *Alleluia*. Et profecto tam nostra dierum Septuagesima, quam illorum Septuagesima annorum quasi quædam historia est, qua totum humani generis exsilium ab Adamo usque ad finem mundi quodammodo figuratur, quod revolutione septem dierum peragitur, et sub septem annorum milibus concluditur, ut per septuaginta dies vel septuaginta annos intelligamus septuaginta an-

norum centenas. Ab initio enim usque ad Ascensionem A
nem septem millia annorum computamus. Exinde
vero quidquid temporis sequitur usque ad finem
mundi sub septeno millennio comprehendimus,
cujus terminum solus Deus novit. Quemadmodum
ergo filii Israel septuagesimo anno per Cyrum a
captivitate Babylonica fuerint liberati, sic nos per
Christum in septima mundi ætate vel in septimo
millenario a servitute diaboli sumus redempti, re-
stituta nobis innocentiae stola per remissionem
baptismi. Atque hinc est quod in Sabbato Paschæ
unum *Alleluia* cantamus jam spe æternæ quietis et
recuperationem patriæ gratulantes. Israel laborabat
in apparando redditum, et in redeundo : nos quoque
in Ecclesia præsenti pro satisfactione decem præce-
ptorum legis laborare debemus. Sed cum finito
tempore nostri exsili ventum erit ad patriam,
tum utraque stola decorabimur, cum videlicet cor-
pus et anima simul glorificabuntur, quod signi-
ficatur per duo *Alleluia*, quæ sub finem Septuagesimæ decantantur. Obiter ergo nota quod
Septuagesima incipit a mœrore, et finitur cum
gaudio, sicut psalmi pœnitentiales, ut vocant.
Septuagesima vero sonat *sexies decem*, et significat
tempus viduitatis Ecclesiæ, ac mœrorem ejus pro-
pter absentiam Sponsi. Licet enim Christus sit nobis
præsens secundum divinitatem, juxta illud : *Vobis-
cum sum usque ad consummationem sæculi* (*Math.*
xxviii), tamen secundum quod est homo, in cœlo
est, et sedet ad dexteram Patris, id est Patri est
coæqualis. Unde ipse ait : *Nondum enim ascendi ad
Patrem meum* (*Joann. xx*), hoc est, nondum sum
ei coæqualis, ut vos opinamini. Dantur hic tamen
sponsæ in remedium et consolationem sex opera
misericordiæ, quæ sunt, pascere esurientem, po-
tum dare sitiensi, visitare infirmum, vestire nu-
dum, hospitio pauperem excipere, et peregrinum :
quibus septimum ex Tobia additur, nimur mortuos
sepelire (*Tob. i*). Hæc sunt data sponsæ, ut in
eis se exerceat, utque per eorum et Decalogi ob-
servationem sibi mereatur sui sponsi januam aperi-
ri, et illius suavissimo amplexu frui. Sic Quin-
quagesima dicta est quasi *quinquies decem*, signifi-
catque tempus remissionis, quemadmodum in lege
veteri annus quinquagesimus dicebatur annus re-
missionis. Unde hoc tempore maxime cantatur
psalmus quinquagesimus, scilicet : *Miserere mei,
Deus*, qui est pœnitentiae et remissionis. Hoc igitur
tempore jejunamus, ut peccatorum remissionem
obtineamus. Postremo Quadragesima commenda-
tur potissimum a loco institutionis, ut dictum est,
a tribus temporibus, et a personis que in illis je-
junarunt. Ab institutione, quoniam in paradiſo fuit
instituta, quando Deus Adamœ prohibuit ne come-
deret de fructu ligni scientiæ boni et mali ; a tem-
poribus vero et a personis, quoniam in tempore
ante legem a Mose fuit jejunatum, in tempore legis
ab Elia, in tempore gratiæ a Christo.

CAPUT LXXVIII.

De institutione prædictorum.

Viso quid prædicta significant, de eorum institu-
tionibus subsequenter agamus, et primo de Qua-
dragesima. In primis ergo videndum est quare vo-
cetur Quadragesima, cum potius dici deberet de-
cima, quod sit dierum decima. Verum hoc ita fa-
ctum est ex consuetudine ethnicorum sive genti-
lium. Quemadmodum enim Hebræi ex omnibus
suis bonis decimam partem dabant, ita gentiles
quadragesimam, et tales reditus vocabant quadra-
gesimam, vel decimam. Juxta similitudinem igitur
regii fisci vel telonei, aut Romanæ exactionis die-
rum decimam, quam Deo persolvimus, quadrage-
simam appellamus. Tametsi quidem non habeat
nisi triginta et sex dies de decima, et incipiat qua-
dragesima, ut dictum est, Dominica qua cantatur
Invocavit me. Sed quia Christus jejunavit quadra-
ginta diebus, et nos debemus esse illius imitatores,
additi sunt quatuor dies, ut similiter quadraginta
dies jejunemus. Atque etiam ideo quadraginta dies
jejunamus, ut diebus illis quadraginta a Pascha
usque ad Ascensionem quos in lætitia acturi su-
mus, non excedamus, quin Christum caput no-
strum ad cœlos consequi valeamus. Similiter sen-
tiendum est de Quinquagesima. Cum enim clerici
considerabant se præcedere populum ordine, rati-
sum æquum esse, ut et sanctitate præirent. Quare
duos dies addiderunt et, a die Dominica ante *Invo-
cavit me*, incipiunt jejunare. Atque ita instituta est
Quinquagesima. Vel ideo etiam quinquaginta dies
in pœnitentiam ducimus, ut peractis quinquaginta
diebus lætitiae post Pascha, ipso die Pentecostes di-
gni habeamur qui Spiritus sancti gratiam suscipia-
mus. Verum Septuagesimæ institutio hujusmodi
sumpsit initium : Melchiades papa et S. Sylvester
statuerunt ut bis quoque Sabbato comedetur, ne
propter abstinentiam et afflictionem carnis quam
sustinuerant sexta feria, quæ omni tempore jeju-
nabatur, et adhuc debet ab omnibus jejunari, na-
tura debilitaretur. In redemptionem ergo Sabbato-
rum illius temporis, addiderunt unam septimanam,
et sic instituta est Sexagesima, quæ tantum proten-
ditur usque ad quartam feriam post Pascha. Sic
D quoque aliam habet originem Septuagesima. Nam
cum propter venerationem diei Ascensionis, in qua
natura nostra cœlos ascendit exaltata vel ultra
choros angelorum, statutum est a sanctis Patribus,
ut quinta feria semper celebris haberetur. Sed cum
nos eadem die nostra melius procuramus, factum
est ut illam diem secundum antiquam consuetudi-
nem solemniter non observemus. Pro illis ergo
rursus unam septimanam Sexagesimæ addiderunt,
incipentes jejunare a Circumdederunt me. Atque
ita instituta est Septuagesima, quæ, ut dictum est,
usque ad Sabbathum post Pascha pretenditur.

CAPUT LXXIX.

De officio istorum temporum.

His ita breviter consideratis, videndum est de-

officiis istorum temporum generaliter. Sciendum igitur est quod quedam hoc tempore omnino intermituntur, quedam variantur, et quedam pro aliis mutantur. Intermittuntur tria cantica laudis, scilicet, *Alleluia*, *Gloria in excelsis*, et *Te Deum laudamus*, excepto tamen quod in Cathedra beati Petri canimus : *Te Deum laudamus*, cum hymnus ille intronizandorum proprius sit, et ideo eum cantemus. Quemadmodum in die Cœnæ (quod etiam exceptitur) *Gloria in excelsis* dicimus, et *Ite, missa est*, atque in ipso Sabbato Paschæ similiter *Gloria in excelsis Deo*, sed non *Ite, missa est*, nec *Te Deum laudamus*. *Alleluia* a Septuagesima usque ad Pascha non proferimus, sed voces quasdam loco ejus usurpamus. In principiis enim precum horiarum, *Lauda tibi, Domine, Rex aeterna gloria*; et in antiphonis, ac responsoriis pro *Alleluia* dicimus, *In eternum*. In missa loco *Alleluia* cum suo versiculo, canimus tractum, ut nos dicimus. Quanquam vero vox hæc : *Lauda tibi, Domine, etc.*, videtur æquipollere voci huic *Alleluia*, magnum tamen inter utramque statuitur discrimen, quod vox hæc *Alleluia* angelica sit, illa humana; atque hæc majorem habeat auctoritatem propter Hebraici sermonis dignitatem, illa vero minorem, ob Latinæ linguae inopiam et paupertatem. Atque in his quidem generatim observandum illud est quod duo hæc *Flectamus genua*; et, *Incline capta, sese mutuo comitentur*; neutrumque dici debeat die Dominica.

CAPUT LXXX.

De variatione officiorum.

Variantur vero officia ut cum iste psalmus : *Dominus regnavit* (*Psal. xcii*), qui est psalmus lætitiae, ac cani consuetus est primus in laudibus, hoc tempore non cantatur, sed loco ejus : *Miserere mei, Deus* (*Psal. l*), qui psalmus est pœnitentialis. Cantatur tamen diebus Dominicis ad primam, ut per hoc significetur nihil debere in psalterio prætermitti, quin totum per septimanam saltem legatur, quod antiqui uno die facere solebant. Ad primam quoque propter eamdem causam canitur : *Confitemini Domino* (*Psal. cxxv*), quo innuitur pueros debere instrui, ut in Ramis palmarum sciant Domino laudes decantare, quoniam hic psalmus ad illum præcipue diem pertinet, idque potissimum ob hunc versiculum : *O Domine, salvum me fac*, etc. (*ibid.*). Hoc tempore splendidas et ornatas vestes debemus omnes deponere, atque assumere vestes humilitatis. Tempore quoque Quadragesimæ carnes deponi debent et intermitti, tam solidæ quam liquidæ. Sunt autem duo genera carnis liquidæ : alia enim est artificio liquida, ut aliquata per frixuram nempe sagina, alia vero naturaliter, ut sunt casei et ova. Ait enim Hieronymus contra Jovinianum : Ovum et caseus nihil aliud est, quam caro liquida. Sed queritur cur hoc tempore pisces comedere licet, ac non itidem carnes? cur non in quovis jejunio perinde pisces, atque carnes nobis omnibusque religiosis sint interdicti? Atque ratio quidem hæc

A esse poterit, quia Deus aquis non maledixit. Sciebat enim per aquas baptismatis ablutionem fore peccatorum, ita ut elementum hoc merito sit præstantissimum, quod facile est animadvertere, quod abluit sordes, ac Spiritus Domini ante mundi constitutionem ferri solitus sit super aquas, quemadmodum nobis Scriptura recenset (*Gen. i*). Sed terra maledixit Deus in opere hominis : inde est quod omne genus carnis, quod in terra versatur, tam quadrupedia quam aves in jejuniis comedere non licet. Quanquam enim aves quedam versantur in aere, quedam in aquis, quæ vel in his, vel extra eas nascantur, magis tamen dicuntur morari in terra, et ad naturam terræ pertinere. Unde mercenaria cum quidam pisces sint, qui ex una parte habeant formam pisces, et ex alia formam animalis quadrupedis, ut porcus pisces, canis pisces, lupus pisces, qua parte pisces videtur posse in jejuniis comedи, qua vero non, haud quaquam.

CAPUT LXXXI.

De festis quæ sunt in principio Septuagesimæ, et primo de Purificatione B. Mariæ.

Nunc dicendum est de duobus festis, quæ in principio Septuagesimæ quandoque contingunt celebrari, de festo videlicet B. Mariæ et S. Blasii. Festum autem B. Mariæ tribus nuncupatur nominibus. Dicitur enim vel Purificatio B. Mariæ, vel Candelaria, vel *oxavæ Domini*. Purificatio B. Mariæ appellatur, quoniam illo die, qui est quadragesimus a Natali Domini, venit ad templum virgo Maria secundum consuetudinem legis, ut purificaretur. Non quod immunda esset, sed propter partum, more aliarum mulierum. Non enim erat obnoxia legi, quæ hoc pacto præcipit : *Mulier, si suscepto semine masculum pepererit, ab ingressu templi immunda erit diebus triginta tribus* (*Levit. xii*), a consortio hominum septem. Beata autem virgin Maria non pepererat ex suscepto semine, juxta illud, non ex viri semine, etc., voluit tamen legis consuetudinem observare, quoniam non venit Christus legem solvere, sed adimplere (*Math. v*). Quare autem Candelaria vocetur aliam auctoritatem non habet, sed potius fluxum est ab antiqua consuetudine ethnicorum sive gentilium. Erat enim antiquitas Romæ consuetudo, ut circa hoc tempus in principio Februarii urbem lustrarent, eam ambiendo cum suis processionibus gestantes singuli candelas ardentes, et vocabatur illud amburbale. Atque ita ab hujusmodi consuetudine illud quod siebat ab ethnicis in usus indiscretos circiter initium Februarii, a Christianis modo fit in festo beatæ Mariæ ad laudem et venerationem ipsius. Vel ideo candelas portamus, ut per hoc imitemur sanctas virginis, quarum beata Virgo Maria caput est, ut nimirum accensa nobis lampade castitatis, cum ea templum gloriae ad verum sponsum ingredi mereamur. Vel etiam appellata est Candelaria, propter multitudinem candelarum, et significationem quæ in eis est. In candela enim est cera, ignis et lignum. Cera

connotat carnem Christi et virginitatem; ignis, Spiritum sanctum; lignum, leitatem in carne latentem. T'παντὶ Domini ideo dicitur hoc festum, quod Simeon atque Anna prophetissa Christo venerint obviam, cum a suis parentibus afferretur in templum ut praesentaretur. T'παντὶ enim oblatio sive praesentatio dicta est.

CAPUT LXXXH.

De festo sancti Blasii.

Alterum hujus temporis festum est Blasii. Fuit autem hic sanctissimus medicus, qui multo tempore in rupe quadam latitans hominibus ad se venientibus medebatur, atque eos sanabat. Similiter, si quae sua animalia ad eum ducebant aegrota, ea illico curabat. Tandem cum factus esset episcopus urbis Sebastæ, captus fuit et in carcerem inclusus, in quem pia quædam mulier cibum ei multo tempore cum candela attulit. Cum autem ille mortis suæ diem jam imminere præsciret, dixit huic mulieri ut, quandiu viveret, singulis annis ipso die obitus sui candelam in ejus memoriam offerret, Deus ab infirmitatibus eam tutaretur, atque in magna prosperitate conservaret. Quod quidem ita factum est. Multi ergo similiter ita fecerunt si forte infirmarentur, et valetudinem ceperunt. Iude apud omnes passim in consuetudinem abiit ut si forte ex dentibus laborat, vel ex aliqua alia sui parte, vel etiam si sua aegrotarent animalia, offerrent in ejus honorem candelas.

CAPUT LXXXIII.

De Cathedra sancti Petri.

Hoc item tempore celebrari solet Cathedra S. Petri, tam quæ Romæ fuit, quæque tempore posterior est quam illa quæ fuit Antiochiae. (6) Verum illa quæ fuit Antiochiae, solemnior profecto est alia, ut vel hujus diei collecta quæ est de incathedratione Antiochiae facta, abunde testatur, diciturque festum B. Petri epularum. Fuit enim consuetudo veterum ethnicorum ut singulis annis mense Februarii certo quopiam die epulas ad parentum suorum tumulos apponenter, quas nocte dæmones consumebant, cum inde non minus falso quam ridicule animæ refici credebantur. Putabant enim hujusmodi epulas ab animabus circa tumulos errantibus absundi. Hæc autem consuetudo atque hujusmodi falsæ opinionia error a Christianis vix extirpari potuit. Quod quidem cum viri sancti animadvertisserint, ac penitus illam consuetudinem extingue voluisserint, instituerunt festum de Cathedra S. Petri, tam de illa quæ fuit Romæ quam quæ Antiochiae, idque illo eodem die quo abominanda illa ab ethniciis siebant, ut solemnii hoc festo parvæ istius consuetudinis festum omnino extingueretur. Unde etiam ab illis epulis festum hoc appellatum est beati Petri epularum. Atque hic obiter intelligamus veteres dicere solitos fuisse animas esse, quando etiamnum in humanis corporibus essent institutæ; manes appellari, si

A quando forent apud inferos; spiritus vero cum ad cœlos ascendissent, atque umbras, quando adhuc recens erat sepultura, sive quando circa tumulos errabant

CAPUT LXXXIV.

De festis generaliter quæ tempore sunt Septuagesimæ.

Ut autem de omnibus magnis solemnitatibus, quæ infra Septuagesimam celebrantur, sive ipso passionis tempore, siveante, nos simul expediamus, ut sunt tria illa festa prædicta beatæ Agathæ, S. Matthiæ, Annuntiationis Domini, S. Gregorii, et si forte contingat festum ipsius patroni Ecclesie vel ejus anniversarium vel Pascha alicujus annotinum, dicimus generaliter quod cantica laudis, scilicet Te Deum laudamus, Gloria in excelsis, et Ite, missa est, et alia, quæ si aliis temporibus contingenter, cantarentur, in iis cani debent, præter Alleluia. Nam hujusmodi festa ad paschale tempus generatim videntur pertinere. Si vero hic objiciatur quod in Annuntiatione Domini, Gloria in excelsis, quod canticum est proprium Natalis Domini, et Ite, missa est, quod proprium est resurrectionis, et Te Deum laudamus, quod gaudium drachmæ inventæ designat, cantari non debeant, quoniam hæc in Annuntiatione Domini illa tempora non habebant, dicens breviter quod, etiam si Natalis Domini, vel passio, vel drachmæ inventio, neendum revera erant, tamen jam certo fore sperabantur. Nam hoc festum est quasi sors et initium festorum Christi. Vocabatur autem Pascha annotinum, quando aliquis diem, quo baptisma suscepit, annuatim celebrat, atque eorum ipsius diei Paschæ officium integre cantari dehet, præter Alleluia, si accidat tempore Quadragesimæ. Sed certus interim sis Ecclesiam Lugdunensem et Mediolanensem ubi Ambrosius archipræsulatum obtinuit, tempore passionis nullam celebrare solemnitatem, verum duntaxat facere commemorationem.

CAPUT LXXXV.

De officio Quadragesimæ ac littera laicorum.

Quoniam de officio Quadragesimæ hucusque generaliter tractatum est, nunc deinceps de ejusdem officio pro tempore agendum est. A Dominica igitur, quam dicimus, *Isti sunt dies*, usque ad Pascha, versiculos ille, videlicet *Gloria Patri*, qui ad laudem pertinet Trinitatis, in officiis plane subtiliter, quoniam ab illa Dominica incipit passio Christi celebrari, in qua tota Trinitas a Judæis quasi dehonesta videtur. Qua etiam ratione fit, ut in cantico trium puerorum, scilicet *Benedicite*, versiculos ille nunquam cantetur, quia tunc Deo magna facia est dehonestatio, quando tres pueri, qui ipsum maxime colebant, idola plurimum execrantes, conjecti sunt in caminum ignis. Maxime vero idem iste versiculos triduo illo ante Pascha subtiliter, quod tum demum Trinitas maximo affecta sit dedecore. Nam

(6) Hæc omnia Durandus in suum transtulit Rationale, ut vel ipse fatetur.

praterquam quod in primis de neco Christi hic agitur, nunc verberatur, nunc fœde conspuitur, alapis cæditur, nunc etiam crucifigitur. Unde Isaías : *Vidimus, inquit, eum non habentem speciem neque de- cōrem* (*Isa. LIII*). Horarum quoque initia, et lectionum tituli tunc plane supprimuntur, nempe *Déus, in adiutorium, et Lectio libri*, etc., quia Christus caput nostrum a nobis sustollitur juxta præsentiam carnis. Ad lectiones non petuntur benedictiones, neque dantur, quoniam pastor Christus, qui gregi suo benedicat, jam non adest. Vel ideo benedictio non petitur, nec *Tu autem, Domine*, dicitur, quod apostoli his diebus nec ad prædicandum missi sint, nec inde redierint. Ut ergo hoc significemus, nec *Jube, Domine*, dicimus, nec *tu autem*. Illud quoque considerandum est quod in Quadragesima duæ re- cententur präfationes, una jejunii et altera passionis. Ea quæ est jejunii a primo jéjunio cantatur usque ad Dominicam in Ramis palmarum. Illa vero quæ est passionis, ab eo die cani incipit usque ad Pascha. Sed absurde fortasse alicui factum videbitur, quod Dominica die istiusmodi cantetur präfatio, cum non sit dies jejunii. Verum dici potest, quod etiam illa die non jejunetur numero, qualitate ta- men, hoc est cibo carnali jejunatur, quemadmo- dum etiam diebus aliis.

Sed quoniam ea quæ a nobis dicta sunt, ad clericos maxime pertinere videntur, nunc pauca di- cenda sunt de laicorum scriptura, quæ in duobus polissimum consistit, nempe in picturis et ornamen- C tis. Nam ut ait Greg., quod clericu littera, id laico est pictura; picturarum igitur aliæ sunt supra ecclesiam, ut gallus vel aquilæ; alia extra ecclesiam, ut in fronte forium bos et leo; aliæ intra ecclesiam, ut sunt icones, statuæ, figuræ, et diversa alia pictu- rarum genera, quæ in vestibus, vel in parietibus, vel etiam in vitris depinguntur. Verum de his om- nibus postea suo loco dicetur, hoc uno tamen modo observato, ut sciamus Salvatoris nostri imaginem tribus hisce modis aptius et convenientius in eccl- esia depingi, ut videlicet, aut in throno sedet, aut in crucis patibulo pendeat, aut etiam in matris suæ gremio conquiescat. Ornamenta vero in tribus con- sistunt, in ornamento videlicet ecclesiæ, chori et altaris; et ornatus quidem ecclesiæ consistit in D cortinis, aukris, pallis, sericis, purpureis et consimiliibus. Ornatus vero chori, in dorsalibus, ut vo- cant tapetis et sustratoriis. Ornatus denique alta- ris, versatur in velamentis, crucibus, capsis, texti- bus et philacteriis. Et etiam ornatus personarum, quæ vel cantant in choro, vel altari inserviunt. Sed de his et similibus dicimus omnia illa quæ ad ornatum pertinent tempore Quadragesimæ debere abscondi, vel removeri, vel etiam contegi. Nec crux quoque illo tempore nisi cooperta in ecclasia portari debet. Duo tamen vela retainentur, quorum alterum ponitur per chori circuitum, alterum suspenditur inter altare et chorum, ut non apparent quæ sunt intra sancta sanctorum. Quo quidem si-

A gnificatur mentibus infidelium divinarum Scriptu- rarum intelligentiam nondum esse apertam. Hæc duo vela diebus Dominicis complicantur, quod hi dies ad tempus Paschatis pertineant. Sic quoque ad primas tenebras, quartæ videlicet feriæ ante Pascha, ubi de morte Domini agitur, omninorenoventur, quoniam eo mortuo velum tem- pli scissum est, ita ut tunc quæ intra sancta sanctorum delituerant, primo omnibus fuerint manifesta.

CAPUT LXXXVI.

Quomodo sit pulsandum in Quadragesima.

Nunc quemadmodum in ecclasia pulsandum sit, paucis etiam exponamus. Quod ut melius pateat, primo sciendum est sex esse instrumentorum ge- nera, quibus pulsatur: tintinnabulum, cymbalum, nola, nolula, campana, et signa. Tintinnabulum pulsatur in triclinio et in refectorio; cymbalum in choro, nola in monasterio, nolula in horologio, campana in turribus, cuius diminutivum Hieronymus ad Eustochium in coenobium esse ait: « Quo- usque campanula in claustro pulsabitur. » Signa autem pro quibus pulsandis instrumentis accipi possunt, ut quibus quidpiam significetur. Genera- liter ergo cognoscendum est, quod non debeamus in tota Quadragesima diebus pro festis compulsare, nec depulsare (licet enim hic vulgaribus et con- suetis uti vocabulis), sed simpulsare, id est, sim- pliciter pulsare ad horas vel matutinas. Atque in bene constitutis ecclesiis ad primam pulsatur duabus campanis, una ad invocandum, altera ad inchoandum. In tertia autem pulsatur tribus juxta hora- rum numerum, quæ sub illa cantantur, una ad mutandum, altera ad congregandum, tertia ad in- choandum. Pari modo fit in sexta et nona, sed et eodem ordine eadem campanæ pulsantur simpli- citer ad matutinas. Ad missam vero et ad vesperas duabus pulsatur campanis. In minoribus autem ecclasiis solummodo pulsandum est simpliciter. Diebus vero Dominicis et in solemnitatibus, prout in aliis temporibus compulsatur. Sed de his in sequentibus latius dicturi sumus.

CAPUT LXXXVII.

Quare non jejunemus eo tempore quo Christus jejunavit.

Solet autem queri cum in hac Quadragesima Christi jejunium imitemur, cur non eo tempore etiam jejunamus, quo Christus dicitur jejunasse. Tradit enim Scriptura quod jejunare statim cœperit simul atque esset baptizatus. Verum quadruplex est ratio, quamobrem Paschæ jejunium nostrum conti- nuamus. Prima est, ut si volumus cum eo resur- gere, debeamus etiam nos pati cum eo, quod pro nobis ipse passus sit. Secunda causa est, ut per hoc Israeliticos illios imitemur, qui eo tempore primo ex Ægypto egressi sunt, et postea eodem tempore exierunt a servitute Babylonica. Quod inde profecto facile probatur, quia tam illi, quam hi sta- tim celebrabant Pascha, atque egressi sunt. Tertiæ

est hujusmodi, quod quandoquidem fervor libidinis, A tempore veris nos magis soleat incendere, tum temporis maxime jejunamus, ut corporis aestus refrenemus. Quarta est, quoiam post jejunium statim debemus Christi corpus accipere, ut mystice paschalia capiamus sacramenta. Hoc est quemadmodum filii Israel priusquam comedenter agnum sese affligebant, et agrestibus lactucis vescebantur. Ita debemus nosmet prius per paenitentiam affligere, ut digni habeamur comedere Agnum vitæ. Animadverte interim quod si in quadragesima concurrant duo officia, quos dies duplices vocamus, necessarium esse ut cantetur officium ad tertiam de festo: absque genuflexione, officium veri jejunii ad nonam, non sine curvatione genu.

CAPUT LXXXVIII.

De diebus privilegiatis.

Post hæc vero tradendum est qui dies sint velut privilegiati, qui hoc potissimum tempore comprehenduntur. Sunt enim privilegiati dies quatuor quartæ feriæ, quatuor Sabbathi, tres dies Dominicæ, una quinta feria, unaque sexta feria, atque una integra septimana. Quartæ feriæ sunt hæc: Prima est qua nos incipimus jejunare in Quadragesima; secunda septimana, sequenti; tertia, in hebdomada post *Lætare Jerusalem*; quarta, in ultima septimana. Quatuor vero Sabbathi hæc sunt: Sabbatum primæ septimanæ, quando celebrantur ordines; Sabbatum quartæ, Sabbatum quintæ et Sabbatum in vigilia Paschæ. Sic Dominicæ dies sunt hæc tres; *Invocavit me; Lætare, Jerusalem*, et Dominica in Ramis palmarum. Sed quinta feria est in Paraseve. Septimo denique privilegiata est ultima septimana Quadragesimæ, qua vel ob id major dicitur quod majus et prolixius habeat officium. Vel appellatur quoque paenosa, quia tum maxime corpora et vitia nostra punire debemus. De privilegiis ergo istorum dierum ordine prosequamur.

CAPUT LXXXIX.

De prima quarta feria.

Prima quarta feria quatuor insignitur privilegiis. Primum est quod tunc incipiamus jejunare, idque ideo facimus, quia Christus quarta feria, ut legitur, suum auspicatus est jejunium, quod diligenter per-scrutanti verum esse satis aperte constabit. Natus enim est die Dominicæ, ita ut si quis diligenter exinde computet annos usque ad trigesimum, juxta rationes computi, facile inveniet eum tertia feria fuisse baptizatum, ac sequenti die desertum intrans jejunium inchoasse. Secundum privilegium ejusdem diei est quod confessiones illo die in ecclesia audiuntur, et judicia consitentibus imponantur; tertium autem, quia tunc cineres in signum humilitatis capitibus imprimuntur; quartum denique est quod illa die ejusmodi fit processio, qualem per universum annum amplius fieri non contingit. Paenitentes enim tunc ab ecclesia cum processione et

A cruce ejiciuntur, ut ipso die Cœnæ in eamdem recipiantur. Nam tunc paenitentes ab ecclesia ideo ejiciuntur et repelluntur, quo Adami et Evæ exsultatus propter esum pomi repræsentetur.

CAPUT XC.

De secunda quarta feria et tertia.

Quarta feria sequens ob id privilegiata est quod tum ii qui Sabbato sequenti ordinandi sint, ex sa-cris litteris interrogentur atque examinentur, probenturque num idonei etiam satis sint ad suscipien-dos ordines. Inde profecto est quod duæ lectiones ad missam leguntur, una voce naturali vel nocturnali, hoc est gravi ac pressa, altera vero communi. Prior Vetus Testamentum significat, posterior No-vum, ut per hoc declaretur eos qui suscepturi sunt ordines, utriusque Testamenti peritos esse debere. Atque illud quidem tanquam generalem regulam habemus, quotiescumque quarta feria duæ lectiones ad missam leguntur, sequenti Sabbato possint ordi-nes celebrari. Cæterum tertia quarta feria in eo habet privilegium, quod illo die in ecclesia instruc-tio et examen fiat eorum qui in Sabbato ante Pa-scha sint baptizandi. Fit autem instructio illa in hunc modum: Qui baptizari volunt convenienter ad portas ecclesiæ, feminæ a sinistris, mares a dextris; atque a diacono, vel sacerdote interrogantur an velint baptizari; aut idem percontatur a susceptori-bus. Exorcista tamen debet prius interrogare num etiam abrenuntient Satanæ, et omnibus ejus pom-pis, ita ut puer, si sit adultus, respondeat se ab-renuntiare; si non adultus, pro eo susceptor. Ve-rum nullus in susceptorem admitti debet, nisi Ora-tionem sciat Dominicam, et minus symbolum calleat, quod tenetur suos docere filios. Nec vero Christia-nus censeri debet, nec ad testimonium aliquod admitti secundum decreta qui horum ignarus est. Quare omnino necesse est ut illud ex susceptoribus sacerdos inquirat. Alioqui enim si nesciant, recipi non debent, nisi forte promittant, quod quam fieri potest citissime illa addiscent (7). Tunc demum acolythus scribit eorum nomina, qui volunt baptizari: unde etiam hic notarius est appellatus, quod baptizandorum scribat nomina. Postquam igitur a sacerdote satis in fide sint instructi, atque exorcis-tæ super eos fecerint adjurations, ab ostiario in ecclesiam introducuntur, et in navi ecclesiæ consti-tuuntur, masculi quidem a dextris, feminæ vero a sinistris. Duo tamen intra sancta sanctorum deducuntur, masculus videlicet et femina, quo significa-tur aliquos ex baptizandis fore salvos. Atque tum denique leguntur Oratio Dominicæ, et minus symbo-lum, Græce et Latine, propter earum linguarum di-gnitatem. Sunt enim cæteris digniores: Græca utique propter sapientiam, Latina autem propter potentiam Romanorum. Postea vero quatuor reci-tantur lectiones et quatuor Evangeliorum initia, tandemque inchoatur missa, cujus cantato offerto-

(7) 2, q. 7, *Non potest, et seq.*

rio, archidiaconus vel diaconus pulpitum ascendit, et clamat alta voce : *Si quis, inquiens, est hic catechumenus, exeat foras.* Isti enim connotant, ut supra expositum est illos de quibus dictum est : *Jesus autem non credebat se illis. Ipse enim sciebat quidquid esset in homine (Joan. ii).* Atque ita tum omnes catechumi exent foras, quod septies eodem modo de illis agitur, antequam baptizentur.

CAPUT XCII.

De quarta feria.

Illa autem quarta feria, quæ est post Dominicam, *Lætare, Jerusalem*, in eo est privilegiata, quod tunc diuæ legantur lectiones, quoniam Sabbato sequenti celebrantur ordines. Sic quarta feria ultimæ septimanæ, nimirum ea quæ est ante Cœnam, privilegium obtinet, quia duæ item lectiones tunc leguntur, idque ob eam causam quod illo die Christus triginta denariis fuerat dividitus, quemadmodum Joseph triginta argenteis. Non enim servus major Domino est, nec discipulus suo magistro (*Matth. x.*). Ab hac ergo quarta feria sumptum est quod omni quarta feria jejunare et abstinere a carnalibus semper debeamus. Ex quo quidem sit ut post sextam feriam hic dies poenitentibus in abstinentiam semper injungatur.

CAPUT XCIII.

De Sabbatis privilegiatis.

Sabbatum primæ septimanæ et quartæ, ideo gaudent privilegio, quod in iis celebrentur ordines, Verum hic scias in omnibus festis apostolorum et Dominicis diebus fieri posse ordines, videlicet minores; maiores vero non utique, nisi in sex tantummodo Sabbathis. Et quidem in illorum primo plures leguntur lectiones, inter quas una est, quæ quandiu canatur, nullus sedere debet. Hæc nimirum est hymnus ille trium puerorum, qui pro fide Trinitatis ab eis jam in fornace constitutis cantabatur. Ad hunc ergo hymnum genua flectere non decet, quod isti sua flectere noluerunt coram Nabuchodonosoris statua, sicut multi fecerant principes alii. Similiter in Parasceve genua non flectimus ad orationem quæ sit pro Judæis, ob derisionem eorum, qui, dum Christum deridebant, inquietabant : *Prophetiza nobis, Christe, quis est qui te percussit (Matth. xxvi).* In Sabbato ante *Lætare Jerusalem*, recitatitur epistola Susanna. Nam tum sit statio Romæ in monasterio Beate Susannæ virginis. Atque ita etiam ob similitudinem quamdam Evangelium est de muliere deprehensa in adulterio, quam Dominus liberavit (*Joan. viii*). Ecce quomodo concordant Evangelium et Epistola, ut convenient et multa alia. Sabbatum vero, quod est ante Ramos palmarum, hinc suum accipit privilegium, quod eo tempore Dominus papa eleemosynas largiatur, hoc est suum faciat mandatum, quod deberet facere ipso die Cœna. Sed quia tunc non posset propter prolixum ejus diei officium, ideo illud hoc Sabbatho commode facit. Aut certe hinc maxime privilegium habere

A videtur, quoniam eo die Dominus in domo Simonis leprosi pransus est Martha ministrante, et quo Maria pedes ejus lacrymis suis lavit, ac propriis tersit capillis, unguentumque in capite ejus fudit (*Luc. vii*). Meminerimus tamen ex omnibus mandatis Dei hoc solum antonomastice dici mandatum quod Christus majori exhibitione illud observari atque obsequii præceperit, cum suis discipulis pedes lavaret, inquiens : *Si ego lavi vobis pedes Dominus et Magister, et vos debetis alter alterius lavare pedes (Joan. xiii).* Et cum quadam interminatione, quæ Petro interminatur : *Sinon, inquit, lavero tibi peccates, non habebis partem mecum (Ibid.).* Quare propter hujusmodi præceptum vacat Sabbathum illud ab officio. Hinc nata est illa auctoritas, quod si quis fuerit adeo negotiis intricatus atque oppressus, ut disfluctuer possit vacare orationi et eleemosynæ simul, saltem mutet cum oratione eleemosynam, et contra Sabbathum denique ante Pascha inde privilegiatum est, quod tum celebrentur ordines, catechumi baptizentur, et candela illa cerea paschalis consecretur. Verum eadem missa communis esse oportet diei et ordinibus, plureque tum recitantur lectiones.

CAPUT XCIV.

De Dominicis diebus privilegiatis.

Sequitur de diebus Dominicis : et quidem prima Dominicæ Quadragesimæ in hoc est privilegiata, quoniam inde inchoatur ipsa Quadragesima, quæ representat tempus illud, quo morati sint atque hæserint in deserto filii Israel. Sicut enim illi isthic morati sunt per quadraginta duas mansiones manna cibati, ita nos quoque ab hac Dominicæ usque ad Pascha per quadraginta duos dies a delicis corporis abstinentes verbo vite reficiuntur, et orationi vacamus; ut per Christum in terram viventium introducamur, quemadmodum illi introducti per Jesum Nave filium, sive per Josue in terram promissionis. Tria notanda sunt in populo Israelitico, scilicet peregrinatio, quæ fuit in Ægypto, quando Jacob et filii ejus profecti sunt in Ægyptum; captivitas quæ in Babylone contigit : atque horum duorum nos meminimus. Tertium fuit dispersio, et adhuc est per universum orbem. Cujus quidem nos mentionem non facimus, quia ab illa nunquam revocabuntur, quæ facta fuit Tito et Vespasiano. Unde dictum est : *Tradam eos in manu, de qua non poterunt surgere (Thren. i).* Dominicæ vero *Lætare Jerusalem*, quæ septima est a prima Dominicæ Septuagesimæ, ob id privilegio insignita est, quod libertatem nobis exprimat redeundi, quæ fuit concessa filiis Israel in Babylonie anno sexagesimo, quanquam plene obtinuerunt anno septuagesimo. Ex quo sane totum ejus diei officium de lætitia est, ut partim illorum exprimamus lætitiam, partim etiam nostram, quam finitis septem ætatibus, a mundi exsilio liberati habebimus, cum coelestem paradisum, quæ vere patria nostra est, intrabimus.

CAPUT XCIV.

De Dominica in Ramis palmarum.

Dominica in Ramis palmarum ob triplicem rationem meruit privilegium. Primo quod eodem die filii Israel terram promissionis ingressi sint, et siccis pedibus Jordanem transierint. Sic enim contigit, quod eo anno tot fuerunt dies usque ad Pascham, quot sunt ab hac die Dominica. Secundo autem ideo, quoniam hoc die veniens Jesus a Bethania in Jerosolymam maximo honore exceptus sit, quo etiam die vendentes e templo *potentissime ejecit, quod ejus diei privilegiis tertia est ratio. Hic dies tribus nuncupatur nominibus. Dicitur enim Dominica in Ramis palmarum, quod illo die rami palmarum in processionibus deportentur in significatum illorum, quos filii Israel statuerunt in via Christo jam veniente. Vel quos etiam deferimus in figuram ramorum et florum virtutum, quos portare debemus, si quando ad Christum ibimus. Cum autem palmas non habemus, laurum vel buxum, quod perpetuo suo virore virtutes connotent, deportamus; vel flores etiam, qui simili ratione virtutem significant. Hoc ergo die magnam et insignem exhibemus processionem, ad designandum, quod Dominus veniet ad nos, et ducet nos ad æterna tabernacula. Post processionem oportet veniamus ante crucifixum, ac dicamus: *Benedictus*: nec ideo alia processio cessare debet, sed fieri ante tertiam. Obiter itaque hic considera uxorem Lot in salis effigiem fuisse mutatam et transformatam, quod retro respexisset, ut scilicet nos condiret atque instrueret, ne retro eamus. Nam, quemadmodum ait Scriptura, nullus qui ad aratrum manu adjicerit, retro debet respectare (*Luc. ix.*).

CAPUT XCV.

De quinta feria.

Feria quinta, quæ Coena Domini appellata est, quatuor insignitur privilegiis, quorum primum est poenitentium jam in Ecclesiam redeuntium. Tunc enim Ecclesia ad se recipit poenitentes, quos ante primo die jejuniorum ejecerat. Recipiuntur autem poenitentes in Ecclesiam et separantur a malis poenitentibus: quinta potissimum feria, quod Deus volvres fecerit quinta feria ex aquis. Qua ratione etiam sit, ut quod quasdam in aquam remiserit, significemus malos in carnalibus rebus sese oblectantes, et quod quasdam in aera sustulerit, intelligamus bonos atque eos, quos delectant ecclesia. Secundum privilegium est, quia novum Testamentum tum incœpit, et vetus sicut terminatum. Tertium autem privilegium hujus diei est olei consecratio. Verum enim vero tres sunt potissimum in Ecclesia Dei sacrae unctionis species, chrisma, oleum infirmorum, et oleum quo ungantur baptizati. Chrisma conficitur ex balsamo mundissimo atque oleo purissimo. Namque oleum claritate alios liquores facile superat et balsamum odore. Quod autem oleum alio liquore sit clarius, hoc pacto ostendi potest: Nauta quandoque mittit anchoram in mare, et si forte illa

A lapidi affigatur, ita ut extrahi non possit, tunc nauta illuc descendit, habens os suum plenum oleo in eum usum, ut si fortassis non possit lapidem illum videre, cui anchora adhæret, ob turbulentam et tenebrosam aquam, effundit oleum. Quo facto tanta isthic nascitur claritas, redditurque aquarum perlucida propter oleum effusum, ut lapidem nauta facile videre queat. Chrisma initium traxit a Veteri Testamento, quando Dominus præcepit Mosi ut conficeret chrisma, quo ungeret tabernaculum in dedicatione, et arcam testamenti. Atque Aaron et sacerdotes illo similiter ungebantur, et reges. Moses tamen non legitur unctus fuisse, nisi unctione spirituali, quemadmodum et Christus. Voluit nihilominus Christus materiali nos inungi unctione, ut per illam materialem consequamur spiritualem. Inungitur enim quilibet chrismate bis in vertice a communi sacerdote, et in fronte ab episcopo. Cæterum ideo bis, quia post resurrectionem duabus vicibus datus fuit Spiritus sanctus, tum etiam quando Christus insufflavit discipulis, inquiens: *Accipite Spiritum sanctum* (*Joan. xxii.*), tum etiam quando missus est eis idem e cœlo in igneis videlicet linguis.

Cum igitur aliquis istiusmodi oleo sancto inungitur, necesse est ut illud fiat in scapulis, et in pectore potissimum. Ac in scapulis quidem ideo, ne laborem suum frustra expendat in vana, sed sit robustus ad legis onus fideliter portandum; in pectore vero, ut suscipiat intelligentiam mandatorum Dei. Proinde oleo, quod vocatur infirmorum, inunguntur ægri atque infirmi. De qua sane unctione ait B. Jacobus in sua Epistola: *Si quis infirmatur inducat sacerdotes et orent super eum, et inungant eum oleo sancto, et alleviabitur ejus infirmitas*, si nimis ei expedit et utile sit, *et remittentur ei peccata* (*Jac. v.*), videlicet venialia, vel si non fuerit in mortali peccato. Potest tamen fieri hujusmodi inunctio per unum sacerdotem; sed hoc fieri non debet, si plures possint adesse. Quartum demum hujus diei privilegium est mandatum. Est autem differentia inter hoc mandatum et illud quod sit Sabbato præcedenti. Illud enim fit a prælati, et Ecclesiæ magnatibus, repræsentatque illud, quod fecit Christus: hoc vero quilibet sacerdos facere debet, idque hoc modo: Primo oportet ut reficiant pauperes, ac postea parum comedant, nec ultra tamquam consuetum est. Deinde debent surgere a mensa, ac pauperum pedes lavare. Quo facto possunt sese ad mensam recipere, atque iterum comedere: quod jejunium non frangit, sed interrupit. Non enim debet quispiam eo die bis comedere, ne jejunium frangatur, tam respectu unius horæ, quam totius septimanæ, quamvis tamen et in multis locis ita sit. Est autem iste dies omni alia solemnitate solemnior, exceptis tamen solemnitatibus Trinitatis, usque adeo ut qui possint solemnies vestes induere, debeant non secus atque in aliis solemnitatibus. Quocirca etiam hoc die omnia lætitiae cantica canuntur, quemadmodum in cæteris solemnitatibus,

præter Alleluia. Nec dicitur vero *Dona nobis pacem*, ob eam rem quod nocte sequenti osculo Judas Christum tradiderit. Atque hic animadverte tempus re-creationis incœpisse ab illa hora quo Adamus e paradiſo ejectus fuit, et adhuc est, duratque usque ad uniuscujusque obitum. Quo quidem patet maius esse recreare quam creare, ita ut hinc etiam dictum sit gravius esse ac maius ex impio facere pium quam creare cœlum et terram, ac maius fuisse paulum suscitare in mente quam Lazarum in corpore. Itemque et hoc animadvertis Natale Domini festum esse Patris, cum per eum Pater innotuit mundo. Quanquam vero, quod festum Patris est, festum etiam sit Filii, et Spiritus sancti. In hoc enim, quod dicitur Verbum intelligitur Pater Verbi. Aut etiam hac alia ratione, quod Filius Patrem omnibus manifestaverit. Pascha autem est festum Filii, quia tune a mortuis resurrexit, et verus Deus apparuit. Pentecoste vero festum est Spiritus sancti. Istarum tamen solemnitatum quælibet festum dicitur totius Trinitatis. Indivisa enim sunt opera Trinitatis, sed ita tamen ut quadam magis videantur propria esse uni quam alteri.

CAPUT XCVI.

De sexta feria privilegiata.

Sexta deinceps feria, quæ et Parasceve appellata est, in eo gaudet privilegio, quod hoc die Christus passus sit. Quare etiam ab hac sexta feria omnes aliæ sextæ feriæ suum habent privilegium, sicut a sequenti Dominica omnes aliæ Dominicæ. Parasceve autem interpretatur *præparatio*, quod tum Judæi cibos suos soliti sint præparare, quibus vescabantur Sabbato, cum eis Sabbato quidquam præparare interdictum sit. Porro autem ipso die Parasceves uno duntaxat serculo vescimur, quoniam Christus illo die unum sibi solummodo comparavit, videlicet latronem. Unde ipse dixit : *Singulariter sum ego donec transeam* (*Psal. cxxx*). At queritur cur istum diem celebremus in incerto, tristitia atque abstinentia, cum soleamus sanctorum passiones in gaudio celebrare. Verum hoc ideo fieri respondemus, quod sancti statim, simul atque perpassi sint martyrium, ad celos ascenderint : Christus vero descendenter ad inferos. Sed cum jam tartara fregit, et sanctorum animas inde reduxit dieque tertio resurrexit, ideo tum maxime lætamur. Hinc etiam est quod sanctorum Patrum passiones, qui ad inferos descendenterunt, non celebramus. Solet hic etiam a nonnullis quæri, cum asinæ insidens Christus honorifice suscepturus sit, et in cruce videatur dehonestatus, cur potius adoremus crucem quam asinam. Verum facile illud discuti potest, cum honor iste quem in asina accepit, terrenus fuerit, nec curandum sit de terrenis, ita ut nec hinc quidquam de asina curandum sit. Per crucem vero ruptus fuit ac destructus murus ille peccatorum, qui erat inter nos et Dominum interjectus; Christus enim satisfecit pro nobis. Unde certe nullus recenter baptizatus, etiam adulterus, si vel maxima commiserit pec-

A cata, ullo eorum tenebitur, neque secundum poenam, neque secundum culpam; tenetur tamen habere contritionem. Quemadmodum ergo gladius Davidis, quo Goliam obtuncavit, multo tempore servatus fuerit et in honore habitus, ita etiam crux Domini, quæ per illum gladium quodammodo figuratur.

Tandem quoque consideremus hujus diei officium carere capite, quod Christus caput nostrum tum e nobis sublatus fuerit. Caret enim invitatorio, ut non imitemur perversam illam imitationem quam fecerunt Judæi, quando consilium iuierunt, quomodo Jesum caperent in sermone, eumque morti tradarent. Inde etiam est quod non damus osculum pacis alicui, propter osculum Judæ, nec aliquem salutamus, quia cum quadam salutatione Judas Christum tradidit, inquiens : *Ate, Rabbi* (*Marc. xiv*). Verum ideo signa dedit illis Judas, qui Christum ceperunt, ne Jacobum pro eo caperent, qui illi admodum erat similis, ut hinc etiam frater Domini dictus sit. Nota ergo Judam dixisse : *Tenete eum* (*ibid.*), quasi dixerit : Fortiter eum ligate, et tenete, quia alioquin poterit manus vestras facile evadere. Credebat enim eum esse fortem propter illud quod ipse viderat, cum vendentes et ementes e templo ejecisset. Præterea viderat, quemadmodum illorum manus evasisset qui ipsum volebant apprehendere, unde dicitur : *Et transiens per medium illorum ibat* (*Luc. iv*). Causa autem quamobrem Judas vendidit Christum et tradidit, fuit hujusmodi : Odium recens suscep-
C rat in Jesum propter unguentum quod Magdalena in caput ejus fuderat. Ipse enim erat Domino a loculis, quos portabat. Cum autem mortis esset apud veteres, ut qui hujusmodi fungeretur officio, pro mercede sua decimam partem haberet eorum, quæ in dominorum loculos ponebantur, æstimavit Judas unguentum quod beata Maria Magdalena fuderat, trecentos valere denarios. Unde est quod ipse dixerit : *Utquid perditio hæc? potuit enim istud*, etc. (*Matth. xxvi*). Coepit ergo secum cogitare, quo pacto in Christo recuperaret quod amiserat in unguento, ita ut, cum trecentorum denariorum decima sint triginta denarii, ea summa ipsum vendiderit ac tradiderit. Non debet quoque officium mortuorum habere invitatorium, nisi corpore præsente, nec in missa dici, *Dona nobis pacem*, neque per universum officium, *Gloria Patri*, quia sequitur et imitatur exequias sui Salvatoris.

Sex itaque hujus diei sunt privilegia : Christi immolatio, inferni expoliatio, mortis conculatio, humani generis redemptio, paradisi apertio, et Scripturarum manifestatio. Ubi animadvertendum est quod Christus sua passione non tantum illos redemit, qui tum erant in limbo inferni, qui locus dicebatur sinus Abrahæ, verum etiam omnes homines futuros, qui sancta morte vitam erant finituri. Nec sane omnes homines, qui in inferno erant extraxit. Unde Osee propheta : *O mors, ero mors tua; mors tuus ero, inferne* (*Ose. xiii*). Scripturarum hodie facta est manifestatio, quia scripture Veter-

ris Testamenti, quæ prius erant obscuræ, hodie sunt declaratæ. Unde Dominus : *Consummatum est (Joan. xix)*, inquit, quasi dicat : Omnia quæ de me hucusque scripta sunt, modo sunt impleta, quod scandalum est Judæis, stultitia gentibus. Crux igitur Domini multis modis in Veteri Tétestamento fuit præfigurata. Dictum est enim angelo percutienti *Egyptum* : *Quamcunque domum intraveris, in ea occide omnes primogenitos, tam parvulos quam senes; tam viros, quam mulieres. Sed sic ubi scriptum fuerit Thau, non intrabis. (Ezech. ix)*. Thau vero signum est crucis, ita ut omnes damnentur, nisi per signum crucis salvantur. Sic Moses in deserto serpentem æneum erexit, et omnes qui eum intuebantur statim a morsu serpentum sanabantur (*Num. xxii*). Serpens æneus similitudinem habet serpentis nec est verus serpens. Similiter Christus habuit similitudinem carnis peccataricis, sed non verae peccataricis, utpote qui nunquam peccaverit. Dictum est item Danieli ab angelo : *Duæ erunt septimanæ, et post septuaginta septem occidetur Christus dux noster (Daniel ix)*. Ita aperte Moses : *Die, inquit, ac nocte erit vita nostra pendens, et videbitis et non cognoscetis (Deut. xxviii)*. Verum profecto est quod nocte peperederit, quia tenebrae factæ sunt a sexta hora, etc. (*Math. xxviii*). Quod autem die, certum est. Item Jeremias ait : *Ponens filiam pharetræ in renibus meis (Thren. iii)*. Filiani, inquam, pharetræ, id est, lanceam. Itemque : *Congregabo omnes gentes, et erit signum eis, Thau T. (Isa. LXVI)*, quod crux est Domini. Sic rursus : *Ezechias convertit faciem suam ad parietem (IV Reg. xx)*. Et David : *Scribantur haec in generatione altera, et populus qui creabitur laudabit Dominum (Psal. ci)*; hoc est, novus populus, nimirum gentilis. Atque in alio loco alius : *Plantavi, ait, vineam meam electam, et versa est in amaritudinem (Jer. ii)*. Et quare, quæso? Quia dederant in escam meam fel, et in siti mea potaverunt me aceto (*Psal. LXVIII*). Quemadmodum etiam alibi inquit Davidi : *Partiti sunt sibi vestimenta mea et super vestem meam miserant sortem (Psal. XI)*. Quamquam hoc de tunica Domini inconsutil dictum videri potest. Sed eodem in loco idem expressius : *Dinumeraverunt omnia ossa mea (ibid.)*, quoniam usque adeo eum in cruce extenderunt, ut omnia ejus ossa facile dinumerari potuissent. Sie postremo et Isaías ait : *Et erit principatus ejus super humerum ejus (Isa. ix)*. Nam Christus portavit crucem, in qua triumphavit, ita ut vulgo dici consuetum sit *Cyrenæum quidem crucem portasse, sed non sicut homo et Deus*.

CAPUT XCVII.

Cur non conficiatur corpus Christi in Parastese et de ordine ejus officii.

Corpus Christi non conficitur hoc die quatuor de causis : prima est quia Christus hoc die pro nobis revera immolatus est et, veritate veniente, debet cessare figura, ac ei dare locum; secunda, quod istiusmodi die reipsa Ecclesiæ Sponsus sublatus

A sit, descendit enim ad inferos; tertia est quoniam tum temporis velum templi disruptum est, et cornua altaris sunt transversa, ita ut nobis non esset ubi corpus Christi conficeretur; quarta, quia Moyses dixit in Exodo : *Altius pugnabit pro vobis, et vos tutebitis (Exod. xiv)*; alius, id est Christus. Sequitur ut de ordine officii hujus diei dispiciamus. Nam primo leguntur duæ lectiones ex Veteri Testamento, una ex rege, altera ex prophetis, scilicet ex Osœe idque sine titulis. Deinde vero tractus quem vocant, canitur unus quatuor versuum; alijs plurimum, post quem legitur passio etiam sine titulo. Qua quidem absoluta fiunt orationes pro omni gradu Ecclesiæ, hoc est pro gentilibus sive ethnicis, pro Judæis, pro hæreticis et pro schismaticis. Atque ita deinceps crux extrahitur, ac cum ea ter in genua procedimus, cantando ter Græce ἄγιος, et Latine *sanc tus Deus*, etc., cum tribus versibus. Postea vero Dominicum corpus, quod reservatum fuit ipso die Coenæ, altari imponitur, et cantata Dominica Oratione cum præfatione præposita, scilicet : *Oremus, præceptis salutaribus moniti, etc., communicatur, ac deinde vero psalmi vesperarum cantantur cum oratione : Respice, Domine. Atque ita tandem officium terminatur.*

CAPUT XCVIII.

Quare ita hujus diei officium sit institutum.

His itaque historice prosecutis, quid significant deinceps videamus. Quod enim duæ lectiones legantur, declarat Christum passum fuisse pro duabus potissimum populis, Hebræo nimirum et gentili. Sed earum una ex lege sumpta est, videlicet ex Levitico, altera ex prophetis, nempe Osœe, quia Christi passio et a lege fuit ante præfigurata, et a prophetis prædicta, et a patriarchis sub velamine quodam nobis revelata. Abraham enim carnem Christi tectum immolavit, cum arietem sacrificaret; sic Abel quoque cum agnum in hostiam offerret. Quæ ita fuerunt Christi figura tanquam velamine tecta, ut intelligi non potuissent, nisi explicarentur. Assimilatus est præterea in prophetis, unde Dominus : *Sicut fuit Jonas in ventre celi tribus diebus et tribus noctibus, ita erit Filius hominis in corde terræ (Matth. XII)*. Recitantur autem lectiones cum passione sine titulo, quod caput nostrum videlicet Christus nobis auferatur. Per tractum quatuor versuum intelligimus hominem Christi passione fuisse redemptum, qui ex quatuor conflatis est elementis. Hinc est quod Christus non in cœlo, neque in terra sit crucifixus, sed in medio, hoc est in aere. Fecit enim pacem inter cœlestia et terrena, atque etiam inter ipsa terrestria pacem conciliavit, postea quam erant similitates et inimicitiae inter unum hominem atque alterum, sed majores tamen erant inter angelum et hominem. Ipse vero Christus in omnibus per crucem pacem composuit, quod quæ inter se disjuncta ac discreta erant conjunxerit, et ex duabus unum fecerit. Est enim lapis angularis. Aut etiam quatuor illi versus tractus significant quatuor

partes crucis, quæ similis est ultimæ litteræ alphabeti Hebræorum, videlicet Thau, quæ sonat, si interpretetur *signum*. Omnia volumina veteris legis significarunt crucem Domini.

Hoc ergo die quatuor in uno tractu versus dici debent, ad declarandas quatuor partes crucis, sicut et quinque dicuntur in quarta feria, quod quinques Christus sanguinem suum effuderit: primo in circumcisione, secundo in oratione, tertio in flagellatione, quarto in crucifixione, quinto cum esset lankeatus. Tractus qui prolixior est, repræsentat magnum istud bellum Davidis contra Goliam. Nam et Christus noster David hodie magnum Goliam, id est diabolum, debellavit. Quedam Ecclesiæ tractum canunt, videlicet: *Qui habitat, etc.* (*Psal. xc*), quia Christus a diabolo primum latenter fuit tentatus, velut a dracone quopiam latitante sub petra, sed postea in passione tanquam a forti leone acriter fuit vexatus, quod per hunc versum facile exprimitur: *Super aspidem et basiliscum ambulabis, et cnculcabis leonem et draconem* (*ibid.*). Passio legitur ideo, quia tum Christus reipaa patiebatur. Cum autem ventum est ad illum locum: *Diviserunt sibi vestimenta mea, et susper vestem meam miserunt sortem* (*Matth. xxvii*), tunc duo hypodiaconi duo mantilia, vel duos alios pannos altari impositos, auferunt, quod quatuor illi milites qui Christum crucifigebant ex duabus ejus vestibus sibi indumenta conferunt, historiam ipsam repræsentantes. Aut certe remotio pannorum fugam significat apostolorum, C qui erant quasi vestes Christi. Petrus enim ad vocem unius ancillæ ipsum negavit, et Joannes nudus a fugit. Tertia vestis, quæ in altari relinquitur, designat vestem Domini inconsutilem non fuisse scissam, vel partitam, sed sortitione uni contigisse. Unitas enim Ecclesiæ non potest, nec unquam potuit ab hæreticis et schismaticis scindi, cum nulla sit sapientia adversus Dominum. Christus cum in cruce pateretur et maxima animi angustia affligetur, prolixè oravit decantans decem psalmos, scilicet: *Deus, Deus meus, respice in me* (*Psal. xxi*), usque ad, *In te Domine, speravi* (*Psal. xxx*), donec pervenisset ad istum versum: *In manus tuas, Domine, commendo spiritum meum* (*ibid.*), quo emisit spiritum. Quare et nos quoque, postquam passionem recitavimus quæ Christi anxietatem et dolorem exprimit, oramus, quantumvis sane mos iste orandi infrequens et insolitus sit. Usu enim jam pridem receptum est ut diebus aliis ante evangelium dicantur orationes. Verum hoc die contra fit ordine permutato: quod et in initio a nobis dictum est, quo quædam officia in Quadragesima transmutari ostensum est. Oravit autem Christus pro tribus, pro se, inquiens: *Pater, clarifica Filium tuum* (*Joan. xvii*); pro suis, aiens: *Pater, pro eis, quos dedisti mihi rogo* (*ibid.*), et pro illis etiam qui credituri erant in eum, dicens: *Pater, non tantum pro eis rogo, sed pro omnibus illis qui credituri sunt in me* (*ibid.*).

A Ex quo sequi videtur quod non debeamus orare pro illis quos scimus non esse salvandos, veluti pro eis qui in inferno remanserunt, et pro Iudea qui desperavit. Sed et nos similiter oramus, partim pro nobis, partim pro omni gradu Ecclesiæ, scilicet pro neophytis, gentilibus, Judæis, hæreticis et schismaticis, ut eis Deus gratiam suam infundat, et ad fidem Catholicam convertat, flectentes quidem genua pro aliis, verum non pro Judæis, quoniam illi illuminantes Christo genua flexerunt. Obiter ergo hic animadverte id quod legitur ante genuflexionem non esse orationem, sed abortionem quemadmodum est *oremus* et quasi quamdam ostensionem pro quibus simus oraturi. Quod vero postea dicitur, oratio est. Item rursus animadverte tres fuisse illusiones, B quas Judæi genibus flexis Christo exhibuerunt. Et quidem prima fuit, velata ejus facie in atrio pontificis, altera vero prætorio. Quoniam illo tradito Judæis a Pilato ut ipsum cruciferent, milites spinæm plectentes coronam flexis genibus illudebeant ei. Quod quamvis a Judæis factum non fuerit, ascribitur tamen illis, quod causam præstiterint. Tertia denique illusio fuit, cum prætereuntes illi jam in cruce pendenti dicebant: *Vah, qui destruis, etc.* (*Matth. xxviii*). Contra illas tres illusiones nos ante cruceis revelationem tres præmissimus adorationes cum dicimus ter *Agios*, etc., quasi ter honorantes illusum propter nos; idque duabus linguis, quia tertia adhuc silet. Hinc igitur et illud notandum venit, quod, cum multa sint genera linguarum, tres tamen potissimum existant principales; prima Latina, propter nobilitatem et dominium Romani imperii; secunda Graeca, propter sapientiam; tertia Hebreæ, utsi quod ceterarum linguarum mater sit. His autem tribus linguis descriptus fuit titulus Domini in cruce. Quare præter reliquas linguas haec tres solum in missa usurpantur, dum in ea canimus Graece *Kyrie eleison*, Hebraice *Alleluia*, etc. Latine. Adversus tres Judaorum accusationes in Christum, dicimus nos tres excusationes in persona Salvatoris, scilicet, *Popule meus*, ubi Christus exprobrat illis sua beneficia, liberaciones videlicet ab Ægypto, regimen in deserto, introductionem in terram optimam. Quasi dicat Christus: Tu accusas me, quod tributum dari negaverim, deberes potius gratias agere, quia te liberavi a servitute Ægypti. Tu accusas me, quod regem me fecerim, verum satius foret quod gratias ageres de eo quod splendide et regulanter te in deserto paverim. Tu denique me accusas, quod dixerim me Filium esse Dei, sed gratitudinis signum potius exhibe, quod tibi dedeam terram lacte et melle manantem.

D His ergo ita dictis, crux aperta ac nudo proferatur ad significandum omnia quæ fuerant obscura, tunc fuisse manifesta, et salutatur crux hisce verbis: *Ecce lignum*, etc., quoniam per crucem omnibus salus reformatur ac restituitur. Postea autem adoratur, id est cum reverentia osculatur; solus enim Deus adorandus est, et cætera illius causa ve-

neranda. Crux ergo adoratur ideo, ut ostendamus nos debere humiliter facere quod illi fecerunt superbe. Osculata cruce, Dominicanum corpus altari apponitur, et tunc sacerdos cum præfatione præposta, videlicet : *Oremus, præceptis, etc.*, quam addidit beatus Gregorius, cantat Orationem Dominicam. Quo quidem representatur antiqua apostolorum consuetudo, qua in celebrandis missis utebantur. Oliu enim apostoli hæc tantum verba proferebant, quæ dixit Dominus : *Hoc est corpus meum, etc.* (*Matth. xxvi*); et, *Hic est sanguis novi testamenti, etc.* (*Ibid.*), quibus ipsi apostolici postea addiderunt Orationem Dominicam. Atque hæc est consuetudo apostolorum quæ hic representatur, eo modo quo antiquitus celebribatur, sed Gelasius papa, Gregorius et Cœlestinus multa tandem addiderunt, ut supra dictum est. Facta autem communione, statim cantantur vesperæ cum oratione, et tam missa quam vesperæ una finiuntur collecta. Hoc ita peracto, crucifixus in suum locum reponi debet, ante quem necesse est, ut chorus psalmos psallat, etiam episcopus vel loco ipsius vicarius ejus, idque tantisper usque ad horam illam, qua Christus resurrexerit. Atque ita tum celebrare debet mysterium de resurrectione. Primo namque provenit labor, secundo clamor, tertio autem exauditio, unde Psaltes ille : *Ad Dominum, inquit, cum tribularer, clamavi, et exaudiuit me* (*Psal. cxix.*) Quare et nos oportet ejus esse imitatores.

CAPUT XCIX.

De duabus partibus sacramenti.

Nunc dicendum est, quare una pars sacramenti, scilicet corpus, sub specie panis reservetur die Cœnæ, et altera pars, scilicet sanguis, sub specie vini non reservetur. Ac duæ quidem sunt causæ, quamobrem corpus reservetur. Prima est ne fortasse quispiam ex hac vita sine viatico discedat, quod evenire posset, ni reservaretur; atque institutum ita est ab Innocentio papa. Secunda est quod illis tribus diebus maxime omnes ii religiosi quibus necessitas est, debeant communicare. Quare oportet ut sacramentum illud reservetur, quoniam eo die consecrari non debet: ut supra ostensum est. Cur autem sacramentum vini non servetur, triplex est ratio: Prima est quia, cum vinum liquidum sit, non posset tam bene reservari, quin quadam negligentia facile queat labi; secunda est quod duos sacrificiorum ritus suis temporibus approbaverit Deus, veterem legis, videlicet suo tempore, et novum hoc tempore. Hos duos ritus significant panis et vinum, licet utraque res sit novi sacramenti, panis nempe novum, et vinum veterem. Nec mirum videri debet, si per rem novi sacramenti vetus sacrificium significetur, cum et contra inveniatur, rem videlicet veteris Testamenti declarare novum. Nam quartis seriis septimanarum quando ordines celebrantur, duæ lectiones ex veteri Testamento recitantur, quarum altera quæ sub nocturnali tomo exprimitur, vetus significat Testamentum; altera vero quæ sub

A tono communi, Novum. Ex eo itaque, quod vinum non reservetur, ostenditur vetus sacrificium cessare debere. Tertia ratio est, quod idcirco non reservetur, quia Christus dixit in cœna : *Amen dico vobis, quod amodo non bibam de hoc geninæ vitis, donec bibam illud vobiscum novum in regno Patris mei* (*Matth. xxvi*).

B Si quis autem roget, num istud vinum, quod eo die in communione sumitur, ex Dominici corporis contactu consacretur, quamvis complurium scripta illud asserere videantur, nos tamen veritatem magis sequentes et ea quæ sancti Patres tradiderunt, dicimus vinum illud omnino non esse consecratum ex illo contactu, sed sanctificatum. Est enim differentia inter consecratum et sanctificatum. Consecratum dicitur quod in consecratione, ut ita dicam, transubstantiatur. Sanctificatum vero est quod per verborum significationem efficitur sanctum sine aliqua transubstantiatione, ut aqua lustralis, quam ideo benedictam dicimus. Rursus sanctificatum dicitur, quod a tractu rei sanctificate magis efficitur referendum. Si autem diceretur, quod solo contactu vinum vel aqua consecraretur, magna profecto inde sequeretur rerum perturbatio et confusio. Sic enim continget calicem non posse lavari, indeque efficeretur, ut jam sexcenti panes unius hostiæ contactu, sine verbo possent consecrari; et si una aliqua gutta aquæ lustralis seu benedictæ in stagnum vel puteum, qui ex lacunis scaturit, infundetur, aqua illa perpetuo benedicta maneret: atque ejusmodi infinita alia incommoda ex ea re nascerentur. Jam etiam prætero, si Dominici corporis tactu vinum consecraretur, contra decretum fieri quod prohibet, ne hoc die consecratio fiat.

Quod autem hic queritur quamobrem Christus discipulis prius corpus suum dederit mysticum quam in veritate illud offerret, discussum satis apud alios est. Advertendum ergo hic est, et repetendum, quod paulo ante a nobis dictum est, utpote secundum triplicem Christi crucifixionem, quæ hoc die re ipsa facta est, tribus horis, tertia videlicet sexta et nona per universum annum missas celebrandas esse. Hora enim tertia crucifixus est linguis Judæorum aientium : *Tolle, tolle, crucifice eum* (*Joan. xix*). Hora sexta in cruce positus fuit, et nona exspiravit; quapropter hæ horæ ad celebrandas missas canonice sunt institutæ, quæ Christi immolationem mystice repræsentant. Diebus enim festis cum a libidine est abstinentium, missa debet tertia hora celebrari; pro festis, sexta, et in jejuniis nona, sin aliter fiat certe canonicum et regulare non est. Exceptis interim iis temporibus, quibus nocte missa celebrari debeat, ut in Natali Domini et in Sabbato Paschæ. Missa enim quæ tunc celebratur, non ad Sabbathum pertinet, sed ad diem Resurrectionis. Unde etiam nunc Romæ et per universum Ravenensem archiepiscopatum, sub quo et Bononiensis Ecclesia continetur, tunc missam non celebrat usque ad noctem. Quod autem sic fieri debeat, satis

ipsa ostendit oratio, quæ tum dicitur : *Deus, qui hanc sacratissimam noctem*, et illud quod in cerei, quem vocant, benedictione canitur : *Hæc nox est.* Sic itidem quotiescumque ordines conficiuntur, nocte missa celebrari debet, quoniam officium majorum ordinum ad diem spectat Dominicam. Sed quia a jejunio incipere oporteat, ideo in Sabbato post vespertas illud inchoamus, et ad noctem usque procelamus.

CAPUT C.

De officio tenebrarum.

Nunc vero considerandum est quamobrem tribus noctibus continuis officium quod tenebræ appellatur celebremus, quemadmodum ad illud officium pulsandum sit, quare et quot candelæ accendantur, et quomodo ex extinguantur, et deinde etiam de officii qualitate. Posito itaque Christo in cruce tribus horis fuerunt tenebræ, a sexta usque ad nonam, ita ut complectamur sextam et nonam, dum sol patiebatur eclipsim, non quidem naturalem, sed miraculosam, quanquam eam insideles juxta naturam ita accidisse mentiebantur. Quamobrem sane propter tanti illius miraculi memoriam, per noctes tres illas horas representamus. Ad officium tenebrarum non campanis pulsandum est, sed ligneis tabulis. Campanæ enim significant, ut dictum est, concionatores. Atque ideo campanis non pulsatur, quia concionatores, hoc est discipuli Domini, non solum nomen ejus non prædicarunt, sed et negaverunt, ut Petrus et fugerunt. Scriptum est enim : *Percutiam pastorem, et dispergentur oves gregis* (*Matth. xxvi.*). Unde Dominus videns eos ad fugam paratos ait : *Quem queritis?* (*Joan. xviii.*) Quasi diceret : Si me queritis, sinte eos abire (*ibid.*). Magnus tamen ex ligno editiar sonus. Tabula lignea Christum significat qui in ligno clamabat, prædicabat et orabat, dicens : *Pater, dimille eis, quia nesciunt quid faciunt* (*Luc. xxii.*). Pulsatur igitur ligno, quod tum solus Christus existit concionator.

CAPUT CI

De numero candelarum.

Dicendum modo est de candelis, atque hic quidem in numero diversitas est. Quidam enim septuaginta duas accendant, quidam viginti quatuor, quidam quindecim, quidam etiam duodecim, quidam novem, et quidam septem. Sed hi tamen omnes non absque mystica significacione hoc faciunt. Nam septuaginta duæ candelæ septuaginta duos discipulos significant, quorum prædicatio, sive concio, in morte Christi extincta est; vel ad designandum quod Dominus septuaginta duabus horis in sepulcro quieverit per synecdochem, quemadmodum dicitur tribus diebus et tribus noctibus, in corde terræ latitasse; vel septuaginta duas nationes, et septuaginta duo genera linguarum. Viginti quatuor candelæ quæ prius accendantur, et postea extinguuntur, hunc versiculum : *Gloria Patri et Filio*, etc., significant, qui viginti quatuor vicibus in nocturnis festivitatibus cantori soleat et in hoc officio omnino tacetur, quo-

A niam laus Trinitatis, ad quam pertinet versus ille in morte Christi videtur extincta. Quindecim candelæ duodecim apostolos et tres Marias significant, qui omnes laudem Dei tunc subticuerunt. Sed apostolis tamen fugientibus, tres Mariæ, ut quæ minus metuebant, circa eum, quoad poterant, versabantur. Unde legitur : *Pelli meæ consumptis carnibus adhæsit os meum, et derelicta sunt tantummodo labia circa dentes meos* (*Job xix.*), id est, mulieres quæ unt quasi pellicula quædam. Duodecim candelæ duodecim exprimunt apostolos. At vero novem humanum genus significant, quod propter peccatum suum a consortio novem ordinum angelorum semotum est, et a vera luce exclusum. Per septem candelas, septiformis Spiritus sancti declaratur gratia, quæ in cordibus discipulorum pene fuit extincta.

B Ut autem de numero candelarum sit, omnes manu cerea debent extingui. Et quidem per manum ceream intelligitur manus illa quam vidit Balthasar rex Assyriorum, scribentem in pariete verba hujus modi : *Mane. Thecel, Phares*, quæ sic exposuit Daniel : *Mane, id est enumeravit, Thecel, appendit, et Phares divisit* (*Dan. v.*). Hic ergo sensus est : Dicit Dominus : Numeravi tempus regni tui, et opera tua bona et mala, et appendi et inveni plus mali quam boni, atque ideo dividetur regnum tuum in Persas et Medos. Quod utique factum est per Cyrus et Darium. Quemadmodum igitur regnum illud propter mala opera regis extinctum fuit, et divisum in perpetuum, ita quoque regnum Judæorum, propter peccatum in morte Christi commisum, divisum est et in posterum penitus deletum. Vel, quod melius est, manus cerea representat manum Judæ, quæ fuit cerea, id est ad malum flexibilis, per quam Christus, rex noster et lucerna vera, traditus fuit et extinctus, quantum in ipso fuit. Atque ita per manum ceream significatur illius manus, de quo Christus ait : *Qui tecum intigit manum*, etc. (*Matth. xxvi.*). Ut enim haec extinguit lumen, ita illa verum lumen extinxit, quantum in se fuit. Aliquando vero plures candelæ sine certo numero incenduntur, nec observatur aliquis numerus, ita ut vel quælibet inuilius aut vir suam isthic sibi accendat. Per quas candelas significantur prophetæ et alii sancti Patres, qui propter Christum lumen mundi venturum annuntiantes, atque aliis verba salutis concionantes et prædicantes, variis vexati poenis mortui sunt et extincti. Nec vero omnes candelæ simul extinguuntur, sed successive nunc hæc, nunc illa, quoniam discipuli non simul ab eo recesserunt, sed paulatim, cum unus decessisset, abiit et alter. Una tamen quæ in earum medio est collocata, non extinguitur, sed absconditur et occultatur, posteaque in apertum profertur, ac ejus luce omnia ecclesiæ lumina rursus accenduntur. Hic est Christus, qui licet videretur secundum corpus extinctus, secundum divinitatem tamen vivebat, quæ illis erat occulta. Hic enim paulo post resurgens cum luce clarissima se suis discipulis manifestavit, quando

in eorum mentibus charitatem jam propemodum extinctam sua illustratione iterum inflammavit.

Nunc de ipso officio prosequamur, quod universam Christi sonat passionem. Primus ergo versus, a quo noctis officium alioqui incipi consuevit, nempe : *Domine, labia mea aperies* (*Psal. 1*), subtinet, quod Christus caput nostrum a nobis auferatur. Sic nec *Deus in adiutorium dicimus*, quia nostro pastore percuesso nos ihu oves, a quo petamus auxilium non habemus. Invitatorium autem ideo non exprimitur, ne per hoc pravum istud Judaeorum consilium contra Jesum factum quodammodo imitemur, sed potius ut ipsum per invitatori silentium detestemur. Ad lectiones quoque benedictio neque petitur, neque datur, quod pastor qui gregi suo benedicat modo non adsit. Vel quia per *Jube, domine*, significantur illi qui eunt concionatum, et per *Tu autem*, illi qui concionandi munus obierunt, et inde reversi sunt. Sed nec hi, nec illi tum aderant, si quidem ausfugerant. Debent ergo dici lectiones etiam lamentando, et maxime illæ quas Threnos appellamus Jeremiæ, qui deflevit sanctum illum regem Josiam. Luget Ecclesia etiam tunc passionem, et mortem Domini. Sed quia propter peccata nostra ipsum amisimus, si eundem volumus recuperare, certe ut ad poenitentiam convertamur, ideo sub finem lectionum per hunc versiculum, scilicet : *Jerusalem, Jerusalem, convertere ad Dominum Deum tuum*, eo admonemur. Leguntur Threni Jeremiæ, hoc est lamentationes, si verbum verbo interpretemur, que ita a Trenaro monte sunt appellatae, ubi animarum lamentationes, que isthic puniuntur, saepius audiuntur. Possunt tamen ideo vocari Threni, quod semper post tertium quemque versum sequatur litera ex Hebraico alfabeto, quod universum in illis lamentationibus quater ordine ponitur, Idcirco autem Jeremiæ lamentationes legimus, quoniam sicut ille deploravit mortem Josiæ et destructionem gentis suæ futuram, ita nos deploramus mortem Christi.

CAPUT CII.

De expositione trium quæ præterea in eiusmodi officio observantur.

Restant deinceps tria inquirenda : primo quamobrem in hoc officio noctis antiphona quæ ad *Benedictus* canitur, atque etiam totus psalmus tam alta voce, et quasi terribili cantetur; deinde vero quare quidam tropi hujus officii fine lamentabiliter dicantur. Postremo cur tribus hisce noctibus ipsum officium noctis alta voce, quasi terribili et manifesta decantetur, diurnum autem tacite ac voce omnino dimissa. Verum enimvero quod antiphona ad *Benedictus*, et ipse etiam psalmus extinctis candelis, voce elevata et velut horribili canatur, significat tumultum cohortis, quam cum gladiis et fustibus secum Judas adduxit, quando Christum traderet. Per nocturnum autem officium tenebrarum declaratur prophetia prophetarum, et per diurnum, predicatione sive concio apostolorum. Quapropter officium noctis alta voce canitur, quia prophetæ aperte quæ de

A Christo erant ventura prædixerunt, et quod illis Spiritus sanctus dictabat omni semota formidine nuntiaverunt. Sed diurnum officium submissa voce cantatur, quod apostoli aut omnino tacuerint, aut certe occulte prædicaverint, et concionati fuerint. Continet autem cohors quinquaginta milites qui ob id tanto numero cum Juda missi sunt ad Christum capiendum, quoniam Judei verebantur ne populus, qui eum libenter audiebat, si hanc proditionem sciret, suas interponeret partes ad ipsum liberandum. Aut certe ideo, quia facile opinabantur eum esse fortissimum, et omnino talem, ad quem capiendum pauci non sufficerent. Videbant namque Dominicæ præcedenti ipsum solum flagello ex funiculis confecto omnes vendentes et ementes potenter e templo ejecisse, ac nummulariorum mensas fortiter evertisse. In quo quidem facto præterea viderant fulgorem quemdam, quasi quosdam radios igneos, ex ipsius facie exire. Porro autem tropi, id est versus illi, qui tribus istis noctibus in fine officii cum *Kyrie eleison*, et *Domine, miserere*, velut lamentabiliter decantantur significant lamentationes et doles mulierum, que propter cognationem Jesum ab Galilæa fuerant secutæ. Inter quas erant Maria Magdalena, Maria Jacobi et Salome, plorantes juxta sepulcrum (*Matth. xxviii*). Tropis cantatis, in quibusdam Ecclesiis ad terram procidentes dicunt : *Miserere mei, Deus* (*Psal. 1*), et collectam, videlicet *Respice, quæsumus, Domine, super hanc familiam*, etc.

CAPUT CIII.

De purgatione pavimenti.

Post haec dicendum est, cur Quinta feria ecclesiæ pavimentum mundetur et altaria denudentur, ac deinde quamobrem eadem feria ipsa altaria vino et aqua laventur, atque asperis ramis, præsertim taxi aut buxi quasi frumentis. Ad primum quidem prompte intelligendum, oportet cognoscamus Ecclesiam esse corporalem, aliam spiritualem. Corporalis est dominus in qua divinum officium perficitur; spirituialis vero est velut convocatio quedam fidelium. Sicut enim ecclesia corporalis lapidibus ex diversis locis congregatis construitur, ita quoque spirituialis Ecclesia ex diversis convocatur hominibus, ita ut hinc Ecclesia ipsa appellata sit convocatio, quanquam nomen illud proprius ac verius spirituali Ecclesiæ conveniat quam corporali. Homines enim convocantur, non lapides. Saepenumero tamen fit ut nomen ejus, quod significatum est, significanti attribuatur. In Ecclesia igitur spirituali sunt pavimentum Christi pauperes, hoc est, pauperes spiritu, qui in omnibus sese humiliant, ut hinc propter humilitatem pavimento maxime assimilentur. Quare obiter notemus tria esse genera paupertatis, quorum primum paupertas dicitur necessitatis, que est in egenis; alterum simulationis, que in hypocritis est; tertium autem vocatur paupertas spiritualis, que consistit in bonis. Prima paupertas tolerabilis est, secunda detestabilis, tertia laudabilis, ita ut omnibus iis beneficiendum sit propter Dominum. Nec sane ullus sit fortunæ respectus quantum ad primam pauper-

tatem, vel causæ quantum ad secundum, sed naturæ hominis. Pavimentum ergo ecclesia mundat ille, qui pauperibus propter Dominum pedes lavat ceteraque misericordia opera exhibet.

CAPUT CIV.

De nudatione altaris

Sequitur de nudatione altaris, quæ pars est in ecclesia dignior, usque adeo, ut si altare removeatur, ac rursus ædificetur tota ecclesia, iterum sit consecranda. Verum contra, etiam si ecclesia removatur, hoc est pars ejus aliqua aut plures, altari immoto, ecclesia non consecratur, sed alia sanctificatione mundatur. Altare enim Christum significat. Præcepit namque Deus in lege : *Altare de terra faciens mihi* (*Exod. xx.*). Altare de terra est Christus natus de Virgine. Unde dicitur : *Veritas de terra orta est* (*Psalm. lxxxiv.*). Hæc est terra quæ dedit fructum suum, fructum sublimem, Christum vide-licet sublimatum super choros angelorum in cœlis. Nudatio ergo altaris declarat quod Christus in passione sua denudatus visus sit, et despoliatus illis signis quibus ante in faciendis miraculis apparuerat gloriosus, cum solus vendentes atque ementes e templo ejecerat, facie ejus splendoris radios emitente. Qui enim prius tam potens tam gloriosus apparuerat, modo in passione visus est debilis et abjectus. Unde Isaïas : *Vidimus, inquit, eum non habentem speciem neque decorum* (*Isa. lxxii.*); et Hilarius : « Ante, ait, passionem apparuit Deus et homo, in passione totus homo, post passionem totus Deus. » Vel etiam altaris nudatio repræsentat ipsam ac veram Christi nudationem, quando milites eum spoliaverunt, et ejus vestimenta partim sunt parti, partim sortitione abalienarunt. Aut certe vestem Christi apostolos esse dicimus, quibus Christus tanquam vestibus quibusdam ornabatur, et per quos nomen illius erat magnificatum. Altare igitur nudatur quoniam Christus a suis discipulis fugientibus, et nomen ejus tacentibus, relinquitur. Proinde vinum et aqua quibus altare lavatur significant sanguinem redemptionis nostræ et aquam regenerationis, quæ ex latere Christi fluxerunt, quando latus ejus lancea fuit apertum. Altare ergo abluitur, quia corpus Christi verum altare, sanguine et aqua in cruce aspersum fuisse creditur. Rami autem asperi quibus altare fricatur, significant spineam coronam, qua coronatus est Christus, aut flagella amara, et ictuum vibices, et graves dolores quos in morte sustinuit. Sunt ideo rami hispidi sicut rami taxi, quibus pavimentum mundatur, quod nos debeamus vitiis mundari, et in eleemosynis pauperibus providere, quatenus bi sint, qui nos in æterna tabernacula recipiant. Ipsorum enim est regnum cœlorum, quod intelligendum est de pauperibus bonæ voluntatis, sive spiritus.

CAPUT CV

De Sabbatho.

His ita de vi feria prosecutis, transeundum est ad Sabbathum, in quo dicendum prius est de ipsis

A diei nomine, ac postea de ejusdem officio, servato ordine. Hoc ergo Sabbathum κατ' ἀρτονομασίαν proprie Sabbathum sanctum appellatur. Sabbathum autem interpretatur *requies*, quoniam tempore creationis mundi quam Deus sex diebus absolvit et septimo die ab opere requievit. Quamobrem in lege Deus præcepit hunc diem ab omni servili opere observari, ita ut in veteri lege haberetur sanctus. Verum hoc Sabbathum κατ' ἑξοχίην, seu per excellentiam ita est appellatum, quia significat requiem Christi ab opere recreationis in vii ætate. Quemadmodum enim Deus opere creationis mundi, sexto die completo, septimo conquivit; ita quoque in sexta ætate, recreationis opere absoluto, scilicet nativitate, passione et cæteris omnibus, quæ de illo prædicta fuerant, vii ætate requievit, quæ secundum quorundam opinionem ab ipsis passione fuit auspicata. Alii tamen dicunt eam incepisse a morte Abeli. Quando enim anima Christi mortalitatem et omnem patibilem corporis qualitatem exuisset, quasi in requie conquivit.

CAPUT CVI.

De officio Sabbathi.

Nunc de ejusdem diei officio videndum est; et in principio quidem officii omnis ignis in ecclesia extinguui debet, posteaque e saxo calibe aut ferro alterum excuti: quod fieri debet ex sarmento, quoniam Christus de se dixit: *Ego sum vitis vera* (*Ioan. xv.*); deinde debet benedici cum cruce et aqua lustrali. Quo quidem facto cereus paschalisi, ut vocant, benedicetur, atque incenditur cum duobus parvis aliis cereis, qui ab illo accenduntur. Unus enim ab una parte consistit, alter ab alia; inter quos maximus statuitur cereus. Duo igitur minores cerei declarant sanctos veteris et novi testamenti, qui, tam videlicet hi quam illi, omnes per Christum sunt illuminati. Vel duo cerei significant doctrinam apostolorum et prophetarum, qui eum Christo in doctrina concordant et conveniunt. Tandem vero viginti quatuor in quibusdam Ecclesiis leguntur lectio-nes. Ac Romæ quidem hoc pacto fieri solet, ut duodecim recitentur Græce, et totidem Latine. In nonnullis autem Ecclesiis legunt tantum duodecim, et in nonnullis duntaxat septem. Atqui viginti quatuor legunt, duodecim ob id Græce recitant propter auctoritatem septuaginta Interpretum, quorum auctoritas quondam in Græcia maxime floruit, atque etiam in illa parte Italæ, quæ magna olim dicebatur Græcia. Verum duodecim ideo dicuntur Latine, propter auctoritatem translationis Hieronymi. In minimis tamen Ecclesiis non habent, nisi sex ob senarium numerum qui quodammodo perfectus est. Qui vero duodecim servant, illud faciunt propter numerum apostolorum. Lectis ergo lectionibus itur ad fontem cum litania, atque aqua benedicitur et consecratur. Sed peracto eorum baptismo qui fuerant baptizandi, redditur pari ratione cum litania. Qua quidem finita ipsam missam auspicamur a *Kyrie eleison*. Nam in ea missa introitus, graduale, offertorium et commu-

nio praeter solitum subtilicentur. Eodem modo et *Agnus Dei* a quibusdam quidem dicitur, a quibusdam vero non. Suscepta hostia, statim vespera cantantur, idque cum duobus tantum psalmis, nimirum: *Laudate Dominum, omnes gentes*, etc. (*Psal. cxvi*), cum *Magnificat* (*Luc. 1*). Atque ad eum modum una adjecta oratione totum ejus diei officium absolvitur.

CAPUT CVII.

Quare haec omnia fiant.

His itaque sic breviter, et quasi historice enarratis, rationes quare haec omnia fiant prosequamur, et quid significent suo ordine videamus. Ignis, qui antequam novus excuteretur erat in Ecclesia, veterem connotat legem. Quod ergo vetus ignis extinguitur, significat omnia legalia Veteris Testamenti Christi passione fuisse completa, et exinde debere illa cessare. Saxum, ex quo ignis excitatur, Christus est, super quem tanquam solidam ac firmam petram ecclesia est aedificata, a qua Spiritus sancti ignis procedit. Elicitur tamen aliquando ignis ex cristallo. Nam si crystallus supponatur orificio phialae aqua plenae ad solem, sive mora ignis ex cristallo illico excutietur, si igni fomentum, quod apponi solet, adjunctum fuerit. Crystallus significat puram et pellucidam Christi carnem, quae sine labe fuit. Cereus et renovatus et illuminatus significat quod Christus resurgens a mortuis, in carne gloriose versus Deus apparuerit. Atque ita cereus illuminatus exprimit Christum, divinitatis splendore illuminatum. Quod autem ex igne maximi cerei duo minores ac cætera Ecclesiæ lunina incenduntur, declarat non solum prophetas et apostolos, qui per minores duos cereos, ut paulo ante dictum est, intelliguntur, igne sancti Spiritus illuminatos, sed quod omnes etiam Ecclesiæ fideles eodem igne illustrentur. Simili ratione declaratur divinitatis plenitudinem in Christo fuisse, quod a quibusdam in principio benedictionis cereus accendatur, quanquam profecto melius et commodius tum primum accendi debere videatur, cum in benedictione agitur de igne. Crux ex thure cereo imprimitur, quod nimirum significat holocaustum, id est totum incensum, et totum combustum, sine igne assumptum. In veteri namque testamento duo solebant facere sacrificia, matutinum quod totum incendebatur, et dicebatur holocaustum. Crux de incenso designat sacrificium legis vespertinum, quod immolationem Christi in ara crucis factam, idque in ipso mundi vespere præfigurabat, quoduae in ejus passione completum fuit.

CAPUT CVIII.

Quid per cereum paschalem significetur

Annotatur quidem in cereo paschali annus ab Incarnatione Domini. Christus enim antiquus et magnus annus est, ac dierum plenus, si sumamus computationis nostræ initium a conceptione, quando B. Maria dixit: *Ecce ancilla Domini* (*Luc. 1*). Eo namque dicto statim Christus fuit homo, atque ipsa

A Spiritu sancto plena. Ideo ergo Christus annus dicitur, quod quemadmodum in dierum anno sit fructuum plenitudo, ita in Christo et fuit, et etiam nunc est omnium bonorum plenitudo et abundantia. Habet enim Christus suos menses, habet suos dies, siquidem duodecim apostoli duodecim menses sunt, et reliqui dies Christiani omnes et fideles, quorum ioræ sunt neophyti. Inscriptur quoque cereo paschali indicio vel æra atque epacta, quoniam actiones omnium et successiones temporum per Dei dispositionem recte disponuntur. Vocabatur autem indicio antiquitus spatium quindecim annorum, quod ex tribus constat quinquenniis, in quibus orbe triumphato persolvebatur Romanis tributum ex universo orbe. Primo autem quinquennio solvebatur aurum, secundo argentum, tertio ferrum, ad conficienda arma, et æs ad ornandam civitatem. Et sic singula quinquennia illius spatii quindecim annorum similiter appellabantur indicio. Finitis autem quindecim annis revertebatur tributorum indicio, ut prius, quæ quod ita tribus lustris indicebatur, sic dicta est. Appellatum item est tributum hoc æra æræ, quod eodem modo singulis annis omnis orbis reipublicæ Romanæ quocunque genus æris persolvere professus fuerat. Prius ergo fuerunt indictiones, et postea æræ, ob æs, æris sic dictæ. Ad cujus tandem nomenclaturam accessit epacta, quod additionem significat a Græco verbo ἀπάτη.

CAPUT CIX.

De consecrando sive benedicendo cereo.

Cereus a diacono benedici et consecrari oportet, non autem a sacerdote vel episcopo, etiamsi sint presentes, quantumvis majoris sint ordinis et dignitatis. Per quod quidem intelligitur quod Christus resurgens ex mortuis primo sese obtulerit et ostenderit mulieribus, per quas, utpote quæ erant sexus debilioris, gloriam suæ resurrectionis discipulis suis nuntiavit. Sed nec illud temere fecit Dominus. Nam quemadmodum principium mortis per feminam in mundum intravit, ita quoque necessarium fuit ut initium nostræ restitutionis et salutis per mulierem mundo annuntiaretur. Unde profecto cursorie considerandum est mulieres tribus gaudere privilegiis, quorum primum est, quod in paradiso sit condita ac creata; alterum, quod ex muliere natus sit Christus; et tertium, quia resurgens a mortuis primo apparuit mulieri (*Joan. xx*).

CAPUT CX.

Cur tituli hic taceantur, et de baptismo.

Duabus de causis tituli lectionum non præcinnuntur, quarum prima est, quoniam Christus caput nostrum needum nobis sit restitutum. Secunda vero, quia qui sunt baptizandi, ad quos totum illius diei officium pertinet, adhuc in ima ignorantiae Scripturarum profunditate immersi detinentur. Cum ergo Scripturas non intelligent, non expedit earum nominare auctores. Inde quoque est quod tum lectiones recitentur ex Veteri Testamento, cuius cognitio non nisi spiritu renatis perfecte manifestatur.

Absolutis lectionibus in magnis quibusdam Ecclesiis litania juxta numerum religiosorum, qui istuc convenienti decantatur. In quibusdam vero Ecclesiis ter dicitur; ut fides Trinitatis representetur. Quod autem eundo ad fontem ac redeundo litania cantatur, declarat sanctos orare pro baptizandis, ut baptismi sacramentum vera fide percipient, et jam baptizati deinceps in veritate fidei et sacramento confirmantur. Sciamus ergo quod in baptismo tempore apostolorum aliud nihil dicebatur, nisi hoc tantummodo: *Ego baptizo te in nomine Patris et Filii et Spiritus sancti.* Sed B. Clemens ex doctrina B. Petri inunctionem chrismatis et olei addidit. Postea Leo et Damasus, summi pontifices, ac beatus Ambrosius reliqua adjecerunt, priusquam baptizabant in fluviis et stagnis. Quod vero sacerdos in aquis suaviter anhelat, significat fidem facile diabolum posse abigere. Anhelat igitur isthic, ut diabolus inde expellatur: levi enim statu potest repelliri ab illo qui in Domino confidit. Cereus in aquis ponitur, quod contactus corporis Christi in baptismate aquas sanctificaverit et vim regenerandi illis contulerit. Representat autem cereus super columnam positus et accensus columnam ignis, quae nocte precedebat filios Israel, quando Aegypto exeentes intrarunt mare Rubrum, in quo præfigurabatur baptismus, ut per desertum venirent in terram promissionis. Exstinctus vero ostendit columnam nubis, quae item eosdem præcebat interdiu. Columna enim tria præstabat: protegebat namque illos a sole, ab hostibus, et nocte eis lucem præbebat. Pari ratione Christus præcedens baptizatos, obumbrat eos contra incitamenta vitiorum et protegit ab hostibus, scilicet a dæmonibus et mundanis cupiditatibus, atque illuminat per charitatem. Unde dicitur: *Ignis consumens in nobis vitia.*

Proinde quod chrisma in aquas funditur, significat cœlestia terrenis per fidem baptismatis coniungi. Ob quam etiam causam fieri dicimus quod sacerdos vocem mutet, et quandoque utatur voce alta, quandoque demissa. Eo enim nobis innuitur quod ima, id est terrestria per baptismum jungantur cœlestibus. Consecrata igitur aqua veniunt baptizandi, vel a susceptoribus afferuntur, et baptizantur, sed prius tamen de fide interrogantur. Postea vero oleo inunguntur in pectore et in scapulis. In pectore quidem, ut capaces sint intellectus mandatorum Dei; in humeris vero, ut sint robusti ad portandum jugum et onus legis. Deinde ter merguntur, quod in fide Trinitatis baptizentur. Primo recta facie versus aquam, et capite versus orientem debent immersi, secundo ad aquilonem capite verso, tertio capite verso ad meridiem. Ac primo quidem dicere debet: *In nomine Patris*, mergendo puerum in aquam facie versa ad orientem, postea paululum lavare et dicere, *et Fili*, mergendo eum versus sinistram partem, et iterum paululum lavare, ac dicere, *et Spiritus sancti*, eundem mergendo versus dexteram partem. Atque ita tandem ipsum in altum

A sublevare, ac susceptoribus committere debet sacerdos, a cuius manu puerum ut bi susepiant oportet; unde et susceptores sunt appellati. Non enim debet sacerdos ipsum in aquis relinquere, sed susceptoribus tradere. Tunc baptizatus in vertice capitinis inungitur, in ejus significationem, quod Spiritus sanctus ei datur. Bis autem datus est Spiritus sanctus. Primo, Christo adhuc degente in terra, quando discipulis discubentibus inspiravit, inquit: *Accipite Spiritum sanctum, quorum remiseritis peccata*, etc. (Joan. xx). Secundo e cœlo, atque ideo bis quilibet homo inungitur chrismate: Primo in baptismate, et in vertice, postea in confirmatione ab episcopo in fronte. Datur enim nobis bis Spiritus sanctus: In baptismate quidem datur, B ad emundationem et collationem virtutum; in confirmatione vero ad corroborationem. Inuncto chrismate baptizato, imponitur capiti ejus christiale, rotunda quedam mitra quæ coronam vitæ significat; vel candida induitur vestis, quæ ad similitudinem cuculli ex albissimo panno consicitur filo rubro supertexto. Candida illa vestis innocentiae stolam designat, quæ nobis redditur in baptismate. Et notandum est quod hujusmodi albam vestem gestare debeant septem integris diebus, nec confirmari nisi illis septem plene absolutis, propter septiformem Spiritum qui datur in baptismate. Sed rubra illa fimbria, quæ vesti isti assuitur et supertextitur, significat passionem Christi, per quam baptismi sacramentum impletur. Aut sane rubra illa fimbria exprimit funem, quem Raab in Jericho per fenestram dimisit, propter hospitium quod ipsa præstiterat exploratoribus missis ab Iose, ad cujus signum salvata est domus ejus cum tota sua familia (Iosue ii).

Ceterum rursus hic animadverte quod supra dictum est, neminem debere in susceptorem accipi, nisi Orationem sciat Dominicam, et duodecim sue fidei articulos. Hæc enim duo omnes susceptores ut filios suos doceant obligantur, eum illorum fidei sint quasi fidei iussores. Quocirca eos observare quam fieri potest studiosissime debent, ne unquam fide et justitia excidant, utpote responsuri in die judicii de omnibus illis quæ enormiter isti perpetraverint. Sacerdos quoque pater et susceptor illorum est quos baptizat, ita ut eos instruere etiam teneatur. Sed quia propter multitudinem omnibus vacare non posset, totum illud curæ susceptorum committitur. Itemque et spiritualis pater esse dicitur sacerdos illorum, nempe quibus verbum vitæ concionatur, et quorum audit confessiones. Unde sane gravius ille peccare dicitur, qui ei mulieri concubuit, quæ sue est parœciæ quam mulieri quæ est alterius, cum ejusmodi mulier spiritualis sua appelletur filia. Solet apud nonnullos quæstio exoriri de numero susceptorum, et quot debeant esse necessario ad puerum e sacro fonte suscipiendum. Verum non dicimus quod unus facile posset sufficere. Sed cum in ore duorum vel trium testium

consistat omne verbum (*Deut. xix*), ideo ad minus tres necessario requiruntur, quorum unus vir sit oportet, et duas mulieres, nec etiam plures, ne carnalis copula per spiritualem conjunctionem impediatur. Quatuor autem sunt genera personarum, quas Ecclesia in susceptores non recipit, ut sunt abbates, monachi, abbatissae cum suis monialibus, qui sunt unum genus. Ad alterum referimus infideles; et ad tertium illos qui necdum sunt confirmati. Hi enim fideles vere appellari non debent, ita ut nec hinc veri testes esse possint. Ad postremum genus referendus est vir cum sua uxore, nisi prius castitatis ambo fecerint votum. Nam si permetteretur, ut ambo eundem puerum e fonte susciperent, jam ejusdem fierent patres spirituales, ita ut inde in posterum sese mutuo carnaliter cognoscere non licaret, quemadmodum in decretis prohibitum est (8). Sed et hoc egregie admittendum est ut aliqui eum puerum e fonte susciperent, qui cum illis jus est cognitionis. Nam dilectio charitatis, quantum fieri potest, per baptismum extendi debet. Proinde vero quanquam pagani sive gentiles tempora sua circa fontes confidere soliti sint, atque aquam isthac semper in promptu habere, per cuius aspersione se purificari credebat, ita ut illos fontes delubra nominaverint a *diluendo*, atque sic naturaliter ad baptismum accesserint, nos tamen ab eorum consuetudine baptismorum non sumpsimus. Habemus enim illud a tribus potissimum, quæ in Veteri Testamento fuerunt, nimur a catastrofe, id est a diluvio, a mari Rubro et ab Jordane, quæ nobis velut figuram baptismi præbuerunt.

At roget aliquis num etiam liceat in cocta aqua, ut in cervisia vel mulso, vel in vino, vel in oleo, vel in alio liquore aliquem baptizare? Verum enim vero nulla in alia re istud facere permisum est, nisi tantummodo in pura aqua, sive illa ex nive et glacie sit resoluta, sive marina, sive fluvialis. Sed hoc animadvertisendum est quod non debeat celebrari baptismus, nisi in Sabbato paschali et Pentecostes. Fieri tamen potest causa necessitatis, quæ triplex est: prima est causa munitionis, ut si rex civitatem aliquam vellet obsidere, tunc loci ejus pueri licite baptizantur, ne contingat eos aliquo periculo mori nedum baptizatos; altera est ægritudo: accipitur autem hic lateæ ægritudo pro quavis naturæ infirmitate, quæ facile potest dissolvi, ita ut ne sciamus diem neque horam, et ideo frequenter sit baptismus non solemnis, nec tempestivus, hoc est, non congruo et convenienti tempore factus; tertia est, quæ sit causa persecutionis gentilium. Solebant tamen Græci baptismum celebrare in Epiphania, quod tum Dominus esset baptizatus, atque ita baptizabant tribus diebus continuis. Consideremus interim quatuor esse genera aquæ benedictæ: aqua videlicet, in qua sit judicium purgationis, quæ in Ecclesiæ dedicatione sanctificatur et qua diebus

A Dominicis aspergimur, atque aquæ baptismi qua aspergi solebamus priusquam chrismate ungeremur, quod in quibusdam locis etiamnum observatur. Sed postea interdictum est, ne stultulus quispiam atque rerum imperitus hujus aquæ aspersione se iterum a peccatis mundari putet, cum eviderter satis manifestum sit neminem posse bis baptizari. His ergo duobus Sabbatis ideo celebratur baptismus, quia in primo per Christi passionem redimimur; in altero, quoniam ipso die Pentecostes datur nobis Spiritus sanctus, per quem facta est remissio peccatorum

CAPUT CXI.

De reliquo officio in vigilia Paschatis.

Nunc ad propositionem redcamus. Celebrato baptismismo redditum ad chorum cum litania, eaque cantata, ipsum sacrum sive missa sine introitu inchoatur a *Kyrie eleison*. Sed introitus propterea subicitur, quod caput nostrum videlicet Christus necdum nobis sit restitutus. A *Kyrie eleison* ideo incipitur, ut vetus inchoandarum missarum consuetudo, quæ fuit ante Cœlestinum summum pontificem, representetur. Canitur autem ideo *Gloria in excelsis*, quia angeli ob renatos baptismate et neophyti in celis gloriantur, qui Domino iam nato hunc hymnum decantarunt. Epistola vero Pauli tono ac voce communī legi debet, quoniam doctrinam significat apostolorum, quæ modo baptizatis est prædicanda et aperienda. Sed lectiones præcedentes nocturno tono pronuntiantur, quod prophetas connotent. Graduale propterea non canitur, quia baptizati nulla adhuc opera, nullumque gradum in virtutibus fecerunt. *Alleluia*, quæ vox est plane angelica, vel ob id maxime cantatur, quod angeli latentur baptizatos ex servitute diaboli eruptos, et ad fidem conversos esse. Sed quoniam adhuc eis sit laborandum quandiu quidem in hac vita fuerint, idcirco tractus, scilicet, *Laudate Dominum, omnes gentes*, confessim subjungitur. Subicitur porro offertorium, ut per hoc expresse indicemus mulieres tacite ad monumentum venisse. Tres enim Mariæ stabant juxta sepulcrum cum silentio et voce compressa (*Math. xxvi*). Nec pacem ad hanc missam dare debemus, quod Christus necdum resurrexit, qui nostra pax est, sed *Agnus Dei* ter dicitur cum *Miserere nobis*. Quod tamen nunc de resurrectione canitur sciendum est hoc fieri in gratiam renatorum, hoc est eorum qui sunt modo baptizati. Tacetur præterea et communio, quoniam baptizati nondum communicaverunt. Nam ipso die Paschatis debent communicare. Facta igitur communione statim ante collectam sive orationem cantantur vesperæ cum uno psalmo duorum versuum, scilicet *Laudate Dominum, omnes gentes*, et cum hymno, videlicet *Magnificat*, dicunturque ambo sine *Gloria Patri*. Breiores ideo sunt vesperæ, ne neophyti qui divinis nondum assueverentur.

(8) 30, q. 4. Quod videtur extra de cogn. Spirit., c. ii et iv.

runt, aliquo officii tedium afflicantur. *Gloria Patri* ob eam causam non dicitur, quod Filius qui tertia in Trinitate persona est, nondum nobis sit redditus. Sed ideo quoque vesperæ ante orationem missæ decantantur, ne finita missa populus videatur habere redeundi facultatem, quasi amplius nihil debeat expectare. Vel sane idcirco una oratione totum absolvitur officium, quoniam baptismi sacramentum universum in Christi passione consummatur.

CAPUT CXII.

De tempore regressionis.

Dictam est hactenus de duobus temporibus reversionis nimirum et deviationis. Nunc vero sequitur tempus ipsum regressionis, non quidem ordine temporum, sed ratione officiorum. Hoc itaque tempus vocatur Paschale, significatque tempus illud quod futurum est post diem judicii. Quoniam tum temporis ad vitæ patriam quam per Adamum amissimus, propitiante Deo regrediemur. Cognoscendum tamen est primam hujus temporis septimanam communem esse et huic tempori et præcedenti. Pertinet enim tota ad Septuagesimam, ut supra dictum est. Unde profecto illud est, quod tractus, qui in ipso Sabbato Paschæ canitur, et graduale per totam illam septimanam cantentur, que laborem nobis indicant. Duo etenim illa respectu cantantur Quadragesimæ. Alleluia vero et cetera cantica laetitiae, propter tempus regressionis. Dicitur autem hæc septimana paschalis, que a Paschate, primo hujus temporis die, sic denominata est.

CAPUT CXIII.

De officio hujus temporis.

Ut ergo temporis hujus officium commode tradamus et a primo die incipiamus, necesse est videamus primo de ipso nomine ejusque ratione et causa, ac deinde de ipsius diei officio. Vocatur dies hic Pascha sive Resurrectio Domini. Est autem Pascha Graeca vox, diciturque nobis *transitus*, non passio ut plerique arbitrantur. Hebraice vero dicitur phase. Sed ideo diem hunc Graeco nomine, et non Hebraico appellamus, licet Hebraica lingua dignior sit, ut non solam in aliis, verum etiam ne in nomine quidem videamus judaizare. Propter hanc eamdem causam et Pascha et Pentecostes, quas ipsi celebrant, in nostris kalendariis certo die non annotantur, nec unquam eas illo tempore celebramus quando illi, ne eos in aliquo imitemur, neve hic rursus quosdam sequamur haereticos, qui dicebant Evangelium non posse sufficere ad salutem sine ceremoniis legalibus. Vocamus autem diem hunc Graeco potius vocabulo quam Latino, quod Graeca lingua olim apud Romanos tantæ fuerit auctoritatis, ut dies solemnies, ac dignitates suas Græcis nominibus vocarent, ut Pascha, Pentecoste, ὑπαύτη Epiphania, Apostolus, Episcopus, Archiepiscopus, etc. Vel dici potest juxta Augustinum nonen hoc Paschæ divina constitutione compositum fuisse a Graeco verbo τοῦ πάσχειν, quod

A pati interpretatur, et hoc nomine Hebræo Phase, quod si Latine reddatur sonat transitum. Recte enim duo hæc nomina πάσχειν et Phæse, conveniunt in hoc nomine Paschæ, tam secundum significationem, quam secundum voces. Secundum quidem significationes quoniam in passione Christi fuit transitus. Per passionem enim Christus transivit a morte ad vitam, et fecit nobis viam credentibus in resurrectione ejus, ut transeamus et nos de morte ad vitam. Quare non immerito nomen hoc utriusque nominis habet significationem, atque ita artificiose etiam in re complectitur significationem ejus vocali Latini, ut ex duabus linguis fiat tertia, nempe Latina. Appellatur enim Pascha ipsa dies resurrectionis. Verum tempus paschale dicitur a Dominica in Ramis palmarum usque ad octavam Paschæ, ita tamen, ut Dominica in Ramis palmarum appelletur minus Pascha, quia tunc inducebatur agnus qui sexta feria debebat immolari. Proprie vero dicebatur Pascha dies quo agnus immolabatur.

B Modo de causa nominis dicendum est. Vocatur autem tempus hoc Pascha secundum historiam, tropologiam, allegoriam, et anagogen. Et quidem secundum historiam, quoniam populus Israeliticus quando primum celebratum est Pascha, transivit per mare Rubrum, cum ex Aegypto egrederetur. Vel quando angelus ille exterminator per Aegyptum transivit, interfecitque totius Aegypti primogenita ab homine usque ad pecus (*Psal. cxxix*), ad illas domos pertansiens in quarum foribus non inveniebat sanguinem agni in formam litteræ hujusmodi T. Secundum allegoriam, quandoquidem hoc tempore per baptismum Ecclesia ab infidelitate transiit ad fidelitatem. Dicitur enim allegoria alieniloquium, vel potius inversio, cum aliud verbis, aliud sensu ostendimus. Secundum vero tropologiam, quoniam, hoc tempore per confessionem transimus a vitiis ad virtutes, diciturque tropologia, quasi sermonis ad mores conversio. Denique secundum anagogen, quia Christus nunc a mortalitate ad immortalitatem transivit, feitque ut quemadmodum jam resurrexit, nos in ultima et universalis resurrectione ex hac mundi miseria ad æternam beatitudinem transiremus. Nam et illi qui in inferno erant tunc transierunt, idque ab inferno ad portam paradisi. Dicta est autem anagoge ab ἀνα sursum et a γένετη id est ductio, quasi sursum ductio. Volente enim Deo a mortalitate transibimus ad immortalitatem: qui transitus subtilis et excelsus est. Sic enim in hoc nomine Jerosolymæ quatuor ista possunt inveniri: historia, que nadmodum de ea civitate ad quam pergit hospites et peregrini; allegoria, ut est Ecclesia militans; tropologia, ut quævis anima fidelis; anagoge denique, ut Jerosolyma celestis. Intellige tamen Christi transitum anagogice non allegorice in predictis, scilicet Pascha, et ceteris.

D De officio autem hujus primæ septimanæ generatim dicimus ad nocturnos nocte tres duntaxat psalmos cum tribus antiphonis, tres item lectiones eum tri-

bus responsoriis, idque ex homiliis tantum dici debere. Cæterum in quibusdam Ecclesiis ad unum quodque responsum annexunt *Gloria Patri*. Fit etiam in plerisque Ecclesiis ut cantato ultimo responso, cum candelis cereis et solemnni processione eant ex choro ad locum quemdam, ubi imaginarium sepulcrum compositum est, in quod introducuntur aliquot in personis mulierum et discipulorum Joannis et Petri, quorum alter altero citius revertitur, sicut Joannes velocius cucurrit Petro, atque item alii quidam in personis angelorum qui Christum surrexisse dixerunt a mortuis. Quo quidem facto personæ eæ redeunt ad chorum, referuntque ea quæ viderint et audierint. Tunc chorus, auditæ Christi resurrectione, prorumpit in altam vocem, inquiens : *Te Deum laudamus*. Ad primam vero nonnulli dicunt tota hac septimana psalmum hunc, *Confitemini Domino quoniam bonus* (*Psal. cv*) ; quod præcipue de Christi resurrectione agit. Symbolum autem Athanasii, *Quicunque vult*, etc., toto illo tempore non cantatur, quoniam maxime pertinet ad fidem. Sed hoc tempus indicat octavam ætatem, ubi non fides erit, sed res ; ubi non figura erit, sed veritas. Paulo tamen aliter in quibusdam Ecclesiis solet fieri, ut in nostra Parisiensi. Sed animadvertere quod cum *Credo in unum Deum* perinde fidei sit symbolum, ad missam tamen legatur, et quod illud quidem fiat ad instructionem neophytorum in articulis fidei. Aliud vero symbolum quod minus appellatum est, ad primam plane subicitur ob suam significationem. Nam cum venerit quod perfectum est, tum perimetur id quod ex parte constat (*I Cor. xiii*). Præterea animadverte hanc solemnitatem usque adeo esse magnam, ut per antonomasiam atque excellentiam vocetur *Solemnitas solemnitatum*.

CAPUT CXIV.

Quæ circa hoc tempus sint observanda.

Posthac priusquam cætera prosequamur de quibusdam quæ huic consideranda veniunt, oportet paucis tractemus, videlicet de ornatu templi, de reconciliatione proximi, de modo salutandi, de veneratione hujus temporis, de mensa corporis, et postremo de quadam libertate Decembris. Ac templum quidem aliud, ut diximus, est materiale, aliud spirituale. Materiale est quod ex lignis, cæmentis, saxis, lapidibus, et cæteris ædificandi materiis constitutum est, spirituale vero nos sumus. Utrumque circiter hoc tempus mundandum est, utrumque ornandum et poliendum. Necesse enim est ut hoc tempore ad balneas veniamus, non utique ad voluptatem, sed ad ejus rei declarationem, ut per extrinsecam corporis ablutionem interiorem animæ purgationem fieri debere intelligamus. Exigit præterea tempus hoc ut barbas radamus ac tonsuras et coronas, quas in vertice capitum gestamus, capillosque demamus. Abrasio enim capillorum et barbae, quæ ex superfluis stomachi nascuntur humoribus, ut ungues ex superfluis humoribus cordis, significat quod debeamus vita et peccata, quæ nobis sunt superflua, re-

A secare. Capillos ultra aures demere debemus, ut quinque corporis sensus expeditos et promptos ad servendum Deo habeamus. Sed ideo summitatem capitum radimus, quo per hoc nihil inter nos et Dominum esse demonstremus. Oportet ergo hic mundas et solemnies induamus vestes, maximeque candidas depositis nimirum nigris et penitentialibus. Indicat enim tempus hoc secundam illam resurrectionem, qua nos stolam salutis vel glorificationis corpore induemus, et animo stolam justitiae; vel etiam propter renatos, qui albis vestibus tunc sint induiti; vel denique ob angelos, qui in resurrectione Domini albis vestibus apparuerunt.

CAPUT CXV.

De ornato templi materialis.

B De emundatione materialis templi superius dictum est. Nunc vero de ipsius ornatu exponamus, qui triplex est, in ornandis parietibus, in choro et in altari. Ad parietes quidem sunt appendendæ cortinæ, aulæ, et pallæ sericeæ. In choro habenda sunt dorsalia, tapeta, sedilia clericorum. Sunt autem tapeta tegmina variis coloribus depicta, quæ præcipue sub episcoporum pedibus sternuntur, quod mundana pedibus penitus calcare debeant. Sic et velamen adesse debet, quod ante crucifixum removetur, retro quem ponitur pallium, quod quæ prius erant operta ante Christi passionem, modo manifestentur, in quibusdam locis crux in altum erigitur cum vexillis, per quæ Christi victoria designatur. Altare C quoque suis ornamentis decoratur, ut crucibus ordine collatis, capsis testibus evangelicis, phylacteriis. Est tamen discrimen inter phylacterium et phylacteriam. Phylacterium enim chartula est, in qua decem legis præcepta scribebantur, cujusmodi chartas solebant ante suos oculos circumferre Pharisæi in signum religionis. Unde in Evangelio : *Dilatant enim phylacteria sua, et magnificant fimbrias* (*Matth. xxiii*). Atque hoc quidem phylacterium a φύλακτοις id est custodio, dictum est et thoral, quod est *lex*. Phylacteria autem phylacteriæ vasculum est vel argenteum vel aureum, vel etiam crystallinum, in quod sanctorum cineres et reliquias reponuntur. Porro autem tres sunt causæ quamobrem Ecclesiæ thesaurus in magnis solemnitatibus in apertum proficeratur. Et primo sane propter cautelæ considerationem, ut appareat quam cautus ille fuerit in servando qui istum servare debuerit. Tum vero propter solemnitatis venerationem, tandemque ob memoriam oblationis, quo videlicet in illorum offeratur memoriam qui istiusmodi bona Ecclesiæ prius obtulerunt. Ante altare dependi oportet pulchrum aliquod velamen nimirum pallium, vel ei simile quidiapam, seu tabula vel aurea, si habeatur. Ante quod quidem ornamentum in nonnullis magnis ecclesiis velamenta trium colorum poni solitum est, unum rubrum, alterum subalbum, tertium nigrum, quæ tria significant tempora. Paschale enim cum prima lectio finita est cum suo responsorio velamen nigrum, quo tempus ante legem indicat, removetur. Post-

quam vero secunda cum responsorio absoluta est, removetur velamen candidum, per quod tempus sub lege exprimitur. Ita demum et tertia lectione finita ac responsorio, deponitur velamen rubrum, quo tempus gratiae significatur, in quo per Christi passionem ad sancta sanctorum, id est ad æternam gloriam nobis patet aditus.

CAPUT CXVI.

De reconciliatione proximi.

Sequitur de reconciliatione proximi: Cum enim illo die communicare omnes debemus, si cum aliquo discordes fuerimus, necessario oportet ut ipsum nobis reconciliemus. Alioqui certe judicium nobis sumeremus, quod eleganter a minori probari potest, juxta illud evangelicum: *Si offers manus tuas, etc.* (*Matth. v.*). Unde est quod sacerdos diebus Dominicis postquam concionem absolverit, tenetur populo Orationem Dominicam, et fidei articulos vernacula lingua exponere. Ex qua etiam causa sit, quod Oratio Dominicana alta voce in missa cantetur, ut omnes eam addiscant, et hinc ad conciliationem proximi admoneantur. Tota hac paschali septimana æquum foret ut, nisi aliter modo usus obtineret, hoc pacto unumquemque salutaremus, videlicet *Resurrexit Dominus* (*Matth. xxviii.*), et qui ita salutatus esset responderet, *Deo gratias*, datis sibi mutuo osculis in signum dilectionis et charitatis.

CAPUT CXVII.

De veneratione hujus temporis.

Vero nunc quoque de veneratione hujus temporis pauca dicamus. Usque adeo tempus hoc venerandum et colendum est, ut omnia ergastula et operaria et officinas tam mulierum quam virorum occidere debeamus, ac nulla venalia exponere, exceptis illis sine quibus coenari non posset. Praeterea oportet nos latomias et cætera genera carcerum relaxare, et captivos communi aeri restituere integra hac septimana, ut gaudio nostro nobiscum communicent. Sunt autem latomiae lapidinæ, in quibus cæduntur lapides, et ad quas damari solebant ii qui in opus metalli damnabantur. Tametsi quidem et pro quovis carcere accipi possit, vel quod Romæ hujusmodi latomia in carcere prope Tullianum fuerit, vel quod lingua sæculorum latomia Syracusis carcer appellabatur. Servos autem et ancillas ac omnes qui nostro servitio sunt addicti, profecto ab omni servitutis severitate eos hoc tempore laxare debemus, quemadmodum etiam nostros pastores, sive sint equorum, sive porcorum, sive armentorum, sive etiam ovium et caprarum, ut libere et secure omnes possint ad audiendum divinum officium convenire, et communicare. Inhumanum quoque est hoc tempore debita a debitoribus exigere, ita ut vel hinc tum temporis pascua communia esse dicantur.

CAPUT CXVIII.

De mensa corporis.

Nihil quod non sit a sacerdote benedictum, hoc

A die Paschatis comedere debemus. Unde etiam nunc in quibusdam regionibus pro more receptum est ut in magno vase omnia quæ velint illo die comedere ferula ad ecclesiam deferant, in cuius atrio et vestibulo a sacerdote cum cruce et aqua lustrali, quam benedictam dicimus, in sacris vestibus benedicuntur. Postea vero sacerdos aliquid sibi de singulis ad suam necessitatem sumit. Et certe nullus quovis die quidquam vel edere, vel bibere deberet, quod non ante sit benedictum, unde B. Hieronymus de quadam moniali recenset in eo libro, cui *Vitas Patrum* titulum fecit: « Cum enim illa forte fortuna in ortum suum iret, et lactucas absque benedictione comederet, simul etiam diabolum qui sub eas sese abluderat, imprudens deglutiit, qui multo tempore eam acerbe vexavit. » Debet autem quivis homo hoc die tria potissimum exercere, misericordiam videbit, liberalitatem et sobrietatem. Misericordiam, ut egenos et vagabundos ad se suscipiat, eisque misericordiæ opera exhibeat, et illis aliquid juxta quod in lege præceptum est, mittat, qui nihil sibi aut coixerunt, aut præpararunt. Liberalitem vero maxime hoc tempore quemque exercere oportet, ut, si abundat, vicinis et amicis suis quidpiam imparatiatur. Sed et sobrietatem ideo, quod debocamus illo die magis sobrie comedere, ut sibi quisque parcus sit, aliis vero largus. Observet ergo quilibet misericordiam quantum ad pauperes, liberalitatem quantum ad amicos, et sobrietatem quantum ad seipsum.

C

CAPUT CXIX.

De parvo prandio.

Exponendum modo est de parvo quodam prandio, quod fieri debet ante magnum prandium in Paschate quando communicatum est. Statutum enim est in quibusdam Ecclesiis, et ubique terrarum sic debere fieri, ut illo die panis et vinum in ecclesia habeatur, et cum homines communicaverint, detur statim unicuique panis buccæ priusquam recedant, et paululum vini, ne forte quidpiam de sacramento in ore remanserit, quod expuendo facile emitti queat. Posset enim facile contingere, si non statim comedenter. Quæ sane laudata consuetudo omnibus probatur, sumptuque originem ex institutione B. Benedicti. Instituit namque vir ille sanctissimus ob eamdem causam ut illi, qui aliis fratribus debent in prandio post communionem ministrire, aliquid prius comedenter. Atque hoc quidem prandium mistum appellari solet. Debent autem singulis diebus religiosi communicare, qui vel pomum, vel aroma aliquod, vel tale quidpiam saltem comedere debent, quod nauseam compescat. Eadem etiam consideratione statuit Ecclesia ut missæ tribus certis horis pro dierum qualitatibus celebrarentur. Tertia videlicet hora diebus festis, sexta profestis, et nona in jejuniis, ut absoluta missa, et peracta communione, statim accedatur ad prandium, ne prædictam causam incurvant hi qui communicaverunt. Dixi his tribus horis, quia his cele-

bratis hæc prandere pro qualitate dierum, et non prius. Si autem forte contingat ut vel hoc die vel quoeunque etiam alio sacramenti aliquid e calice excidat, sciendum est, si de corpore fuerit, quod sumi oporteat; si vero de sanguine super pannum ceciderit, quod debeat illud omne lambi quantum fieri potest, et si pannus iste lavandus sit, lavetur in piscina. Sed si super lapidem vel lignum ceciderit, debebit omnino eradi, et quod abrasum est comburi, ac cinis ille sub altari recondi. Idem faciendum est, si simile quidpiam nausea acciderit.

Animadvertisamus ergo hic quod ob duas præcipue causas aliquid lavatur: nempe propter venerationem sacramenti, sicut sacerdos lavat manus quando sacramentum tetigit; et propter immunditiam, ut quod immundum est, mundum efficiatur. Itemque et illud animadvertisamus decretum fuisse in quodam concilio Pictaviensi, ut nullus unquam sine lumine aut communicaret aut missam celebraret. Proinde cum eo quod statim diximus, observemus neque laicum, neque sacerdotem debere post communionem in talem locum exspuere, quo sputum istud facile possit conculcari, videlicet ante comeditionem. Ubi etiam diligenter cavendum est, ne in locum immundum et impurum exspuatur. Quod autem hic queritur, quemadmodum canon dici debeat, citone ante tarda? respondemus verba debere cito pronuntiari, sed tamen discrete. Et cur obsecro, cito? ne videlicet musce venientes auferant suavitatem unguenti. Quod quidem constat etiam ex Veteri Testamento in Exodo, ubi hoc pacto dicitur: *Comedetis festinanter* (*Exod. xii.*). Dictum enim illud de immolatione agni.

CAPUT CXX.

De quadam libertate Decembriis.

Restat ut de eo nunc agamus, quod ultimo loco in partitione superiori propositum fuit, nimirum de quadam libertate Decembriis, que hoc tempore in quibusdam locis observatur. Sunt enim nonnullæ Ecclesiæ, in quibus usitatum est ut vel etiam episcopi et archiepiscopi in cœnobiosis cum suis ludant subditis, ita ut etiam sese ad lusum pilæ demittant. Atque hæc quidem libertas ideo dicta est Decembrica, quod olim apud ethnicos moris fuerit ut hoc mense servi et ancillæ et pastores velut quadam libertate donarentur, fierentque cum dominis suis pari conditione, communia festa agentes post collectionem messium. Quanquam vero magna Ecclesiæ, ut est Remensis, hanc ludendi consuetudinem observent, videtur tamen laudabilius esse non ludere.

Notandum quoque est in plerisque regionibus secundo die post Pascha mulieres maritos suos verberare, ac vicissim viros eas tertio die, quemadmodum licebat servis in Decembriis dominos suos impune accusare. Quod ob eam rem faciunt, ut ostendant sese inutuo debore corrigere, ne tempore illo alter ab altero tori debitum exigat. Unde sciendum est in concilio Elbertino sub Sylvestro ponti-

fice hujusmodi decretum fuisse: ut vir et uxor quando deberent communicare, tribus diebus antequam communicarent, ab amplexibus abstinere, et postea item tribus sequentibus ad minimum, vel quinque vel septem, propter septem dona Spiritus sancti. Quod sane decretum sumptum est ex lib. Regum, idque ex eo loco ubi dicitur, David fugiens a facie Saul venisse Nobe, ad sacerdotem Abimelech, et petiisse ab eo cibum. Qui cum non haberet quod ei daret, nisi panes propositionis, quos non licebat nisi sacerdotibus comedere, et illis etiam mundis: cum postularet tamen illos sibi dari David: *Sunt, inquit, pueri tui mundi?* Cui David respondit: *Si de mulieribus queris, ab heri et nudiustertius abstinuimus* (*I Reg. xxi.*) Alii autem codices sic legunt: Si pueri tui sunt mundi, maxime a mulieribus, manducent. Quasi diceret: Necessitas non habet legem. Si tamen ex coitu sunt immundi, ne in necessitate quidem eis dabo. Et inquit ad eum David: *Ab heri et nudiustertius nos continuimus: et sunt vasa puerorum sancta*, id est, corpora in quibus continentur animæ vel ipsi pueri. Porro via polluta est, sed hodie sacrificabitur in vasis (*ibid.*). Quasi dicat: Forte in via hac aliquid immunditiae contraximus, sed munditia corporum sufficit ad eam mundandam. Nec vero dico quod si vir ab uxori debitus postulet, quod huic illa non reddet, sed debet ipsum placide monere ne exigat. Si vero instet, nec ullis monitis acquiescat, persolvat, ne exigenti forte hinc magis peccare accidat, quemadmodum non ita pridem quibusdam Germanis fertur evenisse. In Germania enim cum caste integra Quadragesima viventes vir et uxor seorsum cubuissent, forte fortuna paschali nocte cum ad matutinas surrexisse, mulier exegit debitum. Quam diligenter vir corrigens, cum nihil bonis admonitionibus proficeret, promisit se illud facturum quod peteret simul atque rediret, et sic ad matutinas abiit. Illa vero quasi furibunda domi remansit, et accessit ad juvenem quemdam sui mariti fratrem, in eadem domo dormientem, petens ab eo ut se cognosceret. Qui nolens ei acquiescere, tum propter temporis venerationem et sanctitatem, tum propter incestum, quod illa impudenter petebat, prorsus se facturum denegavit, atque iterum hic obdormivit. Tum mulier ob repulsam, quam passa fuerat, vehementius ardens, dormientem juvenem obruncait. Viro autem redeunti domum omnem rem narrat ordine, inquiens: « Hujus mali tu auctor es, qui hæc me facere coegisti. » Proinde longam, multamque ambo egerunt pœnitentiam, nec ideo sunt separati.

Quare hac in parte intelligendum est, virum mulieri in omnibus præesse, et in mulierem omne habere imperium, exceptis genitalibus, in quibus utriusque par est et dominium et imperium. Unde dicitur: *Vir non habet potestatem suæ carnis, sed mulier; nec mulier sui corporis, sed vir* (*I Cor. vii.*), hoc est genitalium; sic enim exponit Augustinus. Hinc etiam est quod sacerdotes non habeant mulieres. Si

enim haberent, quotiescumque ab iis debitum exigerent, istud solvere tenerentur, et sic non possent infra tres dies sequentes altari ministrare. Ac scendum præterea est quod tribus diebus Pascha sequentibus plane sit feriandum; sed quarto die licet viris rustica exercere opera, feminæ autem debeant a nendo abstinere. Magis enim sunt necessaria ea quæ ad agrorum culturam pertinent, quam ista alia. Unde Gregorius: « Melius est, inquit, fodere et arare die Dominicō, quam ducere choreas. » Ex hoc sane fieri dicimus, quod singuli isti dies propria et peculiaria habeant officia et propria responsoria, alia autem non item, sed quasi per quamdam accommodationem. In hac porro septuaginta nihil legendum est ex Veteri Testamento, sed quilibet dies sua habet officia. Nec cantandum etiam est, *Quicunque vult*, quia hoc tempus significat futurum illud tempus, quod adfere post resurrectionem credimus, quando omnis fides, omnis spes omnino destruetur. Post officium autem hic versiculos dicitur, scilicet, *Domine, probasti me et cognovisti me* (*Psal. cxxxviii.*), et quidam tacent *sessionem meam* (*ibid.*). Sed tamen utrumque dici potest, quo indicatur duplex in Christo nativitas. Bifariam prima cantari potest, aut brevius, aut prolixius. Prolixius quidem, cum plena esse dicitur, fitque in litania et cum precibus. Brevius autem, cum minus plena esse appellatur, ac sit vel tantummodo cum precibus et sine litania, vel sine litania ac sine precibus. Atque hec est, quam hisce diebus canimus sine precibus, et omnino brevius quam alio tempore.

Magna item in communicandis cautione opus est, ut videlicet sacerdos prius audiat confessionem eorum qui sunt communicaturi, et si quis adversus fratrem suum odium vel criminale aliquid habeat, admonendus prius est ne communicet antequam fratri suo reconcilietur. Sed si hujusmodi aliquis se cum aliis imprudenter ingerat, non est ei negandum, nec agendum ut quidam agant, qui hostias habent et consecratis, et non consecratis ita ut si aliqui accesserint, qui fraternali odium exercuerint, vel aliquid criminale, communicent de non consecratis, verum eos graviter peccare satis manifestum est. Fallunt enim eos, quanquam non minus, imo magis peccant alii qui sumunt, cum sponte et voluntarie rei sint. Nam putant se verum corpus sumere, et non pertimescant illud sumere indigne. Debet ergo sacerdos panem habere consecratum, ut si tales accesserint illo etiam pane communicent. Quatuor autem modis communicatur in Ecclesia, vel sumendo corpus Domini, vel pacem dando, vel benedictionem accipiendo, vel etiam sub finem missæ cum dicitur: *Hunc igitur nos ad benedictionem.* Quod ideo institutum est, ut si quis hoc modo non communicet, saltem illo. In primitiva enim Ecclesia præceptum erat ut singulis diebus corpus Domini sumeretur: postea vero crescente numero fidelium, ut singulis diebus Dominicis. Unde etiam nunc in Græcia sub anathæ-

B mate ponitur qui a tribus diebus Dominicis non communicaverit. Modo autem nos tenemur in tribus solemnitatibus, nimirum Paschate, Pentecoste et Natali. Appellatur autem prima illa solemnitas Paschæ agnus et transitus, salutandumque eo tempore est hoc modo: *Resurrexit Dominus.* Sic et eodem die in principio missæ populo est concionandum, vel post Evangelium: et admonendi sunt discordes ad concordiam. Ob quam quidem causam fieri putatur, ut cum Dominica Oratio in prima dicitur voce submissa, et alta et expressa eadem pronuntietur in missa, ut vel eo pacto adhortentur qui in fraterno sunt odio, et ad concordiam discordes excitentur, antequam communicent. Nunquam etiam magis indigne corpus Christi sumi potest quam ad eum modum.

CAPUT CXXI.

Expositio quorundam, que cum circa hoc tempus, tum alibi etiam observantur.

Quamobrem autem episcopi et alii ecclesiastici serii hisce paschalibus ludere possint, modo expositum est. Sed deinceps ut et alia nonnulla, quæ cum hic tum alibi, sicut explicemus, hinc ordiemur, videlicet apud quosdam hoc tempore aquarum fieri demersiones, ne quia tota Quadragesima vigilaverunt, his sanctis diebus velint dormire. Induimus autem hoc etiam tempore albas vestes, tum quod pueri regenerati eas habeant, tum quod eo die angelii in albis visi sint. Ob causas supradictas taceatur, *Quicunque vult*, et canitur *Credo in unum Deum.* Animadverte hic obiter, si forsitan vinum in calice congeletur, sacerdotem debere tantisper exhalare, donec glacies resolvatur. Quod si vero non possit eo modo resolvi, necessarium est ut igni apponatur. Sed si quid casu in calicem ceciderit, sive nimirum musca, sive aranea, certe quidquid illud est, omne istud sacerdotem deglutire oportet. Proinde vero Sabbatum sequens in Albis appellatum est, idque ex veteri consuetudine, cum eo die nigras vestes omnino deponebant atque induiebant albas, sed hoc nonnulli faciunt in Sabbato Paschæ. Statim autem Dominicō sequente novem lectiones cantandæ sunt: unde et historiam habent, videlicet, *Dignus es, Domine.* Sic enim fit Romæ. Nec his diebus flectenda sunt genua, sed recte orandum est, quia, ut inquit Ambrosius sub finem Lucæ, mulieres venerunt ad monumentum, nec flexerunt genua, sed recte inspicerunt sepulcrum. Nota interim non debere in festo B. Mariæ Annuntiationis sequentiam, quam etiam prosim appellata esse diximus, cantari, etiam causa devotionis, nec unquam nisi cantatur *Alleluia.* Moris enim fuit ut post *Alleluia* cantaretur neuma. Nominabatur autem neuma cantus, qui sequebatur *Alleluia.* Postea vero quidam Papa instituit loco neumæ dici sequentiam; quæ, quod *Alleluia* sequetur, sic appellata videri potest. Conceditur nihilominus, ut hoc tempore aliquis genua flectat, modo id non aperte, sed secreto faciat, et jejunet etiam qui velit. « Nam, ut ait Hier-

ronimus, utinam possemus omni tempore jejuna-re? Sunt autem prohibitæ in jejunio carnes, quem-admodum et ova, caseus, lac, quod, ut idem putat Hieronymus, hæc omnia sint carnes liquidæ. Beatus tamen Benedictus permisit ova, lac et caseos comedere, ut, quamvis libibinis quedam sint incitamenta, ad majorem tamen coronam et victoriam comedantur. Verum eis, qui jejunant pisces permissi sunt, sed, ut ait Hieronymus, pisciculi pauci: quo facile intelligitur, quod et parvi et pauci esse debeant. Dicitur autem tempus hoc Quinquagesima, quod per tempus hoc jubilei, quo plena erit libertas, et nostra nobis reddetur hereditas. Unde profecto et *Alleluia cantamus*. Verum genua non flectimus, in stantes oramus, nisi in litanii.

Ad postremum autem animadvertemus Pascha Iudaeorum fuisse figuram nostri Paschatis, et nostram vicissim significare Pascha futurum, quod erit in fine mundi. Quod ut pateat sciendum est duo esse opera Dei, scilicet opus creationis et opus recreationis. Opus creationis fuit in principio, cum Deus mundum et omnia que in ipso continentur, creavit. Opus vero recreationis fit quotidie; sed Deus illud maxime exercebit in die judicii, quando omnia innovabuntur. Tempori utriusque operis nostrum Pascha convenit et concordat. Et quidem tempore creationis, quia tunc angeli Dominum laudaverunt, unde dictum est Job: *Ubi eras cum astra matutina laudarent me, et omnes filii Dei jubilarent ante me* (Job xxxviii). Sic et nos in nostro Paschate C renati. *Alleluia* laudando Dominum cantamus. Tempus vero recreationis pari ratione nostrum Pascha e vestigio representat. Tres enim illi dies qui Pascha precedunt, indicant tempus Antichrixi, cui tres reges manus dabunt, cuique postea per eos septem sibi regna subjicient, et decem regna ejus imperio inservient. Nam apud nos quemadmodum illo tempore, videlicet ipso die Cœnæ penitentes in ecclesiam recipiuntur, eodemque die pedes, qui sunt corporis Christi extrema pars, lavantur, ita et Iudei aqua baptismatis extremo tempore mundabuntur. Vide reliquiae Israel salve flent (*Rom. ix.*). Die vero Parasceve passio recitatatur, sicut et tunc Ecclesia maxime persecetur. Tum enim solvetur Satanus, qui a passione Domini ligatus in inferno detentus fuit; utque hoc die cymbala non pulsantur, sic tunc concionatores sive prædicatores conticebunt. Quare et in tenebris Benedictus alta voce canitur, quia tum temporis Antichristo interfecto multi gaudebunt, ita ut ignis qui in tenebris modo videbatur penitus extinctus et postea elicitor, significet quod nimirum illo tempore in iis in quibus spiritus sancti ignis videbitur extinctus, rursum relucescat. Sic in Sabbato baptizantur pueri, et tunc baptizabantur Iudei. Ipso die resurrectionis in persona Christi cantamus: *Resurrexi et adhuc tecum sum* (*Psal. cxxxviii*), sed tunc dicemus illud ipsum in persona nostra, quando resurgentis transibimus ex hac mortalitate ad immortalitatem. De-

B A bent ergo in octavis Paschæ novem dici lectiones ex Apocalypsi, quod ostenditur per responsorium, *Dignus es, Domine* (*Apoc. iv*). Ideo enim responsorium nominatur, quia ut jam sepe dictum est, lectioni quæ praecessit, debet respondere. Nec est quod quis objiciat in ætate qualibet Dominica responsorium dici de Trinitate, cum tamen de ea nulla lectio recitetur. Fuit enim illud ita in primitia Ecclesia institutum ut videlicet singulis diebus Dominicis diceretur et lectio uona et responsorium de Trinitate. Sed quia lectio illa in dissuetudinem abiit, tantummodo responsorium remansit. Toto tempore Paschali non debemus flectere genua, nec ex necessitate jejunare. Sed ex pietate et devotione utique, ut diximus, licitum est. Nam tempus hoc paschale octavam significat ætatem, in qua erit perfectum gaudium omnibus sanctis. Unde est, quod hic non jejunamus, nec genua flectimus, sed stantes oramus, ac delicatius et laetius comedimus, nisi in duabus litanii, de quibus hic agendum est.

CAPUT CXXII

De litanii.

Primo ergo videndum est quid sit litanie, secundo cum sint due litanie, quare una dicatur major; altera minor, tertio quamobrem fuerint institutæ, quarto quemadmodum in his jejunandum sit et vestiendum, quinto et ultimo quid populus in litanie debeat cantare. Litanie interpretatur *Latine supplicatio sive rogatio*. Supplicatio dicitur, quia tunc Deo supplicamus ut a morte subitanea et ab omni adversitate nos defendat. Rogatio appellatur, quia tunc sanctos rogamus, ut pro nobis ad Dominum intercedant. Duæ sunt litanie, major et minor. Major fit in festo B. Marci evangeliste. Dicitur autem major, tum auctoritate institutionis, quod eam instituit Gregorius papa ejus nominis primus, qui et magnus Gregorius dictus est, tum auctoritate loci. Fuit enim instituta Romæ, et publico decreto sancitum ut ubique celebraretur. Alia litanie nominatur minor, quia a minori instituta fuit, scilicet a B. Mamerto episcopo, idque Viennæ. Atque hæc non celebratur nisi in Ecclesia Cisalpina. Quare autem fuerit instituta prior litanie, hanc reddit causam Paulus Montiscasinii monachus, Longobardorum historiographus. « Nam, » ut inquit ille, « tempore Pelagi papæ tanta fuit aquarum inundatio in universa Italia, ut aqua ascenderet ad superiores usque fenestras templi B. Zenonis, quod erat Veronæ, nec tamen miraculose aqua templum influit. Ex qua inundatione per Tyberim affluxit in agros multitudine serpentum, inter quos exstitit maximus draco, et orares per duo ostia Tyberis intrarunt mare. Ex horum serpentum venenato astutus et maxime istius draconis, corruptus est aer et infectus usque adeo ut inde gravissima pestis inguinaria nata sit, qua homines pessim moriebantur. Tum Pelagius papa indixit jejunium, et præcepit ut processionem institerent; quod ita factum est. Sed in ipsa processione ipsem cum septuaginta aliis exspiravit. In ejus

autem locum institutus est Gregorius magnus, qui hujusmodi litaniam ubique terrarum observari præcepit

De secunda litania quæ per triduum celebratur, ait Gregorius episcopus Turonensis, « quod tempore Beati Mamerti Viennæ et circa Viennam fiebant crebro terræmotus et tanti etiam, ut vel maximæ domus et multæ ecclesiæ inde collapse sint et corruerint ; quæ tempestas toto anno duravit. Sic etiam Sabato paschali, dum ipse Mamertus divinum celebraret officium, igne cœlitus demisso, combustum est civitatis palatium. Præterea bestiae, ut lupi et apri ex silvis in civitatem exhibant, atque homines devorabant. Pro his ergo incommodis Beatus Mamertus triduanum indixit jejuniunum, ad similitudinem Nini vitarum. præcepitque ut processione ficerent, ut quemadmodum illi per triduanum jejuniunum urbis evaserunt subversionem, ita hi liberarentur ab istiusmodi adversitatibus : quod ita factum est. » Gregorius autem ille, cuius paulo ante mentionem fecimus, legitur statura fuisse admodum exigua, usque adeo ut cum forte Romanum veniret, omnes ipsum parvipenderent, atque ipse etiam papa miratus ficerit quod tam parvus homuncio factus esset episcopus, ad quem ille honeste respondit : *Ipsæ Deus fecit nos, et non ipsi nos* (*Psal. lxxxiv.*). Simile quidplam dixit beatus Hilarius cuicam ipsum vocanti gallum : « Non sum, inquit, natus Gallus, sed ex Gallia ; et tu es Leo, sed non ex tribu Juda ; sic enim vocabatur

CAPUT CXXIII.

De institutione et modo litaniarum.

Instituit igitur B. Mamertus, ut singulis annis hac litaniam tribus diebus continuis in Ecclesia Cisalpina celebraretur, quod ita Romæ fuit canonizatum. Papa etiam Liberius instituit ut pro fame, pro peste, pro clade, et hujusmodi adversitatibus imminentibus semper litanias sacerdentes, ut sic illa per supplicationes, orationes et jejuniua evitaremus. Vocantur autem haec processiones litanie, Graeco vocabulo propter auctoritatem Græci sermonis, sicut Pascha et Pentecoste. In his litanis jejunandum est cibo quadragesimali, in vestibus pœnitentialibus. Nam et omnes illo die a mundanis operibus prorsus abstinere debent, etiam et servi et ancillæ, ac interesse tantisper processioni, donec ipsa celebretur : ut quemadmodum omnes peccaverunt, ita etiam omnes pro venia supplicant. In hujusmodi autem processionibus itur in magnis ecclesiis septimo ordine, unde septiformes dictæ sunt. In primo ordine sunt clerici, in secundo monachi et canonicæ, in tertio ieroniales, in quarto pueri, in quinto laici proiectæ et statis, in sexto viduæ, et in septimo conjugati. Sed quod nos non possumus in numero personarum, id supplemus in numero litaniarum. Septies enim litaniam dicere debemus. Ubi obiter animadvertemus quod Rupertus Tuitiensis abbas dixerit ultimam litaniam multis annis in-

A cœpisse ante primam. Nos autem has litanias ideo maxime hoc tempore facimus, quoniam tum præcipue bella exoriri soleant, et terræ fructus, qui adhuc sunt teneri, vel in llore, corrupti injuria nebularum, vel pluribus aliis modis possint. Ut ergo Deus haec omnia avertat, instituimus litanias, continuantes ultimam Ascensioni, ut per jejunium et orationes Christum sequi, et ad cœlos ascendere mereamur. Draco qui triduo illo deportatur inflata et longa cauda duobus quidem diebus ante crucem et vexilla, postea ultimo retro, significat diabolum, qui tribus temporibus ante legem, sub lege et tempore gratiæ, quæ per hos tres dies indicantur, homines fecelliit, aut fallere conatur.

Primitus duobus temporibus quasi erat dominus orbis, unde Christus eum vocat principem mundi (*Joan. xiv.*). Tempore vero gratiæ per Christum fuit devictus nec audet ita aperiæ regnare, ut prius, sed per suggestiones homines latenter seducit, quos pigros, et remissos videt in bonis operibus, nec viam vite sectantes, sicut in deserto debiles et infirmos, et eos, qui remanebant ultimi, hostes a tergo venientes, quasi aberrantes interficiebant. Inde profecto est quod primis duobus diebus præcedit, et ultimo sequatur. Ipse est draco et leo. Draco modo est, quia homines non ita aperiæ, sed latenter decipit. Leo erit tempore Antechristi, quoniam tunc manifeste sævit in nomen Christi. Draco fuit, quando Christum super pinnaculum templi ubi multos ante per vanam gloriam seduxerat, latenter fallere voluit, et tentavit inquiens : *Si Filius Dei es, mitte te deorsum* (*Matth. iv.*). Et quasi hoc facere posset secure addidit : *Quoniam angelis suis mandavit*, etc. (*Psal. lxxxix.*) Bene enim intelligebat Scripturas; sed quod sibi malo erat subticuit, vide-licet, *Super aspidem et basiliscum ambulabis*, etc. Leo autem fuit in passione Domini, cui ipsum crucifigere etiam curavit, de illo ait Joannes in Apocalypsi : *Ecce draco magnus rufus habens capita septem et cornua decem, et in capitibus suis diademata septem et cauda ejus trahebat secum tertiam partem stellarum*. (*Apoc. xii.*) Per stellas hic significantur homines qui tripartito dividuntur : in perfectos, imperfectos et reprobos. Tertiam ergo partem stellarum trahit secum diabolus, nimurum reprobos ; nam hi sunt cauda illius. Alibi vocat eum Christus Satanam : *Videbam Satanam tanquam fulgor de cælo cadentem* (*Luc. x.*). Et ad Petrum inquiens : *Vade retro me, Satana* (*Marc. x.*). Non est autem intelligendum quod vocet eum diabolum, sed *adversarium*, quod interpretatur Satanam. Haec enim ejus loci mens et sententia est : *Vade retro me, Satanas, id est, sequere me per imitationem passionis* : *Noli disturbare passionem meam*. Vel certe haec videbat enim Christus, ut ait B. Hilarius, dæmonem in aurem Petri suggestentem, ut impedit suam passionem et ait ei : *Satan, satan*. Ac si diceret : *Nequidquam et frustra laboras*. Et conversus ad Petrum dixit : *Vade retro me, id est, sequere, imitando meam passionem*.

CAPUT CXXIV.

De festo apostolorum Philippi et Jacobi.

Nunc dicendum est de quibusdam solemnitatibus, quae hoc tempore in Ecclesiis celebrantur, videlicet de festo S. Philippi et Jacobi, et omnium apostolorum (sic enim est in magnis et plenis kalendariis) de Inventione S. crucis, de festo Joannis ante Portam Latinam, et B. Mariæ ad Martyres, et de commemoratione sancti Michaelis. Hoc ergo tempus, ut prædictum est, significat octavam ætatem, ubi bonum quod erit in dispari claritate singulorum, et futurum est omnium. Unusquisque enim gaudebit perinde ob alterius bonum ac propter suum, bonum omnium erit singulorum. Quare cum tempus hoc maxime solemnitatibus conveniat, cumque in primitiva Ecclesia apostoli non haberent particulares solemnitates, statutum fuit ut ipsis Kalendas Maii celebraretur solemnitas in honorem omnium apostolorum. Hoc etiam die festum est Philippi et Jacobi, idque adeo quia forte illo die passi sunt. Hic Jacobus Minor appellatus est, non utique ætate, sed vocatione, sicut fit inter monachos; ut qui ante factus est monachus etiam si vel puer sit, tamen præcedat eum, qui quantus sit postea coenobium ingressus est. Dicitus est præterea frater Domini, vel quia similis erat ei faciei, ut dicitur, vel ideo, quia erat filius Alphæi, fratris Josephi viri beatæ Mariæ, et Mariæ sororis ejus. Et qui ita ex utraque parte sanguinis sese contingebant, apud Judeos fratres vocabantur. Jesus autem putabatur esse Josephi filius. Hic Jacobus dictus est primus post passionem Christi Jerosolymæ missam celebrasse, et Petrus Antiochiae. Idem hic Jacobus factus est episcopus Jerosolymitanus, qui cum nomine Christi prædicaret, et publice fatigetur, præcipitus est a Judæis e pinnaculo templi, et perticam fullonis interfactus. Alter vero Jacobus Major, appellatus est, et vocatione et dignitate, quia familiarior fuit Christo. Ad secreta enim sui operis eum vocabat, ut quando transfiguratus est, et quando mortuum suscitavit in domo.

CAPUT CXXV.

De Inventione sanctæ crucis.

Cruce Domini inventa ab Helena matre Constantini per Judam, ut narrat historia, festum ejus primo celebratum est Jerosolymæ. Sed Eusebius papa trigesimus a B. Petro illud postea ubique terrarum celebrari præcepit. Judas ille, per quem crux inventa fuit, legitur postea ad finem fuisse conversus, et appellatus mutato nomine Quiriacus, creatusque tandem episcopus Jerosolymitanus. De quo quidem diabolus, cum alterum sibi amicum expectaret, sic dixisse fertur: « Per Judam Christus morti traditus est, et per hunc Judam Christus mortuus exaltatus, sed brevi Julianus amicus meus rex erit, qui me de illo egregie vindicabit. » Quod sane ita factum est, ut qui ipsum interfecit, quemadmodum dicitur. Ferunt Julianum hunc monachum fuisse, et magnum religionis simulatorem,

A deo ut quædam mulier tres ollas auro onustas, ita ut in earum orificeis aurum cinere cooperiretur, ne facile inveniretur apud eum deposuerit, ejusque fidei concrederit. Quando quidem virum illum sanctum esse credebat, nec tamen confessa est in iis aurum inesse. Sed eo invento ab illo et surato ollas cinere implevit, et mulieri requirenti depositum reddidit. Cum vero Paulo post mulier aurum sibi quereret, nec inveniret, non potuit, quod ipse haberet, convincere, quod de auro nullos habebat testes. Nam alii monachi, ad quorum testimonium ollas tradiderat, nihil in eis præter cineres viderant, atque ita aurum obtinuit. Quo cum Romam fugisset, et frequenti tempore consulatum obtinuisse, factus est imperator. Qui cum magicæ artis a puero peritus esset, ac eam multum adamaret, plures sibi magistros ascivit. Cum ergo quodam die absente suo, magistro solus domi mansisset, ac legere inciperet dæmonum conjurations, convenit ante ipsum magna multitudo demonum, qui omnes erant nigri ut Æthiopes. Tunc ille præ timore fecit signum crucis, et omnes illico evanuerunt. Quod cum Julianus magistro suo referret querenti quid ipse vidisset, dixit ei magister, signum illud dæmones maxime odio habere. Electus ergo hic in imperatorem, et adhuc ejusrei recordans, cum artem magicam exercere vellet, factus est apostata. Signa crucis ubique destruxit, et Christianos, quantum potuit, persecutus est credens, aliter fieri non posse ut sibi dæmons obtemperarent. Quare etiam tunc Judam modo appellatum Quiriacum interfecit, per quem crux fuerat inventa.

Legimus præterea militem quemdam similiter Quiriaccum vocatum hunc Julianum interfecisse. Nam cum hic per Epheson suum duceret exercitum alias gentiles expugnaturus, qui adversus eum et Romanos insurrexerant, et videret isthic quamdam abbatiam, mandavit eis ut sibi prandia pararent. Sed hi plane negaverunt tum quia apostata esset, tum quia pauperes erant. Tunc ille ad hæc ita excedens, eis rursus nuntiavit se, priusquam annus finiretur, locum istum deleturum, eosque interfeturum, et omnino effecturum ut isthic segetes succrescerent. Quo sane auditio timuerunt monachi, sed abbas eorum vir sanctissimus eos in Domino confortavit, et effecit ut sua conformatio jam ad martyrium essent parati. Quadam vero nocte, cum abbas in oratione persistaret, visa est ei beata Maria monasterium aperire, et ad tumulum cuiusdam militis, qui dicebatur Quiriacus, quique mortuus erat nondum septem diebus et isthic sepultus, venire ac ei ut inde surgeret et se armaret ac de Juliano eam vindicaret præcepisse. Tum ille surgens, se armis suis, quæ adhuc in templo affixa erant, induit, et equum suum, qui adhuc in stabulo erat, vidente abbate ascendit, et ad fines Juliani se contulit. Sequenti die quæcumque viderat abbas, suis monachis narrat ordine. Qui militis tumulum aperientes, ut rem probarent, nec invenerunt cor-

pus, nec equum, nec arma. Tertia vero die con-
fligente Juliano cum suis hostibus, interfectus est
a predicto milite, et sequenti nocte miles, vidente
abbate, ad sepulcrum suum rediit, equumque et
arma in locis suis reposuit. Post hunc Julianum
fuit Cyprianus homo gulæ et luxui deditus, qui ad
beatam Justinam virginem, cum ad suam luxuriam
concitare vellet, misit quemdam dæmonem, qui
luxusmodi immunditiae præterat, sed signo crucis
repulsus est. Misit rursus alium fortiorum, qui
codem modo crucis signo se devictum fatebatur,
ita ut hinc Cyprianus ad fidem conversus sit.
Tantæ polestatis est crux Christi, per quam ille nos
plane immeritos æternæ felicitati restituit.

CAPUT CXXVI.

De sancto Joanne evangelista ante Portam Latinam.

Nero interficerat Petrum et Paulum. Quo mortuo, successit ei Vespasianus, atque ei Titus, cui postea Domitianus. Sub hoc beatus Joannes evangelista profectus est Romam, ut isthic verbum Dei concionaretur. Domitianus autem ipsum poni curavit in dolium ferventis olei plenum ante Portam Latinam, sic enim vocabatur. Sed B. Joannes nullam isthic sensit læsionem, divina gratia ipsum protegente. Quantum tamen ad illum attinet, martyr fuit. Quapropter festum de illo agitur, non secus ac si martyrium ibi sustinuisse. Tum a Domitiano in Pathmos insulam deportatus est. Sed tandem a Nerva imperatore revocatus est. Notemus hic tres tantum apostolos vivos fuisse Romæ, Petrum nempe, Paulum et Joannem : ac tres item evangelistas, Joannem, Marcum, et Lucam. Præterea animadvertamus Christi apostolos sive discipulos non ideo fuisse passos, quod Christum prædicabant, sed quod ipsum deificabant ac Deum esse aiebant sine Romanorum auctoritate; quod ipsi prohibuerant.

CAPUT CXXVII.

De festo B. Mariae ad Martyres.

Cum singula Romanorum idola non possent templum Romæ habere, fecerunt Romani unum templum omnibus idolis, quod dictum est Pantheon. Illud templum imperavit dari Ecclesiæ Christi Bonifacius quartus Papa a Phoca Cæsare Constantiopolitano imperatore, et illud, rejectis idolis omnique eorum spurcitiæ, dedicavit in honorem B. Mariæ et omnium martyrum (nondum enim siebant festa confessoribus); et statuit ut singulis annis celebraretur illo die festum martyrum, sicut ipsis Kalendis Maii festum apostolorum. Sed quia in illo mense non est tanta copia victualium, ut in aliis (solet enim tunc annona deficere) et populus qui confluentebat ad illa solemnia, propter inopiam ciborum quandoque non poterat bene celebrationi vacare ; ideo Gregorius Milor, qui ejus nominis quartus fuit, duo hæc festa transtulit, et ea Kalendas Novembres, quando major est rerum copia, fieri instituit. Nec solum apostolorum et Martyrum, sed etiam Trinitatis, omnium angelorum et archangelorum, patriarcharum, prophetarum et aliorum

A sanctorum atque sanctorum, velut festum generali, ejus officium ordinavit,

CAPUT CXXVIII.

Quare non celebremus festa sanctorum qui cum Christo surrexerunt.

Quærerit quare non celebremus hoc tempore festa sanctorum qui cum Christo surrexerunt, vel cum illo in coelos ascenderunt. Debemus enim de eorum glorificatione gaudere et solemnizare, sicut de aliis sanctis, cum certi simus eos ascendisse. Verum ejus rei ratio talis est. De morte eorum non solemnizamus, quia ad inferos descenderunt : de glorificatione autem in anima festum aut in Pascha aut saltem in ascensione Domini deberemus celebrare, sed non possumus propter auctoritatem et magnitudinem officiorum illorum dierum. Obumbraretur enim eorum festivitas dignitate majoris solemnitatis. Quemadmodum si cum rege veniret alicujus familiaris, propter presentiam regis non tam diligenter ei obsequeretur, quam si solus veniret. Ideo ergo statutum est ut aliis anni temporibus, iis diebus quibus ecclesiae sibi dedicatee fuerint, festa illorum celebrentur, ut festivitas beati Joannis Baptiste sub finem Augusti, qui tamen circa Pascha mortuus est. Propter eamdem sane rationem festum beati Jacobi Compostellæ in Julio observatur. De festo beati Petri ad Vincula alibi dicetur. Animadverte ergo quod festa sanctorum Veteris Testamenti, ut Abrahami, Isai, Jacobi, Davidis, Danielis et aliorum in Græcia et Venetiæ colantur, habeantque isthic suas ecclesias.

CAPUT CXXIX.

De sancto Michaeli.

De festo S. Michaelis dicimus, quod hoc tempore barbari Apuliam ingressi sint, eamque misere depopulati. Quare Christiani in dicto jejunio triduano auxilium S. Michaelis imploraverunt. Et cum essent congregati instructaque acie exercitum adversus hostes producerent, apparuit eis sanctus Michael, quasi illis auxilium præstans : tum hostes versi sunt in fugam. Quia ergo per beatum Michaelem victoriæ obtinuerunt, ideo statutum est ut eo die semper festum ejus celebraretur.

CAPUT CXXX.

De varietatibus hujus temporis.

Dicto de festis, considerandæ sunt quædam hujus temporis varietates. Sunt enim hæc tres septimanæ quasi propriis vocabulis nuncupatae. Prima est paschalis, secunda in albis, tertia exspectationis, illa videlicet quæ est post Ascensionem Domini. Prima dicitur sanctificata, quia homines per baptismum sanctificati tota illa septimana vestem gerunt in qua baptismum suscepunt, quæ significat primam stolam. Secunda septimana appellatur in Albis, quoniam tunc baptizati altero Sabbato vestes baptismi deponentes, albas induunt vestes. Vel quoniam tunc solent illi qui baptizati sunt confirmari ab episcopis, et alias alias vestes induere, usque ad sequens Sabbathum. Vel certe ideo nomi-

natur in Albis, quia significat vitam æternam in qua utraque stola vestiemur. Tertia tandem nuncupata est, ut diximus, septima exspectationis, quod repræsentet tempus illud quo apostoli exspectaverunt adventum Spiritus sancti. Atque hinc animadvertisimus quosdam solere jejunare ab Ascensione usque ad Pentecosten, quia apostoli eo tempore dicuntur jejunasse Sed D. Gilberto videtur non esse jejunandum, quod ad Paschale tempus pertinet. Alia item varietas hic est attendenda. Septimana enim paschalis non protenditur nisi usque ad Sabbathum in Albis, atque ita Pascha pro octavis sex duntaxat dies habet. Septimana in Albis incipit a Sabbatho in Albis, et finitur in altero Sabbatho, et sic durat octo diebus. Octavæ Ascensionis cum deberent terminari v, Feria ante Pentecosten. Nam licet duo dies qui octavis supersunt, ad missam officium suum facile possint ab Dominica accipere, tamen non haberent ad nocturnos invitatorium vel responsoria, nisi ab Ascensione Domini illa peterent. Unde profecto decem illi dies pro una octava reputantur. Nec id quidem mirum cum totum Paschale velut una habeatur octava, quemadmodum etiam tempus illud a Nativitate Domini usque ad octavas Epiphaniae.

CAPUT CXXXI.

De Pentecoste.

His breviter de Paschali tempore expositis, de Pentecoste Domini deinceps agendum est. Populus Israeliticus quatuor præcipue celebrat solemnitates, Pascha scilicet, quia tunc eos Dominus liberavit ab Ægyptiorum servitute, et a percussione angeli, aspersis iunaculati agni sanguine postibus. Non enim fuit domus alicujus Ægyptii, in qua non mortuus aliquis consiperetur. In domibus vero Hebreorum minime. Celebrant præterea Pentecosten, quia tunc acceperunt legem, et Scenopegiam in Septembri, quæ interpretatur *fixio tabernaculorum*. In hieme denique celebrant Encænia, id est *dedicationem templi*. Nos autem tantum duo istorum servamus, Pascha videlicet et Pentecosten, sed alia ratione atque illi : illi enim celebrant Pascha, quod tunc ab Ægyptia servitute fuerint liberati : nos ideo Pascha celebamus, quia tunc per Christum redempti sumus. Illi celebrant Pentecosten, quod tunc legem acceperunt; nos ideo, quia tunc accipimus Spiritum sanctum. Illi acceperunt legem in tabulis lapideis extrinsecus scriptam. In tabulis quidem lapideis, ad designandum eorum duritiem; extrinsecus vero scriptam, quod littere spiritualem intelligentiam non pertingebant. Sed Spiritus sanctus datus est septuaginta duobus discipulis, in corde digito Dei intus spiritualem intelligentiam eis dictante. Verum animadverte aliud esse Pentecosten, aliud quinquagesimam, itemque quinquagesimam multifariam accipi. Est enim quinquagesima dierum annorum, psalmorum, personarum et denariorum. Rursus quinquagesima hæc dierum triplex est. Est enim una a Dominica, quæ vulgo

A appellatur *Esto mihi*, usque ad Pascham; alia a Paschate ad Pentecosten, et tertia, a Sabbatho in Albis usque ad Sabbathum post Pentecosten. Prima est penitentiae et afflictionis, secunda letitiae et exultationis, tertia velut figuræ : præfigurat enim octavam ætatem, in qua utraque stola induemur. Ex quo quidem sit quod duo *Alleluia* illa quinquagesima cantamus, quorum primum significat corporis stolam, secundum animæ. Sic quoque tres sunt psalmorum quinquagesimæ, prima est a *Beatus vir* usque ad *Miserere mei*; secunda a *Miserere mei* usque ad *Domine, exaudi*; tertia denique a *Domine exaudi* usque ad *Omnis spiritus laudet Dominum*. Hæ quinquagesimæ dies diluvii significant. Tot enim diebus aquarum fuit inundatio, scilicet centum et quinquaginta diebus. Idèo autem tres quinquagesimas psalmorum cantamus, ut Deus a tali nos diluvio et ab omni malo defendat. Quinquagesima porro annorum erat jubileus. De quinquagesima personarum habetur in Genesi, ubi Abraham in hunc modum a Domino querit : *Si septuaginta, inquit, in populo inveniantur justi, nunquid eis parces?* (*Gen. xviii.*) Ita, respondit Deus, et sic postea de sexaginta, et quinquaginta, usque ad decenni (*ibid.*) De quinquagesima vero denariorum habetur in Evangelio, ubi de duabus agitur debitoribus, quorum unus debebat centum denarios, alter quinquaginta. Sed hæc de illis dixisse satis sit.

Dicitur ergo Pentecoste *πεντηκοστή* quinquaginta, quod dies hæc a resurrectione Domini distat quinquaginta diebus. Hinc *πεντηκοστής* Latine dicitur quinquagesimus. Sicut enim populus Israeliticus quinquagesimo die a Pascha, quod celebraverunt in Ramasse, venerunt ad montem Dei Iloreb vel Sina, quod idem est, et legem tunc acceperunt (*Exod. xx.*), ita die quinquagesimo a passione Domini Spiritus sanctus discipulis in superiori cœnaculo adventum ejus exspectantibus datus est in linguis igneis. Et in linguis utique, ut in omni genere linguarum et sermonum facundi essent (*Act. ii*); in igneis vero ideo, ut inflammarentur amore charitatis. Datus est igitur Spiritus sanctus discipulis, cuius gratia est septiformis, quoniam numerum scilicet septenarium, maxime observant Judæi in omnibus, idque non sine specie figuræ. Ipsi enim celebrant septimum diem, videlicet Sabbathum; septimum septimanam, nempe Pentecosten; septimum mensem, nimurum Septembrem, qui apud eos fere habetur celebris; et septimum annum, utpote qui servi a Judæis manu mittebantur, si vellent. Si autem aliquis manumitti non vellet, sed in domini servitute remanere, is ad postes tabernaculi vel templi ducebatur, atque ejus aures subula perforabantur, quod erat signum servitii, ne amplius manumitteretur, si forsitan postea ex servitute manumitti vellet. Sic quoque hoc anno quæcumque terra ex se gratis procreabat, erant communia. Non enim celebatur eo anno. Pari ratione nos septimo die, videelicet in Sabbatho, baptismum celebamus. Sabbathum enim requiem significat, et nos per baptismum sab-

baptizamus, id est requiescimus, quoniam quando A homo baptizatur, habet anima ejus quietem, cum per Spiritum a vitiis emundata in fidei unitate quietescit. Scindendum ergo est duobus tantum Sabbatis regulariter baptismum celebrari. Sabbato videlicet paschali, et Pentecostes : paschali quidem Sabbato, quoniam in passione Christi omnes baptizamur, hoc est redimimur ; Sabbato vero Pentecostes, quia tunc per Spiritum sanctum mundamur et sanctificamur. Atque hujus quidem Sabbati officium nunc tractandum est.

CAPUT CXXXII.

De officio sabbati Pentecostes.

Officium hujus diei nihil discrepat ab officio sabbati Paschæ, excepto quod in eo prima lectio sit de Adamo. id est de mundi creatione. Hic vero prima est de Abrahamo. Et huic quidem lectioni de Abrahamo, canticum subjungitur, illi vero de Adamo, non utique. Duæ hæc lectiones illos duos parentes significant, quorum unus fuit pater erroris et deviationis, scilicet Adamus; alter fuit pater fidei et revocationis, videlicet Abrahamus. Lectioni de Adamo non subjungimus canticum, quod ille non bene nobis cecinerit, quoniam transgressus est Dei mandatum. Unde non respondemus ei, quasi nobis male cantanti. Quod autem male cantaverit ex eo patet, quod ei dictum est : *Maledicta terra in opere tuo* (*Gen. iii*). Lectioni de Abrahamo canticum subjungimus, ut qui bene nobis cecinerit, unde ei dictum est : *In semine tuo benedicentur omnes gentes* (*Gen. xii*). Tacentur autem hac die tituli, propter parvulos qui necedunt cognoscunt auctores Novi et Veteris Testamenti. Missa hoc sabbato ita incipit, quemadmodum sabbato Paschæ videlicet per *Kyrie eleison*. Proinde *Gloria in excelsis* tam hoc, quam illosabbato canitur, atque etiam die Coenæ, sed non nisi in illa ecclesia, in qua consecratur chrisma. Alibi enim cantari non debet. In vesperis denique hi dicuntur Psalmi : *Laudate, pueri, Dominum* (*Psal. cxii*) ; *Laudate Dominum, omnes gentes* (*Psal. cxvi*) ; *Lauda, anima mea, Dominum* (*Psal. cxlv*) ; *Laudate Dominum quoniam bonus* (*Psal. cxlvii*) ; et *Lauda, Jerusalem, Dominum* (*Psal. cxlviii*).

CAPUT CXXXIII.

De jejunis Quatuor Temporum.

Dicendum modo est de jejunis primitiarum, quæ in septimana Pentecostes solent contingere. Et primo quidem de origine, secundo de institutione, tertio de nomine et ejus ratione, deinde de officio, et ultimo de ordinibus quæ in iis celebrantur, oportet dispiciamus. Origo istorum jejuniorum sumpta est ex Veteri Testamento. Sicut enim populus ille Deo ex omnibus rebus suis dabat primitias, sic nos ex temporibus primitias, et non solum ex temporibus, sed etiam ex omnibus quæ possidemus dare debeamus. Nunc sequitur de institutione.

(9) Dist. 66.

CAPUT CXXXIV.

De institutione jejuniorum Quatuor Temporum.

In primitiva Ecclesia fuit institutum ut jejunia haec quoque anno ter fierent. Sed Calixtus papa instituit (9) ut quater fierent, sumens rationem ex Veteri Testamento. Iudei namque quater jejunabant in anno, ante Pascham, Pentecosten, Sce-nopegiā, id est ante fictionem tabernaculorum in Septembri, et ante Encænia, id est dedicationem in Decembri. Præterea si ter fierent, et tres dies singulis vicibus jejunarentur, anno diviso in tres partes remanerent semper aliquot dies, quorum primitias non redderemus. Sunt rursus et multæ aliae rationes, quamobrem quater sunt in anno. Una est quod in humanae naturæ constitutione quatuor sunt qualitates, ut pote quod simus calidi, frigidæ, humidæ, sicci, ex quibus qualitatibus quilibet peccandi petit delectationes. Ut ergo quatuor has qualitates a peccandi libidine refrenemus, quater in anno jejunamus. Vel talis etiam ratio reddi potest : Homo constat ex anima et corpore. Corpus autem consistit ex quatuor elementis. Sed anima tres potissimum habet proprietates, utti ratione, irasci, et concupiscere. Quare ut hæc in nobis moderentur, quater in anno tribus diebus jejunamus, ut quaternarius numerus referatur ad corpus, ternarius ad animam. Rursum, annus in quatuor tempora dividitur, quorum unumquodque tres habet menses. Quater igitur in anno jejunamus tres dies, pro quilibet mense diem unum. Est iterum alia ratio, cur quater jejunamus, ob quatuor videlicet anni temporæ. In hieme enim mandamus terræ semina, in vere arbores florescent et vineæ pubescunt, in æstate metimus nounellas fruges, et in autumno colliguntur uvæ. Quater denuo jejunamus, quia ut veteres quoque anno quater jejunabant quadragesimam diem, et nos his temporibus tres dies jejunamus. Dicuntur autem jejunia Quatuor Temporum, vel jejunia primitiarum, vel jejunia duplia, quia sunt tribus diebus, quibus solemus jejunare in una septimana. Sunt vero instituta, ut dictum est, a Calixto papa, et prima hujusmodi jejunia sunt in Martio, in prima videlicet septimana Quadragesimæ, ut in nobis marceant vitia. Non enim omnino possunt extingui. In æstate sunt secunda, nimirum in septimana Pentecostes, ut quoniam tunc venit Spiritus sanctus, et nos esse debeamus serventes spiritu. Tertia jejunia sunt ante festum sancti Michaelis, in tertia septimana Septembri, quod quemadmodum tunc arborum fructus colligantur, et nos quoque deceat Deo reddere bonorum operum fructus. Quarta postremo sunt in septimana, ante Natale Domini scilicet in Decembri, quia sicut tunc herbæ moriuntur, ita et nos oportet mori mundo, et renasci Deo.

In horum jejuniorum quarta feria dici debent duæ lectiones tono sive voce nocturnali : una ex Veteri Testamento, altera ex Novo, tono et voce

communi, ad significationem ejus, quod qui ordinandi sunt Sabbato sequenti, oporteat ut sint utriusque Testimenti periti. Idem indicat mitra episcopalibus per duo illa cornua (10). Debet enim hic utriusque Testimenti non esse ignorans, quo tanquam duplice cornu possit ferire fidei inimicos atque haereticos. Sexta jejuniorum feria, una duntaxat dici debet lectio, quod auctor Veteris et Novi Testamenti unus et solus sit Deus atque ex Veteri et Novo Testamento unum factum sit Evangelium. Sabbato autem quatuor recitantur lectiones, antequam celebrentur ordines, quarum prima pertinet ad populum, secunda ad Ecclesiae primatēs, tertia ad ministros, quarta ad omnes religiosos. Lectio Danielis ideo sequitur de tribus pueris, quod qui sunt ordinandi, in fide debeant esse probati, sicut illi fuerunt. Sunt autem hi circa tria potissimum inquirendi, circa naturam, utrum videlicet ex legitimo matrimonio sint procreati : circa litteras et circa vitam ac bonam conversationem. Notemus ergo hic quod archipresbyter ordinandos prius debeat offerre archidiacono : unde hic etiam dicitur vicarius, quoniam in hoc vicem supplet sacerdotum. Eorum enim esset hoc facere. Archidiaconi officium est eos examinare et scrutari in vita, in natura et honesta conversatione, atque ita eos tradere in manus scolasteris, cuius munus est periculum facere in litteris. Sic itaque diligenter inquisiti debent tradi in manus episcopi. Post lectionem Danielis subjungitur cantus *Benedicite*. Sed quare ad lectio-
nem Danielis non flectuntur genua, supra dictum est. Epistola Pauli deinde legitur, ad quam genua non flectimus, quoniam ad Novum pertinet Testamentum. Huic deinceps tractus subjungitur cum gravi cantu, quod ordinati graves esse debeant et constantes, ne facili superbiæ flatu aferantur. Obiter tamen animadvertere non permisum esse, ut eadem die bis aliquis ordinetur. Sed si necesse fuerit, potest ordinari Sabbato in diaconum, et Dominica sequenti in sacerdote, et postea in octavis Pentecostes potest consecrari in episcopum.

CAPUT CXXXV.

De tempore peregrinationis ac festis in eo contentis.

Ab hoc ergo Sabbato incipit tempus peregrinationis, quoniam sumus quidem in itinere quo venitur ad patriam, sed hostes et adversarios habemus antequam illuc perveniamus, nimirum carnem nostram, mundum et diabolum. Legimus hoc tempore librum Regum, ubi bella nobis proponuntur et victoria, ut et nos contra hostes fortiter pugnemus, et adepti victoriā in cœlis tandem coronemur. Et notemus obiter apud autores tribus potissimum nominibus appellari Judeos. Primo, quia vocantur recutiti, unde Isaías : Recutita, inquit, sabbata, id est Judaica, quoniam recisam verendorum cutem habent. Appellantur etiam Palæstini : unde Ovidius :

Terra Palæstino septima culta viro.

(OVID. *De Art. amat.* lib. I, vers. 415.)

(10) 23, q. 1, c. *Episcopus.*

A Et communī nomine Judæi ab Iuda filio Jacob, qui unus fuit ex duodecim patriarchis. Quantumvis enim duodecim fuerint tribus, quæ a duodecim filiis Jacob descenderunt, a Iuda tamen Judæi ideo sunt appellati, quod de regno Judæi hoc pacto prophetaverat Jacob : *Non deficit princeps de Iuda, nec dux de semibus ejus, donec veniat qui promissus est* (*Gen. xi. ix.*). De tribu autem Iuda venit Dominus noster Jesus Christus. Notemus præterea, quod aliisque sint octavæ devotionis, ut sancti Nicolai, et sanctæ Mariæ Magdalenæ, qui octavas non habent, sed quoniam sunt quarumdam ecclesiarum patroni, ideo eis sunt octavæ. Sunt et octavæ venerationis ut in magnis solemnitatibus ; et significationis, ut Petri et Pauli quæ secundam significant stolam quam habituri sunt, videlicet corporis glorificationem. Paulus historiographus diaconus Romanæ curiæ, monachus Cassiniensis, cum die quoddam paschalem cereum consecraret, fances ejus rauce factæ sunt, cum prius esset satis vocalis. Ut ergo vox ei restitueretur, in honorem S. Joannis hymnum hunc compositum : *Ut queant laxis, etc.*, unde in principio petit vocis restitutionem, sicut restituta est Zachariæ merito S. Joannis. De quo quidem dicemus, si primo festum Gervasii ac Prothasii breviter expussum. Et quidem hoc unum hic dicimus, quod in eorum officio cantatur : *Loquetur Dominus pacem in plebem suam* (*Psal. lxxxiv.*). Nec hoc sane sine causa tum temporis dicitur, quod in horum festo reformata fuerit concordia inter Longobardos et Romanum imperium. Cætera de illis historia plene perstringit.

CAPUT CXXXVI.

De Nativitate sancti Joannis.

Videamus igitur modo de ipsius S. Joannis Nativitate, et primo quamobrem nativitas ejus celebratur cum in peccatis fuerit conceptus. Nullius enim conceptio facta in amplexu maris et feminæ potest esse sine peccato. Quidam enim sunt sine patre et matre, ut Adamus, alii ex patre sine matre, cuiusmodi fuit Eva ; alii vero ex patre et matre, quod est frequentius, ut Abelus ; alii tandem ex matre sunt sine patre, qualis est Christus. Unde in persona illius dictum est : *Ego sum vermis et non homo* (*Psal. xxi.*), hoc est secundum legem vermium natus, non autem hominum. Sed animadvertisse hic hominem prius, ut ita dixerim, seminari, ac postea in vulva concipi, ibique carnem formari. Verum post quadragesima et sex dies creari animam, et corpori insundi, secundum theologos, quibus magis credendum est quam physicis. Celebratur ergo hujus nativitatem secunda, quando nimirum primo exit in lucem. Nam prima est, quando ipsa anima corpori insunditur ; secunda vero, cum prodit in lucem : quare juxta secundam, sine peccato fuit conceptus. Sanctificatus enim fuit in utero quemadmodum Jeremias, in cuius prophetia hoc ita continetur : *Antequam exire*

de ruita sanctificari te, etc. (Jer. 1.) Quod quidem in hujus figuram fortasse dictum fuit. Sed de quo genere sanctificationis hoc isthic dicatur Deus nō vit. Sunt qui putent de sanctificatione originali dictum fuisse, idque hoc pacto probare conantur, quod videlicet Spiritus sanctus puerum repleverit, atque adeo ut ex istiusmodi Spiritus sancti repletione, et repleta fuerit mater. Atqui si esset in originali, foret utique et in mortali. Ergo neque puer sancto Spiritu esset repletus, neque ejus mater. Nec vero refert, quod et mali quam plurimi prophetarunt ut Caiphas et Balaam, et quod asina etiam locuta sit. Verum contra videtur, quod ei peccatum illud originale remissum non fuerit. Dixit enim Joannes ad Christum: *Ego a te debes baptizari, et tu renis ad me baptizari (Matth. iii).* Ex quo intelligitur ipsum voluisse ablui a peccato originali. Sed intelligendum plane est ipsum hoc dixisse in persona Ecclesiae, in qua etiam opinione glossa est pervulgata.

CAPUT CXXXVII.

De vigilia sancti Joannis.

Festum sancti Joannis habet vigiliam, hoc est ejus festi dies praecedens dicitur vigilia vel ejus loco jejunium, quod vice vigiliarum est institutum. Fuit enim moris apud veteres ut in festivitatibus viri cum uxoribus et filiabus suis ad ecclesiam convenirent, atque isthic cum lumine et candelis vigilarent. Sed quoniam in his vigiliis crebro contingebat ut pueræ vitiarentur, ac malitiosi opportunitatem haberent, quo flagitia sua commode persicerent, ideo factum est ut vigiliæ mutarentur in jejunia. Unde etiam nunc antiquitatis nomen retinuit. Vocabatur enim vigilia. Celebratur autem Nativitas Joannis, tum propter historiam (habet enim Evangelium: *Et multi in nativitate ejus gaudebunt (Luc. 1),* quod observant Christiani et pagani) tum propter allegoriam et mysterium. Per Joannem enim significatur ortus gratiae, ex quo quidem fit ut tum magis solemnizemus propter mysterium quam propter ipsam personam. Credimus autem quod hic in utero sanctificatus est, sicut Jeremias, unde eo die de Ieremia legitur. Sed quo genere sanctificationis nec satis liquet, nec legimus. Plerique tamen affirmant ipsum ab omni peccato fuisse mundatum. Salvator autem attulit nobis ortum gratiae. Hunc Joannes præcessit annuntiatione, nativitate, prædicatione, passione, et ad inferos descensione. Officium ejus partim constat ex Veteri Testamento, partim ex Novo, quoniam ipse fuit finis Veteris et initium Novi. Fuit namque quasi lapis angularis, hoc est Novum et Vetus conjungens Testamentum. Quod autem hoc festo jejunamus, totum illud natum est ex sympathia quadam et compassione qua ei compatimur, quod jejunaverit in deserto, atque isthic vitam egerit admodum acerbam. Solent porro hoc tempore ex veteri consuetudine mortuorum animalium ossa comburi, quod hujusmodi habet originem. Sunt enim animalia, quæ dracones appellamus, unde in psalmo: *Laudate Dominum, de terra dracones (Psal. cxlviii),*

A nos thracones, ut quidam mendose legunt, scilicet terre meatus. Hæc, inquam, animalia in aere volant, in aquis natant, in terra ambulant. Sed quando in aere ad libidinem concitantur (quod sere fit), saepe ipsum sperma vel in puteos, vel in aquas fluviales ejiciunt ex quo lethalis sequitur annus. Adversus hec ergo hujusmodi inventum est remedium, ut videlicet rogus ex ossibus construeretur, et ita fumus hujusmodi animalia fugaret. Et quia istud maxime hoc tempore siebat, idem etiam modo ab omnibus observatur. Est et alia causa quamobrem ossa animalium comburantur, quod ossa sancti Joannis in civitate Sebastæ ab ethniciis combusta fuere. Consuetum item est hac vigilia ardentes deferri faculas, quod Joannes fuerit ardens lucerna, et qui vias Domini præparaverit. Sed quod etiam rota vertatur hinc esse putant, quia in eum circulum tunc, sol descendenter ultra quem progrederi nequit, a quo cogitur paulatim descendere, quemadmodum vulgi rumor de B. Joanne Christo adveniente ad summum pervenit, cum Christus putabatur, posteaque descendit ac fuit diminutus, ut vel ipse de se testis est: *Me, inquiens, oportet minui, illum autem crescere (Joan. iii).* Quod quidem propterea dictum esse nonnulli arbitrantur, quod tum dies incipient minui et decrescere, et in Christi nativitate crescere. Verum enimvero quia aliquando dies ante festum sancti Joannis decrescant, et ante natale Domini crescent, intelligendum est istud de nativitate in matre, quando scilicet uterque conceptus est. Conceptus enim est Joannes diebus decrescentibus, ut in Septembri, et Jesus crescentibus, ut in Aprili. Proinde missa hujus diei officium petit partim ex Veteri, partim etiam ex Novo Testamento, cum in eo quedam sint Testamenti Novi, quedam Veteris. Nam lex et prophetæ fuerunt usque ad Joannem (Matth. xi), ita ut hic fuerit tanquam in medio constitutus Veteris et Novi Testamenti. Postea tamen circumcisus est Christus. Eodem vero die et Joannes evangelista in fossam descendit, sed quia propter nativitatem B. Joannis Baptiste, ejus festivitas plene venerari non posset translata est ad Natale Domini. Quare cum neque ibi propter festum S. Stephani vigiliam habere potuerit, hinc esse dicimus, quod hoc die duplex missa anatur, altera quidem de vigilia evangelistæ, nimirum, *Justus ut palma florabit;* altera vero de vigilia Baptiste, quanquam dicere possimus vigiliam Joannis Baptiste plenum habere, et absolutum officium. Ex quo sane fieret, ut illo die non celebraretur vigilia sancti Joannis evangelistæ.

CAPUT CXXXVIII.

De festo apostolorum Petri et Pauli.

Hucusque de Nativitate S. Joannis ejusque vigilia actum est, sequitur deinceps festivitas duorum apostolorum, Petri videlicet et Pauli. De his magna est controversia, utrum eodem die passi sint. Henricus enim solitarius velle videtur eodem die eos, anno tamen revolutio, passos esse. Sed Petagi pa-pa, atque alii sancti Patres qui de illis scripserunt

in Decretis, volunt illos eodem die eademque hora sub pessimo illo imperatore Nerone suis passos. Alioqui enim falsæ essent historiæ de illis proditæ. Sed tamen in diversis locis passi sunt, et diversis poenit. Petrus enim cruci fuit affixus; Paulus vero obtruncatus, quæ poena videbatur esse honestior. Nam civis erat Romanus, ut habetur in Actibus apostolorum. Postea vero eorum corpora fuere eodem loco eodemque sepulcro posita, ubi multo tempore simul permaneserunt. Sed ad fidem Christianam converso imperatore Romano, et Christiana religione magis ac magis crescente, utrique apostolo suam peculiarem ædificaverunt ecclesiam et cum vellent corpora separare, dubitarentque quænam ossa Petri, et quæ Pauli essent, illis orantibus, jejuno peracto, responsum est cœlitus, majora esse ossa prædicatoris, minora vero piscatoris. Atque ita sane seorsim a sese mutuo ossa fuere separata, et in suis ecclesiis posita. Quanquam vero horum festa eodem die celebranda occurrant, beatus tamen Gregorius instituit ut festum Petri ipso die tantum celebraretur: major enim fuerat sanctitate, et Romæ primas tenuerat, sequenti vero die coleretur festum Pauli. Ipso tamen die Petri dicitur in missa oratio, sive, ut vocant, collecta, illis duobus communis. Potest ergo hic missa inchoari vel de S. Petro, vel per hujusmodi introitum: *Terribilis est locus iste* (*Gen. xxviii*), quia eo die ecclesia Petri fuit dedicata.

Queritur autem hic de Lino an papa fuerit, atque itidem de Cleto. Sed responsum est, et negatum, eosque fuisse discipulos Petri, ac ejus vicem in his duntaxat supplevisse, quæ ad activam pertinebant vitam, unum videlicet intra muros, alterum vero extra. Sed Petrus vacabat orationi, unde etiam nunc Romæ præter papam et alius quispiam episcopus est. Considerandum porro est interdum inveniri Paulum Petro esse minorem, et quandoque etiam majorem, vel inter sese eos esse æquales. Sed istiusmodi controversia hoc modo dissolvi potest: Fuit enim Paulus minor Petro, videlicet dignitate, quod hic fuerit princeps apostolorum. Verum eodem major fuit prædicatione, et æqualis et par vita sanctuonia. Horum itaque festum tria habet præcipua, jejunium, octavas et solemnitatem. Jejunium quidem, quia si cum eis regnare optemus, oportet nos etiam cum iis compati. In solemnitate vero propter eorum glorificationem gaudemus. In octavis denique ob illorum futuram beatitudinem in corpore et anima, cuius certi sumus, lætamur,

CAPUT CXXXIX.

De divisione apostolorum.

De festo divisionis apostolorum magnæ auctoritatis scriptores varii dissentient. Quidam enim volunt divisionem banc intelligendam esse quasi quæ Jerusalem post duodecim annos facta esset, cum videbilet apostoli partiti ac separati fuerint ad concionandum ethnicis: Nonnulli vero putant festum hoc esse accipiendum de divisione Petri et Pauli, illa

A videlicet, de qua superius mentio facta est. Illam enim tali die factam suisse arbitrantur quod utique bene fieri potuit. Dicitur autem hoc die magna illa apostolorum sequentia, cuius initium est hujusmodi. *Cœli enarrant, et Evangelium Ascensionis, sed non integrum, ut quod ibi incipit: Et Dominus quidem Jesus postquam locutus est* (*Marc. xvi*). Ad cujus extrenæ partis probationem nonnulli hic mentionem faciunt de duobus discipulis Petri, qui cum ad prædicandum missi essent, et circiter viginti dies iter ingressi, alter eorum mortuus est, et alter ad Petrum rediit. Hunc aiunt suisse B. Maternum. Sed Petrus ei tradidit baculum suum, ac ipsum remisit, præcipiens ut ad corpus socii sui adiret, et illud suo baculo tangeret. Quod quidem cum hic fecisset, e vestigio alter revixit ad tactum baculi, qui jam mortuus fuerat quadraginta diebus. Et sic verum esse completum est, quod dixerat Dominus: *Et majora horum facietis* (*Joan. xiv*). Dominus enim quadrangularum suscitavit Lazarum, quod sane oppido quam magnum fuit: sed magis quod ad tactum baculi Petri revixit ille, qui jam mortuus fuerat quadraginta diebus.

CAPUT CXL.

De festo sancti Jacobi.

Festum hoc Jacobi est majoris, fratri Joannis evangelistæ et filii Zebedæi. Hujus corpus quiescit in Compostella, quæ Hispaniæ pars est. Missus enim fuit ut Hispanis verbum Dei concionaretur. Sed propter malitiam et duritiam principum extra unum ad fidem Christi neminem convertere potuit. Quod eum videret vir sanctus Jerosolymam rediit, ut conspiceret an illi, quos isthic reliquerat, etiamnum satis essent in Christi fide confirmati, et inventit multos in ea errantes, in quo qui jam sere omnino cam deseruerant, propter Hermogenem et Philætum, qui magicis artibus quasi miracula faciebant, quibus homines misere decipiebant. Verum hos magos aggredens apostolus ad fidem convertit, popule que ad cultum Dei reduxit. Deinde vero cum ad Herodem duceretur, in via paralyticum quemdam sanavit, et qui ipsum ducebat ad fidem convertit, ac baptizavit. Tandem ab ipso Herode fuit obtruncatus. Tum magi illi, qui jam ejus facti erant discipuli, cum aliis tribus eisdem discipulis cum corpore in navim ascenderunt, et sese sine rectore mari commiserunt, ut ei divina providentia sepulturæ locum tribueret. Tandem navis illa Hispaniæ applicuit ad regnum Lupæ. Erat autem tum temporis regina quedam in Hispania isthoc nomine, cuius vita et mores nomini plane conveniebant. Ad hanc ergo reginam discipuli aliqui exierunt, et illi dixerunt hoc pacto: «Dominus Jesus Christus misit ad vos corpus sui discipuli, ut quod recusastis vivum, saltem mortuum recipiatis.» Ac narravit illi totum istud miraculum, quo pacto illuc appulissent. Quod cum audiisset Lupa misit eos ad crudelissimum quemdam virum qui eos in carcerem detrusit. Sed cum hic pranderet, angelus Domini eos e car-

cere eduxit, qui civitatem exeuntes velut peregrini, populo vidente ac nemine impidente, ad suos redierunt socios.

Absoluto prandio, tyrannus ille ad se captivos adduci jussit. Sed cum venissent ad carcerem qui illuc missi erant, invenerunt carcerem apertum, nec in eo captivos, quod domino suo retulerunt. qui ita percitus exemplo famulis praecipit, ut eos insequerentur. Verum cum hi a civibus passim duos tales viros sibi visos fuisse, et pontem civitatis transiisse intellexissent, et ad eos impetu quodam eucurrissent, posse fractus est, et in aqua submersi sunt. Quod quidem simul atque audivisset princeps, et sibi et suis timens, motus poenitentia, alias misit, qui sanctos illos viros rogaret, ut ad se securi redirent, promittens quocunque eis placeret se facturum. Illi autem redierunt, et populum civitatis ad fidem Christi converterunt. Quod factum Lupa regina sumimopere doluit, et redeuntibus ad se discipulis non ausa aperte eis nocere, fraudem verbis dissimulans, ait: « Accipite boves quos habeo, et plastro eos jungite, et quo placuerit corpus domini vestri abducite. » Dicebat autem istud animo plane malevolo. Noverat enim boves esse indomitos, ac fieri non posse ut vel jungerentur vel currui applicarentur; aut certe si posset, ut current nunc horsum, nunc illorum, atque eos ita dissiparent et occiderent, ac corpus ipsum caderet. Sed nulla est sapientia adversus Dominum. Discipulienim posteaquam crucis signum fecerunt, statim boves mansueti velut agni facti sunt, nec hominis conrectationem veriti. Hi ergo apostoli corpus in grandi saxo posuerunt, quod ita se corpori aptum reddidit, quasi humana opera ad id fuisse consectum, sepulcrumque corpori praebuit. Quod cum ita simul cum corpore currui imposuissent, boves sine aliquo rectore recta ad palatium Lupæ currum advixerunt, nec quieverunt, donec ad ipsius palatii medium pervenerunt. Qua re stupefacta regina, et tanto miraculo exterrita, ad fidem conversa est, et ex suo palatio sancto dedicavit ecclesiam, omniaque ornamenti, quae possidebat istibic ad cultum ecclesie consecravit, ac felicissima tandem morte obiit. Cullitur autem festum B. Jacobi octavo Kalendas Augusti, non quod tunc obierit (passus enim est circa Pascha, ut liquido in hujus diei Epistola constat: *Misit Herodes rex, etc. (Act. xii)*), sed quod hoc die ei sit dedicata ecclesia in Compostella. Nec vero habet jejuniū institutionis festum hoc, ea ratione qua supra ostensum est.

CAPUT CXLI.

De festo Petri ad Vincula.

Theosebia, uxor Theodosii imperatoris, cum per Alexandriam proficeretur Jerosolymam, incidit in ejus regionis homines, qui tum temporis festum in honorem Augusti Caesaris colebant de triumpho

A habitu aduersus Cleopatram et Marcum Antonium. Quod cum animadvertisset Theosebia ægerime tulit tantum honorem exhiberi ethnico homini et damnato. Cum autem venisset Jerosolynam dante sunt ei cuiusdam beneficio catenæ, quibus sub Herode ligatus fuit Petrus. Tandem vero Romanum rediens super eo, quod in Alexandria viderat, summum consuluit pontificem, eique ostendit catenas, quas Jerosolymæ dono accepérat. Jussit item papa illas asserri catenas, quibus sub Nerone ligatus fuerat Petrus, quæ simul atque tangerent alias, ita fuerunt conjunctæ atque implicatae, ac si semper eadem fuissent. Quo quidem viso Theosebia jussit consilio pontificis ædificare ecclesiam in honorem beati Petri, et in ea catenas illas collocavit. Dedicatio autem ejusmodi facta est Kalendis Augusti; statuitque pontifex ut quod indiscreta et inepta hominum voluntas hue usque fecisset principi Romano, modo idem Christianorum pietas in universo orbe semper faceret principi apostolorum Petro. Atque ad eum sane modum solemnitas Petri existens solemnitate Augusti.

CAPUT CXLII.

De festo Machabæorum.

Nec animadvertendum est Machabæos hos non illos esse ex quibus unus fuit Judas Machabeus, sed qui fuerunt filii Felicitatis, ut quibusdam placet. Alii affirmant Felicitatem matrem fuisse aliorum septem fratrum, qui Christi nomine passi sunt et quorum nomina ignorat Ecclesia. Hanc Felicitatem vocat B. Gregorius plusquam martyrem, quod septies passa sit in septem filiis, et octavo tandem in proprio corpore. Certe illa Felicitas, cujus hi sunt liberi, quorum festum hic agitur, duplex sustinuit martyrium, vidi enim filios diversa pati tormenta, et deinde ipsa martyrium sustinuit. Erant enim ejus septem filii, tametsi non hos fuisse quidam putent. Meminit autem eorum festum Ecclesia tam Orientalis quam Occidentalnis, quanquam nullius sancti Veteris Testamenti præter hos, si ita sint, contra multorum habet festa. Verum hos utraque colit Ecclesia, quod propter legis observationem passi sint, cum carnem porcinam comedere recusarent. Est rursus alia ratio quoniam numero septem fuerunt. Atqui septenarius numerus, ut est præter catenos plenus et perfectus, ita numerum exprimit universitatis. Quare in his septem significant omnes martyres, tam Veteris quam Novi Testamenti. Atque exhibentur martyribus Novi Testamenti in exemplum, ut quemadmodum illi pro sua lege passi sunt, ita et nos vel mortis periculum pro nostra adire non horreamus, si necesse fuerit. Sane ergo hujusmodi festum magis celebratur gratia eorum qui significantur quam qui significant.

CAPUT CXLIII.

De Inventione sancti Stephani.

Sequitur dicendum de festo B. Stephani (11), id-

binc dicere sit necessarium caput hoc non esse hu-

(11) Festum hoc instituit Callistus III, ita ut

que de ipsius inventione. Verum enimvero considerandum est ejus inventionem suis factam eo die quo ejusdem celebratur passio, et contra. Mutatio tamen haec facta fuit duabus de causis: Prior est, quia Christus natus est in terra, ut homines nascentur in cœlo. Cum ergo beatus Stephanus fuerit protomartyr, et martyrium sanctorum sit eorumdem nativitas in cœlis, merito post Natalem Domini collitur nativitas protomartyris Stephani. Unde illud vulgo protritum: *Hæri natus est Christus in terris, hodie Stephanus nasceretur in cœlis.* Posterior ratio est, quia ad ejus inventionem cum maxima hominum multitudine convenisset, qui miracula quæ quam plurimæ in inventione Deus fecit videbant, majori cultu annuatim illum diem celebraverunt quain vel diem ipsius passionis. Statuerunt ergo sancti Patres ut festum passionis transferretur ad hunc diem inventionis, et contra festum inventionis, ad festum passionis, quia hoc dignius est, ut ideo majori cultu diem illum annuatim celebrarent, et populus diem illum qui Natale Domini sequitur, serventiori cultu colebat in Augusto. Animadvertisamus hic obiter, si festum alicujus martyris et confessoris concurrent, si illustrior sit confessor et plenum habeat officium, collectam sive orationem ejus esse præponendam, et in altera solummodo alterius facienda mentionem sive commemorationem.

CAPUT CXLIV.

De festo beati Sixti et Transfiguratione Domini.

Post hæc ordine dicendum esset de festo B. Sixti; sed quia ejus passio manifesta satis et nota omnibus est, ad alia transeamus. Hoc ipso die festum fit de Transfiguratione Domini. Non quod tali die transfiguratio facta sit, sed quod tunc temporis ab iis qui secum fuerant in monte, primo manifestata et publicata fuerit. Præceperat enim Dominus, ne cuiquam dicerent, donec a mortuis resurrexisset (*Matth. xviii.*). Illi autem usque in hanc diem tacuerunt. Enimvero sane transfigurationem hanc certo constat factam suis sub finem hiemis et circa principium veris, cum videlicet de illa legitur Evangelium. Et notemus quidem Christi sanguinem eadem hac die consici ex novo vino, si inveniri possit, aut aliquantulum ex matura uva in calicem expressa, et quod racemi benedicantur, indeque homines communicent. Quare autem hoc flat, hæc est ratio: Quia ipso die cœnæ dixit Dominus Jesus apostolis et aliis qui cum illo cœnabant: *Amen dico vobis, posthac non bibam de hoc genimine vitis, donec bibam illud novum in regno Patris mei.* (*Matth. xxvi.*) Quoniam ergo tum dixerit novum, et Transfiguratio Domini pertineat ad illum habitum quem nactus est post resurrectionem, ideo quæritur hoc festo vinum novum.

CAPUT CXLV.

De sancto Laurentio.

Nunc de festo B. Laurentii breviter est dicendum. Ius auctoris, sed a scriptore quopiam suis postea adjectum. Sed cum in ea omnia, quibus usus sum,

A Beatus Sextus, cuius paulo ante mentionem fecimus, in Hispaniam profectus, inde secum duos juvenes, videlicet Laurentium et Vincentium ejus cognatum adduxit Romam. Horum alter Laurentius nimis cum eo mansit Romæ, ac gravissima persessus est tormenta, quemadmodum satis copiose tradit ipsius historia. Cognatus vero ejus Vincentius reversus est in Hispaniam, vitamque ibi glorioso finit martyrio. Hoc autem festum tria habet præcipue, cuiusmodi habere solent magnæ solemnitates, nempe jejuniū, ipsius diei solemnitatem et octavas. In tribus enim potissimum sanctus hic habet privilegium. In jejuniū quidem primum quod solus inter martyres habeat jejuniū, ut pote institutionis. Alterum vero in octavas, quoniam hic duntaxat et B. Stephanus octavas habent inter martyres; beatus vero Martinus inter confessores, ut dicetur postea ubi de ipsius festo agemus. Postremum ejus privilegium quod habet, consistit in regressibus antiphonarum, veluti habet B. Paulus. Sed ille habet propter supremam pœnam martyrii, hic ob excellentiam prædicationis. Tria autem sunt in sacrosancta Ecclesia privilegia, baptismus videlicet, prædicatio et martyrium, verum Laurentius privilegium obtinet martyrii. Nam quamlibet multi alii æque gravia sustinuerunt tormenta, ut B. Vincentius et Georgius et forsitan etiam majora ac plura, nou tamen ista universa observat Ecclesia, quæ de illorum tormentis feruntur. Vel etiam propter loci dignitatem eo gaudet præ ceteris privilegio, quod Romæ passus sit.

CAPUT CXLVI.

De Assumptione beatæ Mariae Virginis.

Agendum deinceps est de Assumptione B. Mariae. In primis tamen scire oportet quod sanctorum transitus multis appellatur modis. Dicitur enim exitus, transitus, obitus, natale, nativitas, natalitium, dormitio, depositio, quemadmodum est Joannis evangelistæ, passio et assumptio. Sed hoc nomen quasi per antonomasiam solummodo de beata Maria dicitur. Verum esse beatam Mariam, quod ad animam ejus attinet, assumptam suis certo novimus; an vero corpus illius postea etiam assumptum fuerit, profecto incertum est. Pie tamen credimus ipsam integre suisse assumptam, sed prius anima, ac deinde corpore. Nihilominus tamen mulier quædam religiosissima appellata Elisabeth, quæ etiam nunc in vivis est, habitatque in finibus Saxonie, ait sibi esse revelatum quod circiter dies quadraginta assumptum fuerit corpus post Assumptionem animæ. De qua re opusculum quoddam composuit, sed non est in Romana Ecclesia comprobatum. Queritur autem quauobrem illo die cantetur evangelium de beata Maria Magdalena et Martha? Ad cujus rei evidentiorem declarationem sciendum est quandoque evangelium legi in ecclesia tot rationibus, quot a nobis ante satis expositum est. Fit namque ut inter exemplaria constanter convenient, temere hic omitendum esse non putamus.

dum legatur evan. elium propter rem ipsam quam continet, cuiusmodi est de Trinitate; interdum vero propter rei partem aliquam, ut est *Liber generationis* (*Matth. i*), quod ob ultimum versiculum quo Christi sit mentio, recitatur. Legitur et aliquando propter totum, quale istud profecto est quod in Circumcisione dici consuetum est: *Postquam consummata sunt dies octo*, etc. (*Luc. ii*). Si nonnunquam propter tempus, ut in prima die Quadragesimæ, ac propter jejuniunum, nonnunquam propter litanias, eujusmodi istud est evangelium, quod ovi, pisces, ac panis mentionem facit. Nonnunquam denique causa loci, veluti hoc quod in Septuagesima legitur: *Exitit homo qui seminat, seminare semen suum*, etc. (*Matth. xiii*). Dicitur autem homo hic fuisse beatus Paulus, qui seminavit semen, id est verbum Dei. Atque ideo illo die recitatur collecta de sancto Paulo, sub eujus finem habetur: *Doctoris genitum*, etc. Eo namque die D. Papa in beati Pauli ecclesia sacrum celebrat. Postremo evangelium aliquando vero juxta historiam, ut in Circumcisione, aliquando vero juxta suam allegoriam, quemadmodum hoc est quod in Assumptione Mariæ virginis de Maria Magdalena ac Martha legitur. Quod ergo hic istiusmodi legatur evangelium, indicat utramque vitam, et contemplativam et activam in una Maria virgine fuisse. Ipsa enim fuit Magdalena, hoc est quæ circa vitam contemplativam versabatur. Ipsa fuit Martha, id est quæ circa activam vitam tota etiam fuit occupata, quemadmodum ex multis locis liquido probari potest. Nam et in contemplativa ipsam sedulo versa tamen fuisse, vel hæc verba satis declarant: *Maria autem conservabat omnia verba hæc, conserens in corde suo* (*Luc. ii*). Illebat autem festum hoc jejuniunum atque octavas preter cetera Mariæ festa, cum et nullum ejus sit maius aut celebriter, quemadmodum de quolibet etiam alio sancto censendum est, utpote cuius transitus solemnior sit quam ejusdem festum aliud. Ab hoc tamen excipitur festum Joannis Baptistaræ, quippe quod ejus nativitas longe major sit quam passio, idque ob ejusdem significatum atque annuntiationem.

Notemus vero hic quinque esse festa Mariæ Virginis authentica ac comprobata, quorum primum est Nativitas. Festum enim Conceptionis aliqui interdum celebrarunt (12), et adhuc fortassis celebrant, sed authenticum atque approbatum non est: in omnino prohibendum potius esse videtur. In peccato namque concepta fuit (13). Alterum vero est

(12) Vide concil. Basiliense, etc. Firmissime de consec. dist. 4.

(13) Vox linguae Christianæ indigna, etsi non hæretica, siquidem dogma *immaculate conceptionis*, ab Ecclesiæ præcordiis, in quibus ab initio viget soveturque, nondum eruperat, imo, nec nostris, eheu! temporibus erupit! Quamvis enim quintum jam currat sæculum, ex quo sacrosancta Basilensis synodus et doctrinam illam tanquam piam et consonam cultui ecclesiastico, fidei catholicae, rectæ rationi, et sacræ Scripturæ, ab omnibus tenendam et amplectendam, dissinivit; licet tamen, quod vix

A parentis, hoc est in Natali Domini. Sed quoniam tum et Filii festum agitur, quod plenum exigit officium, nullam ejus servamus solemnitatem usque in octavas. Tum enim omnia responsoria de beata Maria cantantur cum prima ejus die missa, cuius introitus est: *Vultum tuum*. Missa autem secunda de puer est. Tertium festum Mariæ est Purificationis, et quartum Mariæ ad Martyres, quod modo festum Omnium Sanctorum appellatum est. Denique quintum est Assumptionis, cuius gratia hæc omnia tradimus.

B Præterea et illud hic animadvertere operæ pretiū est, nempe quatuor in universum esse de beata Maria evangelia, quorum unum est, *Missus est Gabriel* (*Luc. i*), tametsi quidem non nisi in Adventu et in ejus Annuntiatione usurpetur; alterum, *Extollens vocem quadam mulier*; tertium, *Exsurgens autem Maria in diebus illis, abiit in montana cum festinatione* (*Luc. xi*), etc. (*Luc. i*), ac quartum tandem, *Stabat juxta crucem* (*Joan. xix*). Atque hæc quidem tria postrema ejusmodi sunt, ut quotiescumque peculiaris missa de ipsa celebratur, cani aut legi possint. Meinimerimus interim festum Annuntiationis non tam Mariæ esse quam Domini, ino potius hujus quam illius, ut hic sint quod eadem habeatur præfatio in Natali Domini quæ in ejusdem Annuntiatione. In hoc itaque Assumptionis festo psalmi: tque alia quæ generatim diei consueverunt in Dedicatione ecclesiae, speciatim de B. Maria cantantur. Ut enim Ecclesia mater est omnium sanctorum, nomenque tenet virginitatis, videlicet mentis ac fidei, que corporis præfertur virginitati, sponsa Christi dicta. Unde illud, *Despondi vos uni viro virginem castam exhibere Christo* (*II Cor. ix*), sic profecto B. Maria dicta et Virgo est, et sanctissima sanctorum. Recitantur autem lectiones ex Cantico amoris, nempe, *Osculetur me osculo oris sui* (*Cant. i*). Unde et responsoria atque antiphona petuntur. Illud quoque diligenter observandum est, nimurum hoc tempore legi oportere liberos Salomonis, primo quidem Parabolas, idque ab initio Augusti, deinde Ecclesiasten, ac tandem etiam Canticum amoris cuius dimidium in hoc festo usque ad octavas legitur, reservato altero dimidio usque in Nativitatem B. Mariæ. Quarto vero recitatur Ecclesiasticus, quinto liber Sirach, sexto denique liber Philonis, scilicet Sapientiæ, qui appellatus est Salomonis, quod sententias contineat Salomonis; Philonis autem, quod ille eas in librum redegerit. Nec vero convenit ut

D absque lacrymis satendum est; licet, inquam, illæso orthodoxæ nomine, Matris Domini honorem lădere sanctissimamque ejus conceptionem calumniari. Instat vero dies quam fecit Dominus, dies omnium catholicorum votis exoptata, octava scilicet Decembrii anni hujus (1854), in qua Matrem dilectam eruet Christus a lingua dolosa. Surgens eni in die illa Pius papa nonus, quem elegit Deus secundum cor suum, eructabit ex cathedra Petri verbum bonum, beataque Mariæ *immaculatam conceptionem*, inter dogmata fidei, cum universi orbis plausu et tripudio recensbit. (EDIT. PATROL.)

ipso die Assumptionis sermo hic Hieronymi in eccllesia legatur, sed in capitulo, utique, ad quod nimirum proprie compositus videri potest. Ad postrem ergo hic animadvertere quod paulo ante dictum est, virginitate videlicet mentis prævalere integritati corporis. Quod enim hoc verum sit facile ex verbis B. Mariæ constare potest. Ait namque hoc modo : *Resperxit humilitatem ancillæ suæ.* (*Luc. 1.*) Non, inquit virginitatem, sed humilitatem, hoc est sicut et puritatem mentis. Atque haec de festo Assumptionis dicta sufficientia.

CAPUT CXLVII.

De Decollatione sancti Joannis.

Ut modo Decollationem Baptiste aggrediamur, præcipue illud cognoscendum est, ipsum tempore Paschali fuisse decollatum et corpus quidem a discipulis suis Sebastæ sepultum, caput vero minime. Quid autem de capite ejus postea actum sit, et quemadmodum in Aquitaniam venerit. dicetur alibi. Movetur hic quæstio, cum truncus in alio loco, atque in alio caput fuerit sepultum, in utro illorum dicitur Joannes sepultus, sed huic controversiae ex supra dictis dari potest solutio. Pergamus ergo. In eo loco ubi corpus erat situm multa in dies Deus et maxima operabatur miracula, ita ut isthuc magna Christianorum turba confluueret. Quod sane cum ethnici vidissent, moleste admodum tulerunt, et quoniam hoc tempore imperabat Julianus apostata, maximus Ecclesie persecutor, in dedecus Christianorum S. Joannis mausoleum destruxerunt, et ossa ejus per agros sparserunt. Sed cum et illuc Christiani venirent, nec miracula cessarent, rursus ethnici ossa collegerunt et combusserunt. Verum digitus ille quo Dominum ad Jordanem venientem demonstraverat, inquiens : *Ecce Agnus Dei,* comburi non potuit. Multi tamen Christiani, qui ethnici intererant, dum ossa colligerent, quæ potuerant, reservarunt. Atque ob hanc quidem rationem plauit D. Gilberto festum hoc potius collectionis dici debere, quam decollationis. Non desunt qui putant B. Theclam digitum S. Joannis, qui comburi non potuit, ex oris transmarinis detulisse in Mauritaniam, ibique in honorem B. Joannis ecclesiam construississe, quæ hoc die fuit dedicata. Quare statim fuit a pontifice ut hic dies per universum orbem Christianum beato Joanni sacer haberetur, juxta quod videtur festum hoc appellandum esse dedicationis. Festum Bartholomæi prætermittimus, quod quæ hic essent dicenda, satis cunctate ejus tradat historia. Concionatus tamen est verbum Dei in India, ubi primo die fuit excoriatus, altero obtruncatus et translatus Beneventum.

CAPUT CXLVIII.

De sancti Augustini festo.

Circa festum Augustini hoc tantum inquisitione dignum esse videtur, ut cum eodem die plura concurrent festa, veluti Augustini, Hermetis, et Juliani, enjusnam potius officium celebrari illo die debeat consideremus. Nam in eam rem hujusmodi tradi po-

A test responsio, et in alia his similia : Si omnes martyres essent illius, qui inter eos majoris esset nominis officium celebraretur. Si vero aliis confessor, aliis martyr, vel plures fuerint martyres, et si confessor majoris sit nominis, quam martyr, aut privilegium aliquod habeat, ut B. Martinus, et ejus officium generatim in Ecclesia Dei sit institutum, dicendum profecto est officium de confessore, et mentio sive memoria facienda est de martyre. Si autem non, celebrandum est de martyre.

CAPUT CXLIX.

De Nativitate beatæ Mariæ.

Deinceps sequitur Nativitas B. Mariæ. Festum hoc olim fieri non consuevit, sed quodam tempore vir quispiam pius, cum noctu oraret, audivit angelos in celo canentes. Idem accidit pluribus annis eamdem per noctem. Quare petuit a Domino ut quid hoc sibi rei vellet ipsi revelaretur. Et indicatum est ei angelos ita in celis gaudere, ac velut solemnizare, quod istiusmodi nocte nata esset beata Virgo. Ille igitur rem, quam audiverat, ad papam desert : qui cum intellexisset eum virum esse sanctum et magnæ auctoritatis, credens ipsum vera loqui, instituit ut per totum mundum christianum, festum hoc celebraretur. Nec vero habet jejunium, vel octavas institutionis. Potest tamen nihilominus habere devotionis. Legitur hoc festo evangelium : *Liber generationis* (*Matth. 1.*), ubi agitur de genealogia Christi. Sed queritur cur in generatione potius computetur Joseph, quam B. Maria, cum Christus non sit filius Joseph. Verum enimvero in Veteri Testamento potius solet fieri computatio per viros quam per feminas, nec multum refert per quem hic fiat computatio, cum Joseph et B. Maria eamdem habuerint generationem. Et sane Christus maluit fabri filius vocari, quam ut mater sua lapidibus obrueretur. Reversa filius fabri fuit, non illius Nazarenus, sed fabri ejus, qui fabricatus est auroram et solem.

CAPUT CL.

De sanctis Sapientia, Felice et Audacio.

Sapientia mulier fuit sancta quæ tres habuit filias : Fideim, Spem, Charitatem, quæ omnes martyrium cum matre suscepérunt. Sed de beatis Felice et Audacto sciendum est quod, cum beatus Felix pro Christi nomine ad martyrium duceretur, quidam subito sese in medium protulit, inquiens : *Ecce ego sum Christianus.* Ad quem responderunt carnivores : *Ergo et tu venies.* Cum igitur nomen illius ignoraretur, appellatus est Audactus, quasi beato Felici audacter associatus.

CAPUT CLI.

De Exaltatione sanctorum crucis

Exaltata fuit sancta crux, ejusque festum institutum eo tempore quo Heraclius vicit Cosroen regem Persarum. Hic autem Cosroe cum, destructa Hierosolyma, crucem Domini inde abstulisset, facta domo ad similitudinem coeli, fecit sibi in ea sedem, ac lignum a dextris posuit loco Filii, gallum a sinistris loco Spiritus sancti, atque ita ipse in medio

stans se Deum et Dominum appellari voluit. Quod A audiens Heraclius imperator Romanus aciem movit iuxta Danubium illum, qui apud Persas est, non hunc qui in Suevia oritur. Nam alterum illum forte ex his partibus in illas venisse dicere possumus et nomine hujus esse appellatum, sicut Trojani fecisse dicuntur. Hinc victo filio Cosroes singulari certamine, crucem Domini tulit Heraclius, voluitque illum in suum locum restituere. Sed cum appropinquaret Hierosolymam, portæ civitatis per se fuerunt clausæ, ut non intrare potuerit. Quod cum vehementer admiraretur, audita vox est e cœlo, inquiens Regem regum non sic intrasse Hierosolymam pharatum, sed humilem et super asinam sedentem. Atque hic statim suam agnoscentem elationem, ex equo desiliit, et valde est humiliatus, ac portæ sua sponte ei aperæ sunt, nudisque pedibus civitatem intravit. In hujus ingressu multi diversorum genere morborum per crucem curati sunt. Ferunt ab Adamo Seth filium ejus missum fuisse in paradisum, qui ramum inde sibi datum ab angelo retulit ad patrem, qui statim illius arboris mysterium cognoscens, eam terræ inseruit, in magnam arborem procrevit. Postea vero cum in templi ædificatione ex diversis mundi partibus arbores afferrentur, allata est illa et relata tanquam inutilis. Unde deinceps ad foveas quædam civitatis posita est, per quam commode transire possit. Hanc cum vidisset regina Saba, noluit transire, sed adoravit. Postea autem rejecta est in probatica piscinam, quæ tempore passionis Christi desiccate fuit, ac tum apparuit lignum, cui cum aliud non invenirent Dominum affixerunt. Major vero est festivitas inventionis quam exaltationis, quod ab Eusebio fuerit instituta, qui eo die fecit populum convenire ad adorandum crucem. Fuit enim hic pontifex Romanus trigesimus.

CAPUT CLIII.

De beato Mauritio, ejusque sociis.

Sequitur videndum de festo B. Mauritii, et Theba legione. Multæ sunt Thebæ, una in Ægypto a Bosiride rege Ægypti condita, dicta alio nomine Heliopolis. Ex hac oriundus fuit Mauritius atque inde dicuntur Thebæ. Alla est in Beotia a Cadmo Ageñoris filio condita, a qua dicti sunt Thebani. Tertia est in Judæa, unde appellati sunt Thebites. Illi vero qui cum Mauritio mortui sunt, erant ex Thebe Ægyptiorum. Cum ergo Galli exercitum suum in Romanos eduxissent, dux Ægypti collegit exercitum in quo fuit beatus Mauritius, qui sub se habuit legiones, virorum scilicet sex millium sexcentorum et sexaginta sex. Verum cum jam essent in exercitu, tyrannus voluit eos cogere ad adorandum idola, qui ut non voluerunt, ita decimam accepit partem atque interfecit. Quod animadvertis Mauritius, sermonem suum convertit ad socios, orans ut viriliter agerent et starent, qui sic ab eo corroborati, martyrum perpessi sunt. Sed illi priusquam Romanos venissent sunt baptizati.

C B CAPUT CLIII.
De sancto Matthæo.
 De beato Matthæo hoc tantum dicimus, quod le-vita fuit, ideoque in lege magis edoctus. Inde est quod profundæ significationis oppositiones adver-sus hostes suos fecerit. Fuit autem Hebræus, quare et Hebreis Evangelium Hebraice scripsit. Ubi obiter animadverte nos Hebræos dicere, si quando de lingua loquimur; Judeos cum de ritu vel gente. Postea hujus liber translatus est in Græcum, et deinde de Græco in Latinum. Prædicavit autem sub Caio Caligula, qui sic nominatus est, quod cum nasce-retur in expeditione caligis fuerit cooperitus. Scripsit vero Joannes sub Nerva; Marcus sub Nerone. Sed quo tempore Lucas scripsit, incertum est. Nomen hoc Matthæus, ut inquit Beda, in sua ortho-graphia per duplex u scribitur.

CAPUT CLIV.

De festo angelorum sive Michaelis.

Festum angelorum, quod hoc tempore colitur est Dedicationis, quando eis basilicæ dedicatæ sunt, quoniam hoc festum omnium angelorum dicitur. De barbarorum autem fuga et tauro agitur inter Pascha et festum Ascensionis, quando de festo angelorum agitur. Proinde vero de nominibus angelorum dici-mus, quod nec sibi nomina imposuerunt, nec eis a Deo data sunt, sed ab hominibus: a quibus autem, nescimus. Cæterum in festo S. Michaelis cum de angelis omnibus agatur, Michael nominatur, quia ipse præest paradi, et ad suscipiendas animas princeps est constitutus. Hic quoniam in Gargano monte visus sit, ac ipse locum sibi in alto elegerit, ideo ei ubique fere terrarum in edicto loco basilica constituitur. Sanctis vero quasi hominibus et terre-nis in imo templo dedicantur. Dicunt autem non-nulli tot esse in quolibet angelorum ordine legio-nes, quot sunt legionis unitates, scilicet sex mille sexcentæ et sexaginta sex. Certum est tamen plures esse legiones quam ordines, unde Dominus inquit Petro: *Nescis, quod si rogarero Patrem meum, mit-tet mihi plusquam duodecim legiones angelorum* (Matth. xxvi). Ait Haymo tertius episcopus Halberstatensis, quod si quis posset videre spirituales creaturas, ita eas videret ebullire in aere, tanquam minimas ato-mos in splendore solis. Constantinus etiam impera-tor, cum ad oras transmarinas proficeretur, in-venit Eusebium virum sanctissimum, cui dixit: « Vir sancte, pete a me quo tua Ecclesia dicitur. » Ille vero respondit, Ecclesiam suam satis divitiis abundare, sed se rogare, ut in omnibus mundi pla-gis scrutentur nomina sanctorum, et eorum passio-num tempora, ac sub quibus et quemadmodum passi sunt, rescribat. Quo quidem facto refert Eusebius, quolibet anni die plusquam quinque millia sanctorum festa concurrere. Unde fertur Gregorius di-xisse: « Totus mundus sanctis plenus est. » Quod autem Michael dicitur pugnasse contra draconem, allegorice quidam intelligi volent, videlicet Michael, id est Christus. Dicunt tamen alii historice esse in-

telligendum, quoniam scilicet ministerio Michaelis et angelorum ejus depulsus est diabolus. Quamobrem ita etiam depingitur in Ecclesia propter laicos. Quæritur præterea utrum Michael sit nomen unius angeli, an vero plurium? Dicunt aliqui unius esse. Sed putant alii, quod quando unus angelorum mittitur ad aliquod magnum et mirabile faciendum, is Michael nuncupetur. Certum est autem Michaelem fuisse, qui missus est in Ægyptum, et celebres ilicas ac famosas plagas fecerit, et mare Rubrum divisor.

CAPUT CLV.

De sancto Remigio.

Sanctus Remigius Gallorum dicitur pontifex, quoniam primus regem Gallorum inunxit, atque ideo in tanto honore et veneratione habetur in Francia, ut festum illud obsuscet festum beati Michaelis.

CAPUT CLVI.

De sancto Luca.

Lucas natione fuit Syrus, patria Antiochenus, et prædicavit in Bithynia, atque istib[us] propria morte absque martyrio vitam feliciter finivit. Vixit autem octoginta annis, et duo volumina posteritati reliquit, Evangelium videlicet et Actus apostolorum. Fuit discipulus Pauli, a quo quæ docuit didicit, sicut Marcus a Petro. In prologo tamen Evangelii invenitur, quod ipse didicisset a quibusdam qui a principio fuerunt cum Domino. Ex quo sequi videretur, quod non ex Paulo didicisset, cum hic a principio cum Domino non fuerit. Verum quædam ex Paulo didicit, quædam etiam ex aliis, sed maxime tamen a Paulo edoctus est.

CAPUT CLVII.

De Simone et Iuda.

Jacobus, Simon, Judas, qui et Thadæus, Joseph Barsabas, qui et Justus cognominatus est, ne propter injustitiam ab apostolatu fuisse repulsus crederatur, fratres fuerunt, inter hos scilicet Joseph Barsabam, et Matthiam facta est sortitio. Atque ille quidem Jacobus frater Domini dictus est, quoniam omnes cognati Hebraeo idiomate fratres vocabantur, vel quia ipsi erat quam simillimus. Joseph vero cognatus dicitur Domini, vel quia pater putativus erat, vel quia cognatus esset ex parte matris, nimirum B. Mariæ. De Simone fertur quod sit crucifixus. Sed prius tamen in Ægypto prædicavit, ac postea venit Jerosolynam, atque isthic post beatum Jacobum minorem, qui dictus est frater Domini, creatus est episcopus. Vixit autem centum et viginti annis, suscitavitque antequam moreretur triginta mortuos, filium nempe sui hospitis submersum fluctibus, et ejus gratia cæteros. Obiit vero annorum centum et viginti in Bosphoro, non in Pastophorio, ut quidam censem. Est autem Pastophorium, ut nonnulli volunt, porticus templi, in qua jacebant custodes templi. Judas vero prædicavit apud Persas et Medos, atque isthic mortuus est apud Ilerinenios.

CAPUT CLVIII.

De festo Omnia Sanctorum.

Posteaquam hæc de sanctis hucusque prosecutissimus, necessarium plane est ut ad maximum illud et generale festum veniamus, videlicet Omnia Sanctorum. Sed quamobrem istud fuerit institutum et quare hoc præsertim tempore fiat, satis, ut ego quidem arbitror, supra ostensum est. Pauca tamen adhuc de eo dicenda restant, nimis de jejunio et ordine ipsius officii. Festum ergo hoc jejunium habet institutionis, nec debet profecto aliquis comedere nisi a vesperis, nec jejunium oportet mutari, ut quidam faciunt propter festum S. Quintini. Ait enim ille: « Putasne sancti gaudeant cibis, qui merebuntur vitam jejunis? » Quoniam autem festum hoc Omnia est Sanctorum, ideo variatur illius officium, prout habetur varietas sanctorum. Prima enim antiphona, prima lectio, et primum responsum cantatur de Trinitate, quod festum est Trinitatis. Secundo loco canitur de B. Maria, tertio de Angelis, quarto de Prophetis, quinto de Apostolis, sexto de Martyribus, septimo de Confessoribus, octavo de Virginibus, nono de Omnibus Sanctis. Atque in horum quidem officiorum lectionibus observatur auctoritas. Nam præstantior in ecclesia, si episcopus præsens fuerit, recitat lectionem de Trinitate, vel decanus, vel saltem sacerdos, et sic sicut descensus in legendo personarum usque ad pueros. Octavam namque lectionem legit unus ex pueris. Nonam enim lectionem majoris est recitare.

CAPUT CLIX.

De officio mortuorum ac ratione sepeliendi.

Nunc agendum est de officio mortuorum, et quidem primo de loco ubi debeant sepeliri, secundo de iis qui sunt sepeliendi, et de modo ac ratione sepeliendi, tertio quis eam invenerit, et quamobrem, ac tandem de ipso officio. Non puto esse operæ pretium ut eam repetamus divisionem quam in initio de locis fecimus, ad quam nos lectorem modo remittimus. Verum illud duntaxat hic sciamus religiosum locum dici eum, juxta leges et instituta Romanorum, in quo sepelitur corpus alicujus hominis, seu caput tantum. Ac ideo caput dico, quoniam nullus duas habere potest sepulturas, sed ubi caput est, isthic alicujus esse dicitur sepultura. Sive ergo Christianus, sive paganus, sive infans, etiam non baptizatus, aliquo in loco sepeliatur, secundum Romanorum instituta, locus ille religiosus appellabitur: at vero Christiani non eum locum censem esse religiosum. Ubi sepelitur Judæus vel paganus, vel infans non baptizatus, sed tantum ubi Christianus, usque adeo, ut si excommunicatus aliquis sit ibi sepultus, inde extraheatur, atque extra cœmeterium ejiciatur.

Locus autem iste diversis appellatur nominibus, ut cœmeterium, et polyandrium. Atque ipsum sepulcrum hujusmodi: Mausoleum, dormitorium, monumentum, ergastulum, sarcophagus, pyramis, tumulus. Dicitur autem cœmeterium a Græco verbo κοιματω, quod est *sopio*, quasi quod isthic mortui dor-

mant, unde etiam nominatum est dormitorium. Polyandrium locus appellatur, ubi multa sunt sepulcra publica. Mausoleum dictum est a Mausoli sepulcro quod Arthemisia ejus uxor aedificavit ita egregiis operibus ut inter septem orbis miracula numeretur. Attollitur enim in altitudinem viginti quinque cubitorum, ac columnis cingitur triginta sex. Quare ab hoc sepulcro omnia pretiosa sepulcra isto nomine mausolea sunt appellata. Monumentum vero nominatur a monendo, quod nos prætereuntes qui in monumentis et sepulcris sunt, admoneant, et se olim fuisse et perinde mortales, ut et nos meminerimus, quod cineres simus et in cineres revertimur, pulvis et in pulverem redibimus. Tumulus appellatus est, quasi terra tumens, id est collis, quod ibi coacervari terra consuevit. Ergastulum dictum est per antiphrasin ab εργαζομαι, operor, quasi quod in sepulcris corpora minime laborent, sed requiescant, qui in Domino moriuntur. Sic item sarcophagus appellatus est a σάρξ σάρπεις, caro, et πάγω, comedo quasi isthac caro consumatur et comedatur. Dicitur etiam pyramis sepulcrum ejusmodi, quod flamme habet similitudinem, ita ut a lato in acutum tendat. Est enim altissimum genus sepulturæ. Tale Romæ visitatur, in quo positi sunt cineres Julii Cæsaris, vocatione acus S. Petri, atque etiam nunc in dubio est, an ex uno constet lapide, an vero ex pluribus. Similem pyramidem extruxit Cæsar Turonis, juxta ripam Liguris et in ea inclusit cujusdam sui amici cineres, qui fuit interfactus.

Nunc ergo deinceps de iis qui sunt sepeliendi dicamus, et prius quidem quibus locis debeant sepeliri, et an locus eis etiam aliquid conferat, necne. Ac nonnulli sane arbitrantur locum mortuo non prodesse, quod hinc confirmare volunt, cum Lucifer et cœlo fuerit ejectus, et Adam e paradi ex pultus, quæ tamen loca sunt optima, nec quidquam bonitatis eis contulerunt. Item Joab in tabernaculo fuit interfactus, et Job in sterquilino triumphavit. Potest autem locus obesse, ut si quis sepeliat in ecclesia, cum non sit dignus. Certe nullum corpus in ecclesia debet sepeliri, nisi sint corpora sanctorum Patrum, qui dicuntur patroni, id est defensores. Ipsi enim meritis suis totam patriam defendunt. Sed cæteri circa ecclesiam debent sepeliri. Dicunt enim quidam, quod locus triginta pedum circa ecclesiam in eum finem debeat consecrari. Alii vero putant solam episcopi circuitionem, quando ecclesiam dedicat, sufficere. Olim enim apud veteres solebant nomines in suis ædibus sepeliri. Sed propter fetorem cadaverum statuerunt, ut extra civitatem sepelirentur, et locum quemdam communem ad hoc quasi sanctificarent. Nobiles vero sepeliebantur in montibus, sive in eorum medio, sive in radicibus. Proinde si quis interficiatur in obsidione, vel aliquo tumultu, nec possit habere cœmeterium, sepeliant ipsum ubi possunt. Si vero aliquis moriatur in mari, et terra fuerit vicina, navigent illuc, ipsumque ibi sepeliant. Sed si procul a terra absuerint, videantque in me-

A' dio mari insulam, vertant eo ve.a, et sepeliantur in insula. Verum si terram penitus non videant, parentur ipsi domuncula quedam ex lignis, si possit haberri, et projiciantur in mare. Quo etiam modo fiat, si dives fuerit. Sed cum thesauro suo, si habet, ejiciatur, ut qui eum invenerint ex thesauro ipsum nobilem fuisse cognoscant, aut certe amore thezauri ipsum terræ mandent. Verum eni in vero animadverte quandocunque sepelitur Christianus, vel quocunque etiam loco crucem capiti ejus apponi debere, ad designandum illum fuisse Christianum. Vel ob id etiam quod summopere diabolus signum hoc pertimescat et ad euni locum horreat accedere, qui cruce est designatus.

B Videndum deinceps est unde cœmeterium initium habuerit, videlicet ab Abrahamo. Hic enim emit agrum ab Ephron Hethao in quo duplex erat spelunca, ubi ipse sepultus est cum Sara, Isaac, Jacob, Adam et Eva. Ad hoc enim emit, ut sibi et suis sepultura esset (Gen. xxiii). Duplex spelunca ideo dicebatur, quoniam ibi duo sepeliebantur contigue maritus et uxor. Vel quia duæ aderant spelunce, et in una sepeliebantur viri in altera mulieres; vel etiam, quia duplex siebat unicuique spelunca sepeliendo in modum cathedræ. Sepeliebantur enim quasi sedentes, et pars spelunca superior quæ a naribus truncum capiebat, dicebatur una spelunca: pars vero quæ continebat pedes, crura et lemora, dicebatur spelunca alia. Opportune hic considera non legi in prima ætate nisi duo duntaxat sacramenta fuisse inventa, oblationem nimirum et pœnitentiam, sed in secunda cultum Dei fuisse ampliatum. Fecit enim Noe arcam, atque illi inclusit multa animalia ad sacrificandum Deo. In quarta autem ætate divinus cultus magis auctus est. Tunc enim lex data est, et multa genera sacrificiorum offerebantur Domino. Sic in quinta ætate magis adhuc auctus est. Tum namque factum est templum, et cultus divinus optime sane habuit incrementum. In sexta tandem ætate venit Christus, qui scipsum obtulit Deo hostiam placentem et sufficientem pro omnibus.

C Porro autem in cœmeterio Christianorum, non nisi Christianus sepeliri debet, nec tamen omnis. Nullus enim in suo maleficio interfactus, sepeliri debet in cœmeterio, ut latro, si in latrocino interficiatur. Intellige autem hic maleficium, si sit mortale peccatum, ut interfactus in adulterio, et in ludis ethnicorum. Si vero moriatur subito in ludis consuetis, ut in ludo pilæ, potest sepeliri in cœmeterio, sed sine psalmis et sine exsequiis. Si præterea aliquis ex prostibulo rediens, vel ex alio loco ubi fornicatus sit, et in via occidatur, aut alio cast non confessus moriatur, si legitimis testibus potest probari eum fuisse fornicatum, nec postea confessum, in cœmeterio sepeliri non debet. Si non potest probari sepeliri licebit. Latro in eo loco in quo suspenditur sepeliat, nisi prius satisficerit, si autem satisficerit, in cœmeterio sepeliat. Mulier si in partu moriatur, utique in ecclesia sepultræ tradi-

non debet, sed extra eam. Quare canantur ei exse- A quiæ, et postea sepeliatur in cœmeterio, sed puer excidatur e ventre ejus, ac sepeliatur extra cœm- terium. Debent autem mortui ad hunc modum se- peliri, sudariis videlicet induti, et ut caligas circa tibias habeant et soleas in pedibus, quo significant ita se paratos esse ad judicium. Ponantur præterea capite versus occidentem, et pedibus versus orientem. At vero clerici, si sint ordinati, illis indumentis sepeliantur, quibus fuerant ordinati : Si non habeant ordines, more laicorum, et tondeantur ac radantur. Omnium autem corpora debent lavari. ad significandum quod, si anima per confessionem a culpa fuerit mundata, utrumque, hoc est anima et corpus, in die judicii sempiternam habebunt glorificationem. Si vero aliquis in bastiludio moriatur abeque poenitentia, quando videlicet sacerdotem ipse non querit, sepeliatur instar asini, atque ita quoque si in ripa. Sed si ludi gratia vel propter negotium suum consciendum naviget ac pereat, potest sepeliri in cœmeterio. De istiusmodi enim non judicat Ecclesia manifeste. Si quis subito moriatur non propter aliquam causam manifestam, sed occulto Dei iudicio, honorifice sepeliatur. Justus enim quacunque causa moriatur, salvabitur. Qui denique si manum inserunt, ac mortem propria voluntate depaciscuntur, non debent in cœmeterio habere sepulturam.

Solet autem hic queri utrum post diem judicii homines sint futuri nudi, an vero vestiti. Et videtur quidem quod vestiti, quoniam angeli semper vestiti solent apparere, et Christus etiam post resurrectionem cum ueste visus est, ac in transfiguratione quoque fuit vestitus. Unde illud : Apparebant uestimenta ejus alba sicut nix (Matth. ii). Contra vero videtur quod erunt nudi, idque ex ea auctoritate quod ea tum sumus futuri forma in qua fuit Adam ante peccatum, atque etiam in meliori : atqui tunc nudus fuit, ergo et nos similiter erimus nudi. Verum nihil nos dicendo presumamus de ueste vel de qualitate, nisi unum hoc, videlicet isthic neque deformitatem fore, neque insirmitatem.

CAPUT CLX.

De institutione officii.

Sequitur de officio, et primo quidem a quibus D fuit institutum, secundo a quibus fuit actum, tertio a quibus habuit initium, quarto de modo celebrandi. Officium ergo mortuorum primo ab apostolis fuit institutum, sed ab origine, ut testatur Isidorus in libro De ecclesiasticis officiis, fuit actum, et ex maxima parte ordinatum. Unde ipsum commendat beatus Aug. in quodam libro quem ille appellat Enchiridion, inquiens eum fuisse secundum in ecclesiastis eius officiis post apostolos. Officium hoc initium habuit a veteri lege. Legitur enim quod, mortuo Jacob, Joseph et alii fratres ejus ut eis præcepérat, eum multis Ægyptiis attulerunt eum in Hebron, sed prius fleverunt ipsum in Ægypto triginta diebus, ac postea septem in area Athad (Gen. l). Prä-

terea legitur quod, mortuo Mose, populus Israe. iticus eum deploravist triginta diebus (Deut. xxxiv), quem admodum etiam ferunt factum fuisse de Aaron et Maria. Verum animadverte quod, mortuo Josue qui eos in terram promissionis introduxerat, non legatur ipsum populus flevisse, quamvis tamen contra credatur. Ideo de Josue tacet historia, quia præfiguravit Christum, et mors ejus mortem Christi, videlicet ejus qui nos a morte redimens ad vitæ patriam reduxit, ubi neque luctus neque dolor est. Propter figuram igitur de morte illius historia tacet, sicut alibi de patre Melchisedech qui Christum ffiguravit, quoniam non legitur habuisse patrem, quemadmodum nec Christus patrem habuit hominem. De Mose, licet melior credatur fuisse quam B Josue, et de aliis qui mortui sunt in deserto, populus dicitur flevisse, quoniam desertum aliquando alienationem a Deo significat. Pro illis itaque flegendum est qui per peccata sua a Deo alienantur. Ex qua quidem re, inquit Salomon : Luctus filii tui sapientis mortui septem diebus (Prov. x) : Luctus filii tui stulti æternus, quandoquidem in æternum punietur. Sic : Filius sapiens latifical patrem, stultus vero moestitia est matris suæ (Eccl. xxiii).

Septenarius igitur mortuorum luctus et trigenarius a Veteri Testamento sumpsit exordium, quemadmodum enim Jacob filii fleverunt septem diebus, et Moysen quandoque triginta suorum mortuorum celebrat officium. Notemus interim quatuor modis subveniri mortuis, oratione videlicet, amicorum eleemosyna, cognatorum jejunio et missarum celebratione. Septem ergo diebus nostris mortuis officium facimus, ut ad Sabbatum animarum citius valeant pervenire. Aut certe propter septenarium animæ et corporis. Habet enim anima tres potissimum proprietates, ut nimis ratione, concupisci, et irasci. Corpus vero ex quatuor constat elementis. Ut itaque peccata quæ homo commisit per hæc septem deleantur, septenarium mortuis celebamus. Ter decem triginta faciunt. Per ter intelligimus Trinitatem, per decem Decalogum. Quare trigenarum mortuis ideo facimus, ut quod in observatione decem præceptorum deliquerunt, Dei misericordia eis condonetur. Quidam tamen tribus diebus hoc faciunt, ut in eo triduana Christi sepulta repræsentetur, et quod vivus peccaverit cogitatione, verbo et opere mortuo remittatur. Quod autem plerique officium faciunt novem dierum, licet ea consideratione hoc faciant ut per hujusmodi officium illorum mortui a poenis liberentur, ac novem ordinibus Angelorum assententur, non tamen approbatur, sed omnino interdictum, quoniam ab ethnicis sumptum esse videtur, qui nono die cineres et busta suorum recondebat. Sicut enim non imitamur Iudeos in celebrando pascha, ita etiam in hoc officio ethnicos imitari plane prohibitum est. Sunt præterea nonnulli qui quinquagenarium faciunt, et alii qui quadragenarium, sed hi utriusque satis cum oratione sacre videntur. Qui enim quin-

quagenarum faciunt ab Abrahamo occasionem sumere videntur, qui ex Domino volente Sodomam subvertere, quesivit, num si quinquaginta in ea essent justi, illis parceret. Nam et quinquegeneris numerus perfectus est, et significat annum jubileum, id est octavam aetatem, in qua erit remissio et plena libertas. Ut ergo animae mortuorum plenam libertatem et suorum peccatorum remissionem adipiscantur, quinquaginta diebus pro illis a quibusdam celebratur officium. Quadrageparum vero ideo quidam faciunt, ut illis qui dececerunt et transgressi sunt in decem praecptis, et in doctrina quatuor evangelistarum, condonetur.

CAPUT CLXI.

De celebratione Mortuorum officii.

Præterea modo videamus de ipsius officii celebrazione. Ac primo quidem, ut sciamus, quæ sint tacerenda, et secundo quæ sint dicenda, quoniam officium mortuorum imitatur triduanam Christi sepulturam, et illius omnino vestigia sequitur. Sicut ergo tribus illis diebus, ita et in hoc officio omnia cantica letitiae sublicemus. Inde etiam est quod, *Domine, labia mea aperies*, ad matutinas, vel vigilias mortuorum et *Deus in adjutorium*, non dicatur in principiis horarum, neque *Venite exsultemus* (*Psalm. xciv*), neque *Gloria Patri* ad responsorium, aut sub finem psalmorum. Pari modo ad lectiones neque benedictiones petimus neque damus, nec *Tu autem, Domine*, nec *Deo gratias* unquam dicimus, usque adeo ut ne ad missam quidem. Posset tamen et alia ratio reddi, quamobrem in officio mortuorum haec taceantur: cum enim mortuorum exsequias celebramus, ad plangendum venimus, et lacrymandum, non ad solemnizandum: *Ob quain rem sane letitiae cantica sublicemus*. Nam non bene convenit huic officio *Venite, exsultemus*, nec, *Domine, labia mea*, sed potius cum eo videntur repugnare. Officium autem mortuorum a vesperis incipit, quas in hunc modum auspicamus: *Placebo Domino* (*Psalm. cxiv*). Quibus absolutis sequitur completorium, ac postea vigiliæ, quarum tria sunt genera. In quibusdam enim Ecclesiis novem leguntur lectiones ex *Job*: in aliis vero totidem sed ex lib. *Sapientiae*. Incipiunt autem haec hoc pacto: *Melius est ire ad domum luctus quam ad domum convivii* (*Ecclesiastes. vii*). Sunt rursus aliae Ecclesiæ, in quibus itidem novem recitantur lectiones, verum ex sermone quodam beati Augustini, quem ille compositus de mortuis, et quem finivit in hunc modum. *Beati mortui qui in Domino moriuntur* (*Apostol. xiv*), quod a quibusdam dicitur sub finem lectionum loco. *Tu autem, Domine*: quemadmodum in adventu Domini, in Nativitate, et in Epiphania lectiones Isaiæ finiuntur hoc pacto: *Convertimini ad me et salvi eritis*, et lamentationes Jeremiæ ad tenebras hac ratione: *Jerusalem, Jerusalem, convertere ad Dominum Deum tuum*. Verum aliis diebus hoc modo: *Tu autem, Domine, etc.* Atque ita sunt quatuor medi finiendi lectiones.

A Ad missam proinde thus offerri non debet, quamlibet hoc tempore ita usu receptum sit. Nam in veteri lege prohibitum fuit ne pro peccato offerretur oleum letitiae nec thus suavitatis; ubi enim peccatum, ibi tenebrae, atque istud non debet esse letitia, nec suavitas, sed luctus et contritus cordis. Quocirca et exequiae, quas nos facimus ob mortuorum commissa, celebrantur.

Animadverte interim in lege Moysi prohibitum fuisse a Domino, ne thymyama boni odoris, vel thus sibi sacrificium aliquis adoleret in usus suos, ut odore ejus frueretur, quod si quis ficeret, periret e populo suo. Atque ideo moris est in Ecclesia, ut ad altare benedictum ac consecratum thus offeratur; cum vero descendit thuribulum vel ad clericos, vel

B ad laicos, ut tum aliud thus sine benedictione usurpetur, atque hominibus offeratur. Consuetum est hic queri, cur ad missam mortuorum pax non detur: et sane triple assignatur ratio. Prima est, quia officium hoc ut dictum est triduanum Christi significat sepulturam, quando pax non datur propter osculum Judæ. Secunda, quoniam non communicamus mortuis, quod nobis minime respondeant. Unde profecto etiam est, quod corpus sive cadaver in ecclesia esse non debeat quandiu missa de die celebratur, atque adeo si adsit, quod istud oporteat asportari, dum de mortuis missa canatur. Tertia est, quia sicut ex multis granis simul collectis, unus efficitur panis, et ex multis racemis vinum exprimitur: ita quoque ex multis fidelibus quorum quidam sunt boni, et quidam mali, una constitutur Ecclesia. Quoniam ergo mortuo homine nescitur utrum sit ex conformitate Ecclesiæ, et pacem habeat cum suo Creatore, ideo ad missam pacem non damus. Non autem dicimus *Benedicamus Domino*, nec *Deo gratias*, nec laudes alias referimus, quia non est unde sint agendæ, cum nec dum appareat eorum requies.

Illud præterea animadvertisendum est officium mortuorum finiri nona hora, et non habere secundas vesperas, quo significatur quod hoc officium finem habebit, quandoquidem animæ salvandorum ab omni pena liberatae sempiterna letitia perseruentur, nimirum sancti, de quorum glorificatione in anima certa est Ecclesia. Primas et secundas vesperas habent, si in eorum officio novem lectiones decantentur. Et quidem primas, propter glorificationem animæ, secundas vero propter glorificationem corporis quam habebunt, queque nunquam finem sit habitura. Si autem non nisi tres lectiones canantur, primas tantum vesperas habebunt. Nunc porro dicendum est, quemadmodum corpus sit sepeliendum, et quomodo tumulandum, et ad ecclesiam deportandum, a quibus, et quando. Quando ergo iam aliquis animam agere videtur, humi collocari oportet super cineres, vel paleas, quo innuitur quod cinis est, et in cinerem revertetur, quod ut aliis de se exemplum præberet, B. Martinus fecisse legitur. Debet præterea recitari passio Domini, vel ejus pars ali-

qua ante morientem si sit litteratus et doctus, ut moveatur ad majorem compunctionem. Sic quoque et crux ante pedes ejus esse oportet, ut jam moriens eam intueatur, quo vel inde magis conteratur. Debet recta jaccere facie, ut cœlum aspiciat. Priusquam vero expiraverit, necessarium est ut campanæ pulsentur, idque ideo ut populus audiens oret pro eo. Pro mulieribus quidem bis, quoniam mulier invenit alienationem. Ipsa namque primo fecit quo homo alienaretur a Deo. Quare secundus dies non habuit benedictionem, pro viro autem ter pulsatur, quod ab ipso Trinitatis quoddam in homine apparuerit exemplum. Primo enim Adamus formatus est e terra, deinde mulier ex Adamo, ac postea ex utroque creatus est homo, ut ad eum modum hinc nata sit Trinitas quedam. Ad postremum pro ecclesiastico tot vicibus debet compulsari, quot habeat ordines, ut sciat populus pro quo sit orandum. Pari ratione pulsari oportet quando portatur ad ecclesiam, et quando rursus ex ea ad tumulum. Priusquam autem corpus sepeliatur pannus sublevetur, debet sacerdos vel ejus vicarius illuc venire cum aqua lustrali seu benedicta ac orationes pro eo ad Dominum effundens, sanctos invocare, et rogare ut ejus animam suscipiant, atque in locum gaudii deferant. Sunt enim quedam animæ, quæ sunt perfectæ, ut quam cito exeunt e corporibus, ad cœlos evolent. Sunt et aliæ prorsus malæ, quæ illico ad inferos cadunt.

Verum præter has sunt et aliæ mediae pro quibus hujusmodi sit commendatio, idque tantum propter incertitudinem. Proinde abluto corpore et velato oportet portari ad ecclesiam, ac tunc debet missa cantari, ubi profecto animadvertis in quibusdam ecclesiis unicuique dari candelam in choro in altera manu et in altera quod offeratur, ac sic lecto evangelio ea offeruntur sacerdoti pro mortuo, atque tum hujusmodi cantari solet versus, *hostias et preces*. Missa celebrata, ante cadaver præcantat sacerdos, et si plures sint sacerdotes omnes debent habere stolas, ac cum eo orationes dicere. Peracto autem officio præcantationis, portatur ad sepulcrum cum hujusmodi psalmis in exitu. *Confitemini*, et aliis, quid ad hoc peculiariter sunt instituti. Verum portari debet a similibus, ut si diaconus fuerit a diaconis, si sacerdos a sacerdotibus. si isthic præsto sint. Siu vero non, minime: cum necessitas legi non subjiciatur. Sic clericus a clericis, Catholicus a Catholicis. Si vero fuerit ex fraternitate (et quam ita vocant, et sæpe faciunt inter homines), ab eis debet portari. Sed mulieribus non est permisum aliquorum cadavera deportare, ne earum corpora nuda videantur, quod fortassis aliquando contingere quemadmodum nec licitum est eis pacem dare ad evitandam lasciviam. Deinde vero ponitur in sepulcrum, et isthic aqua apponitur benedicta, ac prunæ cum thure. Et profecto aqua benedicta ideo ne ad corpus dæmones accendant, quos hujusmodi aqua abigit ac propellit. So-

A lent enim diaboli sæpenumero in mortuorum desævire corpora, et quod non potuerunt in vita, id faciunt saltem post mortem. Thus autem apponitur propter corporis fetorem removendum, et prunæ ad designandum quod terra illa in usus communes amplius redigi nequeat. Diutius enim carbo sub terra conservatur, quam iilud quidpiam, quod possit isthic, in testimonium relinqu. Hedera vel laurus, quæ in perpetuum frondium servant, viorem in sarcophago prope corpora ponuntur, ad declarandum, quod illi qui moriuntur, in illo vivere non desistunt, quia quantumvis corpore moriuntur, anima tamen vivunt. Alia sane ratione in funeribus habebatur cupressus. Nam quemadmodum hæc cæsa non iterum revirescit, sed tota moritur: ita homo ex eo quod moritur, non rursum reviviscit. Hæc de mortuis dicta sufficiant, ac de festis Quatuor Coronatorum deinceps agamus.

CAPUT CLXII.

De festo Quatuor Coronatorum.

Fuerunt quidem novem, sed quatuor eorum dicuntur Coronati, quod eorum nomina hominibus erant ignota. Hi fuerunt lapicidae, qui venerant ad construendum templum Diocletiani, quod erat Romæ. Sed cum cognovisset eos esse Christianos, martyrio coronati sunt et cum nomina illorum nescientur, dicti sunt Coronati.

CAPUT CLXIII.

De solemnitate beati Martini.

Sciendum vero est de B. Martino quod par et aequalis apostolis sit appellatus pro suscitione quorundam mortuorum, ut plerique arbitrantur, cum idem et multi alii martyres fecerunt et confessores. Verum potius ob quoddam miraculū quod contingit, cum Turonis esset episcopus. Nam cum hibernis mensibus pauper ei seminudus obviam veniret, orans sibi vestimentum dari: accersito archidiacono statim algentem jussit vestiri. Quod cum archidiaconus facere distulisset, irrupit pauper in sacrarium, quod intraverat Martinus conquerens se a clericō dissimulatum, atque aigere deplorans. Eo auditio Martinus illico occulte suam eduxit tunicam, ac suo concessit precatori, petnique ab archidiacono priusquam celebraret tunicam, quam pauperi emere jussерat, atque eam vidēn, hispidam et brevem clanculum induit. Atque ita sane paravit se ad celebrandarum Missarum solemnia. Sed cum ante altare, ut moris est in præfatione, sisteret, manusque ad Dominum sublevaret, ita ut brachia ejus facile, ob amplitudinem et brevitatem manicarum, conspicerentur, illico aurei torques ipsa honeste operuerunt, et supra caput ejus igneus globus visus est. Quo quidem declaratum fuit Spiritum sanctum in eum descendisse, ad confirmationem et robur, sicut in apostolis ipso die Pentecostes. Quapropter ergo non immerito dictus est par apostolis. Fuit autem oriundus ex Pannonia, quæ est prope Austriam, unde etiam fuit B. Hieronymus. Fecit præterea

multa signa et innumera miracula, quæ conscriperunt Sulpitius et Fortunatus, ut qui ipsum multum adamarunt. Quod autem ad officium attinet considerandum est, hunc solum inter confessores institutionis octavas habere, sicut et beatus Laurentius vigiliam, quod ipso die passionis suæ dixerit, quod in ejus festo repetit Ecclesia: *Igne me examinasti (Psal. xvi)*, etc. Sed Martinus in agone mortis dixit astanti dæmoni: Nihil in me invenies cruenta bestia. Ecce quam optime convenient merita. Ergo ille tanquam qui ceteros martyrio longe superarit, vigiliam habet atque hoc confessor cæteris item præstantior, solus habet octavas.

CAPUT CLXIV.

De festo Andreæ et Thomæ apostolorum.

Cognoscere operæ pretium est Andream colore suis nigro, barba prolixa ac statura mediocri. Hoc ideo a nobis dictum sit, ut sciatur qualis in Ecclesia pingi debeat, quod simili ratione faciendum esse in omnibus apostolis atque aliis sanctis. Ceteroquin enim mentiremur in littera laicorum, nempe in picturis. Concionatus autem est in Achaia et Athenis, ac circa illas partes. Valde excellentis fuit meriti, nec id quidem sine causa beatus Gregorius adeo ipsi fuit addictus, ut primum ejus fecerit officium, et monasterium ei condiderit, ubi item et monachus exstitit. Quadraginta mortuos simul suscitavit, quod de nullo alio legitur; filius namque sui hospitis, cum navigaret cum triginta et novem sociis nave fracta submersus est, cuius pater cum misere lamentaretur in littore, misericordia motus Andreas fudit preces ad Dominum, et redditu sunt vitæ universi. Tandem ad se proconsul Ægeas vocavit Andream, ut idolis

A sacrificaret, qui quemadmodum noluit et recusavit, ut in ipsius vita legitur, ita ut eum cruci affixerunt, reclamanti et invito populo. Pependit itaque integro biduo in cruce per transversum ut nonnullis placet, positus. Nihilominus tamen prædicavit, et verbum Dei concionatus est. Tandemque feliciter ad superos migravit. Vigiliam institutionis non habet, quia in tempore est jejuniorum, quare necessesse non fuit, ut ei vigilia institueretur. De beato autem Thoma nihil equidem quod hic dicere necessesse sit habeo, cum vita ejus ex historia, quæ de ipso conscripta est, satis abunde cognosci queat. Hoc tamen adjiciendum putavi, ipsum jejunium institutionis non habere, ob eamdem causam, qua neque Andream habere diximus. Legitur vero hic evangelium: *Thomas unus ex duodecim (Joan. xx).* Qua ratione id fiat satis ex iis patet, quæ supra a nobis dicta sunt.

Totius operis conclusio.

Jam ergo dupli bactenus ratione pro ingenii nostri tenuitate ecclesiastica officia, et quæ ad ea pertinere videbantur exposuimus: primo quidem generaliter, ac deinde etiam specialiter, sigillatim eo ordine explicando quem anni circulus nobis demonstravit. Festa item sanctorum in suo loco, hoc est, eo die quo celebrari consueverunt, commode, ut nos quidem putavimus, reservavimus, ut quo die cujusque festum tieri dicimus, isthic et ejusdem festi ratio haberetur. Nec vero est, quod quis aestimet: ita haec absolute a nobis tradi potuisse, ut in iis nihil plane desideraretur cum divina officia ejusmodi sint, ut plane ac sufficenter in mulus explicari non possint.

ANNO DOMINI MCLXXVII-MCLXXX...

HUGO ETERIANUS**NOTITIA**(FABRIC. *Biblioth. med. et inf. Lat.* III, 292.)

Hugo Eterianus, Etherianus, Heterianus, vitoiose Eretrianus, Tuscus (1), an. 1477 ad Alexandrum III papam, et ad Leonem Tuscum, fratrem suum, et ad Caciaredam (2) ex Constantinopoli, ubi in aula Manuels Comneni versabatur, misit libros III. *De hæresibus, quas Græci in Latinos devolunt*, sive *De processione Spiritus sancti ex Patre et Filio*, adversus errores Graecorum. Inter Alexandri III epistolas undequinquagesima est, qua Hugoni agit gratias. Libri tres illi Latine scripti viderunt lucem Basileæ 1543, atque inde in Bibliotheca Patrum Bigneana an. 1589, eamque secutis Parisiensibus, Coloniensi et Lugdunensi, tomo XXII, pag. 1198, subjecti libro ejusdem Hugonis. *De anima corpore jam exuta*, sive *de animarum immortalitate*, et *regressu earum ab inferis*, ad clerum Pisaniū: qui lucem primum viderat Coloniæ 1540, 8°, repetitus deinde etiam in Orthodoxographis, Basileæ 1569, fol., atque separata.

(1) Inter scriptores Florentinos celebratur a Julio Negro, p. 522.

(2) Apud Trithemium cap. 398, *De S. E. ad Ardinum cardinalem.*